

DE
COMETIS
DISSERTATIO

2

Astronomico-Physica.
PVBLICE HABITA IN GYMNASIO PATAVINO
Anno Domini **M DC XIX.**

^A
IOANNE CAMILLO
GLORIOSO GIFONENSI
Publico tunc temporis eiusdem Gymnasij
MATHEMATICO.

In qua per triplices, easque celebriores hypotheses, vltro
citroque disputatur.



VENETIIS, M DC XXIV.

Ex Typographia Varisciana.

SVPERIORVM PERMISSV ET PRIVILEGIIS.



MARINO GHETALDO

AMPLISSIMO SENATORI

RAGVSINO,

Amico suo plurimum colendo.



Ecimus iam agitur annus, quo clarissimo viro Galileo Galileo in Gymnasio Patauino successus, publicam Mathematicarum professionem suscepi, cuius tandem muneris pertasus de reditu in patriam cogitavi.

Alterius non sit qui suus esse potest.

Decreueram equidem ante meum discessum quasdam Geometricas contemplationes sub tui nominis claritate euulgare, sed quia adhuc postremam manum non viderunt, in illarum locum presentem de cometis dissertationem subrogavi; Esi tuo genio Geometrica fortasse magis arrisif-

sent, praesens tamen disceptatio tibi non minus
cordi erit, ob nobile & famosum eius argumen-
tum, scis enim nostro auro maximam litem et con-
trouersiam versari inter Philosophos & Ma-
thematicos de loco & genesi cometarum; Hanc
quoque disquisitionem iure tibi deberi existima-
ui, ob summam tui in Mathematicis peritiam
& nominis celebritatem; Hoc igitur quaecum-
que sit opusculum mea erga te obseruantia ac
sincera amicitia monumentum extare patiaris.
Vale Patauis die 20. Junij. 1623.

Tuae dignitatis

Studiosissimus

Ioannes Camillus Gloriosus.



C A N D I D O & perito Lectori.



Ypographicæ artis fragilitatem & Typographorum incuriam condonare potius quam damnare satius est ; Cælatorem quoque habuimus non satis idoneum, figurarum linearum at magis literarum non bene expressæ sunt : Ideoque candide Lector te rogatum velim , prius quam librum adeas, Typographi errata & Cælatoris defectus manu & calamo corrigere non dedigneris.

Errata posita sunt ad calcem Libri.



INDEX CAPITVM

per singulos Libros.



Capita Libri Primi.

- 1 **P**refatio explicat occasionem scribendi. pag. 1
Proponuntur cometarum phaenomena ex historijs
& observationibus desumpta. pag. 3
- 2 Adducuntur tres opiniones primariae de cometis,
Chaldaeorum videlicet Peripateticorum & recentium Astro-
nomorum. pag. 16
- 3 Offenditur cometas non esse inania simulacra. pag. 17
- 4 Hypotheses cometarum secundum Chaldaeos. pag. 22
- 5 Saluantur cometarum phaenomena secundum Chaldaeos.
pag. 24
- 6 Non recte per hypothesen Chaldaeorum cometarum phaenomena
excusari. pag. 28
- 7 Chaldaeorum responsiones. pag. 31
- 8 Chaldaeorum responsiones rejiciuntur. pag. 33
- 9 Cometam non esse Stellarum errantium symphasim. pag. 37
- 10 Cometam non esse globum caelestem. pag. 41

Capita Libri Secundi.

- 1 **P**refatio explicat materiam secundi libri. pag. 43
Agitur de mundi sublunaris constitutione & mensura p. 44
- 2 In quantam altitudinem supra terram ascendant terrestres ha-
litus. pag. 52
- 3 Data cometes ab orbe terrae distantia, eius moram supra hori-
zonem determinare. pag. 56
Data

Index Capitum.

- 4 *Data mora supra horizontem, quantum à terris aberis cometes vestigare.* pag. 57
- 5 *Data cometes ab orbe terra distantia, per quos miliaria is conspici possit in diversis terra sitibus.* pag. 58
- 6 *Dato spacio terrestri, in quo à diversis sitibus conspiciatur cometes, quantum à terris ipse aberis vestigare.* pag. 59
- 7 *Quid sit Astronomica parallaxis.* pag. 60
- 8 *Astronomicam parallaxim duplicem esse.* pag. 64
- 9 *Data cometes tum ab orbe terra distantia, tum altitudine supra horizontem, eius parallaxim respectu unius situs invenire.* pag. 70.
- 10 *Data parallaxi respectu unius situs, tum altitudine supra horizontem, quantum à terris aberis cometes, vestigare.* pag. 72
- 11 *Data cometes tum ab orbe terra distantia, tum altitudine supra horizontem unius situs, dataque distantia locorum in superficie terra, eius parallaxim respectu duorum situs invenire.* pag. 73
- 12 *Data parallaxi respectu duorum situs, tum altitudine supra horizontem unius situs, dataque distantia locorum in superficie terra, quantum à terris aberis cometes, vestigare.* pag. 78
- 13 *Data parallaxi respectu duorum situs, tum ab orbe terra distantia, & altitudine supra horizontem unius situs, quantum inter se distent situs in superficie terra, patefacere.* p. 82
- 14 *Data parallaxi respectu duorum situs, atque eorumdem distantia in superficie terra, dataque altitudine cometes supra horizontem unius situs, parallaxim utriusque situs, singularem discernere.* pag. 88

Capita Libri Tertij.

- P**refatio explicat materiam libri tertij. pag. 93
- 1 *Hypotheses cometarum secundum Peripateticos.* pag. 94
- 2 *Salvantur cometarum phaenomena secundum Peripateticos* p. 96
- 3 *Non recte per hypotheses Peripateticorum cometarum phaenomena excusari.* pag. 104
- 4 *Quatuor postremarum rationum antecedentis capitis epilogismus & confirmatio.* pag. 118
Peri-

Index Capitum.

5	Peripateticorum responsiones.	pag. 119
6	Peripateticorum responsiones reiciuntur.	pag. 139
7	Peripateticorum replicationes.	pag. 152
8	Peripateticorum replicationes reiciuntur.	pag. 154
9	Cometam non esse ignem addensatum.	pag. 160

Capita Libri Quarti.

	Praefatio explicat materiam libri quarti.	pag. 161
1	Nullos orbes dari reales & solidos.	pag. 162
2	Astra per se moveri absque orbium ministerio.	pag. 168
3	Sub Luna ignem esse nullum.	pag. 172
4	Mundanum spacium aere replevi.	pag. 182
5	Aristotelis auctorem exilem Astronomiam fuisse.	pag. 189
6	Aristotelis auctorem fortassis cognitam non fuisse Astronomicam parallaxim.	pag. 193
7	Questio de loco cometarum praecedat questionem de materia.	pag. 198
8	Cometarum locum aethereum esse.	pag. 199
9	Quomodo per parallaxes unius situs cognoverint Astronomi cometarum locum aethereum esse.	pag. 202
10	Quomodo per parallaxes diversorum situs cognoverint Astronomi cometarum locum aethereum esse.	pag. 206
11	Accuratam parallaxim observationem difficillimam esse.	pag. 209

Capita Libri Quinti.

	Praefatio explicat materiam libri quinti.	pag. 211
1	Hypotheses cometarum secundum recentiores Astronomos.	pag. 212
2	Salvantur cometarum phaenomena secundum recentiores Astronomos.	pag. 220
3	Obiectiones adversus recentiores Astronomos.	pag. 252
4	Responsiones recentiorum Astronomorum.	pag. 261
	Peroratio totius dissertationis.	pag. 288

Indicis Finis.



IOANNIS CAMILLI

Gloriosi Gifonensis

DE COMETIS

Liber Primus.

P R Æ F A T I O.



Occasione nobilis illius & notabilis
Cometæ, qui effulsit anno 1618.
& à nobis primùm visus die 27. No
uembri, in gratiam studiosæ iuven
tutis imò & totius Gymnasii (ad
initium Quadragesimæ subsequen
tis anni 1619. vnico ferè mense elapso post
eius interitum) publicas aliquas lectiones fecimus:
Exaudierant iam à me pluries recentiores Astrono
mos de Cometis aliter sentire quàm ab Aristotele
scriptum est, quod ipsis nouum ac insolens videba
tur, quapropter omnes summo tenebantur deside
rio intelligendi quid ea de re recentiores Astronomi
opinarentur; quod munus exegi liberrissime, & vt
ipforum voluntati morem gererem magis, genera
lem

A

lem

lem de Cometis dissertationem proposui, breuissime
 tamen ac per viam compendii. Hanc dissertationem
 publici iuris facere numquam fuit animus, semper
 enim damnauimus eorum hominum institutum,
 qui aliena & non propria literis produnt, ea profectò
 mundana luce digna existimamus, quæ prorsus no-
 ua & ab aliis animaduersa minime sunt: Cum itaq;
 — in illis publicis lectionibus nihil noui nos attulisse,
 sed veterum & recentiorum placita dumtaxat expli-
 casse, pro certo constaret, non erat opus isthæc inter-
 æternitatis monumenta referre, sed vicerunt tandem
 studiosorum iuuenum, qui adfuerunt, preces, asseren-
 tum & si noua omnino non sunt, noua tamen vide-
 buntur iis, qui Aristotelicæ Philosophiæ limites non
 egressi aliorum Philosophorum & Mathematicorū
 lucubrationes non perlustrarunt, equidem si tantum
 noua literis mandarentur, paucos vel fortè nullos li-
 bros haberemus, multi sanè laudantur, qui & si noua
 non scripserunt, quia dilucidius & breuius ea propo-
 fuerunt, summas gratias apud posteros meruerunt:
 His rationibus commoti sicut in ipsorum gratiam
 de Cometis publice disseruimus, sic quoque in ipso-
 rum gratiam hanc dissertationem in omnium con-
 spectum euulgare contenti fuimus: Adiecimus
 nunc quamplurima, quædam tunc breuitatis caus-
 sa prætermissa, quædam verò ab aliis in hoc Cometa
 ac in vniuersa Comerica Philosophia diligenter ob-
 seruata, & vt commodius & absq; tædio omnia legi
 possint, præfatas lectiones, quas continuo & ligato
 sermo-

sermone exhibuimus, in quinque libellos & in certa quædam ac distincta capita distribuimus.

Proponuntur Cometarum phænomena.

Cap. I.



Orum, quæ de nouo apparent in sublimi, siue in hoc mundano spacio inter nos & Stellæ fixæ interiecto, duplex videtur esse status atque conditio, quædam enim momentaneam vitam agunt, hoc est sicut cito nascuntur, sic quoque cito intereunt & euanescent, quædam verò diuturniorem habent consistentiam, & ad hoc postremum genus referuntur Comete, qui inter omnia huius generis ostenta principem locum tenent; hinc merito omnium oculos in se conuertunt, & ut ait ^a Seneca, Nemo non scire quid sint desiderat, & aliorum oblitus de aduentitio quærit, ignarus vtrum mirari debeat an timere, nam quamdiu decurrunt solita, magnitudinem rerum consuetudo subducit, ita enim compositi sumus, ut nos quotidiana etiam si admiratione digna sunt; transeant, cōtra minimarum quoque rerum si insolitæ prodierint, spectaculum dulce fiat, Sol spectatorem non habet nisi cum deficit, nemo obseruat Lunam nisi laborantē. Hinc quoque ^b Sextus Empiricus Sol multo certe maiorem obstupesciendi vim habet quàm stella crinita, sed quoniam Solem crebrò videmus, rarò autem stellam crinitam, stella hæc ita nos attonitos reddit,

^a Lib. 7.
Nat. quæst.
cap. 1.

^b Lib. 1.
Pyrrhon.
Hypot. meth.
do 9.

ut ea portendi etiam aliquid à Diis putemus, quod si imaginemur Solem raro apparentem raro occidentem, & ubi simul omnia illustrarit, repente omnibus rursus tenebras inducentem, reperiemus in hac re unde vehementer obstupefiamus: Et profectò illustris & famosa est Cometarum contemplatio propter quamplurimas causas 1. propter magnitudinem 2. propter colorem 3. propter figuram 4. ob raritatem 5. ob durationem 6. ob tempus apparitionis 7. ob situm & locum 8. ob motum, & demum 9. propter grauissimas doctissimorum hominum discussiones, pro quibus omnibus nullum certum dogma, nulla certa regula assignari potest, itaque non male eos sentire crediderim qui nos Cometas admirari non autem explicare posse dicunt, modeste satis ac verecunde ^c Seneca de semetipso. Quæ de Cometis scribimus, an vera sint Diī sciunt, quibus est scientia veri, nobis rimari illa, & coniectare in occulto tantum licet.

^c Lib. 7.
Nat. quest.
cap. 29.

M A G N I T U D O.

NAm si magnitudinē spectemus, varia mole cōspiciuntur, & ut plurimū multiplices illos gradus magnitudinum, quos Astronomi in Stellis fixis notare solent, per similitudinem quamdam æmulari videntur; non desunt qui scribant Cometas ingentis magnitudinis quandoque conspectos esse, refert enim Haly ^d Benrodoan cum iuuenis Astro-

^d Lib. 2.
quadrip. c.
9. in fine.

nomix

nomine operam daret, se Cometam vidisse, cuius pars solida triplo maior erat Venere, atque eius lux quantum si quarta pars Lunæ luceret : Cometes anni 1556. referente *e* Cardano, æqualis fermè fuit Lunæ dimidio : Post mortem Demetrii Syriæ Regis, ait *f* Seneca, paulò ante Achaicum bellum Cometes effulsit non minor Sole; solent nonnulli Cometa partes suas exteriores, quas barbas siue caudas appellant, longe lateque diffundere, sic ait *g* Arist. in Meteoris de quodam Cometa sui temporis, qui per magnum Cæli spatium sparserit partes extremas; Atalo regnante, dicit *b* Seneca, initio Cometes apparuit modicus, deinde sustulit se diffuditque, & usque in Æquinoctialem circulum venit, ita ut illam plagam Cæli, cui lactea nomen est, in immensum extensus æquaret; admirandus quoque fuit Cometes ille Mitridaticus, de quo scribit *i* Iustinus, quod magnitudine quartam Cæli partem amplectebatur, itaque luxit ut Cælum omne conflagrare videretur : Nec Cometa eandem magnitudinem servant diu, nunc eam augent, nunc diminuunt, quidam in principio parui ac exiles sunt, deinde in immensum se diffundunt, ut fuit Cometes iam pridem à Seneca commemoratus, frequenter tamen nonnulli initio magni apparent, postea paulatim minuuntur & decrescunt usque ad apparentem interitum, ut amplius discerni nequeant.

e Lib. 14.
Varie. c. 69

f Lib. 7.
Nat. quæst.
cap. 15.

g Lib. 1. c. 7

b Lib. 7.
Nat. quæst.
cap. 15.

i Lib. 37.
Hist.

kl. 7. Nat.
quasi c. 17.

ET sicut sanè huiusmodi faces, dicebat & Seneca, sunt dispares magnitudine, ita quoque sunt dissimiles colore, alii nanque Cometæ sincero & quasi argenteo effulgent lumine, quidam cruenti sunt & minaces & toruo ac terrifico præ aliis aspectu, aliis rubor inest sine vlla luce, aliis candor & purum liquidumque lumen, aliis veluti flamma & hæc non sincera nec tenuis, aliis liuor & pallor, aliis alio modo.

F I G V R A.

NEc Cometis vna & eadem forma siue figura est, ut modo rotunda appareat, modo curua, modo oblonga, quandoque verò vel instar sparsi capillitii, vel instar barbæ densæ, quandoque vel instar doli, aut lanceæ, aut cornutæ lacunæ, quandoque demum instar alterius valde difformis imaginis; scio equidem Aristotelem duas formas constituisse Cometarum, nam quidam comam vndique circa se sparsam gerunt, quidam verò in longum eam exporrigunt, prioris generis crinitos, posterioris Pogonias appellauit, at Pogonias recentiores in barbatos & caudatos diuiserunt: ° Albertus quinque enumerat cometarum species, p Astrologi septem, at q Plinius decem fecit; existimo tamen Aristotelem regulares tantum Cometæ intellexisse Plinium verò cum Alberto & Astrologis etiam irregulares sua diuisione complecti voluisse; nihilominus recentiores plerique has Plinianas & Astrologicas formas ad Aristotelæas de facili reducunt, de qua reductione inter cæteros

n lib. i. Meteor. cap. 8.

o lib. 1. Meteor. ar. 3. cap. 10.
p Ex M. Zaldo lib. 1. Cometogra. cap. 10.
q lib. 2. c. 25.

consulendus est ^r Keckermannus in suo Physico sy- ^{r li. 6. pag.}
 stemate, & Grifaldus in sua Cometologia: sed illud ^{707.}
 in primis silentio præteriri non debet, quod maxime ^{s ca. 6. pag.}
 stupendum est in Cometis, caudas nimirum Come- ^{59.}
 rarum à Sole auersas esse, quod ^r Petrus Appianus & ^{r Ex Ty-}
 Gemma Frisius in Germania, Fracastorius & Carda- ^{chone lib. 2.}
 nus in Italia primi animaduertunt, hi inquam pri- ^{pag. 161.}
 mi in obseruatione Cometæ, qui effulsit anno 1531.
 & in quibusdam aliis sequentibus hanc nobilissimã
 apparentiam cognouerunt & mortalibus significa-
 runt, quamuis hoc idem prius obseruatum fuisse in
 Cometa anni 1472. commemoret ^{u Homot.} Fracastorius;
 contendit tamen ^{scilicet. 3. c. 23.} Bodinus hoc non esse vniuersali-
 ter verum, dum inquit. Illud quidem in Cometis ^{x lib. 2. The}
 orientalibus ac stantibus sæpius animaduertitur, sed ^{at pag. 220}
 in reliquis falsum comperitur: sed id profectò quod
 magis mirum est tot viri neglexerunt, Cometarum
 neque caudas plerumque à Solis diametro declinare,
 hoc est curuas & inclinatas versus horizonté videri.

R A R I T A S.

INter omnia Meteora maximè rarum est Come-
 ta, neque enim à Christo nato in historiis plures
 facile reperies Cometas, quam 117. inter quos tamen
 multi dubii sunt, vtrum re vera Cometæ fuerint, an
 stellæ quædam extraordinariæ, tot enim in catalogo
 Cometarum descripsit ^r Ludouicus Lauatterus; in eo ^{r Ex Keck-}
 catalogo omnes ferè Cometæ numerantur, qui ab ^{erm. lib 6}
 Augusto (quo imperante Christus natus est) vsque ^{Phy. Syst.}
 ad annū 1556. apparuerunt: Credo equidem quod ^{pag. 690.}

A 4 multo

multo plures effulserint Cometæ à Lauattero fortè nō animaduersi, vel ab Historicis non commenorati; missos quoque facio in præsentia quamplures alios Cometas, qui cum in altera mundi plaga nobis non conspicua suum ortum & natalem habuerint, versusque partes Australes cursus suos instituerint, à nostris regionibus videri nullo modo potuerunt: Huius catalogi continuatio hæc est, quod ex illo tempore vsque ad præsentem diem (quod ego sciam) 14. alii effulserint Cometæ, hi visi sunt singuli in annis 1558. 1572. 1577. 1580. 1582. 1585. 1590. 1596. 1600. 1604. 1607. & 3. in præsentī anno 1618, sed qui apparuerunt in annis 1572. 1600. 1604. tum in cathedra Cassiopeæ, in pectore Cygni, & in pede Serpentarii, potius nouæ stellæ ab Astronomis existimantur quàm Cometæ: Raritatem Cometarum hoc non tollit, quod interdū duo & forte plures anno vno, imò vno & eodem tempore visi sunt, nam & hoc ipsum rarissime accidit, Cometas plures vno sæpe visos esse ipsemet in primis testatur^a Aristo. ^b Scaliger duos ait simul vidimus Cometas diuersa latitudine, vnū matutinum, alterum vespertinum multis diebus: ex^c historiis habemus Caroli Martelli ætate duos visos esse infra 14. dies, at hoc anno tres apparuerunt, primus Augusto mēse ortus per Septembrem obscurissimus fuit, secundus & tertius conspecti sunt mēse Nouembri, secundus sola cauda, nec vltra finem Nouembris, tertius cum stella & cauda clarissime per totum Decembrem vsque in bonam partem Ianuarii.

^a lib. 1. Meteor. cap. 7.
^b Exerc. 79
^c Pan'us
 Camillus
 de rebus
 suis Franco-
 rum lib. 2.

D V R A T I O.

QVorum Cometarum durationem siue moram certum tempus definire non potest, alii nãq; diutius durant, alii citius evanescent; tamen ex *d* Seneca non contemnendum theorema possidemus, quod nullus Cometes ultra sex menses durat, tot enim mensibus Cometes sub Nerone visus se spectandum præbuit, quod sanè intelligendum est de maxima mora, plerumque autem finiuntur ante trigessimum diem, sed nunquam ante septimum ex *e* Plinⁱ & *f* Cardani decretis: quædam tamen occurrunt exempla eaque rarissima, anno videlicet 1527. terribilis apparuit Cometes, duravitque hora vna & quarta eius parte, vidit hunc Petrus Creusser Astronomus apud *g* Kœrmanum; referunt *h* Conimbricenses, Cometam quemdam, qui se paulò ante supra horizon-
 tem extulerat, subito dissipatum ex oculis evanuisse: legimus quoque quasdam faces extraordinariam durationem habuisse, scribit *i* Iosephus paulo ante excidium Hierosolymæ, per totum annum Cometam gladio similem in cælo conspectum esse; hanc faciem Cometam nō fuisse existimat *k* Tycho, sed potius singulare quodam portentum diuinitus ordinatum, Oportebat enim inquit hoc igneum portentum, quod vrbi imminebat, non longe remotum fuisse à vertice vrbis Hierosolymitanæ, aliàs non magis hanc quam aliam Iudeæ indicasset, in cælo aut etiam aere supremo, vt volunt Peripatetici, mo-

d Lib. 7.
Nat. Quæst.
 cap. 12. 21.

e Lib. 2.
 cap. 25.
f In *Quadruplici* *Prolog.*
 lib. 2. sex.
 53.

g Lib. 6.
phy. syst.
 pag. 680.
h *Meteor.*
 trac. 3. cap. 3.

i Lib. 7. de
bello Iudai
 co cap. 17.

k Lib. 1.
 pag. 330.
 626.

re aliorum Cometarum motu diurno reuolutum, ipsa etiam tunc nimia distantia nequaquam peculiariter aliquem & vnicum in terris locum designante. Notissimum quoque est stellam illam, quam ætas nostra vidit anno. 1572. sexdecim integris mensibus in Asterismo Cassiopeæ permansisse, imò quod magis mirum est, Stella quæ apparuit in pectore Cygni anno 1600. non dum euauit; Sed admiratione quoque dignum est quod narrat Arist. in Meteoris, Cometas sine occasu occidere, hoc est Cometæ non occidunt vt reliqua sidera, euanescent enim siue effugiunt nostrum aspectum cum adhuc sunt in alto cæli loco supra horizontem, Stellæ nanque non antea nostro aspectui succedunt, quàm infra nostrum hemisphærium demersæ fuerint: (hunc Aristotelis locum sic intelligendum esse puto, hoc dico nam quidam Peripateticus aliter illum interpretatur, quando enim ait Arist. omnes Cometas sui temporis à se visos, disparuisse sine occasu in loco supra horizontem consumptos paulatim, credit ipse Aristotelem dicere voluisse, Cometas illos maxime Septentrionales fuisse, nam Stellæ quæ non occidunt infra horizontem, maxime Septentrionales sunt, hæc quidem interpretatio contra mentem Aristotelis est, nā ibi philosophus non loquitur de mundi loco, in quo apparent Cometæ, num is sit Meridies, Septentrio, ortus vel occasus, sed disputat cum Democrito, qui putabat Cometas fieri ex coalescentia plurium Stellarum, asserbat hoc Democritus, quia obserua-

uit

Lib. i. c. 7.

uit ipse ex dissolutione siue interitu Cometæ quas-
dam Stellæ derelictas fuisse, ad quod destruendum
ait Arist. omnes Cometæ sui temporis paulatim ex-
tinctos fuisse in loco supra horizontem, hoc est visi-
bili, absque occasu, hoc est antequam occiderent si-
ue descenderent infra horizontem, & tamen nullum
derelictum fuisse alterum post extinctionem siue in-
teritum Cometæ: Et profectò si Arist. hoc modo in-
telligendus est, ut hic author contendit, tunc Philo-
sophus prima Astronomiæ rudimenta prorsus igno-
rasset, quod de tanto viro dicere nefas putamus, nam
si accipiamus magnum Cometam, qui apparuit re-
gnante Athenis Aristeo, ait Arist. quod hic extin-
ctus est ad zonam Orionis, sed Stellæ, quæ sunt in zo-
na Orionis, imò totus Asterismus Orionis oritur &
occidit in horizonte Athenarum & totius Græciæ,
ergo cometes ille non fuit in mundi parte Aquilona-
ri non occasura; satis vulgaris est regula Astronomi-
ca, quod quando complementum declinationis ali-
cuius astri maius est latitudine regionis, tunc illud
astrum oritur & occidit in illa regione, latitudo Athe-
narum est P. 37.15. Stella prima trium fulgentium
in zona Orionis declinationem habet P. 5. 53. ergo
eius complementum P. 84.7. maius latitudine Athe-
narum, quare Cometæ, qui extinctus est in zona O-
rionis, oriebatur & occidebat Athenis, ergo Arist.
per verba illa absque occasu, non intelligit Cometas
à se visos in illa mundi parte constituisse, quæ nunquā
venit ad occasum: Neque interpretatio ^m Kepleri
meo

meo quidem iudicio amplexanda est, qui putat Aristotelem ibi Pythagoræos refutare, negabant Pythagoræi Cometas extinguï, sed certa lege sub Solem recipi, indeque rursus prodire, allegantes crebram experientiam Cometarum sub Solis radios occultatorum, explicat ergo Keplerus verba illa sine occasu, idest quosdam Cometas esse extinctos, cum non conderentur sub Solis radios, hanc interpretationem refutant Aristotelis ipsamet verba satis clara, Ad hæc autem omnes, qui nostris temporibus visi sunt, sine occasu disparuerunt in loco super horizontem consumpti paulatim, ita ut neque vnius Stellæ derelingeretur corpus neque plurium, Et profectò si Arist. hæc dicere voluisset, ut opinatur Keplerus, ad quid erat opus aducere illa verba, Ita ut neque vnius Stellæ derelingeretur corpus neque plurium, apparet manifestò Aristotelem Pythagoræos non refutare, sed Democritum, ut nos exposuimus) Cometas sepe euas-
n Li. 1. Meteor. cap. 8. nescere quoque n ait cum ad Eclipticam accedunt.

TEMPVS APPARITIONIS.

TEmpus quo oriri & apparere solent Cometae incertum est, rarò fiunt tempore verno, rarius æstate, rarissime hyberno, at frequentissime Autumno, circa Aequinoctium aut paulo post, quamuis non desint exempla, quod Cometae apparuerint & æstiuo & hyberno tempore, nam ipsemet Arist. fatetur tempore magni illius terremotus in Achaia, quo insignes vrbes Buris & Helice fluctibus marinis mergæ sunt, ingentem æstiuo tempore Cometam ortum esse

esse, & rursus imperante Athenis Molone altitum
 mense Ianuario.

LOCVS ET SITVS.

PLerunque Cometæ generantur secundum p Ari- <sup>p Lib. 1. Me
 teor. cap. 8.
 §. 10.</sup>
 stotelem extra Zodiacum & Tropicos, idest non
 circa medium cæli, sed circa partes & plagas cæli ex-
 teriores, interim tamen medio quoque cælo atque
 adeo sub ipso Aequatore Cometæ generati sunt ip-
 somet Aristotele consistente, nam cometes ille iam
 pridem memoratus, sub quo Buris & Helice mer-
 sæ sunt, sub Aequatore ortus est, item qui apparuit
 imperante Athenis Molone suum ortum habuit cir-
 ca Tropicum hyemalem, Sole ibidem versante; Co-
 metes cuius meminit q Nicephorus visus est circa <sup>q Lib. 12.
 Histor. Ec-
 clæs. c. 37.
 r Ex Ke-
 kerm. l. 6.
 Pby. syst.
 pag. 677.
 s kx Bodi
 li. 2. Theat.
 pag. 219.</sup>
 Zodiacum circulum; exemplum r simile Cometæ
 circa medium cæli apparentis fuit anno. 1521. co-
 metæ r anni. 1472. & 1556. sub Aequatore conspe-
 cti sunt; sed derelictis veterum exemplis, nonne hic
 noster Cometes inter zodiacum & Aequatorem ap-
 paruit? fuit eius prima visio ad lancem Borealem Li-
 bræ: Et quamuis Cometę generari possint sub omni
 bus mundi partibus, nempe ortu, occasu, Meridie &
 Septentrione, vt plurimum tamē sub ipso Septentrio-
 ne, cum r Aristotele consentit n Plinius, aliqua tamen <sup>r Li. 1. Me
 teor. cap. 7.
 u Lib. 2. ca.
 25.</sup>
 eius parte non certa, sed maxime in candida, quæ la-
 ctei circuli nomen accepit: lapsus fuisse Plinium pu-
 tat Iacobus Vuillichius apud x Keckermanū, cū scri-
 pserit Cometas nunquam in occasura cæli parte esse, <sup>x Li. 6. pb.
 syst. pag.
 677.</sup>

hoc

hoc est Cometas non generari in occasu siue versus occasum; de Plinio sanè hoc respondendum aut scripsisse eum quod apparentiæ contrarium est, aut imposuisse ei quod est apud Aristotelem euanescere sine occasu, ex his verbis non sequitur nullum Cometam esse occidentalem, Arist. autem non scribit aliud nisi hoc, omnes suæ ætatis Cometas sine occasu euanuisse, idest super horizontem antequam exciderent expirasse. Vel fortè dicere voluerit Plinius quod Cometæ non videantur vel videri non possint in occasu, quia eorum color siue lux in tali cæli loco obscuratur & hebescat, quemadmodum interpretatur Tycho, tamen cum hi ipsi Cometæ, inquit, ut cælestis naturæ participes, stellarum mundo coæuarum speciem non referant, sed obtusiore obscurioreq; vultu hebescant, ideoq; à veteribus nunquam in occiduo cæli cardine cerni prolatum esse auguror. Ad occidentem autem Cometas generari, docent Cometæ qui visi sunt in annis 729. 1097. 1538.

y Lib. 1. p. 2.
299.

z Ex Ker-
ker man. li.
6. Phy. Sys.
pag. 677.

M O T V S.

SEd quis inter cætera non admiretur vagum illum & in comprehensibilem Cometarum motum? qui ad certas normas siue regulas reduci vix potest (quamuis de motu Cometarum certam hypothesim dari posse scripserit Tycho) quosdam enim videbis tardius moveri, quosdam verò incredibili celeritate agitari, nonnulli initio velociore quam in fine, alii in principio & in fine tarde mouentur, in medio

a Lib. 1. pag.
753.

dio velocissime, ita sanè celeriter nonnulli progrediuntur, ut cum ad occidentem apparere incipiant, intra paucos dies Solem ita anteuertant, ut matutini orientantur, qualis fuit Cometes ille, de quo scribit Niphus apud ^b Scaligerum. Quippe quo tempore Carolus Rex inuasit Italiam, visus fuit Cometes in ^b Exercit. 79. occasu Solis, qui paucis post diebus Solem antegressus est, hinc vnus idemq; Cometa & orientalis & occidentalis vnus paralleli incolis apparere potest, quod qui nesciuerunt, aut non satis considerarunt, ita decepti sunt, ut vnum eundemq; Cometam pro diuersis habuerint, & duos esse scripserint qui vnus fuit; At manifeste obseruatum est Cometæ plerumque vario ac multiplici itinere progredi, minimeque conuersione simplici, qua in orbem cum omnibus astris rapiuntur, acquiescere, imò Planetarum more quosdam secundum seriem, quosdam contra seriem signorum agitari, quosdam verò stationarios siue prorsus immobiles existere; frequenter tamen mouentur Cometæ ab Austro in Septentrionem vel contra, secundum mundi latitudinem ad ortum vel ad occasum defleſtendo. Sed illud tandem adiungendum est, in quibusdam Cometis caudæ motum à motu capitis varium ac diuersum visum fuisse, talis fuit motus, referente Cardano, Cometæ anni 1475. à Regiomontano obseruati, quod sanè magis admirabilem reddit hanc Cometarum contemplationem.

*6 In Quad.
Prot. lib. 2.
cap. 54.*

Hæc

HÆc enim sunt illa celeberrima Cometarum phænomena, de quibus tot volumina conscripta sunt, ac de quibus tot insignes viros per omnia sæcula sollicitos fuisse legimus: fateor quidem has omnes circumstantias siue capita iam vobis proposita me breuiter perstrinxisse, nec aliter facere in hac summaria dissertatione mihi vilum est opportunum: Astronomorum more hæc vobis exhibui-
nus, Astronomi enim prius proponunt phænomena, deinde constituunt legitimas hypothesas, quarû ope & auxilio cælestium apparentiarum reddere possint rationes: Quæ sint Cometarum phænomena iam exaudistis, oportet nunc de congruentibus hypothesibus non leuem habere cogitationem, Cometarum hypothesas tunc legitime constitutas esse opinamur, cum de ipsorum essentia siue materia, deque loco generationis eorundem fideliter constiterit, & hæc sunt duo illa primaria capita, quibus hæc contemplatio innititur & fulcitur, de quibus accurate & candide secundum nostri ingenii vires & industriam, vt vobis & nostro muneri satisfaciamus, per aliquot breues & forte non iniucundas lectiones differemus.

De Cometis opiniones primaria. Cap. II.

Variæ, multum ac diuersæ sunt opiniones & sententiæ cum veterum tum recentiorum sapientum de natura & essentia Cometarum, pro quibus curiosi consulere poterunt Aristotelem
in

in primis Plinium, Senecam, Plutarchum, & quosdā alios & si minoris nominis, qui peculiaries de cometis libellos ediderunt, nos tamen celebriores opiniones recensebimus, quæ suos sequaces habent & fautores, & profectò tres tantum sunt. Prima & antiquissima est Chaldæorum, asserentium cometas stellas errantes esse. Secunda & in scholis frequentissima est Peripateticorum, qui volūt cometas esse terrestres halitus accensos. Tertia & nouissima est recentiorum quorundam Astronomorum, qui putant cometas de cælesti siue ætherea constare materia, tamen à Sole illustrata: Hæc sanè partitio opinionum trimembris è nō contemnendo ratiocinio suum habet fundamentum, nam cum cometa sit de genere apparentium, vel itaque est tantum emphasis & simulacrum, vel realem habet hypostasim, si realem habet hypostasim, vel est corpus æternum vel temporaneum, si corpus æternum, vel astrum vel astrorum symphasis, si corpus temporaneum, vel accensum vel illustratum.

Cometa non sunt inania simulacra.

Cap. I H.



Rafatæ opiniones concordant in hoc, quod cometa sit de genere realiter apparentium, at nullus veterum (quod sciam) ostendit Cometas, inter inania simulacra omni ex parte numerari non debere, quod profectò erat

B

illis

d. 1. lib. 1.
Astron. e-
NAM. 2. 1.

illis faciendum, vix tandem inter recentiores adin-
uentus est Marius Guiduccius, qui referente d. Lortha-
rio Sarisio lumen hoc nempe cometas ex eorum gene-
re esse, quæ per alterius luminis refractionem osten-
tata verius, quàm facta, umbræ potius luminosorum
corporum, quàm luminosa corpora dicenda viden-
tur, qualia sunt Irides, Coronæ, Parclia, aliaque hoc
genus multa: Videndum itaque est in primis num
cometes sit nuda imago vel aliquid reale, quod sit nu-
da imago, vel idolum ex conspiciatur, quia similitu-
dinem quandam habet cum Iride, Halone, Virgis &
Parclis, quæ corpora realia omnino non sunt, sed o-
culorum potius ludibria ac spectra, omnia enim ist-
hæc ut comete colorata apparent, & aliqualem reti-
nent distinctitatem, tamen quod cometes in horum
numero collocandus non sit, nec quod eodem modo
generetur, nec quod eodem loco appareat, sic cū eo-
dem Lorthario Sarisio & aliis persuaderi potest:

Irides, Halones, Virgæ, Parclia, & reliqua hu-
ius generis ostenta ut fiant, requirunt materiam tori-
dam atque humidam, quæ illico huiusmodi spectra
facere est idonea, cum in aquam proxima sit abitura,
nam tunc humor illè politorum ac perspicuorū cor-
porum naturam imitatus, versus tamē illas partes ad
quas reflexiones seu potius refractiones vergunt, re-
fractum lumen reflectit ac vibrat, & hoc modo ge-
nerantur illæ imagines & idola: Cum itaque hæc
materia humida sit atque aquæ, & consequenter gra-
uescens, nō potest illam aeris regionem transcurrere,
quæ

quæ huiusmodi concrectionibus destinatur, est enim isthæc æris regio satis terris vicina, at cometæ cōspiciuntur per multam distantiam supra hunc aerem, imò in confinio cæli cum sideribus facillime ascendant, ac sublimia petunt, potius ergo ex leuissima quam ex graui constare materia dicendum est, non ergo cometæ per reflexionem vel potius refractionē alienæ lucis ex tali torida & humida materia fiunt, nec inter spectra numerandi.

2 Quæ realem non habent consistentiam, sed tantum per emphasim apparent, diuturna non sunt, cito dilabuntur & intereunt, varias formas induunt & mutant, nec eadem lucem vel splendorem diu conservare possunt, sed contra cometæ, non ergo cometæ sunt de genere harum illusionum.

3 Quæcumque per refractionem luminis videntur, hanc habent perpetuo comitantem conditionē, quod luminosum corpus, ex cuius lumine propagantur, sequaci obsequentiq; motu prosequuntur, hoc manifesto apparet in Iride, Corona, & reliquis huius generis apparentiis, sed in cometis hoc non cernitur, nam quando Sol verbi gratia mouetur in Austrum, cometes quandoq; in Septentrionem pergit, ad quod ostendendum sufficit noster cometes, qui a nobis primum visus die 7. Nouembris, Sole tunc Sagittarii quintum ferè gradum occupante, Sol enim gradatim versus Capricornum hoc est versus Austrum procedebat, at cometes in omnibus sequentibus diebus totæ suæ vitæ cursu semper ad Septentrionem de-

uolutus est, nullam ergo cometæ congruentiam habent cum Solis motu, qua propter non erunt de genere refractorum luminum.

4 Apparentia simulacra ad determinatū ac certum angulum spectantur, ibique videntur ubi huiusmodi angulus constituitur, & hæc est causa secundum Opticos cur Irides & Coronæ in roridis nubibus aut penitus circulares aut per circularia interrupta segmenta conspiciuntur, quia in pluribus locis earum nubium circulariter dispositis determinatus iste ac certus angulus efformatur; Sed certo constat Cometas hoc vel simili modo nunquam comparuisse, quare inter Cometas & Irides vel Coronas nulla intercedit similitudo, non erunt itaq; Cometæ simplicia simulacra vel vana oculorum ludibria.

• Vitell. li.
10. Maurel.
lib. 2. Diaphan.

5 Si Cometes omnino phasma esset aut visus fallacia, diuersis diuerse appareret, & aliquibus etiam neutiquam, prout se haberet positus visus, mutatio locorum & oculorum dispositio, at Cometæ a diuersis etiam in diuersis regionibus eodem modo conspiciuntur, ergo Cometes phasma non erit aut visus fallacia, sed potius quid subsistens ac reale.

6 Et profectò si sensuum iudicium spectemus, cometæ ut realia corpora & non ut illusiones & phantasmata oculis nostris obiiciuntur, nam quæ secundum phantasiam videntur, ait Snellius, in aere nobis vicino spectari Optica docet & experientia confirmat, Soles gemini nisi in nubilo non cernuntur, quibus

• De Comet.
lib. 1. c. 5.

bus locis serenum est, nihil huius videtur, Irides ita vicinæ etiam sunt, ut cum manente loco maneant, cum discedente discedant, atque ideo iure merito tantum secundum phantasia m videri dicuntur, cum eo loco quo apparent præter roscidum aerem nihil inuenias, at Cometæ à nobis cum longissime distent, cò viuatiores & splendidiore effulgent, quò aer siue æther purior ac defæcator fuerit, signum manifestum Cometæ non esse spectra ac vana oculorum ludibria & illusiones, quemadmodum Irides, Halones, Virgæ & Parelia, nec eodem modo generari, nec eodem loco apparere, sed realem ac per se subsistentem in sublimiori aere vel æthere habere consistentiam & hypostasim.

Conclusio I.

SVnt ergo Cometæ corpora realia ac realiter apparentia, quare vel erunt corpora æterna nempe astra, ut opinantur Chaldæi, vel temporanea siue de nouo genita, ut credunt Peripatetici & Astronomi.



Hyppoteses Cometarum secundum Chaldaeos,
Cap. I V.

g lib. 1. c. 7



Ythagorzi, qui ante Aristotelis ætatem floruerunt, & quorum ipse meminit in *g* Meteoris, opinati sunt Cometas esse quosdam Planetas, siue quosdam astra errantia distincta à reliquis iam vulgatis, quæ parum à Sole digrediuntur, ideoque post longa temporum intervalla propter Solis viciniam apparentia, sic etiam accidit Mercurio, qui dum prope Solem versatur, ut plurimum sub Sole desitescit, apparet tunc cum à Sole remouetur, de qua re testimonium quoque perhibet *b* Plinius, sunt inquit qui & hæc sidera perpetua esse credunt, suorumque ambitu ire, sed non nisi relicta à Sole cerni.

h lib. 2. c. 25

h. 7. Nat.
 quæst. ca. 24

Cometas inter stellas errantes à Chaldæis numerari testatur Stobæus in Eclogis physicis, ultra Planetas, inquit, alias stellas esse aliquando remotas, & sic occultas, aliquando conspicuas, cum ad inferiores mundi partes descendunt, vocari autem Cometas ab iis, qui nesciunt stellas esse: Chaldaeos imitatus est *i* Seneca, qui credit plures alias stellas, vagas dari de quarum grege Cometa est, præter eas quæ ab Astronomis recensentur, Credis autem, inquit, in hoc maximo & pulcherrimo corpore (nempe celo) inter innumerabiles stellas, quæ noctem decore vario distinguunt, quæ æra minime vacuum & inertem esse patiuntur, quinque solas esse, quibus exercere se liceat, cæteras stare fixum, & immobilem populum?

g lib. 1. c. 7

h lib. 2. c. 25

Disse-

37 Differunt Pythagoræi à Chaldeis in hoc, quia volunt illi Cometam unicum tantum esse Planetam à iam vulgatis distinctum, raroq; apparentem, at hi Cometæ putant aliud genus esse planetarum variū ac numerosum; Pythagoræos recte cōfutauit Arist. *lib. 1. Meteor. cap. 7.* ynam & eandem stellam errantem esse non posse cometam, quia Cometæ plures vno simul facti sunt sæpe: Chaldeorum verò opinionem tanquam firmiorem & apparentis magis consentaneam recentiorū quidam cum Apollonio Myndio Chaldeorū alumnō libenter amplexati sunt, existimant hi re vera cometæ stellas errantes esse, numero indefinitas, moueriq; in magno epicyclo, quorum apparentiæ vt in reliquis familiaribus planetis sit, commode excusari possunt.

Hæc inquam hypothesis erronea & absurda censei non debet, Democritus quoq; subtilissimus antiquorum omnium, dicebat Seneca, suspicari ait se *lib. 7. Natur. quest. ca. 3.* plures stellas esse quæ currant, sed nec numerum illarum posuit nec nomina, nondum cōprehensis quinque siderum cursibus, confirmat hoc Cleomedes, *lib. 1. c. 3.* cum ait, & in fixarum quidem cælo stellarum immensa quædam multitudo est, errantes vero incertū adhuc æque plures, sed septem solæ nobis hæcenus innouerūt, Acriter disputat Phauorinus apud *lib. 14. c. 1.* Gelium plures esse planetas adhuc non cognitos, asserit Alpetragius apud *lib. 8. contra Astron. cap. 1.* Picum adhuc in cælo latere motū, qui nescitur, quare potest & corpus inibi esse, cui potissimum motus ille conueniat, nulla artis adhuc

p. cap. 52.

obseruatione deprehensum, quod libenter quoque amplectitur p. Albategnius, & ipse quoque magni nominis apud Arabes Astronomus. Quam veritatem nostris temporibus tubus Opticus cum omniū mortalium admiratione patefecit, quo duce plures errantes & non errantes stellas numeramus, veteribus, prorsus inuisas & inauditas.

Crediderunt omnes hi Philosophi cometas de genere astrorum esse, forte ex figura & luce astris prorsus simillima, & quod eodem modo oriantur & occidunt cum astris, at quod cometæ in cælo sint, perque cælum expatiantur, id per nullas Mathematicas dimensiones, vt erat opus, comprobarunt.

Saluantur Cometarum phenomena secundum Chaldaeos. Cap. V.

Variant in primis Cometæ magnitudinem & colorem, quia re vera varii sunt magnitudine & colore, quemadmodum & ordinarii Planetæ, cum quibus hoc etiam commune habent, quod maiores & lucidiores apparent, cum fuerint Perigæi, hoc est cum terris appropinquauerint, minores & obscuriores Apogæi, hoc est cum à terris maxime distauerint, & si nobis videretur quod quandoque magnitudinem mutet, hoc profecto contingit, quia propter illum circumfusus iubaris splendorem, Cometæ globum libere discernere non licet.

Conspiciuntur tamen Cometarum quidam vere criniti, quidam vere oblongi, talis equidem ipsorum facies

facies est & constitutio, nec mirum quemadmodum dicebat Seneca, Sol radios suos longe lateque dimittit, ceterum ipsi alia est forma, alia ei, quod ex ipso fluit lumini, sic Cometarum corpus ipsum cernitur datur, splendor autem longior quam ceterorum siderum apparet; At Hippocrates Chrysippus atque Aeschylus huius Comæ vel sylvæ aliam causam assignabant, nempe comam non de astri substantia, nec ab astro fluere, sed nudam quamdam speciem esse & imaginem, viderique tantum secundum apparentiam, nam cum hoc astrum vapores attrahat, nostra visio dum in astrum fertur, in præfatos attractos vapores impingens refrangitur ad Solem, ex qua refractione splendoris ille fluxus elucescit, hic in quâ splendoris fluxus si uniformiter ac circumquaque astrum coronat, crinitum cometam, si per longum & ad partes extenditur, barbatum siue caudatum facit: Quandoque cauda siue barba à Sole auertitur, nam siue splendor sit ab astro fluens, siue per refractionem genitus, qui versus Solem est à Solaribus radiis consumitur & dispergitur, in parte verò contraria & Soli auersa splendor ille Solis fulgore ac vigore destitutus libere cernitur: Inflectitur & inclinatur aliquando versus terram cauda, quia forte halitus fræ vapores, in quos Comæ splendor incurrit, vel in quos refrangitur ad Solem visus, tunc temporis in ære sic dispositi sunt.

Raro apparent Cometæ, quia plerumque tanquâ à terris remotissimi inconspicui sunt, tunc solum videntur.

q. li. 7. 2. a.
quest. c. 26.

ex Arist.
lib. 1. Meteor.
cap. 7.

Chri

dentur, cum versus terram descenderint, plerique quoque vel propter paruitatem vel propter Solis viciniam non conspiciuntur; Sed quia ingens est ipsorum epicyclus, quantum ergo portio huius epicycli, quæ prope terram est, maior vel minor fuerit, tanto magis vel minus durabunt, ac supra nostrum horizontem commorabuntur; deficiunt paulatim ac minores euadunt Cometæ, quia paulatim ascendendo à terris elongantur, donec abque occasu supra horizontem adhuc existentes eualescunt, absconduntur sanè, sed non extinguuntur, cum in suam regionem ætherisq; profundum secesserint, piscium instar, qui quamdiu in summa natant aqua cerni possunt, ut se demittunt oculos effugiunt, sic quoque Marti pluries conzigisse legimus, hic enim quandoque tam à terris recedit, ut prorsus oculis notari non possit; absconduntur etiam atque amplius non conspiciuntur Cometæ, cum ad Eclipticam accesserint, cum propter Solis præsentiam, tum quia à Solaribus radiis destruuntur halitus, à quibus per refractionem luminis, vel per refractionem ad Solem cauda siue coma enasci solet.

Et si frequenter Cometæ Autumni tempore apparent, dicendum est quamplures esse Cometas, qui in Autumno eam sui epicycli portionem percurrunt, quæ versus ac prope terram est, tamen alios non deesse quamvis non ita numerosos, qui in æstate, Vere vel Hyeme consimilem sui epicycli portionem peragrantes, in eisdem temporibus visibiles fiunt: Rarò

intra ac sæpe extra Zodiacū & Tropicos Cometæ vi-
suntur, magisq; versus Boreā & maxime in via lactea,
quia per illam mundi partem plurimorum eorum
cursus est, non negaverim tamen quamplures alios
versus Austrum suum iter peragere, quia nobis Se-
ptentrionalibus rarò vel nullo modo videri possunt;
Vel secundum Hippocratem Chium atq; Aeschy-
lum pauci intra Tropicos cernuntur cometæ, quia
ab illis adustis regionibus halituum copia deduci at-
que attrahi non potest, à quibus per refractionem ad
Solem comætes ipse, seu potius eius coma vel syrma
generatur, sed extra Tropicos bene quidem, præsto
ibi sunt ac præsentanei vapores; nobis tamen Septen-
trionalibus dum versus Austrum expatiatur come-
tes minimo, dum versus Boream maximo temporis
spatio conspicuus euadit, nam cometes extra Australis
Tropici metas euagatus, parum se se conspiciendū
præbet, breues enim sunt quos tunc motu diurno su-
pra horizontem describit arcus, ideoq; humor attra-
ctus, si tam alte supra terram eleuetur, breui tempo-
ris spacio nostrum visum refrangit ad Solem; dum
verò Borealem Tropicum transenderit maxime cō-
spiciuus fit, ampliores enim sunt quos tunc decirci-
nat arcus supra horizontem, ideoq; humor attra-
ctus maiori temporis spacio nostrum visum refran-
git ad Solem, per quam refractionem cometæ coma
vel syrma cernitur.

s ex Arist.
lib. 1. Me-
teor. cap. 7.

Mouentur tandem cometæ secundum mundi la-
titudinem à septentrione in Austrum vel contra ver-
sus

lus ortum vel versus occasum deflectendo, vel alio quouis modo, quia talis est illorum proprius motus, in quo absolviendo ut reliqui planetæ nunc secundū nunc contra seriem signorum concitantur, itemque nunc velociores, nunc tardiores, nunc stationarii siue immobiles fiunt: De motu Cometarum diurno ab ortu in occasum nulla nos conturbare debet dubitatio, hic enim extraneus est ac omnibus astris communis: Nec mirum quandoq; Cometæ caput alium ac diuersum à cauda motum exercere, nam fieri potest quod halitus siue vapores, à quibus per refractionem luminis, vel per refractionem ad Solem cauda exoritur, nec inter se nec cum ipso capite continuentur.

Non recte per hypothesēs Chaldaeorum Cometarum phenomena excusari.

Cap. VI.



Haldaeorum hypothesēs prima facie quamuis idoneæ videantur, nihilominus admittendas non esse sequentes persuadent rationes.

1 Duplex in cælo effulget astrorum genus, quædam enim astra semper eandem inter se distantiam tuentur, quædam verò mille modis variant distantias & intervalla, hinc illa fixa, hæc errantia veteres appellarūt, errantium siderum via & semita Zodiacus est, at ex veterum & recentiorum obseruationibus constat satis, cometas quī sub Zodiaco primum effulserunt,

runt, Zodiacum quam longissime reliquisse, imò
quampures extra Zodiacū & apparuisse & euanui-
sse, Cometæ igitur inter astra errantia collocari non
debent, quo argumento simpliciter probat *Aristot.* *lib. 1. Me-
teor. cap. 7*
Cometas planetas esse non posse.

2 Stellæ omnes siue errantes siue non errantes
perpetuæ sunt, figuram possident rotundam, semper
eandem retinent magnitudinem, eundem colorem
& statum, at Cometæ consumuntur & paulatim de-
ficiunt, habent caudas & crines, multisq; modis va-
riant magnitudinem, colorem & statum, quare Co-
metas stellas esse opinari non decet.

3 Planetæ habent certum & regularem motum,
nam ipsorum velocitas & tarditas vniiformiter pro-
cedit, cuius velocitatis & tarditatis scientia haberi po-
test, sed in cometis nulla statui potest regula & velo-
citis & tarditatis, vt Astronomorum vigilæ satis
conuincunt, ergo Cometæ planetæ dici non me-
rentur.

4 Si Cometæ essent astra & per cælum va-
garentur, semper vt reliqua sidera conspicerentur,
nam cum cælum summe diaphanum sit, Come-
tas inuisibiles esse non sineret, & eò magis quia
stellæ fixæ, quæ omnibus planetis altiores sunt, op-
time cernuntur, non ergo Cometæ inter astra refe-
rendi sunt.

5 Si Cometæ essent astra errantia, infiniti ferò
essent orbis cometas deferentes, nam cometæ, qui per
multa iam transacta sæcula apparuerūt, omnes variū
fuerunt

fuerunt, quod euidenter colligitur ex varia eorū magnitudine, colore, motu & mora supra terram, idem verisimiliter dicendum est de iis, qui in futuris seculis apparebunt, quod asserere non solum absurdum est, imo repugnat scientiæ de natura, nam cū ex observationibus constet Cometas omnes, qui effulserunt, varios motus versus omnes mundi plagas habuisse, & quosdam altiores, quosdam verò depressiores exitisse, imo depressiores quandoque ad altiora mundi loca ascendisse, & contra, necessario huiusmodi orbes Cometici se se interfecerunt, & sic corporum celestium scissionem & penetrationem concederemus, nullo modo ergo Cometæ altra errantia sunt. *Cometas moueri in epicyclo nec tutum est asserere,* nam si consideremus occultationis immensam moram, & visionis exilem breuitatem, & cum his dimeriamur spacium itineris, quod ante nostros oculos in tam breui tempore peragunt Cometæ, opus est immanem & potius incredibilem huius epicycli magnitudinem confiteri, quo etiam concesso saluari nec possunt quamplurimæ apparentiæ circa corporis magnitudinem & velocitatem & tarditatem motus, quæ nulla obseruata analogia, dum hanc breuissimam tam vasti epicycli portionem absoluunt, variare videntur.

Chaldaeorum Responsiones. Cap. VII.

Quod cometę non moueantur sub Zodiaco vt vulgares planetę, non hinc aberrantium stellarum numero ablegandi sunt; fieri potest quod natura variis astris varios motus attribuerit, quis vnum stellis limitem ponit? quis in angustum diuina compellit? ait Seneca, sicut ita ^{u li 7. Na quest. 6. 23.} que mirum non est quod astra errantia, quę adhuc satis cognita sunt; magnitudine & splendore differant, & quod quędam breuiori, quędam verò longiori tempore suos cursus & orbitas percurrant, sicut itaque mirum non est quod eadē astra, quamuis sub Zodiaco moueantur, non equaliter versus Boream vel versus Austrum ab Ecliptica declinent, sic quoque mirum non erit quod alia dentur astra errantia à vulgaribus distincta, quamuis nobis incognita, quę magnitudine & splendore differant, quęq; variis temporibus suos cursus & orbitas percurrant, & quod non per Zodiacū, sed per alias cęli vias alioque modo dirigantur: Et si simpliciter crediderit Arist. Cometas stellas errantes non esse, quia non vt reliquę sub Zodiaco feruntur, ei sanē incumbit onus probandi, quod præter ea, quę sub Zodiaco consistunt, alia astra errantia dari non possunt, & quod nulla reliqua in cęlo reſter via ac ſemita alijs errantibus astris concedenda.

2. Cometę non conſumuntur aut extinguntur, ſed noſtros effugiunt aſpectus cum in ætheris profundum ſe receperint, tunc enim propter nimiam ætheris

ris

x li. 7. Na.
 quest. 6. 26.
 et 27.

ris distantiam inuisibiles fiunt, hinc cum paulatim accedant & recedant à nobis apparet quod varient magnitudinem, colorem & statum, variata nanq, distantia hæc omnia contingere planum est: profecto cōtendit * Seneca Cometas à sideribus non esse remouendos, licet caudas habeant & crines. Quis enim, inquit, tibi concedet Cometas longos esse? quorum natura quidem vt cæterorum siderum globus est, cæterum fulgor extenditur; dic mihi quare omnes stellæ inter se dissimilem habeāt aliquatenus faciem, diuersissimam Soli, quomodo nihil prohibet ita sidera esse, quamuis similia non sint, ita nihil prohibet Cometas æternos esse & sortis eiusdem, cuius cætera sidera, etiam si faciem illis non habeant similem.

3 Quod Cometarum motus maxime irregularis sit, & quod eorum velocitati & tarditati nulla regula assignari possit, vt fit in planetis reliquis, non ob id Cometæ sidera nō sunt, asseruimus Cometas aliud & satis diuersum esse genus Planetarum, ideoq; in velocitate & tarditate motus, sicut in quibusdam aliis accidentibus cum vulgaribus planetis non conuenire: Et si veteres in obseruationibus Cometarum aliquam operam consumpsissent, vel si Chaldaeorum studia & lucubrationes ad nos peruenissent, fortassis de eorum motibus aliquam scientiam haberemus.

4 Cælum summe diaphanum esse non negamus, distantia tamen immanis amplitudo ac stellarum paruitas sunt impedimento, quod astra quamplurima non cernantur, de qua re testimonium habemus

bemus locupletissimū, nam acie naturali quæ prius non videbantur astra, nunc Telescopii siue tubi Optici auxilio & vsu euidenter conspiciuntur.

5 Cælestium orbium ruina timenda non est, cum in cælo nullæ tales adsint camerae, astra enim per amplitudinem ætheris libere vagantur, non vt aues per aerem vel pisces per aquas ludūt aut choreas ducunt, natura sagax & prouida astris quibuscumq; sui motus certas metas, certosque limites assignauit, quos religiose custodiunt, & obseruant.

6 Cum ætheris amplitudo immensa sit, nihil prohibet magnos Epicyclos, sic cogentibus obseruationibus, cometis attribuire, in quibus si postmodū nulla obseruata analogia nunc velocius nunc tardius mouentur, nihil refert, talis sanè est ipsorum motus; si nos cometarum integram periodum cognoscere-mus, nulla cerneretur irregularitas, facti enim ab Astronomis essent canones, sicut in vulgaribus planetis factum est, per quos quando cometæ velociores vel tardiores fuerint, quotq; gradus singulis diebus vel annis peragrauerint, & quando terris accesserint vel recesserint, non lateret.

*moueri**Chaldaeorum Responsiones reijciuntur. C.VIII.*

Nis & energia responsionum consistit in hoc, quod cometæ sunt astra errantia distincta & satis diuersa à vulgaribus Planetis, ideoq; ab illorū accidentibus & conditionibus ad horū accidentia & conditiones generaliter argumentari nō licet.

*C**cere,*

cere: Ad destruendas itaq; has hypotheses vnica tentanda via est, ostendere videlicet cometas astra errantia esse non posse, ad quod ostendendum sic ratiocinari potest.

1. Astra errantia nunc maiora nunc minora cōspiciuntur prout accedunt vel recedūt à terris, in quo accessu & recessu vniformiter crescit & decrescit magnitudo, at cometæ si ex ætheris profundo versus terram descenderint, initio minimi, terræ viciniores maximi & cum ascenderint minores iterum videri deberent, obseruata tamen analogia incrementi vel decrementi in ipsa magnitudine, quod sanè non contingit, plerumq; cum apparent maximi sunt, deinde nulla regulari obseruata analogia minores fiunt; non desunt cometæ, qui interdum è magna quantitate in paruam, deinde è parua in magnam mutati fuerūt, compertum quoq; est cometam iam extinctum postea iterū effulsisse, vt scribit Lauatterus apud & Kermannū de cometa anni 1556. Hæc in quā difformes & incōstantes mutationes astris non conueniūt.

2. li. 6. Phyl.
Syst. p. 683.

2. Cometæ vere extinguuntur, nam paulatim in oculorum præsentia deficiunt, etenim cum euanescent cometæ, animaduertitur materia eorum rara atq; dispersa, quæ raritas & dispersio fieri & apparere non posset, si cometæ essent astra.

3. Regularitas motus nulla ferè cernitur in cometis, nūc velociores nūc tardiores in principio, nūc in fine, nūc in medio suæ durationis, & sicut ipse motus ad regulam non reducitur, ita nec mensura motus accurate definiri potest; Adnotatum est nonnull.

nullos cometas se se demisisse versus terram, & in momento reascendisse, nonnullos etiam locum saltibus mutasse. Anno 1303. inquit Lauarterus apud Kermannum, cometa visus est tanquam columna ignea de cælo cadens, & in momento reascendens, sic anno 1099. cometes visus est in Oriente, qui locum suum interstitio saltibus mutauit, ⁴ Aristox. ipsemet Cometæ mentionem facit, qui quodam velut saltu progressus est, hoc modo astra moueri non est asserendum.

*yl. 6. Ph
ys. p. 694.*

*a li. 1. Me
teor. cap. 7.*

4 Determinatam nec habent in cælo viam cometæ, nunc ad ortum vel occasum, nunc ad Septentrionem vel Austrum feruntur, multisq; modis variant itinera & semitas, mora quoque & duratio faris difformis est, obseruati sunt cometes, qui vix vnam horam supra terram extiterunt, vt fuit cometes anni 1527. ac alter à Conimbricensibus notatus, quorum meminimus cap. 1. non sunt igitur astra cometæ.

5 Astra omnia quia circulariter mouentur, recursus habent & regressus, at cometæ omnes qui apparuerunt, nunquam reuersi sunt, semper variis fuerunt, ergo circulariter non mouentur, sed potius motu recto, augetur suspicio, nam cometæ ascendendo dum elongantur à terris, minores fiunt, quæ apparentia magis motui recto congruit quam circulari, at motus rectus non competit astris, non sunt igitur astra cometæ.

6 Et dato quod cometæ moueantur in tam vasto & immani epicyclo, per tam paruum arcum, quæ

percurrant; dum supra terram moram faciunt, qui sanè respectu nostrum recta linea est & nostro ferè horizōti parallela, tot anomalias & difformitates excusare nullus audebit nec poterit Astronomus: Cum itaq; cometæ tot innumeras admittant irregularitates & inconstantias, tam circa magnitudinem & figuram, quā circa motum & motus circumstantias, necnon circa quamplurima alia accidētia, inter astra errantia numerari nullo modo possunt, nisi dicere velimus cometas esse astra errantia hoc modo à natura condita; quod absonum putamus, iniuria fieret naturæ, quod condere voluerit huiusmodi æterna corpora, quæ instar auium per aerē, vel pisciū per aquas sine lege & norma hoc modo per cælum mouerētur.

7 Si cometæ essent astra errantia à vulgaribus distincta, oporteret numero esse ferè infinita, nam ut paulo ante diximus, cometę qui per multa iam trāsacta sæcula apparuerunt, omnes varii fuerunt, idem verisimiliter dicendum est de iis, qui in futuris sæculis apparebunt; at experientia contrarium decernit, nam tubo Optico temporibus nostris totum cælum perlustratum est, à stellarum fixarum compagine ad Lunam quatuor circa Iouem & duo circa Saturnum

*l Nūcio Si
der. pag. 17
De maculis
solar. pa. 25
c Oratiōe
habita Dua
ci p. 25.
d De sideri
bus Borbo
nijs cap. 5.*

errare astra animaduertit^l Galileus, & dato quod corpora illa numerosa quæ circa Solem vagantur, quæque Solares maculæ communiter vocantur, astra errantia sint, ut cū plerisq; credunt^c Carolus Malaper-
tius & d Ioan. Tarde, tamē hæc corpora nō fulgēt ut co-
metę, semper. n. sūt prope ac sub radiis Solis, cometæ

enim

enim plerumq; à Sole remotissimi cernuntur: Hæc itaq; corpora siue altra, quæ circa Iouem, Saturnum & Solem oberrant, absq; auxilio tubi Optici non videntur, nullamq; similitudinem habent & analogiâ cum Cometarum motu; Quare si huiusmodi altra errantia recenter adinuenta Cometæ non sunt, nullum aliud remanet astrum errans à stellarum fixarû prouintia ad Lunæ territorium; & si per tubum Opticum, dum cælum inspicimus, immensa se offert minimarum stellarum congeries, illæ stellulæ fixæ sunt & non errantes, semper enim eandem retinent distantiam & situm cum affixis veteribus Asterismis, ideoque eas cum veteribus affixis sideribus in eodem mundi campo & theatro consistere manifestum est: non sunt ergo Cometæ stellæ errantes neq; veteres neque nouæ.

Cometam non esse stellarum errantium symphasim. Cap. I X.

Naxagoras & Democritus, quibus astipulatur Artemidorus, voluerunt Cometam non esse vnicum tantum astrum errans, sed plurium errantium astrorum symphasim siue coalescentiam; hæc enim altra cum propriis motibus se coniungunt, radios suos inter se committunt, ex qua radiorum & luminis societate cuiusdam longioris sideris representatur imago: ad hoc asserendum moti fuerunt, quia in Cometæ dissolutione stellas quasdam ap-

o lib. 7. Num.
quæst. 1. c. 13.

paruisse animaduertentur: Discrepat tamen Artemi-
dorus ab Anaxagora & Democrito secundum Se-
necam, quia ille cum Chaldeis statuebat innumera-
biles in cælo stellas esse vagantes, quæ propter parui-
tatem aut lucis obscuritatem non videntur, & ex ha-
rum coniunctione Cometam faciebat, at hi ex erran-
tium vulgarium planetarum coniunctione, lumi-
naribus exceptis, Cometam fieri crediderunt; Hæc
inquam opinio generaliter ex antecedente capite la-
befactata est, nam cum ostenderimus cometas astra
errantia esse non posse, neque profecto cometes erit
errantium astrorum symphasis.

f lib. 1. Me-
teor. cap. 7.

At speciali ratiocinio Anaxagoræ & Democriti
placita reiecit Arist. Planeta enim nunquam egre-
diuntur Zodiacum, verumtamen cometæ plures ex-
tra Zodiacum visi sunt, apparuerunt cometæ plane-
tis omnibus existentibus supra horizontem, plures
dissoluti sunt cometæ & nullum apparuit astrum, ex
observationibus Aegyptiorum & propriis planetas
inter se & cum fixis pluries coniunctos fuisse, nihilo-
minus nullus Cometes genitus est, imò cum stellæ
quamuis videantur diuersarum magnitudinum, vi-
dentur tamen tanquam indiuisibiles secundum sen-
sum, sicut ergo ex pluribus indiuisibilibus nulla coa-
lescit magnitudo, sic etiam ex coniunctione plurium
stellarum nullum corpus notabilis magnitudinis,
quale est corpus Cometæ, produci potest, quare si plu-
res stellæ coniungerentur, vnica tantum stella indi-
uisibilis secundum sensum videretur.

Equi-

Equidem ad tollendam, si fieri potest, omnem
 ambiguitatem dilucidius de hac re agentes dicimus,
 vel huiusmodi stellæ errantes, ex quarum coitu fit co
 metes, veteres sunt & vulgares, vel novæ siue recenter
 adinuentæ, illæ acie naturali satis conspicuæ & ad spe
 ctabiles sunt, hæ verò nequaquam, nisi auxilio & ope
 optimi Telescopii, ex coalescentia veterum plane ta
 rum & acie naturali visibilium tum inter se & cum
 fixis nullum cometam fieri, contra Democritum &
 Anaxagoram luculenter diservit Arist. ut paulo ante
 recensuimus hoc eodem capite, quamvis eius tres ra
 tiones potremæ non placeant & Guiduccio; Ex copu
 la tandem novorum planetarum & tubo optico dū
 taxat visibilium, neq; cometam vllum produci nos
 ratione vltima antecedentis capitis aperte deduxi
 mus, ostendimus enim ibi duo tantum astra circa Sa
 turnum, quatuor circa Iovem & quamplurima nu
 mero indefinita circa Solem oberrare, nullum aliud
 astrum per cæli amplitudinem vagari ex Telescopio
 adhuc animaduersum est, at cometæ cum his omni
 bus astris novis errantibus Telescopio animaduersis
 & in motu & in situ nullam habent corresponden
 tiam & affinitatē. Sed si forte aliquis Artemidori sen
 tentiam amplecti omnino voluerit, in cælo innume
 rabiles alias errare stellas, ob corporis paruitatem &
 lucis exilitatem neq; ipso tubo quamvis optimo cō
 spicuas, & ex harum vnione cometas fieri, dicerem
 sanè voluntarium hoc esse dogma & satis lubricum,
 consentiunt omnes Philosophi & Astronomi stellas,

8 De Come
 tis pag. 4.

errantes inerrantibus subiacere, hoc est per inferiora mundi loca discurrere; at tubo Optico cernuntur stellæ fixæ maxime distantes, quavis minimæ ac exilissimæ, quare eodem tubo euidetius errantes stellulæ tanquā viciniore cerni deberent, quod adhuc cōprehensum non est, nullū aliud infra stellæ fixas errare astrū præter præfata; iam commemorauimus; quod si pertinacius contenderit huiusmodi stellulas errantes dati, ac vere in cælo existere, & si non infra fixas, vel in contubernio cum fixis, verum supra fixas; tunc huic assertioni opponam sex priores rationes antecedentis capitis, ex quibus liquido apparere arbitror, corpora ex quibus generantur cometæ, astra errantia esse nullo modo posse, ad quod asserendum & confirmandū eò quoque ducor & inuitor, nam hæc astra singula proprios habere motus & inter se diuersos necesse est. Quando ergo eiusmodi astra inuicem copularentur, ob diuersitatem motus paruo temporis spacio in diuersas partes abirent & seiungerentur, vt patet in Eclipsi Solis, sed cometæ diu durant & per menses: Præterea si innumerabiles sunt hæc stellulæ, per cæli amplitudinem vagantes, ac tubo optico non conspicuæ, frequentior procul dubio fieret & continuā ipsarum occurratio, proindeque frequentior cometarum apparentia, imò singulis hostibus nil aliud fortasse videremus in cælis, quam cometarū greges & turmas, quod non accidit; cometes qui effulsit paulo ante Achaicum bellum non erat minor Sole. Quot ergo coire stellæ oportet, dicebat Seneca, vt tantum cor-

li. 7. 24.
quæst. 1. 5.

-li. 7. 24.

+


○

pus

pus efficiant: mille in vnum licet congreges, nunquā hunc ambitum Solis æquabunt: Et si præfatę rationes ad amissim non satisfaciunt, adducam rationem Aristotelis, quæ vsus est contra Democritum, nam si recte statuit Aristot, ex coniunctione plurium stellarum minimarum acie tamen naturali visibilium nulum cometam fieri, ex eo quia illæ stellæ secundum sensum sunt indiuisibiles, & consequenter nullum cometam, seu nullam satis cōspiciuam magnitudinem producere valentes, ergo à fortiori nullus generabitur cometes ex coitu & cōpula minimarum stellarum, quæ neque acie naturali neque Telescopio quamuis optimo sunt adspectabiles: non est ergo cometes errantium stellarum, symphasis.

Cometam non esse Globum Cælestem.

Cap. X.

 Jeronymus Cardanus existimauit in singulis orbibus planetarum quosdam esse globos non ita densos vt astra, quando itaq; huiusmodi globi à Sole illustrantur, cometæ fiunt, radiiq; Solis per illos globos transeuntes & penetrantes comam siue caudam faciunt; Et quamuis contra hanc opinionem locum habeant etiam rationes duorum antecedentium capitum, quibus decreuimus cometas astra vel astrorum symphasim esse nō posse, nam in summa hi globi non differunt ab astris nisi raritate, tamen ex vnica tantum instantia collabascit, etenim

i lib. 4. de subtilit.

nim

nim si tales globi in cælo existerent, vnq; & eodem tempore, imò singulis noctibus innumerabiles ferè cometę cernerentur, nam tunc omnes à Sole illustrati, qui supra terram ex tarent, conspicerentur.

Conclusio I I.

SVnt ergo cometę corpora temporanea siue de suo genita, quare vel erunt accensa vt volunt Peripatetici, vel illustrata vt recentiores Astronomi.

Finis Libri Primi.



IOAN.



IOANNIS CAMILLI

Gloriosi Gifonensis

DE COMETIS:

Liber Secundus.

P R Æ F A T I O.



In sequenti Libro, quia mentio faci-
cienda est de mundi sublunaris me-
sura, de altitudine Atmosphaerae si-
ue aeris illius, ad quæ ascendunt va-
pores & exhalationes terrestres, de
mora Cometarum supra horizon-
tem, de spacio terræ in quo iidem Cometae visuntur,
deq; eorundem parallaxi; Cum hæc magis Mathe-
matica sint quam Physica, decreuimus in hoc secun-
do Libro de his breuiter & separatim agere, ne studio-
rum mentes distrahantur, & proposita Cometi-
ca dissertatio conturbetur.

De

De Mundi sublunaris constitutione & mensura.
Cap. I.

ali. 1. Me
 teor. cap. 4.



Notum est, Aristotelem ex communi Peripateticorum consensu inter caelum & terram duo collocasse elementa, nempe ignem & aerem, ignem immediate infra Lunam, & aerem immediate supra terram, aeremque ipsum in duas regiones diuisisse, in inferiorem & superiorem, inferior regio exordium sumit à superficie terræ ad vertices altissimorum montium, & hæc à cæli motu immunis est & libera, superior verò à præfatis montium verticibus ad ignem usque & hæc cum igne sibi contermino à cæli motu circumrapitur, & si postmodum Aristotelis interpretes aerem in tres regiones distribuerunt, hoc sanè fecerunt, ut commodius & magis distincte de variis aëris impressionibus philosophari possent.

Aëris igitur huius siue Atmosphæræ limbus extremus, ad quem perueniunt terrestres halitus, distat à superficie terræ per 52. milliaria Italica ferè, sic Geometricæ demonstrant, Alhazen Arabs & Vitellio, à quibus parùm dissentit Possidonius apud Plinium, qui prius iam statuerat hanc aeris altitudinem 400. stadia siue 50. milliaria non excedere, quamuis Petrus Nonius ac plerique alii recentiores minorem distantiam adinuerint.

Hinc videntes quidam quod per hanc breuem distantiam

De crepusculis prop. ultima.

lib. 10. prop. 60.

lib. 2. ca. 23.

De crepusculis par. 2.

prop. 18.

stantiam à terris, excusari non possunt cometarum
 apparentiæ, hanc altitudinem veram esse contendūt
 de ascensione crassiorum vaporum, ex quibus nubes
 fiunt, & nō de ascensione fumidarum exhalationū,
 ex quibus fiunt cometæ; exhalationes enim quia va-
 poribus subtiliores & leuiores sunt, sublimius eleuan-
 tur: Hæc assertio profectò & de facto & de iure sta-
 re non potest, de facto quidem, quia nubes quæ ex va-
 poribus coalescunt, non ascendunt suprâ terram per
 duo aut tria milliaria ferè, vt pluries ex Altimetricis
 dimensionibus cōfirmatum est, (hæc enim nubium
 ascensio multum variatur tam ratione temporis quâ
 regionum respectu, nubes minus ascendunt hyeme
 & in locis magis Septentrionalibus, magis verò æsta-
 te & in locis minus Septentrionalibus) imò hoc con-
 tradicit & Aristoteli, qui aeris regionem illam, in qua
 nubes fiunt & venti, non multum supra montium
 cacumina euexit, non contingere autem nubes altif-
 simorum montium fastigia, exemplo montis Olym-
 pi in Thessalia & Athonis in Macedonia, in quorum
 montium verticibus cineres post sacrificia relictos
 nec ventis dissilari nec aquis dilui post ^b Aristotelem
 ipsum testatur ⁱ Solinus; Multa & sanè fabulosa scrip-
 serunt veteres & recentiores quidam de montiū pro-
 pteritate, de qua re in præsentiarum tanquam à nostro
 instituto aliena disquirere non licet, veritati tamē nō
 esse consentanea ex ipsis fontibus Geometricis acutè
 comprobauerunt & Petrus Nonius ^l Vvillebrordus Snel-
 lius, & ^m Robertus Hucs, altissimi enim montes se-
 cundum

g lib. 1. Me-
 teor. cap. 4.

b Seltio. 26
 Prob. 28.
 i lib. 1. c. 13.
 K De Cre-
 pusc. Prop.
 ultimo.
 l Eratost.
 Batau. cap.
 ultimo.
 m Præsa-
 tione de glo-
 bis.

cundum perpendicularum ad duo milliaria non perueniunt; Mōtes quidem altissimos, ait Snellius, decem stadiorum altitudine attolli Eratosthenē ipsum instrumentis dimeasum Theon scribit; & Plinius Dicæarchum Regum impensis montium altitudinem dimensum, ait Pelion altissimū deprehendisse 1250. passuum ratione perpendiculari, quæ exacte stadia decem æquant, idē planē Geminus de Dicæarcho prodidit, cum Cyllenen Arcadiæ montem Mercurio sacrum tantę altitudinis deprehendisse, atque istos etiā supra nubes attolli, neq; ventis agitari, cineres immori & non confusi literarum in ipsis ductus, etiam post lustrum exactum imperturbati, sunt argumento; Quare Opticorum demonstrationes de leuissimis halitibus intelligendas esse certum est. De iure quoque hæc assertio neque subsistere potest, nam ipsi nullam adducunt demonstrationem, tractatur hic de distantis & interuallis, quę absque Geometriæ præsidio determinari non possunt, sic non fecerunt Alhazen & Vitellio, necnon & ii qui hos imitati sunt, qui ex Geometricis dimensionibus præfatam distantiam siue altitudinem concluderunt.

Rationabiliter enim fatentur omnes aeris regionē eam esse, quæ vaporum omnium ac subtilissimarum exhalationem ex terra & mari prodeuntium domicilium ac receptaculum est, quæ aeris regio cum externis montium verticibus ferè terminatur, adeo ut iam in Olympo Asiæ & in niuosis Peruanæ verticibus viui amplius nequeat, defectu halitus illius, quem ærem

rem dicimus, & cuius inspiratione carere non possumus; Quod si quispiam fortasse contenderit aerem ultra definita milliaria extendi ac dilatari, etiam si ulterius exhalationes non ascenderint, certe ob nimiam siccitatem & calorem illius aeris, erit disputatio de nomine, illud enim ipsum quod nimis siccum & calidum supra aerem est, ignem appellavit Arist. sed ad tollendas cavillationes & sophismata concedamus quæso exhalationes, ex quibus comete fiunt, ad duplo ferè maiorem altitudinem; hoc est ad 100. milliaria promoueri.

n lib. i. Meteor. cap. 4.

Distantia verò inter terrenam superficiem & Lunam, dum terris vicinissima est, ex receptis Copernici & p Tychonis observationibus comprehendit terræ semidiametros. 51. & paulo amplius, quæ ad Italica milliaria reductæ (tribuendo cuilibet semidiametro secundum recentiorum placita milliaria. 3436.) summam efficiunt milliar. 175236. à quibus si auferantur milliaria. 100. nempe illius aeris siue Atmosphæræ altitudo, remanebunt milliaria. 175136. & per tantum spacium ab orbe Lunæ distabit illius aeris conuexum, tantumq; interuallum ab aere illo calidissimo, quem secundum consuetudinem ignem vocavit Arist. occupari necesse est.

*o lib. 4. cap. 17.
p lib. 1. pag. 119. 418.
423. lib. 2. p. 111. 185*

q lib. i. Meteor. cap. 4.

Ex quo distantiarum ratiocinio apparet manifestum quantum suspecta de mundi sublunaris constitutione Aristotelis opinio sit, opinatur enim ipse supremam aeris regionem à primo mobile rapi, & hoc constituit ut notum diurnum abortu in occasum

r lib. i. Meteor. cap. 4.

sum excusaret, qui euidenter cernitur in cometis, at hoc fieri non posse ratio naturalis suadet satis, nam dato quod primum mobile secum trahat & conducat ab ortu in occasum omnes subiacentes sphaeras caelestes, quas philosophi realiter in caelo existere putant

*f. Vranosc.
p. 17. l. 1. pag.
225.*

(quod tamē fieri posse negat Baranzanus, tum quia inferiores sphaerae nec immediate mouentur ab Angelo mouente primum mobile, nec ab impulsu illis impresso, quia tanta nō est sphaera actiuitatis Angelorum, nec ab aliis caelis, qui solo impulsu supponuntur moueri, nec à forma primi mobilis non minus limitata quam sit Angelus, tum quia difficile est assignare modum, quo talis raptus perficitur, sunt enim caelestes orbes tantum contigui, non continui) non est verisimile quod etiam supremam aeris regionem trahere possit, cum adhuc inter hunc aerem & Lunam ingens ac immane ignis interiaceat elementum, cuius profunditas ex superiori calculo continet milliaria. 175136. Cum itaq; iste Aristotelicus ignis sub Luna tenuissimus & leuissimus sit, ab orbe Lunae totus siue integer circumduci non potest, nam à solidis & duris corporibus, vt sunt sphaerae caelestes secundum ipsos, ea rapi & trahi possunt, quae etiam solida & dura sunt; concedo equidem quod pernecitas orbis Lunae violenter trahat & conturbet partem illius ignis sibi contigui, sed quod totam illam immanem & vastam molem trahere possit, à paucis creditur.

Hinc deducitur quod Arist. ad sui beneplacitum
exten-

extenderit motum primi mobilis, nam cum vidisset cometas motu diurno ab ortu in occasum agitari, vt omnia reliqua atra cæli, non potuit collocare cometas in regione cælesti, quia destruebat primarium caput suæ philosophiæ, statuerat enim ipse ingenerabile & incorruptibile cælum, & consequenter in cælo nullam generationem admittendam esse, at cometae videntur corpora de nouo genita, quare in regione elemētari cometas collocare coactus fuit, non collocauit cometas in ignis elemento, quia forte vorax ille ignis terrestres exhalationes illico absorbisset, & sic nullus cometes generari potuisset (quamuis dicat ^{† li. 3. quest. Perip. q. 9.} Andreas Cæsalpinus, quod ad mentem Aristotelis cometae fiant etiam in ignis elemento) hinc tandem decreuit cometas in superiori aeris regione generari oportere, vt ab igne vicino, seu à cæli motu secundum aliquos, materia cometalis accendi possit, & ad saluandum motum diurnum cometarum, statuit primum mobile non solum secum trahere cælestes sphaeras omnes, sed etiam cum vasto ignis elemento superiorem aeris regionem.

Sed quæ ratio est, quod primum mobile inferiorem quoque aeris regionem ipsi superiori cōtinuam & adnexam nō trahat & circumducatur? cum ipsemet docuerit in ^{† lib. 1. c. 4.} Meteoris, quod à cæli motu circulariter mouetur ignis, & cum igne tanquam igni continuus supremus aer, sed facit quod iste cælestis motus desinat & vilescat ad inferioris aeris confinia, siue ad summa montium cacumina; quidam ex Aristotelis men-

te respondent, totum aerem cæli motu conturbari, sed montes sunt impedimento, quod infimus aer terræ contiguus à cæli motu circumrapi non possit; imò asserunt non solum aerem, sed Oceanum tali quoque motu commoueri, ex Nautarum observationibus contendunt navigationem multo facilius ac breviori tempore absolui, dum per Oceanum ab ortu in occasum cursus intenditur, quam contra ab occasu in ortum; nam qui ex Hispania in Occidentalem Indiam adnauigant, mensis spacio eius littora cōtingunt, remeādo verò ex Occidente in Hispaniam trium aut quatuor mensium spacio præfatum iter conficiunt; eundem motum notant Lusitani, cum Orientalem Indiam perant, nam transacto Bonæ spei promontorio segnius eunt, idque tanto manifestius, quanto Aequatori propinquius uelificauerint; hoc sanè contingit, aiūt ipsi; quia ab ortu in occasum amicas & auxiliares habent vndas, quæ versùs easdem mundi partes concitantur, at dum ab occasu in ortum progrediuntur, inimicas & reluctantes experiuntur.

Hæc inquam non satis constare arbitror, montes enim destruere vel conturbare non possunt generalem aeris motum, nec ita in terra situantur, ut sua continuitate totum aeris spaciū circa terram fufum occupent & prosternant; Nec Oceani navigationes versùs Occidentem breviori tēpore absoluuntur, quia maris aquæ cæli motum sectantur ab ortu in occasum, ut à Nautis & docti fidem faciunt* Iose-

* lib 3. de
rebus noui
arbis cap. 6

phus Acoſta & 2 Ioannes Baptiſta Porta, ſincere fa-
 tentur Nautę dum per Oceanum nauigantes ſub zo-
 na torrida verſus Occaſū procedunt, ab oriente ven-
 tos perpetuo flantes habere, quare celeritas vel tardi-
 tas itineris ventis potius nauigia impellentibus vel re-
 tardantibus, quam vndis à cęli motu concitatis tri-
 buendum eſt: Et profecto ſi mare, quod ipſi terre
 coniungitur, imò cum ipſa terra vnum corpus facit,
 à motu cęli rapiatur, & totam terram rapi conſenta-
 neum eſt, incredibile nanque videtur, quod cælum ra-
 pidiffimo motu cęleſtes ſphęras rapiens, & cum his
 ignem & aerem, quę omnia immenſa corpora ſunt,
 rapere quoque non poſſit terram, quę reſpectu cęli
 nullius eſt magnitudinis ac veluti punctum, ò mira-
 bilem terreſtris gløbi cōſtantiā (exclamat. y Gilbert-
 tus) qui ſolus non vincitur, qui ſolus vniuerſę natū-
 rę refragatur & opponitur: Imò iſte motus Oceani
 potius ab occaſu in ortum eſt quam ab ortu in occa-
 ſum, nauigationeſque citius abſolui verſus Ortum
 quam verſus Occaſum, vt ex ipſiſmet nauigationi-
 bus accurate deducit^a Patricius: ſcio equidem Philo-
 ſophos illos qui Ariſtarchi Samii opinionem ſequun-
 tur, hūc Oceani motū ad telluris motum reſerre, nā
 cū ex terra & aqua vnū coaleſcat corpus, ac vnius cor-
 poris vnicus ſit motus naturalis, ab alio quam à terra
 hic motus eſſe nō poteſt, ob quem telluris motū ven-
 tos continuo flantes ſub Zonā torrida procreari exi-
 ſtimant, eſt enim illic ac præſertim ſub Aequatore tel-
 luris motus maxime velox, & ob id ad huiusmodi fla-

7 li. 4. de ve-
 riſ traſima.
 cap. 10.

y De Ma-
 gnetē lib. 6.
 cap. 3.

a Pancer-
 mias. li. 30

tuum generationem maxime idoneus, sed hæc opinio tanquam absurda & erronea reiicienda est.

Quamobrem in Peripatetica philosophia non reperitur ratio idonea & à priori, quod cælum ab ortu in occasum aerem trahat, sed supponitur tantum, imo nullam aliam certitudinem de hoc aeris motu, nisi à cometarum motu se habere profitentur Peripatetici, Aerem enim supremum, & qui iuxta cælum est, inquit Franciscus *b* Valesius, circulo volui quotidie ut ipsum cælum, indicant cometæ, ipse etiam Arist. in Meteorologicis, ait *c* Simplicius, dicit hypercauma circulo moveri, argumentum capiens à cometis & ab aliis apparentiis, quæ consistunt in ipsis oriëtibz & occidentibus cum astris; quæ quidem ratio ab effectu siue à posteriori est: Cum itaq; satis dubium sit cometas in hoc aere supremo nobis vicino veritari, si quoq; aerem à cæli motu ab ortu in occasum rapi æque dubium erit.

sic

In quantam altitudinem supra terram ascendant terrestres halitus. Cap. II.



d Math. Hy
pomm. lib.
3. Geogra.
Prop. 2.

Periq; veterum & recentiorum Mathematicorum hanc aeris siue Atmosphæræ altitudinem dimensi sunt, & fanè per longas ambages, nos cū^d Simone Steuino breuius ré absolue-
mus: esto terrenus globus *ABD*, cuius centrum *E*, Atmosphæra siue regio illa aeris extrema, in quam perueniunt summi vapores siue halitus, *FLI*. Spec-

ctato-

Astronomorum sententiam deprimitur infra horizon-
talem P. 18. sed quia angulus a Sole subtenfus cō-
muniter existimatur. m. 32. ferè, ergo Solis centrū
abest ab eius limbo m. 16. quare limbus Solis ad initiū
matutini crepusculi infra horizontem deprimitur P.
17.44. ducta igitur EN parallela ad HK, erit angulus
DEN. Par. 17.44.

Cum itaq; connexis punctis E C, E H, rectæ C K,
E N parallelae sint, angulusq; K C E rectus, rectus
quoq; erit angulus CEN, est rectus etiam BED, igitur
anguli BED, CEN æquales erunt, ablato com-
muni CED, æquales remanebunt BEC, DEN: Qua-
re cum in triangulis BEH, CEH duo latera BE, EH
adæquentur duobus lateribus EC, EH, itemq; bases
HB, HC inter se, quia à puncto H circulum conti-
gunt in B et C, erunt anguli BEH, CEH æquales, et-
go angulus BEH erit P. 8. 52. in triangulo igitur re-
ctangulo B E H noti sunt duo anguli EBH, B E H
cum latere E B, quare iuxta doctrinam planorum
triangulorum si fiat ut sinus totus E B. 100000. ad
milliar. 3436. ita EH secans anguli BEH. 101209.
ad aliud, prodibunt milliar. 3477. fere, & tot millia-
ria continebit recta E H hoc est EL, à qua si auferat-
ur EB milliar. 3436. remanebit BL milliar. 41. ferè,
& tanta est altitudo summorum vaporum siue hali-
tuum supra terram.

Et si Possidonius, Alhazen, Vitellio, Nonius, ac
pleriq; alii hanc altitudinem maiorem fecerint, ex eo
accidisse credendum est, quia assumpserunt centrum

Solis

Solis tempore matutini crepusculi ab horizonte distare plusquam P. 18. & semidiametrum telluris nostra maiorem, quibus variatis hanc distantiam variam quoque fieri necessum est.

Hæc demonstratio per radios Solis directos absoluta est, quamvis etiam per refractos absolui possit, quibus positus aer siue Atmosphæra multo humilior sit, ut optime notat^e Keplerus; nos priorem viam sequuti sumus, ut supremam aeris regionem ab orbe terre^e distantiore faceremus: Scio equidem altitudinem aeris vix desfiniri posse, & maxime illius, qui ob summam diaphanitatem & puritatem in nostros oculos non incurrit, tamen quantum ab orbe terre distat Atmosphæra siue aer ille supremus, qui halituū incurfu densari potest, in quam radii Solares impingentes crepusculum faciunt, ex hac demonstratione credo dubitare neminem; Et quamvis hæc demonstratio conuincat satis Atmosphæram ultra milliaria

*e li. i. Epit.
pag. 75.*

41. ferè supra terram non ascendere, placuit nihilominus, ne litigijs sit locus, ut in antecedente capite monuimus

& fecimus, eius

altitu-

dinem ad 100. mil-

liaria promo-

uere.



Data

gulo rectangulo A C E notisunt duo anguli A C E rectus & C A E, P. 13. 39. cum latere A C milliar. 3436. Quare si A C fiat sinus totus, erit A E secans anguli C A E, igitur ut A C sinus totus 100000. ad milliar. 3436. sic erit A E secans 102910. ad milliar. 3536. & tanta erit A E hoc est A B, à qua si auferatur A C milliar. 3436. remanebit quæ sita distantia C B milliar. 100.

Data Cometes ab orbe terra distantia, per quot miliaria is conspici possit in diuersis terris. Cap. V.

Esto maximus circulus terrestris, cuius centrum A, & fingamus cometam in B à terris distare per miliaria 100. videndum est per quot miliaria conspici possit in diuersis sitibus huius circuli; à puncto. Educantur duæ rectæ lineæ B E, B F terram tangentes in E & F, & erit B F physicus horizon situs F, & B E situs E, ergo cometes in B constitutus videri potest per totam terræ portionem E C F: Connectantur puncta A B, A F, & constructum erit triangulum rectangulum B A F,

cuius



cuius duo latera AF milliar. 3436. & AB milliar. 3536. nota sunt cum angulo recto AFB ; Quare si AF fiat finis totus, erit AB secans anguli BAF , igitur ut AF milliar. 3436. ad finem totum 100000 sic erit AB milliar. 3536. ad secantem 102910. cui respondent $p. 13.39.$ & tantus est arcus FCE ; & eius duplus FE , $p. 27.18.$ si itaque cuilibet gradui terrestri tribuantur millaria 60. continebit arcus FCE millaria 1638. ergo duo situs in terra per tot millaria distantes cometam in B constitutum videre poterunt, quod quidem spacium maius est quam verum, nam si per millaria 41. cometes à terra distaret, ut propria convincit demonstratio, tunc arcus FCE continebit millaria 1018.

Dato spacio terrestri, in quo à diversis sitibus conspicitur cometes, quantum à terris ipse aberit, vestigare. Cap. VI.

Sed si cognitum fuerit terrestre spacium, in quo cometes ipse cōspicitur, eadem via eius altitudine siue distantia ab orbe terræ cognoscemus; Nā reasumpta fig. antecedentis capitis, si supponamus terrestre spacium FCE continere milliar. 1638. eius dimidium FC continebit millaria 819. quibus respondent $P. 13.39.$ ergo in triangulo rectangulo BFA noti erunt duo anguli AFB , rectus & BAF $P. 13.39.$ cū latere AF mill. 3436. Quare si AF fiat finis totus, erit AB secans anguli BAF , ergo ut AF

sinus totus 100000. ad milliaria 3436. sic erit AB
secans 102910. ad milliaria 3536. & tanta erit AB,
à qua si auferatur AC milliariar. 3436. remanebit alti-
tudo siue distantia quæ sita CB milliariar. 100.

Quid sit Astronomica parallaxis.

Cap. VII.

Ecce inquam parallaxis, quam adhibent Ma-
thematici in mundanis dimetiendis distan-
tiis, ut optime cognoscatur, scire oportet,
quod quando semidiameter terræ ad distantiam astri
nullam vel insensibilem habuerit proportionem, tunc
locus visus & verus ipsius astri non differunt, magni-
tudo enim terræ prorsus euanescit, & nulla existit dif-
ferentia inter centrum terræ & eius superficiem, &
ob id observatio facta in superficie terræ supponitur
facta in eius centro; at si terræ semidiameter illius di-
stantiæ portio sensibilis fuerit, tunc locus verus & ap-
parens inuicem differunt, nam magnitudo terræ non
prorsus euanescit, & ob id observatio facta in super-
ficie terræ non supponitur facta in eius centro, &
tunc aberrabit Astronomus in ipsius astri vero loco
designando.

Verus porro locus designatur per rectam lineam
à centro terræ, & locus visus siue apparens per rectam
lineam ab oculo, & ambæ per centrum astri ad fixa-
rum sphaeram; quæ omnia ut Geometricè regulen-
tur, Astronomi per verticem capitis ac stellæ locum
ducunt

ducunt circulum magnum, quem verticalem vocāt, arcus igitur huius circuli inter locū verum & visum ipsius aſtri eſt aberratio illa, quæ in obſeruando com mittitur, quādo ad diſtantiā aſtri telluris ſemidia meter ſenſibilem aliquam habuerit proportionem, hæc inquam aberratio dicitur ab Aſtronomis paral laxiſ ſiue diuerſitas aſpectus.

Quando itaq; aſtrum in ipſo vertice fuerit, nulla erit parallaxis, quia tunc hæc duo loca ſimul coinci dunt, ſed extra verticem aſtro conſtituto illico appa rebit aſpectus diuerſitas, maxima quidem in horizon te, at inter verticem & horizontem maior & minor eſſe poteſt, maior ſi aſtrum horizonti, minor ſi verti ci appropinquauerit; In qua aſpectus diuerſitate il lud quoq; notandum eſt, quod quando hæc duo lo ca inuicem differunt, ſemper locus verus ipſi vertici, & apparens ipſi horizonti proximior erit, hinc di cunt Aſtronomi quod parallaxis deprimit aſtrum : magnitudo demum parallaxeos ſumitur ab angulo, qui fit ab illis duabus lineis veri & apparentis loci in aſtri centro ſe ſecantibus, nam iſte angulus differen tia eſt duorum illorum angulorum, qui a præfatis duabus rectis lineis & in centro & in ſuperficie terræ cum eiſdem terræ ſemidiametro conſtituuntur & ob id correfpondet arcui verticalis circuli, penes quē ſtat differentia inter locum verum & viſum ipſius aſtri.

Sed euidentioris doctrinæ gratia explicemus hæc omnia per Geometricas delineationes: minimus cir culus

quam AF , quare cum duo latera AN , QN æqualia sint duobus lateribus AM , FM , estq. basis AQ maior basi AF , ergo angulus ANF angulo AMF ; hoc est parallaxis RH parallaxi OP maior erit, quapropter astrum horizonti propinquius semper maiorem admittit parallaxim, quam astrum remotius.

Hæc demonstratio locum habet quando astrum fuerit in diuersis sitibus sui orbis, & sic in eadem distantia ab orbis terræ, sed si comparentur duo astra in diuersa à terris distantia habuerintq. eundem locum verum vel visum, semper astrum terræ propinquius maiorem habebit aspectus diuersitatem; esto gratia exempli astrum Z vicinius orbi terræ quam astrum X , habeantq. eundem locum visum G , apparet manifesto quod arcus GT maior est quam GV , itemq. angulus AZF maior angulo AXF .

Hæc parallaxis, qua vtuntur Mathematici, vnica & inuicta via est ad dimetiendas mudanas distancias, & præsertim eas quæ infra Lunam sunt, nam respectu harum distantiarum telluris semidiameter non est negligenda, imò Luna manifestam habet parallaxim ex ipsis obseruationibus sensibilem, reliqui verò Planetæ eandem habet & si non ita perceptibilem, nam Luna, secundum Tychonem, terris citima nonnunquam integro gradu maiorem admittit aspectus diuersitatem, Venus & Mercurius quamuis exiguam, tamen difficile atq. arduum est ipsam animaduvertere, nam quando terris appropinquant, tunc Soli vicinissimi sunt; Sol autem tantam non habet, quæ ex obli-

f lib. 1. pag.
114. 115.

obſervationibus innotefcere queat, ſed omnis quæ in Sole animaduertitur parallaxis, ex eius diſtantiâ prius cognita, nimirum vel ex iis, quæ Lunæ parallaxim comitatur, vel ex iſſis Solaribus eclipſibus colligitur, eius enim parallaxes terna minuta iuxta horizontem complent, de Marte non dubitatur, nam quandoquidum Acronychius fuerit, maiorem poſſidet parallaxim quam Sol; reliqui duo ſuperiores Iuppiter & Saturnus parallaxi omnino non carent, Saturni enim parallaxis tertiam minuti partem iuxta horizontem adæquat, ſtellæ demum fixæ propter imenſam à terris diſtantiâ nullam aſpectus diuerſitatem habere cernuntur: At ſecundum Keplerum, parallaxim ſenſibilem perpetuâ ſola facit Luna inter aſtra, Mercurius, Venus, Sol & Mars in ſuſpicionem quidem ſunt parallaxeos, at poſſeſſio controuerſa, ſenſus nullus, de ſuperioribus ne ſuſpicio quidem eſt ullius ſenſibilis parallaxeos, ne dum de fixis.

i li. 3. Epit.
pag. 164.

Aſtronicam parallaxim duplicem eſſe:

Cap. VIII.




Arallaxis Aſtronica in circulo verticali ſumpta, quæ proprie dicitur parallaxis, duplex eſt, vel reſpectu vnius ſitus terræ, vel reſpectu duorum inuicem diſtantium, & merito nã obſervationes, quæ inter ſe comparantur, vel fiunt in vno ſitu vel in diuerſis, quid ſit parallaxis & quæ eius ſymptomata reſpectu vnius ſitus, antecedeute capite iam

iam explicatum est, nunc ut quoque studiosis satisfaciamus, de hac altera ratiocinabimur: Voco parallaxim respectu duorum situum differentiam inter duo loca visi, quam dimetitur angulus in centro Astri à duabus lineis visi loci comprehensus: Hæc inquam parallaxis eò exactior euadit, si obseruationes factæ fuerint eodem tempore, ac loca ipsa fuerint sub vno & eodem Meridiano.

Sed in hac parallaxi duorum situum alio modo res se habet, quam in parallaxi vnius situs, nam sicut respectu vnius situs parallaxis horizontalis est omnium maxima, & quanto vertici propinquior tanto exilior euadit, adeo quod in vertice nulla sit, in hac autem quæ respectu duorum situum est, si linea verticalis primi situs mediat inter lineam verticalem & horizontem secundi, astrumque fuerit in horizonte situs secundi, parallaxis erit omnium minima, at omnium maxima, si alterum ab utroque vertice æquedistauerit, & quæ maximæ, eò maiores, & quæ minimæ propiores, eò minores fient parallaxes; Sed si astrum fuerit in linea verticali primi situs & in linea visi loci secundi situs, vel in linea verticali secundi situs & in linea visi loci primi situs, tunc parallaxes æquales erunt; situm illum voco primum, qui prius occurrit ex parte Orientis, secundum verò, qui subsequitur, & ab oriente remotior est.

Esto Globus terræ siue circulus maximus terre-






Aris BCQ, centrum eius A, Firmamentum siue circulus maximus existens in Firmamento, trāsiciens per vertexes amborum locorum PSL, loca terrę BC, sitq; C primus situs, eius vertex O, situs secundus B, eius vertex S, vt in prima figura, altrum nunc in G, nunc in D, nunc in K, quando erit in G, tunc erit in horizonte situs B, & tunc primum inspicietur à situ B, quando erit in D, erit in eius vertice, demum dū fuerit in K, inter horizontem & verticem versabitur, ductisque rectis lineis ex B C, erunt parallaxes PR, SL, NO,

NO, quas dimetiuntur anguli BGC, BDC, BKC; Quando itaque linea verticalis primi situs mediat inter lineam verticalem & horizontem secundi, ut in præfata prima figura, angulus BGC, minor erit quàm BDC, at si linea verticalis primi situs coinciderit cum linea visi loci secundi situs, vel contra, ut in secunda figura, æquales erunt anguli BGC, BDC, attamen semper verum erit angulum intermedium BKC, utroq; BGC, BDC maiorem esse.

Sed hæc omnia ex Geometria confirmemus, astru K æquidistet ab utroq; vertice DO, ut in tertia figura, Dico angulum BKC omnium maximum, BGC omnium minimum, nam si circa triangula BKC, BOC circuli describantur, necessario primus secabit rectas BO, CD, in E & F, & secundus rectam BG in I, cum itaq; anguli BKC, BEC, BFC æquales sint, at BOC, BDC minores quam BEC, BFC ergo BKC utroq; BOC, BDC maior erit; sunt etiã anguli BOC, BIC æquales, at BIC maior quam BGC, ergo BOC angulo BGC maior erit; quare omnium maximus erit BKC, & omnium minimus BGC, & consequenter qui maximo erunt propiores, semper maiores erunt remotioribus, & qui minimo propiores, minores. Quod autem anguli BDC, BGC æquales sint, ut in secunda figura, apparet manifesto, nam duo latera DA, AC æqualia sunt duobus lateribus GA, AB, angulumque eundem comprehendunt ad A, quare æquales erunt anguli BDC, BGC, idem verum est de angulis BDC, BOC tertiæ figuræ.

Profecto silentio præteriri non debet, quod quandoque parallaxis duorum situum, seu verius differentia parallaxium duorum situum non differt à parallaxi vnus situs, quandoque vero eadem & maior & minor esse potest; tunc est æqualis, quando linea veri loci omnino coincidit cum linea visi loci alterius situs, maior quidem, quando linea veri loci mediat inter vtramq; lineam visi loci, at minor, quando linea visi loci vnus situs mediat inter lineam veri loci & lineam visi loci alterius situs; Vt in quarta figura, si astrum



fuerit in F, quia linea veri loci AE coincidit cū linea CE visi loci, parallaxis BE C vna & eadē erit, tā pro duobus sitibus BC quā pro situ singulari ipsius

B, at si astrum fuerit in K, vt in quinta figura, quia linea veri loci AK mediat inter vtramq; lineam visi loci BK, CK, erit parallaxis BKC respectu duorum situum, maior quam parallaxis quælibet singularis BKA pro situ B, & CKA pro situ C, imo illa BKC vtrifque simul sumptis BKA, CKA æqualis est; demum si astrum fuerit in G, vt in sexta figura, quia linea CG

visi

à situs C

visi loci situs C mediat inter lineam BG visi loci situs B, & lineam veri loci AG, erit parallaxis BGC, respectu duorum situum BC, semper minor quam parallaxis BGA respectu situs B, at non semper minor quam parallaxis CGA respectu situs C, cum eadem & maior & æqualis esse possit, imo parallaxis BGA situs B, æqualis est utrisq; simul sumptis, videlicet BGC pro duobus sitibus BC & CGA pro situ singulari ipsius C, ut diligenter quoq; hæc omnia in suo Antitychone animaduertisse g Scipionem Claraglib. 1. c. 3 montium postea legimus.

Hæc parallaxis duorum situum cum parallaxi vnus situs hoc habet commune, quod quanto magis astrum distauerit à terris, tãto minorem possidebit aspectus diuersitatem; Vt in seprima figura astrum enim M terræ vicinius spectatum à locis terræ BC, parallaxim facit EF, at astrum I remotius parallaxim facit EH; manifestum est arcum EF arcu EH, siue angulum BMC angulo BIC maiorem esse: Quare semper verum erit, siue obseruatio fiat in vno situ siue in diuersis, quod astrã quæ magis distant à terra, minorum aspectus diuersitatem possidebunt; Sed

si astrum F fuerit in Firmamento, & à locis ter-

re BC spectaretur, semper apparebit in

eodem loco F, ergo astrum F nul-

lam patietur aspectus

diuersitatem.

De Cometis Liber Secundus.

71

milliar. 3536. ad sinum totum 100000. sic erit AB milliar. 3436. ad sinum anguli $B^K A$ 97171. cui respondent P. 76. 20. & tantus est angulus BKA siue horizontalis parallaxis EH .

Sed si fuerit animus indagare parallaxim, quando cometes inter horizontem & verticem versatur, ut in N , hoc opere utendum est; ducantur rectæ per N ut prius AL , BM , & AL secet terram in X ; supponamus angulum NBE altitudinem videlicet cometes supra horizontem, continere P. 70. ergo angulus NBA erit P. 160. tanquam adgregatum ex angulo recto ABE , & angulo altitudinis NBE : In triangulo igitur obliquangulo ABN duo latera cognita sunt, AB milliar. 3436. & AN milliar. 3536. cum angulo obtuso NBA , Par. 160. ergo ut AN milliar. 3536. ad 34402, sinum anguli NBA , sic erit AB milliar. 3436. ad 33234. sinum anguli ANB , cui respondent Par. 19. 24. & tanta est parallaxis ML , cometesque ipse verè distat à vertice min. 36. tantus enim est angulus NAI .

Data parallaxi respectu unius situs, sum altitudine supra horizontem, quantum à terris aberit cometes, vestigare.

Cap. X.

Sed si cognita fuerit parallaxis horizontalis EH , Par. 76. 20. illico cognoscemus quantum distauerit



uerit cometes à superficie
terræ, nam reassumpta fi-
gura antecedentis capitis;
In triangulo rectangulo
ABK noti sunt duo angu-
li KBA rectus, & BKA, P.
76. 20. cum latere AB mil-
liaria 3436. ergo si AK
sit sinus totus, erit AB si-
nus anguli BKA, quare ut

AB. 97171. sinus anguli BKA ad milliaria 3436. sic
erit AK. 100000. sinus totus ad milli. 3536. & tanta
erit recta AK, à qua si auferatur AO milliaria 3436. re-
manebit OK quæ sita distantia milliaria 100.

Sed si cognita fuerit parallaxis M. L. par. 19. 24.
media videlicet inter horizontem & verticem; una
cum angulo NBE, par. 70. nempe angulo altitudinis
cometes supra horizontem, non latebit XN distan-
tia cometes à superficie terræ; nam tunc in triangulo
obliquangulo ABN noti erunt duo anguli ANB, P.
19. 24. quia parallaxis, & NBA, P. 160. tanquam ad-
gregatum ex angulo recto ABE, & angulo altitudi-
nis NBE, est quoque notum latus AB milliaria 3436.
ergo ut 33234. (cum hoc sinu accepimus par. 19. 24.
cap. antecedente) sinus anguli ANB ad latus AB mil-
liaria 3436. sic erit 34202. sinus anguli NBA ad latus
AN milliaria 3536. à quo si auferatur AX milliaria
3436. nota remanebit XN distantia quæ sita millia-
ria 100.

Data

Data Cometis tum ab orbe terra distantia, tum altitudine supra horizontem vnus situs, dataq; distantia locorum in superficie terra, eius parallaxim respectu duorum situum inuenire.

Cap. XI.

Docuimus indagare parallaxim respectu vnus situs, nunc docēbimus quomodo inueniatur respectu duorum situum; Efformentur figuræ, vt in cap. 8. loca terræ sint BC, & cometes in G, nempe in ho-



G

rizon-



rizonte situs B, erit ergo parallaxis respectu horum
 situum BGC, ad hanc igitur parallaxim meriendam
 ducantur rectæ AC, BC: Vel itaq; recta AC concu-
 rit cum GC, vt in prima figura, & tunc expeditus erit
 casus, triangulum enim rectangulū ABG habet duo
 latera cognita, AB semid. terræ, & AG adgregatum
 ex semid. AC & GC distantia cometes à superficie
 terræ, cum angulo comprehenso BAG, nempe distan-
 tia locorum, quare non ignorabitur parallaxis BGA:
 Sed si recta AC non concurrerit cum GC, vt in secū-
 da & tertia figura, tūc operosior erit calculus. Assum-
 pta itaq; secunda figura, cui quadrat nostrum exem-
 plum, supponamus loca terræ inuicem distare per de-
 cem gradus (ostendimus cap. 5. cometam si per 100.
 milliaria à terris distauerit, videri non posse à situ vl-
 tra P. 13. 39. vtrinq; à puncto B distante) In triangu-
 lo itaq; ABC nota sunt duo latera æqualia AB, AC,
 cum vtrumq; sit semid. terræ, nempe milliar. 3436.
 notus est angulus BAC, P. 10. ab ipsis comprehensus
 distantia videlicet locorum, ergo reliqui æquales an-
 guli ABC, ACB quoq; noti erant, singuli P. 85. si fiat
 igitur vt sinus anguli CBA 92612. ad sinum anguli
 BAC 17365. ita latus AC milliar. 3436. ad aliud,
 prodibit latus BC milliar. 528. Recta BD continet
 milliar. 100. (per tot milliaria supponimus cometam
 ab orbe terræ distare) ergo AD erit milliar. 3536. si
 igitur AD statuatur sinus totus, erit BD sinus versus,
 & BG sinus rectus arcus GD, ergo vt AD milliaria
 3536. ad sinum totum 100000. sic erit BD milliar.

100. ad 2828. & tantus est sinus versus, quia sinu toto subtractus relinquit sinum complementi 97172. cui respondet P. 76.20. igitur arcus GD erit P. 13.40. & eius sinus 23627. & tanta erit BG respectu sinus totius AD: Quare si fiat vt 100000. ad milliar. 3336. sic 23627. ad aliud, prodibit BG milliar. 835. at angulus GBA rectus est, à quo si dematur angulus ABC, P. 85. notus remanebit angulus GBC, P. 5. In triangulo igitur obliquangulo GCB nota sunt duo latera BC milliar. 598. & BG milliar. 835. cum angulo acuto comprehenso GBC, P. 5. aggregatum reliquorum duorum angulorum BGC, BCG, P. 175. dimidium P. 87. 30. eius tangens 2290376. summa duorum laterum notorum BG, BC, milliar. 1433. laterum differentia milliar. 237. Sed summa laterum BG, BC milliar. 1433. ad eorundem differentiam milliar. 237. ita se habet vt 2290376. tangens P. 87. 30. dimidii aggregati angulorum BGC, BCG ad 378799. tangentem P. 75. 13. quæ deductæ à P. 87. 30. relinquunt P. 12. 17. & tantus est angulus BGC, nempe parallaxis quaesita. Quod si cometes fuerit in D, nempe in vertice situs B, tunc ducta recta CD, vt in prima figura, eodem modo venabitur parallaxis BDC vt factum est de BGC, nam in triangulo DCA, nota sunt duo latera AD, AC cum angulo comprehenso DAC, quare non ignorabitur angulus ADC.

Sed si fuerit animus indagare parallaxim BK C, mediam videlicet inter horizontem & verticem situs B, hoc opere vtendum est, nam vel recta KC pro-

G 2 ducta

ducta transit per centrum A, vt in quarta figura, & tunc expeditus erit casus: In triangulo enim obliqua-



gulo BKA, duo latera cognita sunt, AB semid. terre, & AK adgregatum ex semid. AC & CK data distantia cometas à terris, notus quoque est angulus KBA, tanquam adgregatum ex angulo recto ABG, & angulo KBG altitudinis supra horizontem sitas B, ergo non latebit angulus siue parallaxis BKC; Sed si recta KC producta non transierit per centrum A, vt in quinta & sexta figura, tunc operosior erit calculus: Assumpta itaque quinta figura cui quiddam nostrum exemplum, supponamus angulum KBG, altitudi-


nem

nem videlicet cometes supra horizontem situs B, continere P. 70. ergo angulus KBA, ut supra erit P. 160. In triangulo igitur obliquangulo BKA (prius ducta KA) duo latera cognita sunt, AB miliaria 3436. & AK miliaria 3536. cum angulo obtuso KBA. Par. 160. ergo ut AK miliar. 3536. ad AB miliar. 3436. sic sinus anguli KBA. 34202. ad sinum anguli BKA 33234. cui respondent P. 19. 24. igitur reliquus angulus BAK, nepe vera distantia a vertice erit m. 36. at angulus BAC continet P. 10. ergo reliquus CAK erit P. 9. 24. Quare in altero triangulo obliquangulo CAK, nota est duo latera AC miliar. 3436. & AK miliaria 3536. cum angulo acuto comprehenso CAK, Par. 9. 24. Summa notorum laterum AC, AK miliar. 6972. laterum differentia miliar. 100. adgregatum reliquorum duorum angulorum AKC, ACK, p. 170. 36. dimidium p. 85. 18. eius tangens 1216324. sed summa laterum millia. 6972. ad eorundem differentiam miliar. 100. se habet ut 1216324. tangens P. 85. 18. ad 17445. tangentem P. 9. 54. quæ deductæ à P. 85. 18. relinquunt angulum AKC, P. 75. 24. sed adinuentus est prius angulus AKB, P. 19. 24. ergo totus angulus BKC erit P. 94. 48. & tanta est parallaxis quæ sita BKC: At in sexta figura ab angulo BAK demendus est BAC, ut habeatur CAK; Itemq; AKC ab angulo BKA, ut remaneat parallaxis BKC.

Data parallaxi respectu duorum situum, tum
 altitudine supra horizontem unius situs, da-
 taque distantia locorum in superficie terra,
 quantum à terris aberit cometes, vestigare.

Cap. XII.

Sed si cognita fuerit parallaxis BGC, non late-
 bit distantia cometes ab orbe terræ; nam reas-
 sumptis tribus figuris primis antecedentis



capitis

capitis, si recta GC producta occurrerit cetro A, ut in prima fig. tunc expeditus erit casus. In triangulo enim rectangulo GAB noti sunt duo anguli GBA rectus & BGA parallaxis cum latere AB, quare notum quoque erit latus AG, a quo si dematur semid. terrae AC, nota euadet distantia cometes quæsita CG. At si recta GC producta non occurrerit centro A, sed supra vel infra in E, ut in secunda & tertia figura, tunc operosior erit calculus. Assumpta itaque secunda figura, cui quadrat nostrum exemplum; cum itaque ex prima parte cap. antecedentis notus sit angulus CBE, P. 5 cum latere BC milliar. 598. datur angulus BGC, P. 12. 17. nempe parallaxis, ergo reliquus GCB erit P. 162. 43. quare triangulum obliquangulum GCB habet omnes angulos notos cum latere BC, igitur ut 21275. sinus anguli BGC ad latus BC milliar. 598. sic erit 29710. sinus anguli GCB ad latus BG milliar. 835. ergo in triangulo rectangulo AGB (prius ducta AG, quæ secet terram in F) cognita sunt duo latera circa rectum, GB milliar. 835. & AB milliar. 3436. quare si AB fiat sinus totus, erit GB tangens & AG secans anguli BAG; ergo ut AB milliar. 3436. ad sinum totum. 100000. sic erit GB milliar. 835. ad tangentem 24301. cui respondent P. 13. 40. pro angulo BAG, cuius secans 102914. rursus ut sinus totus 100000. ad AB milliar. 3436. sic erit secans 102914. ad latus AG milliar. 3536: a quo si dematur AF milliar. 3436. nota remanebit FG distantia quæsita milliar. 100. Quod si cognita fuerit parallaxis BDC, ut


in pri-

in prima figura, eodem modo venabitur distantia cometes ab orbe terræ, ut factum est cum parallaxi BGC; nam in triangulo DCA noti sunt duo anguli ADC, DAC cum latere AC; quare notum quoque erit latus AD, à quo si dematur semid. terræ AB, nota evadet cometes distantia quaesita BD.

Sed si cognita fuerit parallaxis BKC, media videlicet inter horizontem & verticem situs B, non latebit distantia cometes ab orbe terræ; nam reassumptis tribus postremis figuris antecedentis capitis, si recta KC producta transierit per centrum A, ut in quarta figura, tunc expeditus erit casus, in triangulo enī obliquangulo KBA noti sunt duo anguli BKA parallaxis & KBA tanquam adgregatum ex angulo recto ABG, & angulo KBG altitudinis supra horizontem situs B, cum latere AB, ergo non ignorabitur latus AK, à quo si auferatur semid. AC, nota fiet distantia cometes quaesita CK? sed si recta KC producta non transierit per centrum A, ut in quinta & sexta figura, tunc operosior erit calculus. Assumpta itaque quinta figura, cui quadrat nostrum exemplum, supponamus angulum KBG, altitudinem videlicet cometes supra horizontem situs B, continere P. 70. angulus GBC notus est cum latere BG ex prima parte antecedentis capitis. In triangulo igitur obliquangulo GBA noti sunt duo anguli BGC parallaxis P. 94. 48. & KBC, P. 75. tanquam adgregatum ex angulo KBG altitudinis & angulo GBC, ergo reliquus KCB erit P. 10. 12. notum est latus BC. millia. 598.

ergo

ergo



ergo vt 99649: sinus anguli BKC ad latus BC milliar.
 598. sic erit 17708: sinus anguli ACB ad latus BK
 mill. 106. ducatur AK secans terram in F. Quare in
 triangulo obliquangulo KBA nota erunt duo latera
 AB milliar. 3436. & BK milliar. 106. cū angulo ob-
 tuso comprehenso KBA, P. 160. summa notorū late-
 rum AB, BK milliar. 3542. laterum differentia mill.
 3330. adgregatum reliquorum duorum angulorum
 BKA, BAK, P. 20 dimidiū P. 10: eius tāgens 17633:
 sed summa laterum mill. 3542. ad eorundem diffe-
 rentiam mill. 3330. se habet vt 17633. tāgens P. 10.
 ad 106577. tangentem P. 9.24. quæ cum P. 10. consti-
 tuat angulum BKA, P. 19.24. ergo vt 33234. (cum

H


hoc

hoc sinu supra accepimus Par. 19. 24.) sinus anguli BKA ad latus AB milliar. 3436. sic erit 34202. sinus anguli KBA ad latus AK milliar. 3536. à quo si auferatur AF milliar. 3436. nota remanebit distantia quæ sita FK milliar. 100.

Data parallaxi respectu duorum situum, tum ab orbe terra distantia, & altitudine supra horizontem unius situs, quantum inter se distent situs in superficie terra patefacere.

Cap. XIII.

R Eassumptis primis tribus figuris cap. xi. proponatur primum cognita parallaxis BGC. Vel itaq; recta GC producta transit per centrum A, ut in prima figura, & tunc expeditus erit casus; In triangulo enim rectangulo BGA cogniti sunt duo anguli ABG rectus, & BGA parallaxis, ergo reliquus BAG non ignorabitur, quo cognito cognoscetur & arcus terræ BC, hoc est distantia locorum quæ sita. At si recta GC producta non transiuerit per centrum A, sed supra vel infra per E, ut in secunda & tertia figura, tunc operosior erit calculus: Assumpta itaque secunda figura, cui quadrat nostrum exemplum; supponamus parallaxim BGC continere P. 12. 17. & cometam à terris distare per 100. milliar. Cum itaq; ex prima parte cap. xi. notum sit latus BG mill. 835. ergo in triangulo




gulo rectangulo BGA nota sunt duo latera BG miliar. 835. & AG miliar. 3536. cum angulo recto GBA, igitur ut latus AG miliar. 3536. ad sinum totum 100000. ficrit latus GB miliar. 835. ad 23614. sinum anguli BAG, P. 13. 40. ergo reliquus angulus BGA erit P. 76 20. à quo si auferatur parallaxis BGC P. 12. 17. notus remanebit angulus CGA, P. 64. 3.

Quare in altero triangulo obliquangulo CAG nota sunt duo latera AC miliaria 3436. & AG millia-

H 2 ria.

ria 3536. cum angulo CGA. Par. 64. 3. ergo vt latus AC milliaria 3436. ad 89918. sinum anguli CGA, ficerit latus AG milliar. 3536. ad 92534. sinum P. 67. 43. sed quia constat angulum GCA obtusum esse, igitur angulus GCA erit Par. 112. 17. ergo reliquus CAG erit Par. 3. 40. qui subtractus ab angulo BAG, Par. 13. 46. notum relinquit angulum BAC, P. 10. distantiam videlicet locorum quaesitam: At in tertia figura angulus BGA subtrahendus est a parallaxi BGC, vt remaneat notus CGA; sed angulus CAG addendus angulo BAG, vt prodeat notus BAC: Quod si cognita fuerit parallaxis BDC, vt in prima figura, tunc in triangulo DCA nota erunt duo latera AD, AC cum angulo ADC, quare reliquus DAC non ignorabitur, nempe distantia locorum quaesita.

Sed si cognita fuerit parallaxis BKC, media videlicet inter verticem & horizontem situs B, hoc opere vtendum est, nam reassumptis tribus postremis figuris cap. xi. Vel recta KC producta transit per centrum A, vt in quarta figura, & tunc expeditus erit casus; In triangulo enim obliquangulo BKA noti sunt duo anguli BKA parallaxis, & KBA tanquam adgregatum ex angulo recto ABG & angulo KBG altitudinis supra horizontem situs B, ergo reliquus angulus BAK, hoc est arcus terrae BC, sive distantia locorum quaesita non ignorabitur; At si recta KC producta non transierit per centrum A, vt in quinta & sexta figura, tunc operosior erit calculus: Assum-
pta ita-



pra itaque quinta figura, cui quadrat nostrum exemplum; supponamus angulum KBG, altitudinem videlicet cometes supra horizontem situs B, contingere P. 70. ergo angulus KBA erit P. 160. In triangulo igitur obliquangulo BKA nota sunt duo latera AB miliar. 3436. & AK miliar. 3536. cum angulo obtuso KBA, P. 160. ergo ut AK miliar. 3536. ad 34202. si nunguli KBA, sic erit AB miliar. 3436. ad 33234. sinu anguli BKA, P. 19.24. quare reliquus angulus BAK erit m. 36. notus est angulus BKC, P. 94.48. quia parallaxis, à quo si deducatur angulus BKA, P. 19.24. notus fiet angulus AKC, P. 75.24. Quare triangulum KCA habet duo latera cognita AC miliar.

3436.

3436. & AK milliar. 3536. cum angulo AKC, P. 75.
 24. ergo ut AC milliar. 3436. ad 96771. sinum angu-
 li AKC, sic erit A^K milliar. 3536. ad 99587. sinum
 P. 84. 48. Sed quia constat angulum ^KCA obtusum
 esse, ergo KCA erit P. 95. 12. igitur reliquus CA^K erit
 P. 9. 24. erat BAK. m. 36. quare totus angulus BAC
 erit P. 10. nepe distantia locorum quaesita. At in sexta
 figura parallaxis B^KC subtrahenda est ab angulo B
 K^KA, ut remaneat notus AKC; Itemq; angulus CA^K
 ab angulo BAK, ut remaneat notus BAC.


S C H O L I V M.

S Vpposui in secunda & tertia figura angulum
 GCA, itemque KCA in quinta & sexta obtusum
 esse, in secunda quidem & sexta satis manifestum est,
 nam cum angulus BCA sit acutus, existit enim supra
 basim isoscelis trianguli ABC, multo magis acutus
 erit ECA eius pars, quare suus deinceps GCA in se-
 cunda, vel KCA in sexta erit obtusus; in tertia vero
 angulus BAC est acutus, est enim arcus BC, cui insi-
 stit, minor quadrante, ergo CAE erit obtusus, in
 triangulo igitur CEA angulus ACE erit acutus, qua-
 re suus deinceps GCA obtusus erit: At in quinta non
 est ita manifestum, & ptofecto quinta figura tres ca-
 sus habere potest, nam vel recta KQ aequidistat semi-
 diametro AD, vel concurret cum eadem ex parte in-
 feriori vel superiori, in primo casu angulus CEA re-
 ctus est, igitur in triangulo rectangulo CEA angu-
 lus ACE erit acutus, quare suus deinceps KCA erit
 obtusus; in secundo quia angulus BAC est acutus,

ergo

ergo

ergo CAE erit obtusus, in triangulo igitur obtusangulo CEA angulus ACE erit acutus, quare suus deinceps KCA erit obtusus; in tertio demum efformetur integer circulus CBPE, & rectæ CA, KC præducantur ad peripheriam in P & E, & erit angulus CEP rectus, quia in semicirculo, & ECA acutus quare suus deinceps KCA obtusus erit.






Data

Data parallaxi respectu duorum situum, atq; eorumdem distantia in superficie terre, dataque altitudine cometes supra horizontem unius situs, parallaxim utriusque suus singulariter discernere. Cap. XIV.



Ro ponatur primum cognita parallaxis BG C; reassumptis igitur tribus primis figuris cap. xi. Vel itaq; linea veri loci GA coinci



adi

dit

dit cum GC linea visi loci situs C; vt in prima figura, & tunc expeditus erit casus, parallaxis enim duorum situum BC non differt à parallaxi situs B, quare illa cognita, hæc non ignorabitur, situs verò C nullam habet parallaxim, quia cometes est in eius vertice: At si linea veri loci GA non coinciderit cum GC linea visi loci situs C, vt in secunda & tertia figura, tunc operosior erit calculus; Assumpta igitur secunda figura, cui quadrat nostrum exemplum, supponamus loca terræ BC inuicem distare in superficie terræ per 10. gradus, & parallaxim BGC continere P. 12. 17. ex prima parte cap. 12. notum fiet BG milliar. 835. In triangulo itaq; rectangulo ABG nota sunt duo latera AB semid. terræ milliar. 3436. & BG milliaria 835. quare si BG fiat sinus totus, erit AB tangens anguli BGA, ergo vt BG milliar. 835. ad sinum totum 100000. sic erit AB milliar. 3436. ad 4. 1497. tangentem anguli BGA, P. 76. 20. & tanta erit parallaxis situs B, à qua si auferatur parallaxis data duorum situum BGC, P. 12. 17. remanebit CGA parallaxis situs C, P. 63. 3. At in tertia figura angulus BGA parallaxis situs B, subtrahendus est à data parallaxi duorum situum BGC, vt remaneat CGA parallaxis situs C: Quod si proponatur cognita parallaxis BD C, vt in prima figura, idem constabit sicut dictum est de BGC, parallaxis enim duorum situum BC non differt à parallaxi situs C, quare illa cognita, hæc non ignorabitur, situs verò B nullam habet parallaxim, quia cometes est in eius vertice.


Sed si proponatur cognita parallaxis BKC ; reas-
sumptis igitur tribus postremis figuris, cap. 31. Vel
itaq; linea veri loci KA coincidit cum KG linea visi
loci situs C , ut in quarta figura, & tunc expedius
erit casus; parallaxis enim duorum situum BC non
differt à parallaxi situs B , quare illa cognita, hæc
non ignorabitur, situs verò C nullam habet parallax-
im, quia cometes est in eius vertice; At si linea veri
loci KA non coinciderit cum KG linea visi loci si-
tus C , ut in quinta & sexta figura, tunc operosior erit
calculus: Assumpta igitur quinta figura, cui quadrat
nostrum exemplum, supponamus parallaxim BKC
continere Par. 94. 48. angulum KBG altitudinis su-
pra horizontem situs B , Par. 70. Ex prima parte
cap. 21. nota sunt latus BC milliar. 598. & angulus
 CBG , Par. 5. In triangulo igitur obliquangulo
 BKC noti sunt omnes anguli BKC , Par. 94. 48.
 KBC , Par. 75. & BCK , Par. 10. 12. cum latere
 BC milliar. 598. ergo ut 99549. sinus anguli BKC
ad latus BC milliar. 598. sic erit 17708. sinus an-
guli BCK ad latus BK milliar. 106. est angulus K
 BA , P. 160. tanquam adgregatum ex angulo recto
 ABG & angulo altitudinis KBG . Quare in trian-
gulo obliquangulo BKA nota erunt duo latera BA
milliar. 3436. & BK milliar. 106. cum angulo ob-
tusio comprehenso KBA , Par. 160. summa noto-
rum laterum BA , BK milliar. 3542. laterum disso-
rentia milliar. 3330. adgregatum reliquorum duor-
um angulorum BKA , BAK , Par. 20. dimidiu

III. 2. I.

Par.

De Cometis Liber Secundus. 21

Par. 10. eius tangens 17633. Sed summa laterum
milliar. 3542. ad eorundem differentiam milliar.
3330. sic habet ut 17633 tangens Par. 10. ad 16577.
tangente Par. 9.24. quæ cum Par. 10. constituunt
P. 19.24. & tantus est angulus BKA, siue parallaxis



fitus B, quæ subducta à data parallaxi B K C, Par:

94. 48. relinquit angulum C K A, siue paral-

laxim situs C, P. 75. 24. At in sexta fi-

gura parallaxis data B K C. detra-

hi debet à parallaxi B K A


fitus B, vt remaneat

parallaxis

C K A, situs

C.

Finis Libri Secundi.





IOANNIS CAMILLI

Gloriosi Gifonensis
DE COMETIS
Liber Tertius.

PRÆFATIO.



EX primo Libro satis probabiliter cō-
stare arbitror cometas astra erran-
tia vel errantium astrorum sym-
phasim esse non posse, propter in-
numeras eorum inconstantias &
difformitates, dubio procul est stel-
las certis legibus ferri, & per determinata mundi spa-
cia vagari, ideoque Chaldæorum opinionem non
esse rationabilem; quapropter decreuimus cometas
potius esse corpora temporanea siue de nouo genita,
accensa vel illustrata; videbimus in hoc tertio libro,
num cometæ sint corpora temporanea accensa, vt
volunt Peripatetici.

Hypo-

Hypotheses Cometarum secundum Peripateticos. Cap. I.

a lib. 1. Meteor. c. 8.



Redunt Peripatetici cum Aristotele cometas esse ignes, hoc est accensos halitus ex fumida exhalatione & tenui vapore commixtos, in sublimem aerem translatos, qui tum extinguuntur, cum ab alimentis deserti ceperunt, (quamvis ex veteribus ante Aristotelem non desuerunt, qui cometas ab accensione fieri crediderunt, nam Xenophanes, referente Plutarcho, cometam esse accensam seu ignitam nubem falsus est) nam ut hac contemplatio diligentius proponatur, scire oportet quod ex communi eorum sententia halitus iste et accommodatior & ad accensionem pronior cometarum materia fieri possit, debet esse viscosus & pinguis, itemque bene compactus & valde copiosus: Sol namque reliquis adiuuantibus astris, radiis suis agens in cavernas terrae, & in venas in primis minerales, inque loca vliginosa & paluttria, excitat & colligit multos halitus, quorum sane halituum sola sidera causa non sunt, sed auxiliares quoque partes agit calor in terra visceribus conclusus, ipsomet Aristotele confitente, hic enim aestuat & aestuando halitus producit, non secus ac aqua in aeno feruens vapores atque halitus emittit, qui quidam halitus è visceribus terrae excitati Solis in primis ac stellarum efficacia, at propria locuitate, igneoque interno spiritu sua natura sursum tendente suffulti; Sursum rapiuntur & eleuantur, ad hanc ascen-

e lib. 2. Meteor. c. 8.

ascensionem & eleuationem promouendam maxime adiuuantur à reliquis halitibus continuo ascendentibus, hi quoque cum propria leuitate sursum pe-
tant, halitus superiores ad aliores aeris partes protrudunt & impellunt, in supremam aeris regionem iam euecti accenduntur & inflammantur. Hæc enim regio aeris suprema cum ob vicinitatem ignis, tum ob velocitatem motus, quo à cælo circumrapitur, maxime exalescit, ideoque fumum siue halitum istum per se pinguem & inflammabilem circumuolitatione nostra agitatam magis calefacere, atque ita incendium promouere potest; Sed verius ad mentem Aristotelis secundum alios, halitus iste bene temperatus & compactus in suprema aeris regione vagans accenditur & inflammatur à scintillis & flâmulis ex igne decidentibus & in præfatum halitum incidentibus, continuo enim ex igneo elemento à cæli motu celerime circumactò ad partes inferiores violentia quadã portiones ignis detruduntur; Si itaque hæc portio ignis deorsum delapsa & in halitum illapsa forte fortuna ipsum inflammauerit, fueritque proportionatæ & cōdecantis molis & actiuitatis, hoc est vt halitum propter summam potentiam funditus nō absorbeat, vel propter exilem debilitatem ad ardorem excitandum non sit idonea, sed medio quodam modo se habeat, tunc ad aliquod temporis spacium duraturus gignitur cometes.

*Saluantur Cometarum phænomena secundum
Peripateticos. Cap. 11.*

Ræfatis positis hypothesibus de facili saluantur cometarum apparentiæ, magnitudo enim dependet ex maiori vel minori halituum quantitate & massa, cum itaq; hæc halituum quantitas non semper vniformis sit atq; eadem, nouis semper aduenientibus & veteribus depereūtibus; quid mirum si cometæ magnitudinem mutant, & nunc maiores & nunc minores videantur: Color quoq; varius est ex maiori vel minori compactæ materiæ densitate & raritate, certum est secundum maiorem vel minorem densitatem & rariatē materiæ, lucem illam igneam & fulgorem clariorem & hebetiorem videri, milleq; modis & intendi & remitti.

At cometarum figuræ variæ sunt ac multiplices ex varia & multiplici terrestrium halituum dispositione & forma, inter quos principem locum tenent ii, qui rotundam figuram possidentes, criniti appellantur, qui proprie Aristoteli cometæ sunt; Crinitus igitur efficitur comes, quādo exhalatio ardens diffusis vndiq; radiis similis sit capiti capillos siue cincinnos spargenti; Hanc comam siue cincinnum quandoq; astra assumere videmus, cum exhalatio ipsa sub astro inflammatur & accenditur, cum itaq; oculis discernere minime valeamus spacium illud, quod inter astrum & exhalationem intericitur, apparet nobis quod astrum comam gerat: cæterum de stellis comā

acci-

accipientibus notabilis ad modum locus est apud ^m Aristotelem. ^m *li. 1. Meteor. c. 7.* Quædam inquit non errantium stellarum comam accipiunt, & hoc non solum Aegyptiis credere oportet, qui id affirmant, sed & nos vidimus, earum enim quæ sunt in femore canis quædam habuit comam; Cui astipulatur quoq; ⁿ Plinius, sparguntur ⁿ *li. 2. c. 25.* aliquando inquiens, & errantibus stellis cæterisq; crines: sic quoq; accidit in arcis & coronis, quas circa Solem & Lunam frequenter conspiciamus, propagantur enim hæ ex tenui nube vel aere in tenuem nubem addensato inter Solem vel Lunam & nostrum visum interiecto, in quæ Solis vel Lunæ radii impingentes dum refranguntur circularem figuram depingunt; sicq; oculis nostris repræsentatur, ipsiq; astris coma velut area est: Quibusdam tamen cometis oblongis, quos Pogonias vocat Arist. cauda siue barba in defluxum adiungitur, hæc enim inde oritur quod spiri- ^e *lib. 1. Meteor. c. 8.* tuosa admodum & pinguis ac tenuis materia è cometico corpore exhalet; non secus ac videmus ex nonnullis ignibus aliquid instar sagittæ aut teli emitti, quod à vicino ignis corpore accenditur, in quam ergo partem spiritus cometales eruperint, verius eandem cauda spargeretur; sed verius dicendum quod cauda oritur ex dispositione & copia halituum exilium & rarioris consistentiæ, qui prope cometam adiacentes, vel de nouo aduenientes ibidem accenduntur: Sæpe tamen horum cometarum cauda à Sole auersa est, quia qua parte Sol hæret, ea absumentur halitus, vel fortasse quia eorum halituum, ex quibus cauda fit,

qui versus Solem consistunt, ob ipsorum raritatem à splendore Solis offuscantur, quod in parte contraria & Soli auersa non accidit, interiecto inter halitus & Solem denso cometæ corpore : Hinc rationem reddere possumus, quare cometæ nunc criniti, nunc barbati vel caudati videantur, nam quando cometæ terris viciniore sunt, criniti euadunt, nam propter vicinitatem ad terras à Sole non videntur, halitusq; circa cometam adiacentes vel de nouo aduenientes absumi & offuscari non possunt; at caudati vel barbati fiunt, quando à terris remotissimi à Sole conspiciuntur, nam tunc absumuntur & offuscantur halitus, caudati tamen quando vespertini fuerint, hoc est quando oriuntur post Solis occasum, barbati verò matutini, quando oriuntur ante Solem : Non nego plerosq; cometas & globosos & oblongos vel alterius cuiuscunq; formæ & imaginis absq; coma & cauda quandoq; videri, fieri enim potest quod tunc temporis per illum aeris tractum rariore circa cometam exhalationes vel non existât, vel de nouo non ascendant, ex quibus coma vel cauda nasci solet: Inflexionem seu inclinationem caudæ ad horizontem, imo quamcumque aliam caudæ effigiem & qualitatem dispositio halituum facit & efformat, circa cometam adiacentium vel de nouo ascendentium hoc modo ordinata, quapropter fit, quod huiusmodi deficientibus exhalationibus omnis caudæ curuitas, siue quæcumque alia effigies & forma prorsus euanescit.

Raro

Raro quoque generantur cometae, quia raro etiam tanta halituum copia colligi potest, quanta ad tantam molem constituendam requiritur, & si forte colligatur, Solis tamen ac stellarum efficacia & motu, itemque ignei elementi vicinitate isti halitus dissipantur & consternuntur, ut ad ignem siue accensionem coagmentari & disponi nequeant, accidit quoque quod in ipsis halitibus non adsint illico qualitates illae & requisitae, quae ad generandum cometam necessario pertinent: Vel haec raritas contingit, quia halitus, ex quibus cometes producendus erat, leuissimi iam facti & in superiorem supremi aeris limbum euecti in viam Lacteam, ad eius generationem transmigrantur, vel quoniam à certo stellarum positu efficiuntur cometae, cum itaque huiusmodi stellarum positus rarior sit, raripres fieri cometas necessum est: Cometae nunc diutius durant nunc minus, quatenus magis vel minus distant ab igne, nam qui igneo elemento viciniore sunt, propter ignis viciniam & concitatiores illius aeris motum, citius dissoluntur, quam ii qui ab eodem magis remouentur: magis quoque durant & minus, quatenus illa halituum massa magis & minus copiosa & compacta est, & quatenus ab aduenientibus & de nouo succedentibus halitibus alitur & sustentatur, hinc fit quod cometae lente & paulatim decrescunt, donec tandem plane absumuntur, cum adhuc sunt in alto caeli loco supra horizontem, id quod ipsi oculi in cometarum observatione testantur; deficiunt tamen plerumque

K cum

cum ad Eclipticam peruenerint, propterea quod efficacia planetarum & præcipuè Solis, qui ibi hæret & mouetur, absumat & dissipet cometa materiam.

Autumni tempore, ut plurimum generantur cometae, quia per astatem præcedentem calefacta sunt vena atque caueana ipsius terræ, in quas incidentes Autumnales pluuie in causa sunt, quod magna halituum copia emittitur in aerem, in reliquis anni temporibus non ita commode, nam Verno tempore non ita copiose generantur halitus, Aestiuo verò à Solis efficacia absumuntur, Hyberno demum quia terra frigore constringitur & Solis vigor debilis est, halitus deduci non possunt. Et hæc quoque causa est cur plerumque generantur cometae extra Zodiacum & Tropicos, quia regiones illæ à Solis præsentia & vicinia liberae sunt, in illis autem regionibus, quæ Soli subiacent, consumantur halitus, colligique non possunt. Ad Septentrionem cometarum generatio frequens est, quia ibi vaporum & humorum crassiorum maior copia atque adeo aer pinguior est, vel quia ibi ignes subterranei plures sunt, vel quia sulfurea & oleaginosa materia cometarum generationi admodum ea in parte vberior est, & in via Lactea præsertim ob perpetuum exhalationum fomitem.

Cometarum tandem motus proprius incertus & irregularis est, quia cometes est fumus accensus, ideoque sequitur per se sui venam, versus quascunque mundi partes tendit ille, non ignis enim materia sua alinae cum sequitur.

anua

X

tur,

tur, atq; ad alimentum motum ac situm mouetur; quod igitur in latitudinem versus Septentrionem vel versus Austrum ad ortum vel occasum deflectendo moueantur cometæ, ad eiusmodi ignitæ materiæ dispositionem referendum est; asserere quoq; possumus cum f. Carolo Pisone, quod iste motus in latitudinem Septentrionem vel Austrum versus nunc ad ortum nunc ad occasum deflectendo, quædam accidentariæ spiralis vectio typica sit; & non motus cometarum proprius, suprema namq; regio aeris cum igne sibi cõtermino nunc maiorem nunc minorem possidet amplitudinem, quod sane contingere potest, vel ob motum cæli intra Tropicos velocissimum, ignemque & aerem versus polos continuo impellentem & fugantem, vel secundum quod Sol magis vel minus distat ab illis, Sole enim à Tropico æstiuo ad hybernum vel contra ab hyberno ad æstiuum properante, ignis & aer sub Septentrione vel Austro, à quo paulatim Sol ipse recedit, crassescunt, coarctanturq; illud quod prius occupabant spacium, hinc aer qui sub Aequatore & Tropiciis suum habet domicilium, ne vacuum in natura aliquid iuris habeat, ad illud implendum spacium paulatim versus Septentrionem vel Austrum mouetur, quid igitur mirum si cometes in illo aere existens ab eodem aere vectus versus mundi partes Septentrionales vel Australes nunc ad ortum nunc ad occasum deflectendo, in modum spiræ siue coelæ moueatur; per quem motum in mundi partem altiorum dum ab aere transportantur cometæ, nobis etiã

f. Spec. phy.
cap. 12.

magis & minus remotiores, ideoq; maiores & minores apparēt: Hic quidē motus in principio velox, in fine tardus apparere solet, initio enim igneus ille vigor iam conceptus ardentius inflammabilem materiam accendit & impellit, qui tandem deficiente materia debilior factus lentius & tardius in eam agit; velociores & tardiores quandoq; etiam videntur cometæ, secundum quod cælo propiores vel distantiores sunt, qui cælo viciniore sunt, nempe in superiori supremi aeris limbo, manifestiorem habent motū, faciliusq; cæli motum persentiscunt & in orbem concitantur, quam ii qui à cælo plurimum absunt, quiq; veluti immobiles in inferiori supremi aeris regione consistūt: Dixi veluti immobiles, nam apud Aristotelem non dantur comete prorsus immobiles, equidem ipse tantum diuisit cometas in veloces & tardos respectu motus cæli ab ortu in occasum; nec verba illa Aristotelis (sicut autem talis latitudo stellæ videtur esse, sic & mansio quasi stellæ mansio videtur esse) hanc distinctionem præferunt, quod cometarum mobiles quidam sunt & quidam immobiles ad similitudinem stellarum mundo coæuarum, ut quidam Peripareticus interpretatur, imo Philosophus per stellas ibi non intelligit stellas mundo coæuas, sed discurrentes, notissimum est Aristotelem cometarū generationem explicasse ad similitudinem stellarum discurrentium, quod etiam animaduertit Tycho, eo in loco dicere voluit Arist. ut talis motio, hoc est exhalationis accensæ motio, stellæ cuiusdam motio & discurs-

8 lib. 2. Meteor. c. 8.

lib. 1. pag. 139.

discursus videtur, ita & talis exhalationis accensæ status, sideris statum videri, nec vero cometa sidus stans dicitur, quia non moueatur vnà cum cælo, à quo rapitur simul cum aere, sed quod in morem sideris discurrentis nō feratur, nec ita exhalationis pars post partem accendatur, vt ocissime transilire ignis videatur, vt in stellis transcurrentibus euenit, vt optime hunc locum explicat Vicomercatus; nec similitudo ad veras stellas in Philosophia Aristotelis admiti potest, nullam enim stellam prorsus immobilem fecit Arist. Et si videmus cometas moueri ab ortu in occasum spatio diurno, nec non ab occasu in ortum, vtraque concitatio accidit eis ab externo principio, mouentur enim primo modo, quia suprema aeris regio, in qua vagantur, tali motu à cælo circumrapitur, at si de secundo sermo fit, asseritur quia cometæ primum motum cum cælo ad amissim cōsequi non possunt, cum itaq; aer tanquam corpus fluxum ac tenue idoneum non sit ad recipiendum totam energiam & vigorem cælestis motus, hinc fit quod cometes, qui cū aere trahitur versus occasum, quodammodo retardetur, & in singulos dies versus ortum retrocedere videatur, quapropter apparet cometam nunc secundum nunc contra seriem signorum circumferri: Et si quandoq; obseruatum est caudæ motum à motu capitis diuersum fuisse, hoc fortassis tunc contingere arbitramur, quando cauda ipsi capiti continua & adnexa non est; fieri enim facile potest quod cauda tunc suū pabulum insequendo errabunda aliam à capite & di-

K 4 uersam

uersam viam prosequatur, exhalationes quamplures prope cometæ corpus accensæ ipsi cometæ non continuam sæpe caudam faciunt; vel hoc contingit, quia caudæ materia, ob sui tenuitatem & raritatem; itemque ob motum aeris ipsam vehentis, facile in vnam vel alteram partem flectitur: Quæ diximus de motu cometarum, de veris & per se existentibus cometis intelligenda sunt, & non de iis, qui sub astro aliquo concreti dominantis astri motum & normam sectantur, ab astro hæc attracta materia, ut Halo facit, suum sidus sequitur, etenim, inquit Scaliger, quam materiam informem sidus ab ima nostra attraxerit regione, quare nunc ab se compactam, formatam, libratam sibi propiorem non se cum auehat? sustinet igitur cum stella, ut ita dicam, parens eius; Et profectò hi cometæ omni ex parte veri cometæ non sunt, exhalationes etenim sub astro concretæ & accensæ, astrumque ipsum ambientes, sunt in causa quod astrum veluti cometes cernitur.

Non recte per hypotheses Peripateticorum cometarum phænomena excusari. Cap. III.

* Lib. 1. Meteor. cap. 8.

Difficillimum & arduum putauit Arist. cometarum negotium, quæ in re candide philosophatus est, satis esse inquiens in hisce rebus à sensu remotis si probabiles dumtaxat adduxerimus rationes, si nihil impossibile continere ostēderimus, ex quo colligimus Aristotelem quæ de cometis scripsit non omnino vera existimasse, ideoque ei nullam

iniu-

iniuriam fieri putamus, si eius hypotheseſ dubitando diligentius conſideremus.

1 Non videtur in primis quod cometę ex terreſtribus exhalationibus generari poſſint, nam & ſi cōcedamus è terra extrahi huiuſmodi halitus, quod tamen negauit Plato apud Olympiodorum, & Platonem ſequutus ^{l. Lib. 1. Meteor. ſect. 5.} Ioannes Baptiſta Porta, qui à calore iam impreſſo & ab acquiſita leuitate ſurſum petant, ^{m. Lib. 1. de aeris tranſmutac. 8.} certum eſt tamen illos eoſque aſcendere, quouſque acquiſita caliditas manet, manet autem tam diu donec ab aeris gelu calor iſte leuis non ſuperatur, ſed iſte calor facile perit, quia mōles aeris frigidioreſ, cui occuſant halitus, longe maxima eſt.

2 Sed eſto quod halitus iſti ſuperauerint mediā illam aeris regionem frigidam, quæritur cum peruerint ad ſupremam, quomodo coguntur, firman-
tur & condenſantur, veriſimile enim eſt illos halitus per totam ſupremi aeris regionem hinc inde ſparſos eſſe atque diſfuſos, nam ille aer tenuiſſimus cum ſit & ob ignis viciniā calidiſſimus denſandi nullam vim habet, & cō magis quia ſecundum ipſos à cœlo circumraptus celeriter mouetur, ex quo motu potius diſſipantur halitus quam colliguntur, propter quas etiam cauſſas in ſupremo aere nubes nō fieri ſtatuit ^{n. Lib. 1. 6.} Ariſt. in Meteoris.

3 Ad conſtituendum cometam dicunt quod halitus debent eſſe viſcoſi & pingues, ergo non omnes ſunt idonei, ſed tantum ii qui deducuntur è terræ locis vliginoſis, ſulfureis, paluſtribus & metallari-
bus,

bus, sed hi forte ad constituendam tantam molem non sufficiunt, ingentia sanè sunt cometarum corpora, ac ingentes caudarum effluxus.

4 Si cometæ fierent ab exhalationibus, quæ fugaces & instabiles sunt, breui durarent tempore, nec eandem semper figuram retinerent, nec eodem apparerent modo, & eò magis si in aere à cæli motu, ut ipsi volunt, celerrime raperentur, nam hæc exhalatio, cum tenuis ac separabilis consistentiæ sit, facile dissolueretur ac dissiparetur, at cometæ diu eandem figuram tuentur, eodemque apparent modo, & per integros menses durant.

5 Nec firmum est reliquum caput, in quo asserunt cometas ab halitibus sustentari, nam si cometæ ab halitibus de nouo aduenientibus alerentur, profecto res esset admiranda, cometæ enim discurrunt ac uagantur per omnes mundi partes, super quamplurimas terræ regiones situ & temperie diffformes, quare credibile non est quod in illis regionibus ad fouendum atque alendum cometam illico promptæ repèriantur exhalationes, nec dicendū quod cometes ipse secum trahat alimentum ad multos dies, nam exhalationes, quæ tunc temporis in illa regione, in qua genitus est cometes, reperiebantur, omnes fortasse in cometicum corpus congregata, accensæ fuerunt.

6 Si cometæ alerentur ab exhalationibus de nouo aduenientibus, quare cum peruenerint ad regionem illam aeris calidissimam, cum ipsæ natura combustibiles sint, & ad accensionem procliuēs, non illi-

to accendantur? sed potius cum cometa congregantur, & cum ipso postmodum comburuntur, videmus enim fulmina, stellas cadentes, aliâsque huius generis faces illico nasci & denasci, hoc magis contingere deberet in ipsis exhalationibus, ex quibus cometę fiunt, cum in altiore & calidiore mundi partem euehantur.

7 Si cometę alerentur ab exhalationibus de nouo aduenientibus, semper descenderent, cum exhalationes ipsę ascendant è terra ad supremam aeris regionem, imò uersus terram descendendo extinguere deberent, nos contrarium experimur, cometę enim magis atque magis eleuantur, ac dum emoriuntur, in alta mundi parte reperiuntur.

8 Si cometę alerentur ab exhalationibus de nouo aduenientibus, semper prope ac circa cometam densus quodammodo ac nubilus esset aer, qui stellarum uisionem impediret, at hoc non contingit, astra enim quę prope ac circa cometam sunt, libere conspiciuntur.

9 Quod etiam asserunt Peripaterici quod cometę ut plurimum nascantur Autumni tempore, extra Tropicos & uersus Septentrionem magis, ac præsertim in via Lactea, incertum est; nam non constat in qua mundi parte & quo anni tempore oriantur, uidemus sepe cometas è Meridionalibus plagis & ab Aequatore emergere, uersusque Septentrionem progredi, & si hæc apparitio nobis Europęis in Autumno contingit, hoc fit per accidens, quatenus tunc temporis

poris cometę ipsi ad nostras regiones accedunt; fieri tamen potest quod in Australibus partibus ęstare vel Vere prius geniti sint; Nec tutum quoq; ęst cometas ęstare vel intra Tropicos hoc ęst in temporibus & regionibus calidis difficulter generari propter Solis calorem & pręsentiam, cum videamus sub Zona torrida & aliis calidissimis regionibus copiosas & frequentes pluuias fieri, quod de Aethiopia & Arabia ipsemet testatur Arist. verę igitur Seneca, stellis intra signiferum cursus ęst, hunc gyrum premunt, at cometę ubiq; cernuntur; non magis certum ęst illis tempus quo apparent, quam locus vllus vltra quem non exeant.

10 Quod raro generentur cometę, quia raro accidunt quarundam stellarum positus, hoc sanę apud Aristotelem (quod ego sciam) non reperitur, censuit tamen ipsę aliquos cometas infra certas stellas nunquam concrefcere, atq; motum earum obseruare, sed hoc non pertinet ad quęstionem; puto equidem hoc potius ęssę Astrologorum commentum, ad constituendum, & firmandum vaticiniorũ & prędictionum cometicarum fundamenta: Et si Ptol. dixerit cometas ęssę de natura Martis & Mercurii, hoc forte dixit quantum ad effectus propter similitudinem quandam, non quod Mars & Mercurius verę generent cometas, hinc Cardanus exponens pręfata verba Ptolomę de stellis crinitis, inquit, sunt nature Martis, quia ignea & Mercurii propter motus celestiatę & iaculationem: Quomocumq; sit siue Ptol. credi-

o lib. 1. Meteor. c. 12.
p li. 7. Naturę quęst. 4. 12.

q lib. 1. Meteor. 3. & 10

r li 2. quęst. dr. tex. 53.

crediderit vel non crediderit cometas à Marte & Mercurio vel ab aliis quibuscumq; astris generari, non est firmiter opinandum cometas fieri à positu & configuratione stellarum, vt optime argumentatur Tycho. Nam si huiusmodi configurationes id efficerent, non esset adeo insolens & noua cometarum generatio, quotannis enim ferè tale quid contingeret, incertum & statutum haberetur tempus apparitionis & generationis cometarum, quod sanè repugnat experientiz, quamplures stellarum positi & configurationes sequitæ sunt, quas idoneas putant Astrologi ad generandos cometas, & nullus tamen genitus est cometes.

f. li. 1. pag. 647. 706. 753. lib. 2. pag. 438.

11. Sed in dubium quoq; vertitur dictum illud Aristotelis, quosdam cometas infra certas stellas nonnunquam concrefcere, atq; motum earum obseruare: Si enim infra aliquam stellam, dicebat Tycho, cometes quispiam in elementari regione procreari posset, utiq; suo capite & corpore densiusculo stellam illam regeret, atq; visui nostro, si directe interponeretur, subduceret, & nequaquam clariorem redderet, nec etiam talis magnetica vis exhalationibus siccis attribui merito potest, vt per aliquot menses certam stellam indefinenter circa vllam exorbitationem respiciat.

f. li. 1. pag. 748.

12. Sed si consideremus accensionem cometarum, non leuis quoq; occurrit hæsitatio, nam quod aiunt supremam aeris regionem à celi motu circumductam calefcere, & quod exhalationes istæ ad generandum

randum

randum cometam idoneæ ab eodem cæli motu in illa aeris calida regione accendantur; vel quod hæc accensio & inflammatio contingat ex ignis portionibus ab igneo elemento cæli motu circumactis ad inferiores partes detrusis, & in materiam cometicam incidentibus; vtrumque assertum satis dubium est, aer enim vel ignis à motu cæli non ita facile circumrapitur, cum sit corpus maxime tenue ac leue, in quod vis illa cœlestis motus imprimi non potest, & eò magis quod superficies caua continentis & trahentis cæli ex æquo terfa, polita & læuigata est, & eius motus maxime regularis & vniformis, propter quas causas cælum suo motu ad paruam distantiam ignem & aerem trahere & conturbare potest; tamen dato quod aer ille à cæli motu rapiatur, æque dubium est num excalescat, calor enim inducitur per attritionem & conflictum, cum itaque aeris partes per motum facillime dissociantur ac distrahantur, aer ad attritum & conflictum ineptissimus erit, Idem dicendum est de exhalationibus in illo aere constitutis, vertigo enim cæli tenuem illum fumum nec accendere potest, ea nanque motu calefieri videmus; quæ inuicem solida & dura sunt, quæq; vehementem confricationem & compressionem patiuntur, at leuia, tenuia, rara quomodocumq; ac ceclerime agitata non calefiunt, imo per motum dissipantur, & si forte accésa fuerint, frigescunt & extinguuntur, quod ab eodem Aristotele confirmatur, nam reddens rationem cur paucior aer copiosiore calidior sit, respōdet quod copio-

copiosior magis mouetur & motus frigiditatem inducit, signum huius est quod calida si moueantur frigescunt: Sed neq; omnino securum est reliquum caput accensionis, quod ignis videlicet portiones propter cæli motum in exhalationem cadentes, ipsam inflamment, quia cælum suo motu circulari & regulari omnes ignis partes simul attrahit, easdemq; in eadem distantia semper retinet, non enim cælum per rectam lineam distrahit & impellit ignem, quo quidem modo necessarium esset omnem ignem cedere; quare cū cæli motus orbicularis & regularis sit, ignem ab eo deorsum pelli & detrudi rationi non videtur consentaneum, sed dato quod huiusmodi portiones ignis deorsum à motu cæli vi expellantur, illico vel ab aere corrumperentur, vel tanquam leuissime resurgerent; & ad proprium elementum ascenderent, ideoq; fortassis ad tantam distantiam non descenderent, quanta foret necessaria ad exhalationem inflammandam.

13 Quæcumq; in aere accenduntur subito decidunt, nam materia quæ ignem alit semper continet aliquid terrestre; quæ ab acriis partibus per ignem liberata, tandem versus terram cadit, at hoc in cometis fieri non cernimus, non est igitur cometes flagrans ignis.

14 Omnia lucida & ignita non admittunt transparentiam, & scintillationi videntur quoq; obnoxia, nam ignis flamma propter partium inæqualem motum ac distractionem, inæqualemq; accensionem & splendorem, instabilis est & mobilis, sed per cometas transpa-

tra Sole á Capricorno ad Cancrum, versus Austrum; ut reclamant obseruationes, sæpe enim visi sunt comete, qui motum ad Septentrionem habuerunt, Sole etiam ab hyberna ad æstiuam conuersionem iter faciente, & sic ad easdem & non ad oppositas partes cum cometa decurrente; pro qua re confirmãda sufficit vnum vel alterum exemplum: 2. Regiomontanus obseruauit cometam anno 1475: quem primum vidit idibus Ianuariis, deinde occasus heliacus illum occultauit in vltimis diebus Februarii, qui motu suo proprio circuli magni portionem descripsit, quo in Septentrionem & cum hoc contra successiõnem signorum ferebatur: Apparuit nuper, inquit, Cardanus, sub initio Martii 1556. cometes stella equalis ferme Lunę dimidio, quinta die Martii erat iuxta medius Librę, cum illam primum vidimus, nona vero in ipso mundi polo, antea 60. partibus ab Aequinoctii circulo declinabat, mota igitur est toto quattriduo 75. partibus ab Oriente in Occidentem, & 30. à Meridie in Septentrionem; Vterq; igitur cometes motu proprio versus Septentrionem mouebatur, & Sol versus Cancrum, hoc est versus easdem mundi partes Septentrionales.

2. Ex Cardano lib. 2. Quad. 123. 53.

7. Lib. 14. de V. ar. ca. 69.

1. 7. Nec cometarum motus secundum vel contra seriem signorum per præfatas hypothesef excusari potest, nam iste motus non accidit eis ob reuolutione diurnam, secundum quam versus ortum retrocedere videntur, sed est eorum motus proprius, quem planetarum more possident & absoluunt; Nec tutum est

L asserere

asserere cometas hoc modo vel alio quocūq; ab astris trahi, vt cum Aristotele opinatus est Scaliger, siue cometes sit per se subsistens siue sub astro concretus, nā si hoc faceret aliquod astrum errans, cometæ sub Zodiaco sēper versarentur, ac illius astri motum concomitarentur; contrarium pandit experientia, cometæ enim qui sub Zodiaco apparent, frequenter extra Zodiacum feruntur; affixo verò sideri hoc opus tribuendum non est, cum quia affixa sidera contra seriē signorum non cientur, & ob distantiam & tarditatem motus proprii fortasse nullum comets sensibilē motum tribuere possunt, tum etiam quia cum cometæ ad illius astri situm peruenerint, consistere deberent, at videmus cometas nullam conformitatem in motu cum stellis fixis obseruare, atq; indifferēter sub omnibus astris moueri, imo testatur^a Albertus se anno 1240. in Saxonia cometam iuxta polum conspexisse; non est igitur cometarum secundum vel contra seriē signorum, vel secundum alium quemcumq; modum motus ab astris.

alib. s. Meteor. tract. 3. c. 3.

18 Tandem si consideremus locum in quo apparent cometæ, & eam mundi partem in qua diurno cæli motu agitari videntur, difficulter credimus eum esse aerem supremum, nullas enim Aristot. adduxit Mathematicas demonstrationes, per quas solas legitime de distantis philosophari potest, hinc dicebat Elias Camerarius apud^b Tychonem. Et quanquam verisimilibus argumentis proponant (nempe Peripatetici) Cometas & alia ostenta
signa

b li. 1. pag. 693.

gigni ex exhalationibus siccis & calldis , ac in summitate aeris circa terram volui , speculationes tamen tales demonstrationibus non confirmant, Aristot. quidem in primo libro Meteorologix cap. 7. & 8. quatuor præcipuorum cometarum mentionem facit; qui fulserunt annis 410. & 341. ante Christum natum, Euclæo, Aristæo, & Nicomacho Athenis regnantibus, non autem demonstrationibus probat eos in elementari regione extitisse.

19 Si cometæ in aere diurno motu mouerentur, per aliquod spacium retro & versus ortum relinquerentur, nec possent cum stellis fixis ad unguem conformari, quia regio illa aeris à cælo multum distans ab eodem cælo, si tamen ab eo rapitur, velociter circumduci non potest, sed constat cometas diurnam conuersionem ita perficere vt omnia astra cæli, & quando cum fixis emergunt, simul eleuantur, ac per multum temporis eandem distantiam tuentur, imò cum fixis oriuntur & occidunt, quando simul reperiuntur in ea mundi parte, quæ ortum & occasum admittit, ergo cometæ non multum distant ab affixis sideribus, ideoque cometæ potius in cælo inter astra quam in aere collocandi sunt.

20 Quo sidera magis distant à terra, atque octauæ sphæræ propiora fiunt, eò tardius mouentur propriis lationibus, ipsomet Aristotele confitente, Luna enim cum tardissime moueatur, plus denis gradibus vna die promouetur, ac certum est cometas cum ve-

*6 Lib. 2. de
egloten. 58*

locissimi sint in principio non multum ultra quinos gradus vna die progressos esse, ergo cometæ potius supra Lunam quam infra collocandi sunt.

21 Via, quam describunt cometæ proprio cursu secundum mundi latitudinem, delineat portionem circuli maximi, quomodo enim hoc fieri posset si in mundo elementari flagrarent cometæ, ac essent ignes accensi, ut tam regulari atque constanti ductu talem portionem circuli maximi describere possint, cum suadeat imò cogat ratio semitam illam, quam cometæ proprio motu describunt, pro materiæ & loci instabilitate, vagam & instabilem esse, quapropter cometas potius in cælo quam in aere domicilium habere, statuendum est.

22 Si cometæ motu diurno mouerentur, ac existerent in suprema aeris regione, necessario sequeretur eos tanta velocitate videri à nobis circumferri, ut potius fulgures quidam ab ortu in occasum pertranscuntes apparent, quam stellæ quædam, idque propter propinquitatem, regio enim illa aeris satis nobis propinqua est, alitra equidem ob nimiam distantiam ferè non moueri videntur, quamuis velocissime moueantur; cum itaque hoc etiam animaduertatur in cometis, quod ipsorum motus non discernitur à nobis, quemadmodum fit in astris, ergo cometæ maxime distant à nobis, potiusque in cælo inter astra quam in aere collocandi sunt.

23 Si cometæ in suprema aeris regione diurno
motu

motu mouerentur, existerent super horizontem nec per spacium vnus horæ ferè, quia portio circulationis diurnæ, quam describunt, parua est ob nimiam propinquitatem ad terram; sed cometæ commorantur supra horizontem tot horis, quot stellæ fixæ, cum quibus oriuntur, ergo cometæ maxime distant à terris, & consequenter in aere nobis vicino non erunt.

24 Si cometæ in supremâ aeris regione diurno motu mouerentur, non conspicerentur à quampluribus regionibus inuicem disitis & distantibus ob propinquitatem ad terram, est enim certa proportio globi terreni ad aerem supremum, ita vt terræ rotunditas siue globositas oculis hominum eius corporis conspectum adimere possit, quod in aere supremo versus certam cæli plagam hæret; sed certum est cometas in vno & eodem tempore distantibus regionibus, imò omnibus populis sub eodem hemisphærio degentibus fortasse conspicuos esse: Refert enim

4 Iosephus Blancanus se mense Ianuario 1620. Goæ ^{d In fine} Indiæ Orientalis à PP. suæ societatis litteras accepisse, ^{sue sphere} quibus continebantur obseruationes Goæ habitæ ^{in additionibus ad} de trabe & cometa anni 1618. quæ omnino consentiunt ^{pag. 307.} cum iis, quæ Romæ, Parmæ, atq; Antuerpiæ habitæ fuerunt (quæ quidem obseruationes postmodum impressæ fuerunt Vrsellis eodem anno 1620.) cometes inquam ab illis PP. in tam distantibus regionibus eodem tempore prope easdem stellæ, sicut in quampluribus Europæ regionibus, visus fuit, inuictum sanè signum cometas plusquam longissime à nobis abesse;

quare tutius est asserere cometas in altissima mundi parte versari quam in aere nobis vicino.

25 Via magis secura ad cognoscendam distantiam alicuius attri vel cometes ab orbe terræ illa est, quæ deducitur à parallaxi, astrum nanq; illud quod magis appropinquat terræ maiorem habet parallaxim quam astrum magis remotum; Cum itaq; ex accuratis recentiorum Astronomorum obseruationibus adinuentum sit, cometas minorem habuisse parallaxim quam Lunam, imo minorem quàm Solem, imò quandoq; nullam, ergo cometes illi supra Lunam & supra Solem effulserunt, quare cometarum locus potius cælestis est quam elementaris.

Quatuor postremarum rationum antecedentis capitis epilogismus & confirmatio.

Cap. 1 V.



Stensum fuit à nobis Geometrice lib. 2. cap. 3. 5. 9. 11. cometas si per 100. milliaria ab orbe terræ distauerint, supra terram per H. 1. 49. dumtaxat commorari, à duobus terræ sitibus per milliaria 1638. seiunctis eodem tempore videri, ac quando à vertice parum absuerint m. 36. videlicet, respectu vnius situs parallaxim possidere P. 19. 24. ac respectu duorum situum per 10. gradus inuicem distantium, P. 94. 48. At hæc phaenomenis non correspondent, comete nanq; cum affixis sideribus tota nocte supra terram detinentur, à maxime distantibus terræ

terre regionibus eodem tempore ac in eodē loco conspiciuntur, parallaxim quandoq; nullam, quandoq; insensibilem & non obseruabilem tuentur; Nam si verum est quod refert Tycho, cometas à se sedulo obseruatos etiam iuxta horizontem tertiar partis gradus parallaxim non excessisse, at Luna quando à terris maxime recedit iuxta horizontem vix vnicū gradum attingit: Quare cometarum locus & apparitio potius in caelo supra Lunaris orbis confinia inter planetas, quam in aere nobis propinquissimo statuenda est.

c. lib. i. pag. 68.

Peripateticorum Responsiones. Cap. V.



Væ afferuntur aduersus Aristotelē, firma non sunt, facileq; diluuntur, & si modestia & ingenuitate ductus (vt sui moris est in omnibus difficillimis contemplationibus) dixerit se in hoc cometarum negotio probabiles & non impossibiles rationes adducere, non hinc sequitur Aristotelem vera non existimasse quæ de cometis scripsit; summarim itaq; respondendo dicimus.

1 Ex globo terrestri verè deduci & expirari duplex genus halituum, vnum ex aqua, & dicitur vapor, alterum ex terra, & dicitur exhalatio, vapor humidus est, exhalatio autem sicca; & profecto si ex terrestri globo solus vapor expiraret, materiam utiq; nō haberemus ignitarum impressio-
um, vapor enim non est idoneus ad flammam & accensionem, quare cum in aere duplex genus effectuum reperiatur, du-

plicem quoq; materiam assignare opus est; ex aqueo vapore fiunt pluuia, rores, niues, grandines & his cognata, ex terrestri verò exhalatione cometae, trabes; stellae volantes, caprae saltantes, aliaeque faces ardentes: Fateor equidem quamplurimas exhalationes è terra gremio deductas, & propria leuitate sursum ascendentes, à gelu mediae regionis vel extingui, vel in alia Meteora transformari, tamen quae magis spirituosae & vigorosae sunt, illius regionis frigiditate facile euincunt & deludunt, propterq; summam leuitatem illi co ad superiorem aerem transuolant.

2 Ad superiorem aerem iam euectae, quamuis per illos mundi campos hic inde dispersae, congregantur tamen & vnuntur propter naturae conuenientiam, & Symbolum, exhalationes quoq; continuo ascendentes superiores & laterales dum protrudunt & impellunt, hanc congregationem & vnionem maxime promouent, cumq; in omnibus adsit aliquid vaporosae & vnctuosae pinguedinis, de facili inuicem occurrentes in vnum globum & massam detinentur & conglutinantur: Nec illius aeris motus vnionem & addensationem tollit, imò per illum motum halitus agitati & versus eadem partes impulsī facilius in vnā massam constipantur, & cum semel facta fuerit illorum halituum constipatio, ab illo motu potius conseruatur quam dispergitur, motus enim ille vniformis & circularis est, semper eodem modo se habens, & quodammodo lentus, cum suprema aeris regio maxime distet à prima sphaera, si enim ille motus per rectam lineam

lineam fieret, proculdubio halitus congregari & multo magis addensari minime possent.

3 Arist. nunquam dixit quod exhalationes, ex quibus cometę fiunt, debent esse viscosę & pingues, sed dixit quod debent esse bene temperatę, hoc profecto temperamentum nil aliud est, nisi qualitas exhalationi inherens, quę ipsam magis idoneam facit ad concipiendum flammam & ardorem, cum itaque viscositas & pinguedo facilius ignem concipiat, errasse non videntur Peripatetici quidam, qui per exhalationem bene temperatam, exhalationem viscosam & pinguem interpretati sunt; Et quamvis viscositas & pinguedo facilius ignem concipiat, nõ obid necessum est exhalationes, ex quibus cometę fiunt, deduci omnes ex locis vliginosis, sulfureis, palustribus & metallicis, cum omnes exhalationes ex quacumque parte telluris deductę, propter innatam siccitatem, sint idoneę ad concipiendum flammam & ardorem.

4 Exhalationes fugaces & instabiles dici possunt, dum sunt in via, nam ascendēdo eis plurimum sunt impedimento nubes, venti, frigiditas & alia obstacula medię regionis, sed illa superata & transacta, cum peruenerint ad supremam, tanquam naturalem locum nactę, & à reluctancia liberę, firmę sunt & stabiles, quare cum etiam aer ille supremus nullis ventis, nullisq; alterationibus sit obnoxius, nõ repugnat quod exhalatio ista bene compacta per aliquod temporis spacium perduret; nubes enim & si non ex tali tantaq; tenaci materia constent, diu quoq; durabiles sunt,

sūt, ac diu in aere humiliori & magis conturbato detinentur, nec mirum si cometæ eandem figuram seruantes diu eodem modo semper appareāt, nam exhalationes de nouo aduenientes & ad illam massam accurrentes, hæc omnia quam facillime præstare possunt.

5 Ex vniuersa terra deducuntur exhalationes & virtute caloris externi nempe Solaris, & interni in visceribus terræ latentis; si dicamus ex mari exhalationes quoque trahi fortasse absurdum nō erit, cum maris aqua plurimum habeat terrestris pinguedinis; sub mari calidissimas quoque terras reperiri certum est, hystoriæ enim plenam fidem faciunt, mare quandoque exarsisse, & ex mari sæpe exortas voragines fuisse, immensam ignis copiam vomentes: Hæc quidem exhalationes ex terra & mari continuo prodeuntes cum per totam supremam aeris regionem vagentur, quid prohibet quod ex ipsis sustentari & foueri non possit cometes ad multos dies? imo & si huiusmodi halitus tunc temporis non ascenderint ab aliqua parte terræ vel maris, super quam tunc discurrit cometes, exhalationes in illo aere existentes, quibus semper referissimus est, sunt satis ad aliquam illius fouendam diuturnitatem.

6 Ad supremam aeris regionem ingens exhalationum copia eleuatur, sed profecto dispari consistencia, quæ enim subtiliores & graciliores sunt absque vaporis vllius concomitantia, vel in aerem transformantur, vel illico in flammam resoluuntur, quæ verò aliquam

quam habent vaporis admixtionem, aliquam quoque; habent resistantiam & reluctantiā ad ignem & ad illius regionis caliditatem, huius generis sunt exhalationes, ex quibus cometæ fiunt; Cum itaque halitus cometici propter vaporis & si exigui societatem, resistantiam aliquam habuerint ad ignem, non illico ad supremum aciem deuoluti accenduntur, interea motu illius aeris cum massa cometica congregati simul comburuntur.

7 Non descendit versus terram cometes, quia cōpacta & conglutinata exhalatio, ex qua ipse constituitur, propter summā leuitatem ac cōceptum igneum spiritum natura sursum petit & euehitur; Et quamuis exhalationes, ex quibus alitur cometes, ascendant de terra, non opus est cometem ipsum descendere ad exhauriendum pabulum, dum exhalationes ipsę sunt in via, tunc enim exhalationes fiunt pabulum legitimum atque alere & fouere cometam possunt, cum idoneæ factæ fuerint ad concipiendum ignem, quod quidem eis non accidit nisi ad supremam aeris regionem deuolutis, in qua dum reperitur cometes, tanquā accensa massa vagantes exhalationes illas & vicinas nullo descensu conturbatus ad se trahit & rapit, sed non contra, sicque dicimus cometas sustentari ab halitibus de nouo aduenientibus.

8 Qui quidem halitus de nouo aduenientes, & circa & prope cometam existentes, quia tenues, rari, & dispersi sunt, stellarum visionem impedire non possunt, & eo magis quia adhuc nullam flammam concepe-

ceperunt; equidem cum aer ille supremus terrestribus
hulce expiramentis omnino scateat, non fit tamen ita
densus & nubilus, vt prohibere stellarum visionem
possit, exhalationes enim per illam aeris regionem va-
gantes propter raritatem prorsus inaspectabiles fiunt.

- 9 Nil certi affirmant Peripatetici de tempore or-
tus, & de mundi loco, in quo primo nascuntur, vel
primo conspiciuntur cometæ, nec Senecæ contrarius
est Arist. sed loquuntur cum debita conuenientia cō-
siderando anni tempora & terræ loca magis idonea
ad productionem cometarum, tum respectu mate-
riæ tum efficientis; Nam cum cometæ ex terrestribus
halitibus fiant, Sole in primis illos excitante & com-
mouente, Autumnus sanè in nostris regionibus satis
cōmodū tempus est ad taliū phænomenō generatio-
nē, tūc. n. Solis ardor nō est ita vehēmēs, vt halitus cō-
sumat, nec ita debilis, vt halitus promouere nō possit.
Intra Tropicos verò sub totius torridę Zonę tractu ra-
rò & difficulter cometæ fiunt, propter Solis immen-
sum ardorem halitus illos destruentem & annihilan-
tem; fatentur ergo. Peripatetici cometas fieri in omni-
bus anni temporibus & terræ locis, in quibusdam ta-
men frequentius, in quibusdam rarius.

f David O-
rigan. Par.
3. cap. 10.

- 10 Magnificiunt f Astrologi inter cætera hoc sin-
gulare decretum, cometas tunc generari quando tres
superiores Planetæ inuicem congregiuntur, inciderit-
que congressus in eclipsi luminarium, sed tum in pri-
mis cum vel Mars vel Mercurius dominus fuerit ani-
ni, siue quadrantis illius in quo fit Eclipsis, & cum al-
teruter

reruter horum vel corpore vel radio versetur in signis
aeriis aut terreis, sitque Luna in Geminis, Libra vel A-
quario: Ex colore quoque credunt & Astrologi cogno-
scere planetam dominantem, ut à coloribus. non se-
cus ac Eclipsis discernitur, nam qui fuscus est partici-
pem habet Saturnum, qui exacte cædus, Iovius est,
qui exacte rutilus, Martius, qui flavus; Venerius, qui
varius, in illo vis Mercurii dominatur; Sed isthæc As-
trobogorum decreta non pertinent ad Aristotelis phi-
losophiam, nihil horum commentus est Arist.

8. Cardanus lib. 2.
Quadr. ten.
53.

11. Quodcumque aliqua exhalationum con-
geries & massa acceditur & inflammatur sub aliqua
stella, stella illa apparet tanquam cometes, nam tunc
stella efformat caput, & exhalatio ipsa existens in ae-
re ei annectit illud syrma siue iubar, nempe comam
vel caudam; quapropter apparet quod cometes à stel-
la trahatur, cum sit eadem stella cum iubare illo ad-
scititio sibi adiuncto, & coma ad astrum se habet ut
area vel corona ad Solē & Lunam: Credo equidem
Aristotelem hoc dicere voluisse, cum dixerit. (Quan-
do igitur iuxta stellam facta fuerit talis concretio, ea-
dem necesse est apparere latione, & moveri cometem
qua quidem fertur stella) Hi cometæ cum per se non
existant, cumque cito dissolvantur illa concretio & cō-
comitantia, quemadmodum etiam accidit area circa
Solem & Lunā, ex omni parte veri cometæ non sunt;
argumentum Tychonis habet locum de veris come-
tis per se existentibus, qui ex eadem cometica mate-
ria habent caput & excrementa.

h. Lib. 1.
Meteor. c.
8.

12 Contra quoq; omnem experientiam & physicam rationem asseritur, cælum tam ingens & vastū corpus suo concitatissimo motu cælestes omnes sphaeras rapiens, ignem & aerem circumdueere, aeremque ipsum calefacere non posse, cum in sublunaribus satis euidens & cuique obuiam sit, ad motum cuiuscunque quamuis minimi corporis adhærentem & circumfusum aerem commoueri, aeremq; ipsum sui natura per attenuationem & attritionem motu excitatam, incallescere: Satis etiam rationabile est terrestres exhalationes bene temperatas & ad accensionem bene dispositas in illo aere supremo à cæli motu excandescere inflammari & accendi, cū videamus halitus quosdam satis exiles & tenues ex cæmeteriis exhalantes à minimo ventorum flatu agitados quandoque æstiuis temporibus ignescere & inflammam abire: Et quamuis cæli motus circularis & vniformis sit, non hinc sequitur quod ignis portiones violenter ad inferiores partes detrudi & impelli non possint, cum ignis elementum non sit corpus continuitate indissolubile, vel aliqua duritie compactum, sed rarissimum & tenuissimum, ideoque à cæli motu dissociabile ac distrahibile; Et si portiones ignis ad inferiorem aerem violenter delapsæ illico corrumpantur ab aere, vel ad propriam elementum reascendāt, nihil refert, consumatus iam est actus calefactionis, imo cum ista ignis descensio continua sit & indeficiens, continua quoque & indeficiens erit aeris calefactio, quare si in illo aere, ad quæ perueniunt huiusmodi portiones ignis,

forte

forte fortuna reperiatur exhalatio bene disposita , quid prohibet quod à præfatis ignis portionibus & scintillis accendi & inflammari non possit ?

13 Exhalatio in aere accensa , quamvis contineat aliquid de terra, cum sit fumus terrestris ardens, nulla tamen necessitate premitur, quod ab aeriis partibus per ignem liberata versus terram cadat, nã pars illa terrestris propter exilitatem & tenuitatem consistentiæ, igneæ naturæ ferè vicina ab ipsomet igne tandem correpta simul cum partibus aeriis in ignem vertitur , quare in ignem resoluta sursum eleuatur , & non deorsum decider.

14 Cometæ caput tanquam densius non admittit transparentiam, sed cauda propter raritatem & dispersionem bene quidem, ideoque frequenter per eandem cernuntur astra, & nunquam per caput, nisi caput ipsum rarefiat quemadmodum & cauda : Et quamvis cometes sit corpus ignitum, non ob id proprie scintillat, ignis enim omnis distinguitur à Phisicis in flammam & carbonem , flamma propter partium inæqualem motum & dispersionem, scintillationem parit, at carbo, quia est ignis in densa materia constipatus absque partium agitatione, nequaquam, cum itaque ignis iste cometicus accedat ad naturam carbonis, & sit instar titionis, velut ex requisitis materiæ cometalis ipsemet docet Arist. ac eius quoque color obtusus manifestum indicium prodit, scintillationem nullam proprie patietur, & eo magis quod nobis vicinissimus est , stellas fixas scintillare propter

i lib. i. Meteor. c. 8.

k lib. 2. de
c glo tex. 48

propter maximam distantiam, planetas verò minime propter propinquitatem, statuit Arist. at cometæ orbi terræ propinquiore sunt quam planetæ.

15 Nec illico consumitur cometes, nam ignis ille lentus est, plurimum quoque obsistit materiæ tenacitas & compactio, quod in reliquis ignitis momentaneis Meteoris non contingit, & eo magis quod ab aduenientibus & de nouo succedentibus halitibus alitur & sustentatur; Hæc inquam massa cometica vaga & tumultuaria dici non debet, nam cum semel compacta & conglutinata fuerit in illo aëre quieto & nullis turbulentis obnoxio, certum ignem diu fouere & conseruare potest: Non statim ardent cometæ quia forte massa cometica adhuc non acquisiuerit vltimam dispositionem ad incedendum, vel quia adhuc ignis portio aliqua ad inferiores partes decursa in ipsam non intiderit: secuta non est quorundam Peripateticorum assertio, quod cauda cometarum flammæ sit, quæ sursum exporrigeretur si cometæ persisterent immoti, vt in flammis nostratibus quotidie conspiciamus, sed quia mouentur motu cæli, ideo caudam tanquam partem rariorem à tergo gerunt & trahunt, quemadmodum faces ac luminaria, quum velociter mouentur, fusos à tergo radios dissipant; Equidem si hæc vera esset cogitatio, caudæ semper versus ortum dirigerentur, nullo habito respectu ad Solem, cum cæli motus cometem ad occasum trahat; quod semper non accidit; ideo securius est asserere quod cometarum caudæ sursum versus non eriguntur, quia cometæ ma-

gis

gis accedunt ad naturam carbonis quam flammæ, diximus cap. 2. huius libri cometarum caudas inde oriri, vel quod spirituosâ admodum & pinguis ac tenuis materia è comético corpore exhalet, non secus ac videmus ex nonnullis ignibus aliquid instar sagittæ aut teli emitti, quod à vicino ignis corpore accenditur: Vel ex dispositione & copâ halituum exiliû & rarioris consistentiæ, qui prope cometam adiacentes vel de nouo aduenientes ibidem accenduntur, Cur enim cometarum caudæ per transuersum iaceant & Soli auersæ, in eodem allegato loco à nobis explicatum est.

16 Motus cometarum secundum mundi latitudinem ad duas causas referri debet necessario, primâ est, quia in hisce mundi partibus Septentrione scilicet & Austro, cum semper adsit copâ exhalationum, comètes sequendo pabulum & alimentum magis atque magis fit Septentrionalis vel Australis, extra Tropicos enim frequentiores generantur halitus, etenim à Solè non ita destruuntur sicut intra Tropicos; Secundâ est motus violentus ipsius aeris, nam satis rationabile est à cæli motu intra Tropicos velocissimo expelli aerem & fugari versus polos, tanquam mundi partes extremas; si itaque comètes cursum primum habuerit ad Septentrionem, semper ab aere illuc tendente versus partes Septentrionales transportabitur, & si ad Austrum, versus partes Australes; Si hoc modo suam rationem proposuisset Carolus Pifo, ab omni obiectione liberam & immunem fecisset.

17 Si motus cometarum secundum seriem signorum vel contra ex motu diurno exacte & euidenter non dependet iuxta explicationem capituli secundi, dicere possumus cometas hoc modo moueri, quia à principio globus cometicus talem mundi plagam ingressus est, cum enim à natura hisce impressionibus & Meteoris assignata via non sit, liberum habent ingenium per omnes mundi semitas vagari, siue ea sit secundum seriem signorum vel contra; si Scaliger firmiter opinatus est cometas ab astris trahi, nihil ad nos aliter de hac re statuit Arist. fanciuit enim quosdam cometas astrorum motum sectari, instar arcæ vel coronæ, quæ secundum apparentiam Solem vel Lunam sequitur, sed non quod tales comete vere ab astris trahantur, explicauimus quoque eiusmodi faces veros cometas non esse.

18 Et si per Mathematicas demonstrationes non deduxerit Arist. cometas in supremo aere effulgere, tamen rationes eius firmissimæ sunt, nam cum statuerit cometas ab exhalationibus terrestribus gigni, hæc profecto in prima & secunda aeris regione ad diuturnum ignem accendi & inflammari non possunt, cum in hisce aeris regionibus nullum adsit efficiens accensionis, siue id sit cæli motus vel ignis vicinia; Si ad ignis elementum exhalationes fortasse peruenierint, illico comburuntur & in ignem transmutantur, & sic nullus generabitur comes, restat igitur tertia siue suprema aeris regio ad harum exhalationum accensionem promouendam dumtaxat idonea, recte
itaque

itaque deduxit Arist. cometas in supremo aere effulgere.

19 Quamuis aer supremus propter distantiam à prima sphaera motum primum ad amissim assequi non possit, non ob id cometæ non perficiunt conuersionem diurnam, ut omnia astra cæli, sic quoque videmus Planetas versus ortum derelinqui à motu primo plus & minus, secundum quod plus & minus distant à primo cælo, & tamen Planetæ perficiunt diurnam conuersionem: Sed profectò multum interest inter Planetas & cometas respectu motus primi, orbes enim planetarum, quia corpora magis constantia sunt, firmitus & efficacius concipiunt vehementiam primi motus, quam aer corpus rarum & fluxile, hinc planetæ, & si moueantur motibus propriis, certos obseruant limites huius distantie & inæqualitatis, quod de cometis dici non potest, qui non habent certum principium sui motus, nec aer, in quo existunt & vehuntur, constantia & firmitate cum orbibus Planetarum comparandus: Cum itaque cometæ nunc citius nunc tardius moueantur motu proprio, accidit quandoque eos motum primum ad amissim absolueret, quandoque versus ortum derelinqui, & quandoque versus Occasum anteire; & hæc quoque causa est, cur cometæ dum oriuntur cum fixis sideribus, quandoque per aliquod temporis spacium eandem distantiam tuentur, at successu temporis bene animaduertitur differentia, ideoque hæc ratio firma non est, ut per eam cometæ potius in cælo quam in aere collocandi sint.

M Nec

20 Nec tutæ sunt rationes illæ, quæ deducuntur à tarditate & velocitate motus proprii, vt supra Lunā collocentur cometæ, nam & si plerique cometæ propriis lationibus Luna tardiores fuerant, vt illi quæ Tychone & aliis perhibentur, non defunt tamen cometæ, qui Luna velociore habiti sunt; I Pōtanus obseruauit cometam, qui die vno 30. gradus emensus est, famosus cometes anni 1475. ab insigni Astronomo Regiomontano visus vnica die naturali 40. gradus peragravit; Dogma illud ab Aristotele traditum habet locum in planetis & non in cometis, cometæ enim astra non sunt, nec vllis orbibus alligantur, sed libere per aerem vagantur, quare Aristotelicæ regulæ & decreto non subiiciuntur cometæ.

1 ex Carda
mo lib. 2.
Quad. tex.
53.

mOp. 1st.
p. 8. 335.

n Antyo.
abo lib. 2.

21 Quanquam plerique Astronomi satis diligenter cometarum motum dimensi fuerint, ipsosque per arcum circuli maximi motos fuisse animaduertierint, non ob id eorum demonstrationes firmæ & adamantinæ ex omni parte censendæ sunt, cum multa alia restent puncta, per quæ circulus maximus decurrit, ab ipsis non assumpta & probata; hinc dicebat Keplerus, Qui motum cometæ anni 1577. circuli demonstrarunt, difficillimam operam sumpserunt neq; tamen omnino successit, quod non rati sunt diligentius sibi inquirendum esse: Imò cometas à Tychone & ab aliis sui temporis Astronomis obseruatos nequæ exacte circulos maximos absoluisse, neq; regulariter motos fuisse; ex eorundem obseruationibus tatis euidenter deducit Claramontius; Et sane si cometæ

Me-

Meteora sunt, siue corpora de nouo genita, quomodo regulariter moueri, & exquisitè circulum maximum designare poterunt? cum hæc porius solis astris conueniant, quæ certam habent regulam sui motus: Nec moueri vel non moueri per circulum maximum primario infert & necessario mobile in cælis existere vel in elementis, ut quæuis orbita & circulatio circulus maximus dicatur, sufficere pro eius centro, teluris centrum habeat, siue easupra Lunam fiat siue infra.

Audiendi non sunt Mathematici, dum de distantis supremi aeris, deque ascensione & altitudine terrestrium halituum loquuntur, cum in hac philosophiæ parte nihil certi & determinati statuere possint, inconstans enim est huius aeris siue Atmosphæræ altitudo, nam si consideremus varia terræ loca, ac varia anni tempora, modo maior modo minor esse potest, & consequenter incertum quoque erit quantum terrestres halitus supra terram eleuentur: Démonstrationes Opticorum per Solis radios directos vel refractos elaboratæ nullam inducunt necessitatem, nam ipsi earum exhalationum altitudinem dimeriri possunt, quæ crepusculum faciunt, hæc quidem quia densitatem quandam habent & opacitatem, Solaribus radiis colorari, atque eosdem reflectere possunt, & sic à nobis videri, at halitus illi, ex quorum constipatione cometæ fiunt, propter summam tenuitatem in altioribus aeris partibus euecti, crepusculi radios non sentiunt, eosque transmittunt irrefractos, ideoque inuisi-

biles evadunt, quare ipsorum altitudo & ascensio nulla dimensione explicabitur, ac frustanea semper erit omnium Geometrarum Solertia & cura, hinc quæ à Mathematicis super hac aeris altitudine, tanquam super basi instabili & incerta construuntur, facilem minantur ruinam, ideoque non libere concedenda: Quare dato quod inter terram & Lunam intericiantur milliaria 175236, iuxta calculum Astronomicum cap. primi secundi libri, incertum est quot milliaria aeri vel igni debeantur, ideoque incertum quoque erit quantum cometa à terris distare poterunt, dum per aera vagantur; Aerem ipsum maxime ex porrigi ac dilacari versus caelum, optime novit Arist. nam assignans locum cometis, cum dixit maxime propinquum esse stationi astrorum, nempe celo, (& non octava sphaera ut quidam Peripateticus interpretatur) Si itaque ex Aristotelis decreto cometae in supremo aere conspiciuntur, ergo cometas à terris non parum distare, & Lunæ maxime appropinquare fatendum erit, quo in situ si repobantur, non ita terræ vicini erunt, ut necessario sequatur, eos motu diurno summa celeritate tanquam fulgures præterlabi, & eò magis quod aer ille non tam celeriter moveatur motu diurno, ut caelum ipsum, quare distantia hæc cometarum, siue eorum ad caelum vicina, & tardius motus ipsius aeris sunt causa, quod cometae motu diurno tardissimi videantur, quemadmodum quoque videntur astra.

2.3. Diximus cometas ipsi celo, nempe orbi Lunæ secundum Aristotelem maxime appropinquare,

ideoque:

a. Lib. 1.
Meteor. c.
1.

ideoq; circulationem eorum diurnam non multum à Lunari diurna differre, quo in situ apparentiæ cometarum vniformes ferè sunt cum apparentiis celestibus: Nam reassumpta figura cap. 3. secundi libri, si



A. E. statuatur miliar. 178672. quantum videlicet ex placitis Copernici & Tychoonis distat Luna à centro terræ, dum est terris vicina, iuxta præfati capituli adinuenimus arcu EF P. 177.

44. motu diurno à Luna peragrari H. 11. 50. sed in illo seu sub Æquatore stellæ fixæ per H. 12. commorantur supra terram, differentia igitur inter Lunam & fixas est tantum m. 10. vnus horæ, equidem immensa est distantia inter fixas & Lunam, ergo si respectu distantie philosophandum esset de mora supra horizontem, multo per plures horas motu diurno fixæ commorari deberent supra terram quam Luna, hinc apparet hanc rationem non esse legitimam, & eo magis in cometis hæc ratio & argumentandi via non habet locum, nam cum cometæ nunc tardius nunc velocius motu proprio moveantur, plus quoq; & minus commorari possunt supra horizontem, qualiscumq; fuerit eorum distantia ab orbe terræ.

44. Terra non tantum Firmamento, ut ait P. Mauryeus, verum Saturnio etiam Iouiali; celo collata

p. Dialogo
1. Cosmogr.

M 4 est in-


est insensibilis, ad Martialem mox orbem vix percipitur, sed nec ad Solem tanta est, ut curanda sit, ad inferiores deinde sphaeras, aliquantulum, ad Lunarem maxime sentitur; ergo ut aliquod obiectum videri possit in vno & eodem tempore à duobus terræ locis toto hæmisphærio seiunctis, opus est ad minus ut sit in confinio orbis Solaris, nam respectu huius distantiae ferè evanescit terra, sed si obiectum fuerit in orbe Lunæ, à præfatis duobus terræ locis minime cerni posset, terra enim respectu huius distantiae sensibilis est, quod facile ex cap. 5. secundi libri cognoscitur,

Nam si AB statuat

tur mill. 178672. quantum videlicet ex placitis Copernici & Tychoonis distat Luna à centro terræ, dum est terris vicina, iuxta præfati capitis adinueniemus ar-

cum terrestrem EF, P. 177. 44. hoc est hemisphærio minorem; At cometæ secundum Aristotelem infra Lunam degunt, ergo verum non est quod videri possint in vno & eodem tempore à duobus terræ locis toto hemisphærio seiunctis; nec cometes anni 1618. Romæ, Parmæ, Antuerpiæ & Gœæ eodem tempore prope easdem stellas fortè visus aliquid cōtra nos molitur, nam si ponamus quod iste cometes in vno & eo-

dem



dem tempore visus fuerit Goæ ac in insulis Fortunatus, à quibus exorditur Ptol. longitudinem terrestrè, quæ quidem insulæ magis distant à Goæ quam Roma, Parma & Antuerpia; ad inueniemus profecto cometam hunc à centro terræ non multum abfuisse; Reassumpta igitur figura cap. 6. secundi libri, fingamus circulum i. lunæ maximum terrestrem Aequatorem esse, ac secari in E à Meridiano primo per insulas Fortunatas transiente, & in F à Meridiano Goano, continebit ergo arcus EF, P. 115. 10 hoc est milliar. 69. 0. (per tot gradus siue milliaria distat Meridianus Goanus à Meridiano primo secundum terræ longitudinem in Aequatore numeratam) quare iuxta præfati capitis distabit cometes à centro terræ tantum milliar. 3410. non est igitur opus per hanc observationem præfatum cometam supra Lunam collocare.

§ 25 Doctrinā parallaxium, quam tanti faciunt Astronomi, ut recte monet Bodinus, fallax est, ideoque ad mundanas distantias metiendas non satis idonea; Sed profecto etiam si consideremus parallaxim esse optimam & securam viam ad interualla & distantias vestigandas, non bene deducitur cometas ob insensibilem vel nullam parallaxim supra Lunam statuendos esse, ut inter recentiores animaduertit Guidduccius, nam Halones, Irides & Parelia infra Lunā, imò non multum supra terram sunt, & tamen nullā admittunt aspectus diuersitatem: Sed Halone, Iride & Pareliis prætermisissis nōne habemus Galaxiam ipsam
q li. 2. The
at pag. 218
r De cometis pag. 18

f Lib. 1. Me
teor ca. 10.

sis cometis simillimam & affinem; ob quam affinitatem, illam magnum & perpetuum cometam vocavit Aristot. hæc enim ex omnium consensu nullam patitur parallaxim, & tamen in ære supremo à communi philosophorum cætu statuitur; quare hisce parallaxibus Astronomicis pro cometarum ab orbe terræ distantis eliciendis omnis fides & autoritas abroganda est: Nec observationibus Astronomorum multum fidei tribuendum est, cum & ipsæ vel ob instrumenti aliquod vitium, vel aliam quamcunque latentem causam plerumq; fallant & oberrent, ac Mathematici ipsi in observando de facili quoque decipi possint, ipsomet confitente Ptolomæo, testantur & hoc ipsum observationes de cælo sumptæ, quæ nunquam vnanimes & consentaneæ inter se sunt, & nihilominus eisdem innituntur principiis & fundamentis: Vel dicendum cum Scaligero, dato quod cometæ minorem habeant aspectus diuersitatem quam Luna, non hinc sequitur cometas supra Lunam collocari oportere, nam cum cometæ ab aliquo sidere attracti & geniti sint, sideris authoris sui sequuntur naturam & motum, quantam ergo aspectus diuersitatem possidet parens astruta, tantam possidebit filius cometes, cum itaque hæc sidera minorem habeant parallaxim quam Luna, minorem quoque parallaxim cometas continere necesse est.

f lib. 1. Magni operis.
cap. 1.

u Exercit.
79.

Peri-

Peripateticorum responsiones, reijciuntur. Cap. VI.

AD pauciora & solidiora capita Peripateticorum responsiones contrahendo, consideremus quæso ante omnia materiam cometarum: Et profecto num exhalatio ista terrestris ac censa bene temperata & compacta cometarum materia sit, maximam habet ambiguitatem, per coniecturas probabiles procedendum est, ut in omnibus ferè phisicis contemplationibus philosophari cogimur, hanc tamen probabilem coniecturam quædam dissuadentiationes; cometarum magnitudo in primis, diuturnum incendium, motus & locus: cometæ enim ingentia & immania corpora sunt, nullus cometes observatus est, qui magnitudine apparenti stellas sex trigradus ad minus non adæquaverit, dico ad minus nam plerumque stellas primi honoris superarunt, cum itaque ex observationibus constet præfatos cometas in maxima à terris distantia suos cursus absoluisse, & si forte quidam illorum non maiores, non multum tamen minores quam terra secundum corpulentiam statuendi sunt, qualis fuit cometes anni. 1577. qui ter restri globo minor centies semel cum duabus tertis partibus ferè à Tychone exstigmatum est, cometam anni. 1618. terræ globo minorem non centies & quinquagies Cyfarus adinvenit; imò ex hoc solo capite magnitudinis cometas ex terrenis exhalationibus non existere placetior contendit Snellius;

Finga-

Lib. 2.
pag. 101.
de cometa.
ra. 1618.
cap. 5.
de cometa.
ra 1618.
6.

Hingamus iungitur, air, vniuersam hanc aeris re-
 gionem, quæ vniuersæ circa hunc terræ globum
 circumfunditur, totam inquam illam Atmosphæ-
 ram in vnam aliquam spheram contrahi & con-
 globari, ea tamen cometæ corpus nequaquam sua
 mole exæquabit, & quis tantam congeciem, adeo va-
 stas & copiosas exhalationes à nobis obire, & illam ip-
 sam vitalem autem à toto terrarum orbe subducti nō
 sentiat? quem quæso illa fumosarum exhalationum
 volumina, quæ in vnum coacta adeo densum corpus
 constituent, latere possent? nam vtiq; etiam multi-
 plam huius aeræ regionis esse oportet, vt exhalatio
 ea tanquam in spissas nubes condensata incrassescat,
 & in tantam molem cogatur; Et paulo infra; Mis-
 sam nunc facio caudarum immentam molem, quæ
 in hoc nouissimo quinquaginta graduum longitudi-
 ne, trium & quatuor graduum latitudine aliquando
 diffundebatur, quæ si teres sit, & ad calculum eius ma-
 gnitudo reuocetur, stupondani eius magnitudinem
 deprehendes, quæque aliquot milies terræ globum
 superaret; sunt profecto ista figmentorum portenta
 nimium insana, quæque ipsa comparisonis vi facile
 concidant, quamobrem longè alia nobis materia, alii
 natales erant inuestigandi, hæc Snellius: Nec dicen-
 dum est cometarum magnitudines per extensionem
 & dilatationē crescere, vt in fumo fieri cernimus, qui
 exilis in principio, tandem in ampliora spacia se dila-
 tat, nam cometæ à principio vt plurimum maximī
 sunt, contra ignes serpendo acquirunt vires, nec subi-

eo grandes existunt, nisi à validissima causa; nec per hanc extensionem & dilatationem cometas crescere concederent Peripatetici, nam tunc cometa diuturnam non haberet consistentiam, subitoque ab igne depauperentur ac evanescerent, ad hanc diuturnitatem excusandam cometarum materiam conglutinatam & compactam esse necessario Peripatetici voluerunt: igitur hæc materia ut durationi & more respondere possit, maxime solida & compacta erit, quomodocumque tamè compactam & solidam tam diuturno igni pabulum fieri posse, contra omnem probabilitatem asseritur; Auget difficultatem immanis caudarum longitudo, cauda enim comete anni. 1577. dimittente^a Tycho ad diem. 13. Novembris continebat terræ semidiametros. 95. ferè, hoc est milliaria Italica: 326420. (tribuendo videlicet cuilibet semidiametro milliar. 3436.) cometes anni. 1618. ex^b Cysato ad diem. 29. Decembris continebat terræ semidiametros. 445. hoc est milliaria Italica. 1529020. hinc dicebat^c Keplerus quod cauda huius comete longior fuit, quam recessus cometa à centro terræ; quare cometarum caudas, quomodocumque dicamus siue flamma sint, siue verius materia pinguis & tenuis ex cometa corpore fluens & emanans, siue favillarum & igneorum spirituum eructatio; siue tenuium exhalationum sparsa congeries, in tantam longitudinem produci & extendi si concesserimus, nullam fidem meretur: Motus quoque satis arguit huiusmodi exhalationis accensas cometarum materiam esse non posse;

siue

^a Lib. 2.
pag. 205.

^b de cometa
1618. c. 9

^c lib. 1. de
cometis pa.
79.

siue cometæ moueantur per circulos siue per rectas lineas, etenim ignita Meteora talem motum nec seruare diu nec retinere possunt: Locus demum sufficenter probat cometas in aere nobis vicino non expatiari, sed potius in longissima à terris distantia inter planetas, nisi dicere velimus terrestres exhalationes in tā altam mundi partem ascendere & eleuari, quod forte ex adductis rationibus concedendum non est.

2 Fateor quidem incertum esse quantum supra terram exhalationes istę leuissima prouehantur, tamen ipsas deffinitam distantiam siue altitudinem milliar. 41. notabili spacio superare non ita facile celsierim, ideoque nos asumpsimus supremam aeris regionem per 100. milliaria à terris distare: Quæ nunc asserimus Peripateticæ Philosophiæ non aduersantur, nam ultra deffinitam distātiā illico succedit ignis, cum itaque huiusmodi halitus ascendant leuitate, & nil leuius igne in sublunaribus, ergo naturaliter exhalationibus istis sua leuitate extremi aeris confinia transcendere non licet: Quare quæ à Mathematicis super hac aeris altitudine tanquā super basi quodammodo stabili & certa construuntur, non ita facile minantur ruinam, vt putant aduersarii.

3 Credo equidē quod velocitas & tarditas motus proprii non sunt argumento, quod cometæ magis & minus distent à terris, quod etiam agnoscunt plerique, & præsertim ^d Tycho, possunt enim, inquit, cometæ celeriori cursu vel antrorsum vel in consequentia, aut etiam ad latera versus polos motu pro-

prio

prio cieri, quam ipsa Luna, & nequaquam tamen infra hanc versari; Idem ad Rhormannum scribens. *e Epist. pa. 118.*

Quamvis ut ipsum quod res est dicam, velocitas & tarditas motus non sufficienter remotionem vel appropinquationem cometarum discernunt, quod etiam aliis in locis confitetur: § Rhormannus quoque ipse *f lib. 2. pa. 441-442. § de cometis 1585. p. 101.* loquens de loco cometæ, qui effulsit anno 1585. Si enim, inquit, motus in cometis esset argumentum altitudinis, non tantum infra Saturnum, Iovem & Martem, verum etiam infra Solem, Mercurium, infraque ipsam Venerem collocandus esset, quod tamen defectus parallaxeos omnino refutat: Ideoque dato & concessio quod cometæ à Pontano, Regiomontano & aliis observati, Luna velociore extiterint, ut infra Lunam collocentur, nulla necessitate coguntur: Quamobrem & si hæ rationes à velocitate & tarditate motus proprii, nec non à circulo maximo deductæ, infirmæ quodammodo videantur, si hoc modo & simpliciter proponantur, nihilominus omnino negligendæ non sunt, si cum aliis distantiarum & motus circumstantiis correspondeant: Cum itaque animaduerterint Astronomi cometas non omnino irregularem quandam inconstantiam in velocitate & tarditate motus, nec non in semitæ & itineris rectitudine servare, cumque viderint cometas cum stellis in quampluribus conuenire, hoc saltem satis probabiliter se statuere posse crediderunt, cometas nempe longissime à terris distare, & ex flammanti materia non constare, quæ sui natu-

ra nullam proportionem & constantiam nec in motu nec in via tueri potest.

4 Peripatetici illi, qui Astronomorum observationibus non multum fidei tribuendam esse aiunt, non bene agunt, hoc sanè ab Aristotele non didicerunt, nunquam Arist. Astronomos refutauit, ^b Aegyptiorum & Babyloniorum observationes ratas habuit: notum est quantum pro Astrologia amore exarscit Arist. Alexander Asiam tum fulminabat, & Callisthenes pro Aristotele datus Alexandro monitus est, ut si Babylon caperetur, Astrologia Babyloniorum à Chaldaeis exquireretur, atque in Græciam mitteretur, hæc enim opima Orientis spolia ab Aristotele expetita sunt, In eo Arist. ipse in omnibus suis operibus de Mathematicis disciplinis honorifice locutus fuit, & quamplurima assumpsit & approbavit Mathematicorum theoremata super quibus tanquam certis & stabilibus fundamentis conclusiones superstruxit admirandas, ut passim monet; Blancanus in libro de lo-

*h. lib. 2. de
epit. 60.
lib. 1. Me-
taph. 17.*

*i. pag. 90.
147. 208.*

*Kli. 1. Scho.
Mathem.
in 4. pa. 21.*

eis Mathematicis Aristotelicis; Quantum verò in Mathematicis disciplinis eruditus fuerit Arist. quamplurima ab ipso de hac re elucubrata monumenta fident faciunt, quæ tamen iniuria temporum perierunt, sed Arist. Xenocratis condiscipulus, dicebat & Ratinus, multa nominatim Mathematica opera conscripsit, ut Mathematicum, Mechanicum, Opicum, Musicum, Ptolomæus Opicam Aristotelis habuit, eamque copiosam fuisse testatur, Simplicius in Categoriis

Geome-

Geometricos ab Aristotele Libros & Mechanicos appellat, & o utinam Peripatetici hodierni Aristotelis vestigia sequerentur, nam fortassis plura cognoscerēt & pauciora negarēt, plerique enim illorum sunt (quod pudet referre) qui Mathematicas neque a primo limine salutarunt: Sed isti viri duplici de causa audiendi non sunt, prima, quia negant sensum, observationes enim sensatissima sunt experimenta, si itaq; sensibus negatur fides, quæ nobis restat via ad philosophandum? Secunda, quia negant Astronomiæ principia, Astronomiæ disciplinæ fundamenta prima observationes sunt; Et mirum sanè est, cum ipsi in ore frequenter habeant, à sensu philosophandum, nihil in intellectu quod prius non fuerit in sensu, contra negantes principia non esse disputandum, tamen in hac contemplatione horum omnium dogmatum obliui, nescio qua pertinacia ducti, contrarium faciunt: Dicant quæso si Astronomis de rebus cælestibus omnis derogatur fides, quis erit arbiter & iudex cælestium controuersiarum? temerarium putamus asserere artifices in arte propria decipi ac delabi, cum regula sit in contrarium, standum esse peritis in arte suâ hinc Franciscus Vieta asserens circuli quadraturam esse impossibilem, determinauit Euclidi magis credendum esse quam Aristoteli: Quare non est illis interpretibus credendum, inquit, qui tetragonismum circuli seibilem esse, sed nesciri, vel ex Aristotelis doctrina contrarium, nusquam id tradidit Arist. diserte, & si traderet, Euclidi in hac Philosophiæ parte est adscutien-

*l. Ad Canone Mach.
pag. 55.*

immo.

N dum.

m. 7. 2. rec.
45.

dum: Imo Arist. ipse in Metaphysicis libere ac sine
 re confitetur Astronomis de rebus celestibus differen-
 tiis fidem dandam esse magis quam Physicis, & eo
 quia celestes apparentias exactius habent cognititas, &
 eorum certioribus obseruationibus inherendum esse,
 cognouerat enim Arist. ut summo vir ingenio, illos
 de celo philosophantes audiendos non esse, qui in ca-
 mera & in cubiculo, nullo celo inspecto, quasdam
 fantasias & cogitationes effingunt, celestibus tandem
 apparentiis minime congruentes, celum enim ex ip-
 so celo interpretandum est: Nec Instrumenta, qui-
 bus utuntur Astronomi ad capiendas distantias eoru
 quæ supra terram apparent, floccipienda sunt, cum
 nulla alia detur via ad hoc vestigandum, ut satis op-
 portune monet Rogerius Baccò in sua Perspectiua;
 Nam Arist. inquit, dicit primo Metaphysices, quod
 visus solus ostendit nobis rerum differentias, per il-
 lum enim exquirimus certas experientias omnium
 quæ in celis sunt & in terra, nam ea quæ in celesti-
 bus sunt, considerantur per instrumenta visualia,
 ut Ptolemaeus & ceteri docent Astronomi: Hęc in-
 quam Instrumenta rite fabricata Astronomis in ob-
 seruando ansam errandi nullam præbere possunt,
 cum ipsa à Mathematicis adinuenta & constructa
 sint ad iuuandum & ad corrigendum potius quam
 ad decipiendum sensum, nam cum visio nostra ex-
 patietur per amplitudinem ætheris, atque id perfe-
 cte ac solum intueri potest, à quo ad aspectum Op-
 ticus radius seu recta linea extendi conceditur, per
 quam

quam species ad oculum traducitur, mediante itaque Instrumento visio ipsa dirigitur & collimatur ad unum visionis punctum; hinc Keplerus in sua Optica Astronomica aduersus quendam Misastrum, qui Tychonis Instrumenta & observationes flocci pendebat; Totum inquit hoc negotium in Astronomia Opticis rationibus nit, ac proinde stultum esse aliam subtilitatem, quam quæ vilis præstari possit, affectare velle, superbum verò & barbarum hanc visoriam, quæ nobis ad veritatem primus est aditus, relinere; non proficitur itaque Tycho neque quisquam sanus, se adeo leui opera genuinas & verissimas siderum distantias, situsque in mundi diametro per hos Instrumentorum arcus pandere, sed hoc proficitur se visus in videndo subtilitatem Arithmetica visoria arcus dinumeratione, Geometricaque diuisione imitari, viamque struere per has distantias visorias ad verissimos situs siderum in diametro mundi indagandos: Pertinaciter non contendo observationes quandoque fallaces fieri non posse, vel propter artificis oscitantiam & inscitiam, vel propter aliquod Instrumentorum vitium, tamen observationes hæc aliorum studio & diligentia facile castigantur, vel quia accuratæ non sunt, negliguntur, & per has nulla celestis scientia constituta est; nullum Astronomicum Theorema confirmatum; Astronomia enim ex accuratis & non ex fallacibus observationibus stabilita est; accuratas observationes eas esse dicimus, quæ fiunt ab artificibus versatis

tum idoneis instrumentis, qui optime cognoscunt
 quomodo eadum dimetiendum & tractandum sit;
 in quibus nulla cadit ignorantiae suspicio, & profecto
 neque hoc sufficit ut observationes accurata dici me-
 reantur, sed oportet ut ab insignibus Astronomis tan-
 quam idoneae recipiantur; & successu temporis per
 alias magis legitimas & magis accuratas comprobentur;
 De qua recandide sic ratiocinatur Ptolemaeus;
 Veritatem, quae à tota temporis perpetuitate, aut à
 multiplici tempore observationum haberi potest, a-
 liis relinquendam putamus; Alibi autem ac de a-
 liis ingenuè ad hunc modum loquitur; Mutamur
 nonnulla non exacte percepta, quoniam veriores po-
 stea observationes in nos pervenerunt; quippe de ce-
 o omnes, qui amore veritatis impulsī has speculationes
 suscipiunt, non solum ad praeceptorum emendationem
 certiore non itaque viā, verum etiā ad sui ipsorum; nec
 id turpe sibi putare, si non solum à se ipsis, verum etiam ab
 aliis ad exactiora reuocantur, praesertim cum magna haec
 atque divina possessio sit; Et si plerumque contingat As-
 tronomorum observationes concordēs non esse, ut in
 omnibus quoque artibus & scientiis fieri videmus, nul-
 lum ob id sequitur Astronomiae detrimentum, diligenti ru-
 tina examinantur omnes, & quae accuratiores inveniuntur
 eliguntur; Quare non ita cauti & scientis quam in-
 considerati & sibi nimiam tribuentis est, veraciter mo-
 net Cysatus, promiscue & sine discrimine Astrono-
 morum quorumvis observata reicere, nullo penitus
 Organorum observationumque facto examine? Et

p. 163. Al.
mag. c. 2.

p. 164. Al.
mag. c. 2.

r de Come-
tae 1618. in
Trigfatione

hoc modo de cælo dequæ sideribus philosophantur Mathematici.

§ Et si Bodinus fallacem putauerit parallaxim, venia dignus est, legerat enim apud Ptolomæum, parallaxim supra Venerem non esse perceptibile, ideoque inefficacem ad determinandas distantias supra Venerem; quod parallaxis supra Venerem secundum Ptolomæum non percipiat, non propterea tanquæ inefficax reiicienda est, cum reliquas distantias omnes infra Venerem determinare possit. Sed ut securius de parallaxi differere possimus, tres casus diligenter notandi sunt, primus vel ambo obiecta, quæ respectu distantia comparantur, parallaxim habent, & tunc quod minorem habuerit, magis distabit, ut si cometes minorem habuerit parallaxim quam Luna, at maiorem quàm Venus, necessario inter Lunam & Venerem versabitur, secundus vel alterum habet parallaxim, reliquum vero nequaquam, & tunc quod nullam possederit, magis distabit; ut si cometes nullam habuerit parallaxim, supra Venerem secundum Ptolomæum collocabitur, cum Venus exiguam ferè & imperceptibilem habeat, ergo per negationem parallaxeos cognoscere possumus distantias supra Venerem contra Bodinum; tertius vel ambo nullam possederint parallaxim, & tunc quod obiectum magis distabit, ex hac via nullo modo cognosci potest, elicitur tamen ambo quam maxime à terris distare, cum respectu eorum distantia immensa telluris evanescat magnitudo.

Quæ dicuntur de Halo, Iris & Parelius diligenter consideranda sunt, nam huiusmodi obiecta non sunt in ære apparentia, substantiam quippe & fundamentum habent reale, in ære videlicet vel nubes, quævis in oculos inuentum incurrant per luminum refractionem vel reflexionem; & quandoque per utramque; cum itaque huiusmodi apparentia ad oculos referantur, vnusquisque suam videbit Halo, Iris, Iridem vel Parelium distinctum & diuersum; sicut accidit in magno speculo vel magno lacu, diuersi diuersis in locis vident Solis vel alterius rei simulacrum. Non enim verbi gratia colores Iridis, dicebat Maurolycus, sunt in torido aere tanquam pictura in tabula, vel albedo parietis, vel subiecto adharens accidens, sed variantur pro firmi spectantis locum nunc hic, nunc illic apparentes, sicut imago in speculo; & sicut imago rei non colorem speculum, ita colores Iridis non imprimuntur stillicidiis, & sicut imago absque iactura speculi, ita & colores absque infectione stillantis aquæ reflectuntur ad oculum. Equidem parallaxis proprie locum habet in corporibus veris, rebus & per se existentibus, cum itaque Halo, Iris, & Parelia spectra potius sint & illusiones, ac per se non existant, quid mirum si proprio nullam admittant aspectus diuersitatem, quamuis testis vicinissimus ac secundum Aristotelis Philosophiam comete vera, realia ac per se existentia corpora sunt ex accensis terrestribus exhalationibus conglutinata & compacta, quare si infra Lunam sunt, necessario maiorem

ad finem
lib. 3. Diaphanam
prob. 31.

iorem

iozem quam Luna parallaxim possidebunt.

7 Si Galaxia tenuium exhalationum visiderum in supremum aerem subuectarum ibique flagratium congeries est, vt omnes ferè Aristotelem sensisse arbitrantur, necessario admitteret aspectus diuersitatem, quod experientia repugnat, at si illa albedo prouenit ex stellarum luce in tenuesillas occurrentes & accensas exhalationes refracta, vt quibuidam alijs placet, qui talem Aristotelis mentem fuisse contendunt, tunc Galaxia merum spectrum & oculorum ludibrium erit, & sic ab omni aspectus diuersitate immunis & libera, nihilominus vtraque interpretatio quibusdam laborat phisicis absurdis & incommodis, inopinabile quidem est quod in aere supremo eodem modo & semper nulla situs & figura mutatione facta tenues illae & tumultuariae exhalationes congregentur, a sideribus eodem modo & semper attrahantur, a calimoto eodem modo & semper accendantur, & per refractionem lucis illorum siderum eodem modo & semper albicare videantur, isthaec mera somnia sunt & figmenta, in aere nulla talis reperitur consistentia, nullum tale existit spectrum, & cò magis haec recipienda non sunt, quia nullum putamus ibi existere ignis elementum, nullamque caelestium orbium raptum; sed illa continua & sic disposita quae cernitur albedo in caelo interfixa est, & sic vnica est Galaxia nempe caelestis, & nulla elementaris; Albedinem illam plerique putant prouenire ex densi et rari mixtione, existimant hi illam caeli partem non esse ita densam

ut astrum, neque ita raram ut reliquæ cæli partes, sed medio modo se habere, ideoque splendide veluti astrum incere non posse, sed exili luce dumtaxat albicare; siue illa lux sit de sui natura, quia cælum, secundum philosophos constat ex lucida substantia, siue aliena, nempe Solis vel aliarum stellarum reflexa vel refracta: At plerique alii opinantur hanc albedinem ex eo provenire, quia in illo cæli situ innumera ac parva constipantur astra, quæ hanc collustratiam faciunt, nam cum singula ob lucis parvitatem distincte videri nequeant, omnia simul candore illi lacteo, siue albicante illam Zonam oculis nostris repræsentant; illam verò cæli partem hinc minutissimis stellis refertam esse, temporibus nostris ex tubo optico primus animadvertit Galileus priorem opinionem Parmenidem, posteriorem verò Democritum prius habuisse scribit Plutarchus; Opinionem Parmenidis confirmare videntur recentiorum observationes, nam & si verum sit ex tubo optico Galaxiam numerosis stellulis refertissimam esse, tamen non indefequi statuo, ait Longomontanus, quod huiusmodi color nil aliud sit, quam stellarum istarum inter se colluentia, absque alia substrata materia, inquam illud stellarum confusum lumen determinatur; quod probatur etiam ex areolis nebulosis, locis quibusdam per æthera conspicuis, quæ tubo inspectæ sunt congeries plurimarum stellarum, nihilominus dissimilitudinem quandam à colore lacteo sua obscuritate ingerunt; quin etiam ex tubo per omnes cæli partes videntur numerosæ stellulæ inuicem confertæ,

u. Nuncio si
derco.

x lib. 3. de
Placitis c. 1.

a de monis-
egli pheno-
menis, c. 5.

& tamen nullam efformant lactis imaginem, quare dicendum est in via lactea aliquam esse materiam puro cælo siue æthere densiorem, quæ hanc albedinem procreet. Sed pro Democrito negligenda non est satis probabilis physica coniectura, in cælo videlicet nō reperiri huiusmodi partes magis raras & magis densas, equidem ratio non apparet, cur natura hoc modo cælum constituere voluisset, nam ei satis erat ad vniuersi gubernationem vel ornamentum stellas cōdidisse, hoc est partem illius cælestis substantiæ in globos addensasse, quare consentaneum est reliquas cæli partes in sua diaphana & vniiformi raritate permansisse: Quomodocunque siue Parmenidis siue Democriti opinio vera sit, ex vtraque sequitur albedinē illam in cælis inter fixas existere; si itaque Galaxia inter fixas est, iure nullam possidebit parallaxim.

8 Nec toties vincit quoties vincere putat, & pluries ante victoriam triumphum canit Scaliger aduersus Cardanum, nā dum aspectus diuersitatem à Cardano cometis obiectam refellere nititur, quid sit aspectus diuersitas virum alioquin doctum & argurum prorsus ignorasse videtur, opinatur aspectus diuersitatem, qua duce Astronomi cometarum distantias ab orbe terræ meriuntur, à natura & motu dominantis astri regulandam esse, veluti si Mercurius aliquem efformauerit cometem, hic quamuis in aere eandem cum Mercurio aspectus diuersitatem patietur, quod si cometes ad Mercurium esset veluti Halo, forsitan bene dixisset Scaliger, at veri cometæ, de quibus disserimus.

Pingamus inapertum, ait, vniuersum hanc aeris re-
 gionem, quæ vniuersæ circa hunc terræ globum
 circumfunditur, totam inquam illam Atmosphæ-
 ram in vnam aliquam spheram contrahi & con-
 globari, ea tamen comete corpus nequaquam sua
 mole exæquabit, & quis tantam congemem, adeo va-
 stas & copiosas exhalationes à nobis abire, & illam ip-
 sam vitalem auram à toto terrarum orbe subducere nō
 sentiat? quem quæso illa fumarum exhalationum
 volumina, quæ in vnum coacta adeo densum corpus
 constituent, latere possent? nam vtrique etiam multi-
 plam huius aeræ regionis esse oportet, vt exhalatio
 ea tanquam in spissas nubes condensata incrassescat,
 & in tantam molem cogatur; Et paulo infra; Mis-
 sam nunc facio caudarum immentem molem, quæ
 in hoc nouissimo quinquaginta graduum longitudi-
 ne, trium & quatuor graduum latitudine aliquando
 diffundebatur, quæ si reseretur, & ad calculum eius ma-
 gnitudo reuocetur, stupendam eius magnitudinem
 deprehendes, quæque aliquot milies terræ globum
 superaret; sunt profecto ista figmentorum portenta
 nimium insana, quæque ipsa comparationis vi facile
 concidant, quamobrem longe alia nobis materia, alii
 natales erant inuestigandi, hæc Snellius: Nec dicen-
 dum est cometarum magnitudines per extensionem
 & dilationem crescere, vt in fumo fieri cernimus, qui
 exilis in principio, tandem in ampliora spacia se dila-
 tat, nam comete à principio vt plurimum maximæ
 sunt, contra ignes serpendo acquirunt vires, nec subi-

to grandes existunt, nisi à validissima causa; nec per
hanc extensionem & dilatationem cometas crescere con-
cederent. Peripatetici, nam tunc cometa diurnam
non haberet consistentiam, subitoque ab igne depa-
scerentur ac evanescerent, ad hanc diurnitatem ex-
cusandam cometarum materiam conglutinatam &
compactam esse necessario Peripatetici voluerunt: igitur
hanc materiam ut durationi & more respondere possit,
maxime solida & compacta erit, quomodocumque
tam compactam & solidam tam diuturno igni
pabulum fieri posse, contra omnem probabilitatem
asseritur; Auger difficultatem immanis caudarum
longitudo, cauda enim cometae anni. 1577. dimetien-
te^a Tycho ad diem. 13. Novembris continebat ter-
ra semidiametros. 95. ferè, hoc est milliaria Italica:
326420. (tribuendo videlicet cuilibet semidiametro
milliar. 3436.) cometes anni. 1618. ex^b Cysato ad
diem. 29. Decembris continebat terrae semidiametros.
445. hoc est milliaria Italica. 1529020. hinc dicebat^c
Keplerus quod cauda huius comete longior fuit, quam
recessus cometae à centro terrae; quare cometarum
caudas, quomodocumque dicamus siue flammae sint,
siue verius materia pinguis & tenuis ex cometae corpore
fluens & emanans, siue favillarum & igneorum spirituum
eructatio, siue tenuium exhalationum sparsa congeries,
in tantam longitudinem produci & extendi si concefferimus,
nullam fidem meretur. Motus quoque satis arguit huiusmodi
exhalationes accensas cometarum materiam esse non posse,
siue

^a Lib. 2.
pag. 205.

^b de cometa
1618. c. 9

^c lib. 1. de
cometis pa.
79.

siue cometæ moueantur per circulos siue per rectas lineas, etenim ignita Meteora talem motum nec seruare diu nec retinere possunt: Locus demum sufficenter probat cometas in aere nobis vicino non expariari, sed potius in longissima à terris distantia inter planetas, nisi dicere velimus terrestres exhalationes in tā altam mundi partem ascendere & eleuari, quod forte ex adductis rationibus concedendum non est.

2 Fateor quidem incertum esse quantum supra terram exhalationes istę leuissimæ prouehantur, tamen ipsas deffinitam distantiam siue altitudinem milliar. 41. notabili spacio superare non ita facile censeo, ideoque nos asumpsimus supremam aeris regionem per 100. milliaria à terris distare: Quæ nunc asserimus Peripareticæ Philosophiæ non aduersantur, nam vltra deffinitam distātiā illico succedit ignis, cum itaque huiusmodi halitus ascendant leuitate, & nil leuius igne in sublunaribus, ergo naturaliter exhalationibus istis sua leuitate extremi aeris confinia transcendere non licet: Quare quæ à Mathematicis super hac aeris altitudine tanquā super basi quodammodo stabili & certa construuntur, non ita facile minantur ruinam, vt putant aduersarii.

3 Credo equidē quod velocitas & tarditas motus proprii non sunt argumento, quod cometæ magis & minus distent à terris, quod etiam agnoscunt plerique, & præsertim ⁴ Tycho, possunt enim, inquit, cometæ celeriori cursu vel antrorsum vel in consequentia, aut etiam ad latera versus polos motu pro-

prio

prio cieri, quam ipsa Luna, & nequaquam tamen infra hanc versari; Idem ^{e Epist. p. 1.} ad Rhormannum scribens. ^{118.}
 Quamvis ut ipsum quod res est dicam, velocitas & tarditas motus non sufficienter remotionem vel appropinquationem cometarum discernunt, quod etiam aliis in *s* locis confitetur: § Rhormannus quoque ipse *f lib. 2. pa.* loquens de loco cometæ, qui effulsit anno 1585. Si ^{441-442.} enim, inquit, motus in cometis esset argumentum al- ^{§ de come} titudinis, non tantum infra Saturnum, Iouem & Martem, verum etiam infra Solem, Mercurium, infraque ipsam Venerem collocandus esset, quod tamen defectus parallaxeos omnino refutat: Idcoque dato & concesso quod cometæ à Pontano, Regiomontano & aliis obseruati, Luna velociore extiterint, ut infra Lunam collocentur, nulla necessitate coguntur: Quamobrem & si hæ rationes à velocitate & tarditate motus proprii, nec non à circulo maximo deductæ, infirmæ quodammodo videantur, si hoc modo & simpliciter proponantur, nihilominus omnino negligendæ non sunt, si cum aliis distantiarum & motus circumstantiis cor respondeant: Cum itaque animaduernerint Astronomi cometas non omnino irregularem quandam inconstantiam in velocitate & tarditate motus, nec non in semitæ & itineris rectitudine seruare, cumque viderint cometas cum stellis in quampluribus conuenire, hoc saltem satis probabiliter se statuere posse crediderunt, cometas nempe longissime à terris distare, & ex flammanti materia non constare, quæ sui natu-

ra nullam proportionem & constantiam nec in motu nec in via tueri potest.

4. Peripatetici illi, qui Astronomorum observationibus non multum fidei tribuendam esse aiunt, non bene agunt, hoc sanè ab Aristotele non didicerunt, nunquam Arist. Astronomos refutauit, ^b Aegyptiorum & Babyloniorum observationes ratas habuit: notum est quantum pro Astrologiæ amore exarsit Arist. Alexander Asiam tum fulminabat, & Callisthenes pro Aristotele datus Alexandro monitus est, ut si Babylon caperetur, Astrologia Babyloniorum à Chaldaeis exquireretur, atque in Græciam mitteretur, hæc enim opima Orientis spolia ab Aristotele expetita sunt; Imò Arist. ipse in omnibus suis operibus de Mathematicis disciplinis honorifice locutus fuit, & quamplurima assumpsit & approbavit Mathematicorum theoremata super quibus tanquam certis & stabilibus fundamentis conclusiones superstruxit admirandas, ut passim monet; Blancanus in libro de loeis Mathematicis Aristotelicis: Quantum verò in Mathematicis disciplinis eruditus fuerit Arist. quamplurima ab ipso de hac re elucubrata monumenta fidem faciunt, quæ tamen iniuria temporum perierunt, sed Arist. Xenocratis condiscipulus, dicebat & Ravius, multa nominatim Mathematica opera conscripsit, ut Mathematicum, Mechanicum, Opticum, Musicum, Ptolomæus Opticam Aristotelis habuit, eamque copiosam fuisse testatur, Simplicius in Categoriis

Geome-

*lib. 2. de
cylind. 60
lib. 1. Me-
ti. 6. 57.*

*i pag. 90.
147. 200.*

*Kli. 1. Scho.
Mathem.
in 4. pa. 21.*

Geometricos ab Aristotele Libros & Mechanicos appellat, & ò utinam Peripatetici hodierni Aristotelis vestigia sequerentur, nam fortassis plura cognoscerēt & pauciora negarēt, plerique enim illorum sunt (quod pudet referre) qui Mathematicas neque a primo limine salutarunt: Sed isti viri duplici de causa audiendi non sunt, prima, quia negant sensum, observationes enim sensatissima sunt experimenta, si itaq; sensibus negatur fides, quæ nobis restat via ad philosophandum? Secunda, quia negant Astronomiæ principia, Astronomiæ disciplinæ fundamenta prima observationes sunt; Et mirum sanè est, cum ipsi in ore frequenter habeant, à sensu philosophandum, nihil in intellectu quod prius non fuerit in sensu, contra negantes principia non esse disputandum, tamen in hac contemplatione horum omnium dogmatum obliui, nescio quâ pertinacia ducti, contrarium faciūt: Dicant quæso si Astronomis de rebus cælestibus omnis derogatur fides, quis erit arbiter & iudex cælestium controuersiarum? temerarium putamus asserere artifices in arte propria decipi ac delabi, cum regula sit in contrarium, standū esse peritis in arte suâ hinc Franciscus Vieta asserens circuli quadraturam esse impossibilem, determinauit Euclidi magis credendum esse quam Aristoteli: Quare non est illis interpretibus credendum, inquit, qui tetragonismum circuli seibilem esse, sed nesciri, vel ex Aristotelis doctrina contrarium, nusquam id tradidit Arist. diserte, & si traderet, Euclidi in hac Philosophiæ parte est adhaerendum.

*L. A. d. Cano
nemo Math.
pag. 55.*

m. li. 2. rex.
45.

dum: Imo Arist. ipse in Metaphysicis libere ac sincere confitetur Astronomis de rebus celestibus differentiis fidem danantem esse magis quam Physicis, ex eo quia celestes apparentias exactius habent cognitatas, & eorum certioribus observationibus inherendum esse, cognouerat enim Arist. ut summo vir ingenio, illos de celo philosophantes audiendos non esse, qui in camera & in cubiculo, nullo celo inspecto, quasdam fantasias & cogitationes effingunt, celestibus tandem apparentiis minime congruentes, celum enim ex ipso celo interpretaudum est: Nec Instrumenta, quibus utuntur Astronomi ad capiendas distantias eorum quæ supra terram apparent, floccipendenda sunt, cum nulla alia detur via ad hoc vestigandum, ut satis opportunè monet Rogerius Baccò in sua Perspectiua; Nam Arist. inquit, dicit primo Metaphysices, quod visus solus ostendit nobis rerum differentias; per illud enim exquirimus certas experientias omnium quæ in celis sunt & in terra; nam ea quæ in celestibus sunt, considerantur per instrumenta visualia, ut Ptolemæus & cæteri docent Astronomi: Hæc inquam Instrumenta rite fabricata Astronomis in obseruando ansam errandi nullam præbere possunt, cum ipsa à Mathematicis adinuenta & constructa sint ad iuuandum & ad corrigendum potius quam ad decipiendum sensum; nam cum visio nostra expatiatur per amplitudinem ætheris, atque id perfecte ac solum intueri potest, à quo ad aspectum Opticus radius seu recta linea extendi conceditur, per

quam

quam species ad oculum traducitur, mediante itaque Instrumento visio ipsa dirigitur & collimatur ad unum visionis punctum; hinc Keplerus in sua Optica Astronomica aduersus quendam Misastrum, qui Tychonis Instrumenta & observationes floccipendebat; Totum inquit hoc negotium in Astronomia Opticis rationibus nititur, ac proinde stultum esse aliam subtilitatem, quam quæ visu præstari possit, affectare velle; superbum verò & barbarum hanc visoriam, quæ nobis ad veritatem primus est aditus, relinere; non proficitur itaque Tycho neque quisquam sanus, se adeo leui opera genuinas & verissimas siderum distantias, situsque in mundi diametro per hos Instrumentorum arcus pandere, sed hoc proficitur se visus in videndo subtilitatem Arithmetica visorii arcus dinumeratione, Geometricaque diuisione imitari, viamque struere per has distantias visorias ad verissimos situs siderum in diametro mundi indagandos: Pertinaciter non contendendo observationes quandoque fallaces fieri non posse, vel propter artificis oscitantiam & inscitiam, vel propter aliquod Instrumentorum vitium, tamen observationes hæc aliorum studio & diligentia facile castigantur, vel quia accuratæ non sunt, negliguntur, & per has nulla celestis scientia constituta est; nullum Astronomicum Theorema confirmatum; Astronomia enim ex accuratis & non ex fallacibus observationibus stabilita est; accuratas observationes eas esse dicimus, quæ fiunt ab artificibus versatis

tum idoneis instrumentis; qui optime cognoscunt
 quomodo calum dimetiendum & tractandum sit;
 in quibus nulla cadit ignorantie suspicio, & profecto
 neque hoc sufficit ut observationes accurata dici me-
 reantur, sed oportet ut ab insignibus Astronomis tan-
 quam idoneæ recipiantur; & successu temporis per
 alias inagis legitimas & magis accuratas comprobentur;
 De qua recandide sic ratiocinatur Ptolemæus,
 Veritatem, quæ à tota temporis perpetuitate, aut à
 multiplici tempore observationum haberi potest, aliis
 relinquendam putamus; Alii autem ac de aliis
 ingenue ad hunc modum loquitur; Mutamur
 nonnulla non exacte percepta, quoniam veriores pos-
 sitæ observationes in nos pervenerunt; quippe de cetero
 omnes, qui amore veritatis impulsæ has speculationes
 suscipiunt; non solum ad præcorum emendationem
 certiore notæ; uti via, verum etiâ ad sui ipsorum; nec
 id turpe sibi putare, si non solum à se ipsis; verum etiam ab
 aliis ad exactiora reuocatur, præsertim cum magna hæc
 atque diuina possessio sit. Et si plerumque contingat As-
 tronomorum observationes concordēs non esse, ut in
 omnibus quoque artibus & scientiis fieri videmus, nul-
 lum ob id sequitur Astronomiæ detrimentum, diligenti ru-
 tina examinantur omnes, & quæ accuratiores inueniun-
 tur eliguntur; Quare non ita cauti & scientis quam in-
 considerati & sibi nimium tribuentis est, veraciter mo-
 net, Cysatus, promiscue & sine discrimine Astrono-
 morum quorumvis observata reicere, nullo penitus
 Organorum observationumque facto examine? Et

p. h. 3. Al.
mag. c. 2.

p. h. 4. Al.
mag. c. 9.

r. de Come-
as 1618. in
Trsfatione

hoc modo de cælo dequæ sideribus philosophantur Mathematici.

Et si Bodinus fallacem putauerit parallaxim, venia dignus est, legerat enim apud Ptolomæum, parallaxim supra Venerem non esse perceptibilem, ideoque inefficacem ad determinandas distantias supra Venerem; quod parallaxis supra Venerem secundum Ptolomæum non percipitur, non propterea tanquam inefficax reiicienda est, cum reliquas distantias omnes infra Venerem determinare possit. Sed ut securius de parallaxi disserere possimus, tres casus diligenter notandi sunt, primus vel ambo obiecta, quæ respectu distantia comparantur, parallaxim habent, & tunc quod minorem habuerit, magis distabit, ut si cometes minorem habuerit parallaxim quam Luna, at maiorem quam Venus, necessario inter Lunam & Venerem versabitur, secundus vel alterum habet parallaxim, reliquum vero nequaquam, & tunc quod nullam possederit, magis distabit; ut si cometes nullam habuerit parallaxim, supra Venerem secundum Ptolomæum collocabitur, cum Venus exiguam ferè & imperceptibilem habeat, ergo per negationem parallaxeos cognoscere possumus distantias supra Venerem contra Bodinum; tertius vel ambo nullam possederint parallaxim, & tunc quod obiectum magis distabit, ex hac via nullo modo cognosci potest, elicitur tamen ambo quam maxime à terris distare, cum respectu eorum distantia immensa telluris evanescat magnitudo.

6. Quæ dicuntur de Halo, Iris & Pareliis diligenter consideranda sunt, nam huiusmodi obiecta non sunt ære apparentia, substantiam quippe & fundamentum habent reale, in ære videlicet vel nubes, quamvis in oculos intuentium incurrant per luminis refractionem vel reflexionem; & quandoque per utramque; cum itaque huiusmodi apparentia ad oculos referantur, unusquisque suum videbit Halo, Iris, & Parelium distinctum & diversum; sicut accidit in magno speculo vel magno lacu, diversi diversis in locis vident Solis vel alterius rei simulacrum. Non enim verbi gratia colores Iridis, dicebat Maurolycus, sunt in rorido ære tanquam pictura in tabula, vel albedine parietis, vel subiecto adhaerens accidens, sed variantur pro situ spectantis loci nunc hic, nunc illic apparentes, sicut imago in speculo; & sicut imago rei non colorat speculum, ita colores Iridis non imprimuntur stillicidiis, & sicut imago absque iactura speculi, ita & colores absque infectione stillantis aquæ reflectuntur ad oculum. Equidem parallaxis proprie locum habet in corporibus veris, rebus & per se existentibus, cum itaque Halo, Iris, & Parelia spectra potius sint & illusiones, ac per se non existant, quid mirum si proprio nullam admittant aspectus diversitatem, quamvis certis vicinissimis; ac secundum Aristotelis Philosophiam cometae vera, realia ac per se existentia corpora sunt ex accensis terrestribus exhalationibus conglutinata & compacta, quare si infra Lunam sunt, necessario maiorem

ad finem
lib. 3. Diaphanum
prob. 31.

totem quam Luna parallaxim possidebunt.

Si Galaxia tenuium exhalationum visiderum in supremum aerem subuectarum ibique flagratum congeries est, ut omnes ferè Aristotelem sensisse arbitrantur, necessario admitteret aspectus diuersitatem, quod experientia repugnat, at si illa albedo prouenit ex stellarum luce in ténuesillas occurrentes & accensas exhalationes refracta; ut quibusdam alijs placet, qui talem Aristotelis mentem fuisse contendunt, tunc Galaxia mérum spectrum & oculorum ludibrium erit, & sic ab omni aspectus diuersitate immunis & libera, nihilominus vtraque interpretatio quibusdam laborat physicis absurdis & incommodis, inopinabile quidem est quod in aere supremo eodem modo & semper nulla situs & figuræ mutatione facta ténues illæ & tumultuariae exhalationes congregentur, à sideribus eodem modo & semper attrahantur, à cæli motu eodem modo & semper accendantur, & per refractionem lucis illorum siderum eodem modo & semper albicare videantur, isthæ mera somnia sunt & figmenta, in aëre nulla talis reperitur consistentia, nullum tale existit spectrum, & cò magis hæc recipienda non sunt, quia nullum putamus ibi existere ignis elementum, nullamque cælestium orbium raptum; sed illa continua & sic disposita quæ cernitur albedo in cælo interfixa est, & sic vnica est Galaxia nempe cælestis, & nulla elementaris; Albedinem illam plerique putant prouenire ex densi ætheris mixtione, existimant hi illam cæli partem non esse ita densam

ut astrum, neque ita raram ut reliquæ cæli partes, sed medio modo se habere, ideoque splendide veluti astrum incere non posse, sed exili luce dumtaxat albicare; siue illa lux sit de sui natura, quia cælum, secundum philosophos constat ex lucida substantia, siue aliena, nempe Solis vel aliarum stellarum reflexa vel refracta: At plerique alii opinantur hanc albedinem ex eo provenire, quia in illo cæli situ innumera ac parva constipantur astra, quæ hanc collustratiam faciunt, nam cum singula ob lucis parvitatem distincte videri nequeant, omnia simul candorem illum lacteum, siue albicantem illam Zonam oculis nostris repræsentant; illam verò cæli partem hinc minutissimis stellis refertam esse, temporibus nostris ex tubo optico primus animadvertit *Galileus priorem opinionem Parmenidem, posteriorem verò Democritum prius habuisse scribit *Plutarchus; Opinionem Parmenidis confirmare videntur recentiorum observationes, nam & si verum sit ex tubo optico Galaxiam numerosis stellulis refertissimam esse, tamen non inde sequi statuo, ait *Longomontanus, quod huiusmodi color nil aliud sit, quam stellarum istarum inter se collucentia, absque alia substrata materia, inquam illud stellarum confusum lumen determinatur; quod probatur etiam ex arcolis nebulosis, locis quibusdam per æthera conspicuis, quæ tubo inspectæ sunt congeries plurimarum stellarum, nihilominus dissimilitudinem quandam à colore lacteo sua obscuritate ingerunt; quin etiam ex tubo per omnes cæli partes visuntur numerosæ stellulæ inuicem confertæ,

&

u. Nuncio si
dero.
x. lib. 3. de
Placitis c. 1.

a. de nonis
et lib. pheno-
menis, c. 5.

& tamen nullam efformant lactis imaginem, quare dicendum est in via lactea aliquam esse materiam puro cælo siue æthere densiorem, quæ hanc albedinem procreet. Sed pro Democrito negligenda non est satis probabilis physica coniectura, in cælo videlicet non reperiri huiusmodi partes magis raras & magis densas, equidem ratio non apparet, cur natura hoc modo cælum constituere voluisset, nam ei satis erat ad vniuersi gubernationem vel ornamentum stellas cõdidiſſe, hoc est partem illius cælestis substantiæ in globos addensasse, quare consentaneum est reliquas cæli partes in sua diaphana & vniſormi raritate permanſiſſe: Quomocunque siue Parmenidis siue Democriti opinio vera sit, ex vtraque ſequitur albedinẽ illam in cælis inter fixas exiſtere; ſi itaque Galaxia inter fixas eſt, iure nullam poſſidebit parallaxim.

8 Nec toties vincit quoties vincere putat, & pluries ante victoriam triumphum canit Scaliger aduerſus Cardanum, nã dum aſpectus diuerſitatem à Cardano cometis obiectam refellere nititur, quid ſit aſpectus diuerſitas virum alioquin doctum & argutum prorfus ignoraffe videtur, opinatur aſpectus diuerſitatem, qua duce Aſtronomi cometarum diſtantias ab orbe terræ metiuntur, à natura & motu dominantis aſtri regulandam eſſe, veluti ſi Mercurius aliquem efformauerit cometem, hic quamuis in aere eandem cum Mercurio aſpectus diuerſitatem patietur, quod ſi cometes ad Mercurium eſſet veluti Halo, forſitan bene dixiſſet Scaliger, at veri cometæ, de quibus diſſe-

rimus.

rimus in præsentia, per se existunt, per omnes mundi plagas euagantur, sub omnibus astris decurrunt, non itaque veri comete astrorum Halones sunt, quare non recte de Astronomica parallaxi Philosophatus est Scaliger.

Peripateticorum Replicationes. Cap. VII.

Dato quod comete ingentis sunt magnitudinis, non hinc sequitur ex terra tantam halitusum copiam ad illos constituendos deduci non posse, & consequenter terrestres halitus non esse cometarum materiam; hæc enim magnitudo facile excusatur, si consideremus, inquit Claramontius, ex paruo frusto ac ramento virgæ subincenso quantum fumus effundatur, ut vniuersum cubiculum vel amplius repleat, facile intelligemus immensam penè vim haliticum posse ex terra eleuari; Nec argumentari ab apparente mole cometarum validum est, ut cometarum materia magis ex celo quam ex terra petenda sit, ut fecit Snellius, ex vaporibus enim quotidie fiunt densissimæ, ingentesque nubes totum celi hemisphærium nobis frequenter occultantes, quidni cometam & magnam & densam in sublimi constituere poterunt? nec ergo hæc nubes infra celum est, & totum celi hemisphærium occupat, tamen ex huiusmodi vaporibus coalescit, sic quoque non est argumento, quod cometa quamuis ingens & vastus appareat, in celo statuatur, & quod in aere ex terrestribus halitibus consistere non possit: Neque concedendum arbitror quod

Astro-

Astronomi forte suspicabitur, cometarum scilicet materiam adeo compactam & solidam fieri oportere, ut soliditatem vel astrorum vel telluris imuletur, hanc conglutinationem spissarum nubium concretionem aliquanto densiorem esse facile credorem, ideoque respectu corpulentiae & compactae materiae cometas neque cum altris, neque cum ipsa terra conferendus: Nec diuturnum incendium nos virgere debet, quod cometarum materia ex terra non sit, hanc ignis & accensionis diuturnitatem in cometis supra legitime excusauimus: Cometæ exacte neque per circulos neque per rectas lineas inoueri, nullamque regularitatem & constantiam in motu seruare, supra quoque ex Clarissimo probauimus, ideoque cometarum materiam accensam & ignitam esse non posse, adductum non cogit argumentum, propter quas inconstantias & difformitates cometas ex terrestribus habitibus accensis maxime constare firmiter credendum est.

a. cap. 2. b. in
ius Argu.
4. 5. 7. 15.

b. eod. cap.
Arg. 21.

Summa argumentorum & rationum reliquarum, quibus Peripateticos laceffunt & infestant Mathematici, ab observationibus dependet, quapropter breuiter de hac re agentes dicimus, quod Arist. non refutatis observationes Aegyptiorum & Babyloniorum, quia illæ ab omnibus tanquam veræ & legitimæ receptæ fuerunt, ideoque super illis tanquam sepfatis experimentis Philosophatus est, imo celestium apparitionum rationem omnino habendam esse in pluribus locis attestatur: Cum itaque observationes recentium Astronomorum nihil habeant firmitatis, &

est. 10. 11. 12.

inter

inter se non conueniant, nullum certum dogma statuere, multoque minus Aristotelis Philosophiam firmissimis rationibus munitam pessumdare possunt: Tycho, Mæstlinus & Cornelius Gemma cometam anni 1577. cælestem fecerunt, at elementarem Bartholomæus Scultetus, Andreas Nolthius & Nicolaus VuincKlerus, horum obseruationes fallaces existimat, Tycho, & contra Tychonis, Mæstlini & Gemmæ obseruationes non legitimas fuisse luculenter ostendit^a Claramontius; eadem controuersia & discrepantia reperitur in obseruationibus cometæ anni 1608. quidam enim supra, quidam alii infra Lunam collocarunt: Quare quæ à recentioribus Mathematicis afferuntur de parallaxi, distantia siue loco, longitudine caudarum, & corpulentia cometarum, cum ab hisce obseruationibus suum habeant fundamentum, satis firma non sunt, ideoque tanquam incerta ad veritatis vestigationem non admittenda.

c lib. 1. c. 10

*d Astruc.
lib. 2. c. 3.*

Peripateticorum Replicationes reijciuntur.

Cap. VIII.



T assumptam cum Peripateticis dissertationem tandem concludamus, sincere fatemur quod magnitudo cometarum & locus in quo apparent, ambiguos nos facit; num eorum materia ex terra sit elicienda, nam & si verum sit, ex ramento virgæ sub incenso magnam fumum quantitatem effundi, ut dicebat Claramontius, hoc nihil facit ad argumentum,

mentum, nam Astronomi, ipsomet tanquam Astro-
nomo teste, quando loquuntur de magnitudinibus
cometarum, intelligunt eorum globos siue capita tā-
quam corpora compacta & solida, ideoque si sumus
ille ex ramento effusus in solidum & compactum
globulum addensaretur, fortassis magnitudine gra-
num millii non multum excederet, sic quoque dici
potest de terrestribus halitibus, hi inquam quamuis
in maxima quantitate, si in solidum & compactum
corpus conglutinantur, tantum in mensuram come-
tarum molem nullo modo constitutere possent: Eo-
dem modo respondere possumus iis, qui validum nō
putant argumentum Snellii, quod Astronomi in me-
tendis cometarum magnitudinibus, non considerāt
eorum simplicem apparentem magnitudinem, hoc
est simplicem illum discum superficialem, sed corpu-
lentiam & solidam continentiam, quam maiorem
vel minorem existimant secundum mundi situm, in
quo apparent cometae, iuxta regulas & præcepta Geo-
metrica, quare si nubes illa, quæ prope terram est, &
totum cæli hemisphærium occupat, in orbem plane-
tarios eueheretur, in quo situ Snellius collocat come-
tas, ibique in cometicum globum addensaretur, pro-
pter eius exilitatem fortassis à nobis non conspicere-
tur, non quod cæli hemisphærio in magnitudine cor-
pora comparari posset, & hoc modo consideravit
Snellius corpulentiam cometæ & magnitudinem
aeris addensati, atque utriusque proportionem ad ter-
ram, ideoque firmum remanet argumentum Snel-
lii, si


lii, si corpulētia comere ingens & vāsta adeo sit, quod terra vel maior vel non multo minor existimetur, cometarum materia ex ipsa terra non erit elicienda, quare talis cometarum magnitudo convincit cometas ex terrestribus halitibus non constare; Locustis postmodum in quo apparent comete, difficultatem auget; nam dato quod falsae sint observationes recentium Astronomorum, qui caelestes siue aethereos cometas faciunt, si consideremus observationes eorum, qui cometas sub Luna constituunt, in non admittendam quoque distantiam incidemus, cometes enim anni 1577. à Sculteto observatus, cuius observationem tanquam legitimam non redarguit Claramontius, distabat à centro terrae miliar. 28370 ad quam altitudinem terrestres istos halitus ascendere & elevari non ita facile credendum est.

e de Come-
ra 1618. p.
48. Antu-
cho. lib. 3.
pag. 329.

Hanc materiam cometicam postmodum ex accensione resplendere, non patitur caudae situs Soli aversus, quid prohibet quod ex cometa, cum sit corpus accensum vndique, vndique quoque & per omnes vias illa ignea & cometica excrementa non emittantur & eiaculentur? vel si caudae generantur ex tenuium exhalationum copia prope & circa cometam circumfusa, cur dumtaxat in partes Soli aversas & oppositas proiciuntur? quae sympathia vel antipathia est inter cometicum ignem cometicamque materiam & Solem, ut candarum fluxus hanc viam & semitam prosequantur? nec tutum est quod dicunt, quod caudae à Sole avertitur, quia dēteritur à fronte, & tēu de-

uoratur

uoratur à Sole, ideoque diuergitur in oppositum, ubi
 tura sit post cometæ caput. Hoc supponit, ait *f. Muller-*
ius, nescio quid sensus occulti reperiri in cometis, sed
f. de Come
ta 1618. p.
 quid dicendum est de cometis, quorum undique ca-
 put crinitum est, cur eos non pariter Sol trahat? cur
 parcit eis Sol? At concedamus quæso hanc caudarum
 fluitantem, quæ ante cometam & ad latera existit,
 in materiam, propter Solis præsentiam delitescere, sed
 dumtaxat post densum cometæ caput, tanquam in
 eius umbra resplendere, ergo instar coni & cometæ ne-
 cessario viderentur cometarum caudæ, nam cum Sol



maior

& Specul.
phy. pag. 84

maior sit quam caput cometæ, caputque ipsum propter densitatem Solaribus radiis impervium, semper caudæ versus partes extremas attenuarentur in fastigium & mucronem, sed experientia est in contrarium, caudæ enim frequenter versus partes extremas magis atque magis dilatantur, potiusque servant formam scopæ & calathi quam coni siue metæ, hanc formam calathoidem nanciscerentur caudæ, si cometæ caput Sole maior esset, ut in Opticis demonstratur: Difficultatem prævidit Carolus Pifo, sed ipsam (ut reor) non legitime tollit, concedit quidem caudas cometarum esse conicas, tamen non omnes perfecte conicas videri, tunc caudæ integrum conum representant, quando cometes est Soli vicinus, hoc est in inferiori parte aeris, nam tunc partes laterales à Solis radiis propter viciniam obscurantur, sed quando cometes est prope Lunam, in superiori parte aeris vel ignis, hoc est à Sole remotior, tunc cauda apparet tanquam conus decurtatus, vel æqualis corpori ipsius cometæ instar cylindri, nam tunc partes laterales à Solis radiis propter distantiam non obscurantur; Hæc inquam à Pifone ad sui libitum efficta sunt, cometarum caudæ ut diximus, frequenter apparent versus partes extremas expansæ, & non contractæ in mucronem, & quâto magis à capite recedunt, tanto magis dilatantur, nec distantia cometes prope Lunam existens à Sole tanta est, ut partes laterales à radiis Solaribus obscurari non possent; stat itaque in suo robore assumpta argumentatio, quod si cometæ essent ignes accensi;

IOHANNES

cauda-

caudarū fluxus in formā coni proiicerētur: Huic obiectioni tanquā leuissimæ ægre & vix respondere dignatus est *b* Claramontius, at non ita leuem existimauit: Scaliger, qui ex hac apparentia cometas ex flagranti & ardēte materia nō cōstare decreuit: Verū esto quod hæc apparētia caudæ Soli auersæ nullū habeat pōdus, & quod recte à Peripateticis excusetur, non hīc firmū remanet cometas ex flagranti cōstare materia; duplicem nanq; ipsi huius accensionis causā assignant, vel enim materia cometica accēditur ab aere supremo celi motu circumactō & obid excādescēte, vel ab igne vicino ab eodem celi motu ad inferiores partes detructo, vt nos cap. 1. declarauimus, sed si candide philosophandum est, vtramque causam inanem & fictā putamus, iste aeris vel ignis raptus nullo modo concedendus est, cum non dentur huiusmodi orbes cēlestes reales & solidi, sed astra libere & per se moueātur sine horum fictitiorum orbiū auxilio & ministerio, at magis enorme figmentū est, sub Luna tale ignis elementum substernere, quale ipsi opinantur, qua de re in sequenti libro breuiter & sūmarie verba facere pollicemur: Quare si nulli adsunt orbes reales & solidi, à quibus rapi & trahi aer possit, vel ignis ad inferiores partes detrudi, imo iste ignis ad inferiores partes non profligabitur, cum sub Luna nullus talis reperiatur ignis, ergo materia cometica infra Lunam ex eorum sententia vagans, nullam habebit accensionis causam, cometæque ipsi ignes accensi non erunt, neque eorum splendor & rutilantia ad accensionem referenda.

Q

Obfer-

b Antiquo
lib. 2.
pag. 258.
c ex...

Observationes sua habent iura in caelesti foro, ad
 suum ~~carcerem~~ non possunt, ab omnibus & veteri-
 bus & recentioribus recte philosophantibus admittū-
 tur, imo ad hanc perscrutanda nulla alia nobis praes-
 tur via, Aristotelesque ipse per apparentias, tanquam
 per legitimos tramites, multa de caelo, deque mundo
 philosophatus est; bene verum quod observationes
 debent esse accurate & approbatae, ut ^{supra} lu-
 culenter exposuimus, antiquae & receptae mutandae
 non sunt, donec certius aliquid de ea re fuerit cōper-
 tum, quod sincere quoque fatetur & Claramontius, sed
 si cavillari observationes alienas ex coniecturis inci-
 pit, negotium Astronomicum ruer, ex sola eui-
 denda est ab alienis observationibus recedendum,
 standum itaque est accuratis observationibus.

Cometam non esse ignem addensatum. Cap. IX.

Quod si verum est, quod nullum ignis elementum
 sub Luna sit, proptereaque decrevimus materiam
 cometicam ex terrae visceribus & cavernis deducam
 ab eo accendi & inflammari non posse, verum igitur
 quoque erit hunc ignem non addensari, tanquam ibi
 non existentem, cometaeque ipsos addensatos ignes
 non esse, ut plerique suspicantur.

Conclusio III.

Non sunt ergo cometae corpora temporanea siue
 de nouo genita accensa & ignita, ut volunt Pe-
 ripatetici.

Finit Libri Tercij.



IOANNIS CAMILLI

Gloriosi Gifonensis

DE COMETIS

Liber Quartus.

PRÆFATIO.



Aperte ultimo antecedētis libri diximus nullos cælestes orbes dari reales & solidos, sed astra libere & per se moueri absque orbium ministerio, itemq; nullum esse ignem sub Luna; de quibus in hoc quarto libro nos verba facturos polliciti sumus: Ut itaque hisce assertionibus aliqua præstetur fides, de his & de quibuscūq; aliis ad genericam cometicæ philosophiæ intelligentiam pertinentibus verba faciemus.

Nullusq;

O 2

Nullos

Nullos orbes dari reales & solidos. Cap. I.

Cælum ex pluribus orbibus realibus, solidis & contiguïs constare, nihil in Philosophia notius; quorû munus primum & ministeriû est stellas eis affixas & inherentes circa terram deferre; cælum enim ex pluribus orbibus realibus constare, ex eo putant, quia stellæ sunt orbibus affixæ, & moventur secundum motû orbium, cum itaque in cælo plures numero ac realiter distincti sint motus, necessario quoq; plures erunt numero distincti ac reales orbes; solidos & firmos hos orbes esse ratio cogit naturalis, nā si stellæ corpora solida sunt & densa, imo secundum ipsos partes densiores orbis, non possunt affigi & constanter inherere corpori fluxili & liquido, sed solidò & firmo; solidum quoque suspicantur esse cælum, quia motu atterit & attenuat aerem, quod officium solidis tantum & consistentibus conceditur corporibus, & perfecto nisi solidi essent orbes, quomodo mouerentur tanta æquabilitate, constantia & tenore? ut quippiam rapido & iugi motu circumrotetur, densioris & solidioris sit naturæ necesse est; demum contigui debent esse celestes orbes, ut motus superioris communicetur inferiori, si enim mutuo non se tangerent, primum mobile omnes subiacentes orbes nullo modo rapere posset: Quam quidem opinionem & si inueteratam & ab omnibus ferè receptam, amplexan-

plexandam non esse, quæ sequuntur persuadent rationes.

1 Si Planetæ nunc propius ad terram se demittunt, nunc altius ab ea recedunt, cælum ex dura & imperuia materia conttare non potest; notum est Martem quandoq; infra Solem descendere, ac terris fieri propiorem, quod pluries se observaſſe etiam profiteatur Tycho, ſicut de Venere & Mercurio, qui quandoque ſupra Solem aſcendunt, ac à terris diſtantes ſunt, quam Sol ipſe: Neoterica quoque obſervationes docent quatuor veluti Lunulas circa Iovem oberrare, ſuaſque periodos breuiſſimo temporis ſpacio percurrere, duo alii planetæ tanquam famuli circa ac prope Saturnum viſuntur; apparent demum circa Solē quædam corpora circumuerti, quæ nec natura nec numero adhuc ſatis deſſinita ſunt, an ſtellulæ erraticæ ſint inter Aſtronomos certatur: Ex quibus omnibus conuincitur in cælo nullam eſſe duriem & ſoliditatem, perque ipſum tanquam fluidum ac liquidum hæc omnia iam memorata corpora libere vagari.

2 Si veræ ſunt recentiorum Aſtronomorum & quorundam veterum obſervationes, quod comete in ipſo cælo inter planetas appareant, ibique diſcutiant, ac de orbe in orbem traiciant, ergo ab orbium ſoliditate nullum habent impedimentum, alioquin daretur ſciſſio & penetratio corporum, quod nullo modo eſt concedendum: Hoc abſurdum ſanè ſequitur, ſiue comete ſiant ab exhalationibus terreſtribus.

siue ex cæli cælestiumque globorum materia; non est
admittendum quod terrestres exhalationes in tantâ
altitudinem prouehantur, & quod etiam ipenetrent
duram illam & solidam cæli consistentiam; Si vero
ex cælesti materia proueneant cometæ, mouentur vel
alicui orbi alligati, vel magnetica quadam & sponta-
nea concomitantia motum alicuius sideris æmulan-
tur, vel denique natiuo cursu circumducuntur; Si or-
bi sūt annexi, is vel vnus foret ex illis iam notis, quos
figunt, vel alius de nouo creatus; si vnus ex illis no-
tis, cometæ eandem perpetuo distantiam à terris ha-
berent, eundemque motum cum reliquis astris, ac ne-
que eandem distantiam neque eundem motum ha-
bent; novos orbes creari absurdum est; Si ducatur co-
metes à planeta quopiam, cur ductorem suum perpe-
tuo non comitatur? cur ipsum suo cursu anteuertit?
si demum ingenito motu feruntur cometæ, liqui-
dum igitur cælum erit & peruium.

3. Si cælum duræ ac solidæ esset materiæ, stellæ
viderentur à nobis per duo diuersa diaphana, nempe
per cælum & aerem, ideoque duplici refractione; qua-
re stellæ extra locum suum conspicerentur, præterquàm
in horizontis polo; quo concessio collabatur omnis
observationum certitudo, verum certissima sunt side-
rum phænomena, nec tale quicquam tot sæculis tot
perspicacissimis viris assidue sidera obseruantibus vn-
quam apparuit; imo si stellæ per plures refractiones
viderentur, nunc clariiores nunc obscuriores & quodâ-
modo confusæ cernerentur, quod est contra experien-

tiam,

tiam, omnis enim refractione secundum ^c Opticos de-
 bilitas lucem & colorem rei visæ; Cum itaque constet
 sidera debitis suis locis & coloribus esse obseruata, nec
 ab ullo artifice hæc duplex refractione vnquam ani-
 maduersa, ergo cælum non differt ab aere, hoc est flui-
 dum ac liquidum erit vt aer ^d Keckermannus limi-
 tat regulam Opticam, quæcumque videntur per cor-
 pus solidum & per corpus fluidum, illa refractione
 videntur gemina, si nempe corpus solidum sit crassum
 & non summe tenue ac subtile, cum itaque cæli soli-
 ditas multis modis sit subtilior aere, ideo refractione
 diuersam causari non potest; Hæc profecto limitatio
 Keckermanni non habet locum, nam siue cælum sit
 subtilius vel non subtilius aere, sufficit quod sit diner-
 sum medium ab aere, quando igitur stellæ imago si-
 cut idolum cælestem regionem pertransierit, & ad
 aerem peruenerit, illico refractionem patietur, quia
 occurrit difformitas medii: Augetur difficultas ex eo-
 demmet Aristotele, qui asserit in ^e Meteoris cælestes
 orbes differre in sinceritate & puritate, secundum quod
 magis distat à prima sphaera, quod iam prædixerat in
 libris de celo, corpora nempe cælestia tanto hono-
 rabiliora habere naturam, quanto quidem plus dis-
 stant à terris, hinc & Averroes ex eiusdem doctrina as-
 serit Lunam ob propinquitatem ad terram, cum ipsa
 terra in quam pluribus conuenire, propter quâ causâ
 Lunam à physicis terram ætheream nominari scri-
 bit ^f Macrobius; Ergo in illa cælesti regione tot cõ-
 tingent refractiones, quot sphaeræ erunt diuersæ, si

^c Alhazen
lib. 7. Prop.
38.

^Vucl. li. 10
Prop. 10.

^d li. 2. Phy.
Syst. pa. 98

^e lib. 1. c. 4.

^f lib. 1. c. ex.
16.

^g de sub-
stan. orbis
c. 2. li. 1. de
celo tex. 16
lib. 2. tex.
32. 42.

^h de somno
scip. c. 12. 19

addatur quoque sub Luna elementum ignis, quod ex
 eorum sententia ipso aere rarius ac ipso cælo densius
 est, altera necessario continget refraction, & sic quot
 erunt orbes cælestes & elementa inter nos & stellas fi-
 xas, tot multiplices refractiones erunt & resplende-
 scientiæ, tot ergo interpositis mediis raritate & densi-
 rate differentibus stellarum imagines multiplicari,
 easque inuersas & immutatas necessario videri certū
 est, quemadmodum in speculis contra se mutuo posi-
 tis contingit, vt de earum loco, deque quantitate cer-
 ti nihil ad eundem cæli situm haberi possit, quod est
 contra omnem experientiam, vnica tātum animad-
 uertitur refraction ob aerem crassiorem prope terram
 & non multiplex, de qua cæli liquiditate & vnica refra-
 ctione prope terram diserte loquitur Tycho in episto-
 la quadam ad Maginum, quam ipse in suis tabulis Di-
 rectionum inseruit fol. 80. à tergo, Accedit inquit
 & hoc quod refractiones astrorum ad verticem no-
 quaquam pertingentes, sed citra dimidium quadran-
 tem atque adhuc decliuus prorsus euanescentes eui-
 denter testentur diaphanitatatem cælestem non ver-
 sari in solida materia longe diuersa ab aeris liquida
 diaphanitate, adeo vt illæ quæ fiunt in luminaribus
 atque stellis sub decliuiori versùs horizontem situ re-
 fractiones, ex solis penè vaporibus terram, etiam sepe
 nissimo existente aere, in propinquo ambientibus,
 insinuentur & originem trahant; Vapores autem nō
 esse causam pereanem & constantem huius vnice
 refractionis, vt Tycho confitetur hic & alibi, sed po-
 tius

tius aerem ipsum prope terram fusum, verius continet & Keplerus, superficiem inquit, quæ refrangit radios, neque vaporum esse temere oberrantium, neque corporis alicuius sublimis ad Lunæ confinia, sed planè aeris eius, in quo nos homines spiritum eum in modum trahimus, quo pisces trahunt aquam; quâ sententiam quoque amplexus est Christophorus Scheiner in hæc verba, Refractionis cælestis ordinarium subiectum esse eum, quem trahimus & reddimus vicissim spiritum, quem toti terræ æquabiliter circumfusum non inconcinne appellant Atmosphæram.

4 Nulla ratione cogimur quod admitti debeant huiusmodi reales orbes & solidi, nam vel conditi sunt ad astra devehenda, ut sensisse videtur Arist. in Metaphysicis, vel ad agendum in hæc inferiora, primum de facili tollitur, si itatuamus astra per se moveri, nullum sanè sequitur absurdum in natura, si hæc mundana & in æthere pendentia corpora per se & absque orbium ministerio moueantur, suosque determinatos & certa quadam lege institutos cursus absoluerent, concedamus, imo iniuria sit naturæ, quæ ad hanc mundanam fabricam constituendam sine orbibus opus suum perficere potuisset, si ipsis nempe astris vim motricem attribuisset, ut certis legibus mouerentur, ad quid enim erat opus & astra & orbes condere? hoc est vniuersum ipsum tam inutiles & superuacaneas orbium suppelletile adornare: Orbes demum non sunt necessarii ad agendum, quia ex omnium sententia astra illa sunt, quæ agunt in hæc inferiora, quare huiusmodi

k Opticæ
Astron. pag.
79.

l Refra. &
left cap. 13.
carol. 2. p.
20.

m lib. 12.
tex. 48.

modi reales orbes omnino fictici sunt.

Et profecto cum cælum species non sit ac corpus singulare, & singularia nimia sensu diiudicetur, sensu probandum erit quod de orbibus quæritur, ut per sensum nos non cognoscimus cælum esse in plures orbes siue sphaeras distractum, imo neque cognoscimus hanc orbium pluralitatem in cælo ex cæli natura admittendam esse, equidẽm & si per sensum cognoscimus stellas variis motibus cieri, non hinc sequitur orbes dari, cum stelle per se moveri possint absque orbium ministerio, ergo tales orbes nullo modo concedendi sunt: abiicienda est itaque ab vniuerso atque ableganda hæc tantarum superficierum tantorumque orbium onerosa & portentosa farrago.

Astra per se moveri absque orbium ministerio

Cap. II.



Seruiamus antecedente capite Argumento 4. nullum absurdum in natura sequi, si statuamus astra per se moveri & absque orbium ministerio, nulla enim apparet ratio in contrarium, quæ aliquam præferat efficaciam & firmitatem; Aristotelis rationes, quod astra per se sine orbibus moveri non possint, imperfectæ & non concludentes à plerisque existimantur. Duos enim motus circulares constituit Arist. conversionem videlicet & Voluationem; Conversio est motus, qui in eodem semper sit loco in orbem & ad eandem partem, qualis est motus

motus mole, cum aque impulsu in gyrum torquetur
 Volutatio est motus, qui fit etiam in orbem cum mu-
 tatione situs totius mobilis, adeo quod id quod volu-
 tatur nequit semper eadem faciem unum in locum respi-
 cere; qualis est motus globi lignei per planitiam im-
 pulsi, ex quibus duabus circularibus motionibus sic
 ipse ratiocinatur in libris de^o celoz. Astra per se moveri
 non possunt nec motu progressiuo nec circulari, ergo
 nullo motu, non progressiuo, quia cum astra corpo-
 ra spherica sint, ad talem motum non sunt idonea, non
 circulari, nam quamuis corpora spherica sint & ad
 circularem motum satis idonea, tamen euidenter con-
 stat astra hoc motu non moueri, nam si circulariter
 per se mouerentur, vel moueretur secundum conuer-
 sionem vel secundum volutationem, non secundum
 conuersionem, nam tunc astra semper conspiceretur
 in eodem loco, non secundum volutationem, nam
 tunc astra non ostenderent nobis semper eandem fa-
 ciem; at videmus astra singulis momentis situm mu-
 tare, videmus Lunam, cum pleno orbe luceat, semper
 eandem faciem nempe maculosam nobis obuertere,
 & quod dicitur de Luna intelligitur de omnibus a-
 stris, ergo stellæ per se moveri non possunt.

n lib. 1. c. 8.

Infirmas equidem existimat has rationes^o Godi-
 fredus Chassinus, quibus utitur Arist. pro motu cir-
 culari tollendo (non loquor de motu progressiuo, quia
 constat hoc motu stellas non moueri) nam præter con-
 uersionem & volutationem datur circuitio, quæ est
 etiam motus circularis rei, centrum circa quod moue-

o lib. 4. de
Mundo c. 3.

tur

tur, eadem facie semper respicientis, qualis est motus equi in gyrum agitati; Quando itaque dicit Arist. astra non moueri neque motu conuersionis, quia mutant situm, neque motu volutationis, quia semper ostendunt eandem faciem versus terram; hæc ratio videtur imperfecta & manca, nam datur circuitio, quare dato & concessio quod astra non moueantur motu conuersionis vel volutationis, motu tamen circuitio- nis, moueri possunt, quo motu posito excusantur omnia quæ ab Aristotele oppugnata fuerunt, nam sic dum circa terram vertuntur astra, possunt & mutare situm & eandem semper faciem terris ostendere.

Nec exempla ab Aristotele producta de Solé & Luna ita sunt concipienda vt ipse existimauit, nam ad tollendum motum conuersionis exemplum adducit de Sole, qui dum oritur vel occidit tremere videtur, cum itaque iste tremor referendus erat ad Solem verè motu conuersionis agitatam, ipse huius tremoris causam ad visus debilitatem refert, nam cum Sol maxime a nobis distet, sitque corpus fulgentissimum, sensus visus propter spacii distantiam & Solis fulgoris quasi debilitatus nuntiat & tremit, idemque videtur quod tremit Sol ipse, hoc est motu conuersionis perturbetur; hoc in Sole contingit dumtaxat dum oritur vel occidit, quia tunc temporis vapores interiecti visum ipsam disturbant magis, tremoremque ipsam magis inducunt: At hæc ratio, si recte consideremus, ait P. Chassinus, contrariæ sententiæ fauere magis, quam illam destruat, vapores enim interiecti visum

lum ipsum potius adiuuant quam perturbant, nam per vapores illos aer densior & crassior factus magis sensibilem reddit præfatum Solaris conuersionis motum, quemadmodum enim astra omnia in ortu & in occasu grandiora apparent, quia vapores adiacentes augent stellarum imagines & idola, sic quoque dicendum est quod per illos interiectos vapores conuersio Solis in ortu & in occasu sensibilis fiat magis quam in alia parte cæli, cum ibi nulli vel non tanti & tales adfint, qui sensibilem præstent hunc Solis motum; quare illum Solis tremorem non ad visus debilitatē, sed ad eius veram conuersionem referri magis consentaneum est: Sed rationem profecto quare dum Sol oritur & occidit, nos magis animaduertimus Solis conuersiones, nullo à vaporibus auxilio perito, ex eo pendere arbitratur Chassinus, Quia tunc nos recta conspiciamus medias Solis conuersiones, propterea latiores apparent, subinde verò quatenus Sol eleuatur, & paulatim mutat nobis faciem, paulatim medium conuersionū adimitur; ex quo breuiores nobis fiunt, donec omnino deficere videntur, oculo tunc in latus Solis incidente, solum quousque sub occasum rursū medias conuersiones nobis rectas Sol exhibeat.

Neque ad tollendum motum volutionis, exemplum de Luna satis quadrat, nam & si Luna pleno orbe easdem maculas ideoque vultum eundem nobis semper exhibeat, non hinc sequitur Lunam motu volutionis non cieri, cum eius conuersio (ait Chassinus eodem capite x.) hoc modo se habere possit, vt

omni

9 *Primo*
sup. par. 1,
pag. 73.

omni plenilunio in eam faciem veniat. Vel dicere possumus cum 9 Baranzano; Lunam in alia facie eodem modo maculis conspersam esse, ideoque non constare num facies Lunæ in plenilunio sit eadem vel diversa, probandum itaque prius erat ab Aristotele in Luna unicam esse faciem maculosam, quæ dumtaxat plenilunii tempore nobis obvertitur, quod non fecit; quando ergo argumentatur quod Luna in plenilunio semper eandem nobis ostendit faciem maculosam, sincere negari potest, quod illa facies non est eadem sed diuersa: Rationes itaque ab Aristotele productæ non conuincunt stellas per se absque orbium ministerio moueri non posse, qualiscumque fuerit ipsarum motus, siue à principio interno siue externo; quod in præsentia non curat, de qua re inter recentiores consulendi sunt Godifredus Chassinus in præfatio lib. 4. de mundo cap. 5. & Dauid Gorlaeus exercit. 16. de Cælo.

Sub Luna ignem esse nullum. Cap. I II.

Sub Luna primus qui ignem posuit fuit Ocellus Lucanus Pythagoræ auditor, cuius dogmata inter ceteros, eius tamen nomine suppresso, sequutus est & magnificè Arist. quamuis ab hac quaestione non recte se explicasse videretur, nam in libris de Cælo & de generatione quatuor enumerat elementa, ignem ab ære distinguit, ærique supereminere ignem statuit, verum in Meteoris sub Luna ærem collocat, cum dixit, Cælum minus purum sincerum-

7 lib. 4. c. 4.
 & 5.
 8 lib. 2. cap.
 3 & 5.
 9 lib. 1. cap. 4.

cerumque esse, ea potissimum parte, qua desinit ad aerem
 & inferiorem mundum; ex quibus verbis colligitur;
 aerem celo immediate subterni; fateretur quoque; ^{lib. 3. Peripat.} An-
 dreas Celsipinus, Aristotelem lib. 1. Meteororum c. ^{rip. Quest.}
 3. aerem vocare totum illud corpus; quod celo conti-
 guum est: at ipsemet Arist. ait ignem illum sub Lu-
 na verum ignem non esse, sed ignem vocari secundum
 consuetudinem: Scio equidem haec omnia à Peripate-
 ticus glossari, Aristotelem inquirunt, dum in Meteoris
 aerem vocatorum illud corpus quod celo contiguum
 est, tunc appellatione aeris intelligere totam illam re-
 nuem & raram substantiam igni & aeri communem;
 si postmodum illum ignem non verum vocat, sed se-
 cundum consuetudinem tantum, hoc facit ad diffe-
 rentiam ignis nostratis vsualis & focalis, qui densae
 materiae coniunctus lucet, & comburit ac sine pabu-
 lo & nutrimento sustentari nequit, hic vulgo verus
 existimatur ignis; & tali tanquam propria voce no-
 minatur, cum itaque ille ignis sub Luna ob summam
 raritatem non luceat; non comburat, nec pabulo in-
 digeat, verus ignis secundum vulgus dici non potest,
 ideoque cum proprio nomine careat, ad similitudinem
 vsualis illum ignem vocauit Arist. Quare si iste ignis
 sub Luna nec lucidus est; nec pabulo eget, nec adurit,
 ergo sublatis qualitatibus essentialibus ignis, nullus
 amplius est & euicimus, ait Chassinus, satiusque fuit
 id, quod intelligunt alio nomine appellare, si quidem
 hoc modo plusquam æquiuocum est: Attamen Pau-
 las Aresius confirmat, Aristotelem verè supra aerem

non

non collocasse ignem, potiusque dici debere, ipsum admittere nomen & negare essentiam, quam concedere essentiam & negare nomen: Quomodocumque igitur se habeant istiusmodi glossemata, communiter ab omnibus ferè receptum est, hoc ignis elementum supra aerem sub Luna cælo contiguum, tanquã in propria sede collocari oportere, nec alium in mundo locum ei statui posse.

Ignem supra aerem existere sensatissimum putant Philosophi vel ex accensione cometarum, vel ex nostratis ignis motu, qui illuc naturaliter tendit, tanquã ad locum suæ vniuersitatis; experimentum primum funditus ruit, nam hoc est quod quæritur, vtrum cometæ sint ignes accensi, num in ea mundi parte cometica materia inflammetur, nos contendimus cometas non fieri ex accensione; nec satis firmum est experimentum secundum quamuis ipsum plurimi faciat

a Exerc. 9.

Scaliger contra Cardanum; Ignis enim nostras fursû mouetur, ait *b* Copernicus, quia quærit extensionem loci, motus enim extensiuus est à centro ad circum-

b lib. 1. c. 3.

ferentiam; Vel vt *c* Keplerus. Quia tenuioris est substantiæ quam aer, vt enim inflata vesica ex aquæ profundo emergit, pōdere aquæ fursum elisa, sic etiam ignea substantia caussam ascensus sui ex tenuitate sua consequitur, pellitur enim à circumflui aeris crassiori corpore; Equidem flammæ fursum euehuntur, quia fursum euehuntur fumî, quibus inhærescunt, flamma enim fumus ardens est, flamma tantum fursum euehitur, quantû fumus eam sustollit, quocumque sumpto illi-

*c Pref. Dio
ptri. pag. 5.*

co de-

to deperit iste motus flammæ, at fumi fursum eue-
hūtur propter leuitatem, quare caussa ascensionis hu-
ius ad leuitatem referenda est; sic quoque videmus va-
pores & exhalationes fursum vehi propter leuitatem,
& eò vsque in altum ascendere, quousque inueniunt
aerem eiusdem raritatis & leuitatis; naturaliter enim
omnia corpora rariora posita in medio minus raro,
ascendunt & stant sub eo quod magis rarum est, ibi-
que consistunt tanquam in æquilibrio, & hæc est ve-
ra & genuina caussa, cur nubes & quedam alia Meteo-
ra in aerem ascendunt, ibique suspenduntur & deti-
nentur, quam nobis primus commostrauit ^{d de infi-} Archi-
medes, quamuis ipse exempla proposuerit in aquis, ^{deribus}
quæ respectu huius ascensionis & suspensionis in a- ^{aquæ.}
quis eueniunt, in aere quoque euenire manifestū est:
Cum itaque dari experimentum nequeat de igne ele-
mentari siue sphaerali, an proprio motu & appetitu su-
pra aerem feratur, cum in hisce inferioribus talis non
reperiatur ignis, ignis enim nostras semper materiæ
adhærescit, ambiguumque sit num eius ascensus pro-
cedat vel ratione sui appetitus, vel ratione leuitatis
materiæ, cui annectitur, vel ob alias causas supra ex-
positas, non videtur sanè legitimū argumentum;
ex eo quod ignis nostras fursum mouetur & ascēdit,
ergo locus eius supra aerē erit, sicuti neq; eo argumē-
to quod aquæ fursum in vapores eunt, aqueā regionē
inferre possumus, vel fumi sphaerā adesse sub cælo, cū
etiam ascendat fumus: & profecto quomodo statuere
possumus ignis locū supra aerem esse, si nunquā totū

aerem, transcendit & ignis enim semper est cum aliqua materia, à qua detentus ad suam sphæram ascendere non potest, & sine materia apud nos quoque non existit, ad suam sphæram igitur nunquam pertinet, semper ergo frustabitur suo fine, quod de motibus naturalibus non est concedendum.

Sed dato quod ignis iste sphæralis immediate sub Luna sit, & supra aerem locatus, ociosus erit & frustra-
neus, quod opus exercet ibi & ministeriū? non equidē calefacit & fouet hæc inferiora; nā hæc omnia præstat Sol, natura superuacanea vitat, at si eū natura ad generationem statuit, vt perhibent phisici, & rerū generationes in terris fiunt, quo modo ignis iste descendit ad terras, si eius motus naturalis est sursum versus? imò dū est in propria sphæra neq; fursū neq; deorsū inclinabitur, quia ibi naturaliter manet oē corpus, quò fertur, motus n. fursū vel deorsum est motus ad locū, cum itaq; terra locus eius naturalis non sit, ignis descensu naturali ad terram non mouebitur, violēter inquit Arist. à motu cæli; ergo rerum generatio præter naturam erit, hoc est natura coacte & non sponte opera sua perficiet, quod sanè in philosophia non est audiendum: De hoc ignis motu lib. 3. s. quoq; verba fecimus, diximus enim ignem à cæli motu versus partes inferiores ad paruam distantiam detrudi & impelli posse, nam cælum circulariter & vniformiter ignem trahit, & non motu recto eum impellit, ideoque credibile non esse quod ignis violenter à motu cæli ad terras vsque ciaculetur, cum terra magno à cælis

lib. 1. Meteor. ca. 4. in fine

f. c. 3. Ar. gum. 12.

lis distet interuallo; & profecto etiam si concedamus ignem à cæli motu violenter deorsum deturbari, in tantum spacium deorsum deturbabitur, in quantum se extendit ipsius cælestis motus vis & energia, at cæli motus non attingit altos montes, media aeris regio secundum philosophos circulariter non mouetur, ergo neque à cæli motu ignis iste ad terras peruenire poterit: Respondent quidam ignem, dum à cæli motu deorsum pellitur, immiscendo se aeri, ipsumque calefaciendo à parte post partem ad terras peruenire posse; hæc responsio non videtur tuta, nam hunc descensum & communicationem caloris prohibet frigiditas mediæ regionis, tum ipsa quoque reclamatione experientia, si enim aeris partes hoc modo calorem conciperent, aer ipse circa terram fusus semper excalesceret, nunquam igitur erit hyems, quod non contingit; hunc aerem prope ac circa terram fusum ex reflectione radiorum solarium tantum excalescere, omnes decreuerunt; Sed quid amplius de hoc ignis motu verba facimus, cum supra statuerimus nullos orbes dari reales & solidos, à quorum motu ignis iste vel aer rapiatur & deturbetur.

a Arist. in libris de cælo, ex eo quod cælum mouetur circulariter, concludit sub Luna ignem locari necessario, nam cælum non potest moueri circulariter, nisi super aliquo corpore, quod in medio quiescat tamquam centrum, hoc centrum terra est, sed data terra grauissimo elemento debet dari leuissimum, huic autem leuissimo elemento nempe igni supra aerem de-

*caloris**g c. 1. Iamius**h li. 2. c. 3.*

i. de motu
animalium
cap. 1.

li. 2. de cf
lib. 14.
l. 45.

betur locus: Hæc inquam argumentatio à quamplurimis infestatur instantiis; omne quod mouetur super immobili & quiescente moueri, est propositio catholica apud Aristotelem, de corporibus quidem inferioribus non incerta res est, hæc enim dum mouentur, locum sub se habent quiescentem, non quidem plane ac simpliciter, sed ita videlicet in tantum, ut id quod mouetur possit partibus corporis subiacentis non cedentibus nimis applicari & figi ad promotionem, sed de supremo idest cælo grauis questio oritur, quod nam sit illud immobile, super quo mouetur, quod cælum circulariter moueri non possit, nisi in medio quiescat corpus aliquod tanquam centrū, nullam video necessitatē, sufficiunt poli, super quibus tanquam quiescentibus punctis cōuertatur, polos autē non moueri scripsit quoque Arist. de qua re docte & eleganter Scaliger contra Cardanum, Imò neutiquam verum est, à centro pendere cæli munimentum, quippe non quemadmodū nobis centrū est prius nostro circulo, ita à cæli cetro primus opifex auspicatus est, sed utrūque simul, & cū terræ ambitus totius esse nequeat centrum vniuersi, non poterit esse cæli sultura tellus ipsa quatenus terra est, sed quatenus in se cōtinet punctum illud mediū, nā quod dicitur, terrā iccirco factam immobilem, ut circū eā cetera verterentur, eque est alienū à veritate, posset. n. ipsa quoque nihilofecius in puncto moueri, non. n. eo motu exiret à proprio loco terra, nihilque propterea flagitii cōmitteretur, postremo tū vulgare tū falsū est, cælū opus habere cetro immobili,

circum

circum quod voluatur, non enim super centro circumagi palam est, sed super polis, etiam si esset totum in medio vacuum, futurum ut hoc eodem, quo nunc modo vertitur, verteretur, quippe super suis punctis, quos à versatione Græci polos, nos vertices appellamus: Vanum & falsum est commentum illud de duplici centro, Physico & Mathematico, vnicum centrum est nempe Mathematicum, & nullū aliud, hoc enim statuitur & concipitur in medio sphaericorum corporum respectu dimensionis ac æquidistantiæ ab extremis, cælum itaque conuertitur circa proprium centrum, quod dicitur centrum vniuersi, hoc sanè simplicissimum punctum est; duas equidem conditiones habet centrum, prima est, quod sit in medio sphaerici corporis, hoc est quod equaliter distet ab extrema circumferentia, secunda quod sit omnis expers magnitudinis, nēpe punctum, at terra corpus est immensum, nullo ergo modo terra verè centrum dici potest; Cum itaque terra secundum cōmunem philosophiam sit in medio vniuersi, eiusque magnitudo insensibilis ac veluti punctum respectu cæli, communiter quoque receptum est, cælum circa terram moueri tanquam centrum, quod quidem generaliter respectu omnium orbium verum non est, nam magnitudo terræ non exilit in punctum respectu Lunaris distantiae: Quod autem asseritur de summa leuitate & grauitate corporum, ab omnibus nō recipitur, corpora enim mundana in propriis locis non sunt grauius vel leuius, quia ibi naturaliter collocata sunt, non

per rectas lineas, hoc est per viam breuissimam, sic enim agit natura in omnibus suis operibus: Nec ista argumentatio Peripateticis infesta videri debet, cum ipsi similiter philosophentur, ignem sursum moueri asserunt, quia tendit ad suam sphaerā: Sed dato quod hæc argumentatio recte se habeat, quod cælum videlicet circulariter moueri nō possit, nisi in medio quiescat corpus aliquod tanquam centrum, punctū principale quæstionis satis controuertitur, nam si verum est astra per se moueri, nullosque orbes dari reales & solidos, ergo in vniuerso nullum centrum erit, si nulla est circumferentia: ex quibus instantiis & si fortassis nulla, incertissima tamen redditur Aristotelis argumentatio.

Equidem si per sensum Philosophandum est, nullum alium ignem agnoscimus, quam nostratē vsualem & laconicum, quem elicimus arte & industria, generatur enim ignis ab alio igne, attritu quorundā corporum, & concursu radiorum solarium; eumque in primis ignem agnoscimus quoque, qui in visceribus terræ & nutritur & conseruatur, ignem per terræ concauitates vndique diffusum esse testantur, tū flammæ quæ in multis locis è profundissimis terræ specubus erumpunt, tum etiam aquæ feruentes siue thetmæ, quæ plurimis locis scaturiunt, vt nihil dicam de generatione sulfuris, bituminis, aliorumque mineralium, quibus ignea vis & natura inest; multum ignis in sinuosis terræ cauernis reperiri scripsit quoque Aristot. in Meteoris: sanè mihi non displicet quod ait

m li. 1. c. 4.
c. 8.

lib. 2. Phry. *ff. 2. p. 145* Nec Kermannus, ignem ab initio in prima creatione rerum corporibus mixtis fuisse concreatum, & in corporum istorum resolutione manere in his inferioribus, ac commisceri denuo aliis corporibus perpetua corporum generatione: Valeat igitur chimericus ignis iste sub Luna, nullum habens vsum in natura, nullo sensu cognitus, nulla efficaci ratione constitutus.

Mundanum spacium aere repleri. Cap. IV.



otum hoc naturæ theatrum, quod oculis nostris & sensibus patet, quodque communiter mundum siue vniuersum appellamus, ex aere & ex pendentibus in aere corporibus constare arbitramur, quæ in aere pendent, alia sunt & terra, quæ ob id mundana corpora vocantur; hanc opinionem plerique recentiores tuentur; Anaximenem Mile sium sic quoque sensisse scribunt Plutarchus & Cicero. Hoc spacium mundanum, quod ex aere constare diximus, distinguitur à recentioribus in aerem proprie dictum, & æthera, proprie aerem vocant eum, qui prope ac circa terram est, quique à sordibus terre semper inquinatur, æthera verò eum, ad quem non perueniunt excrementa terre, non differunt ergo aer & æther substantia siue essentia, sed tantum tenuitate & puritate, est itaque æther aer, tenuior, purior & defæciator; aer à terris tantum extollitur, quantum euehuntur fumi & exhalationes terrestres, at æther ab hoc aeris confinio per totam reliquam mundi vastitatem diffunditur, cælum verò vocatur ea pars ætheris, in qua existunt

*v. lib. 1. de placitis c. 3
p. lib. 1. de natur. Deorū.*

stunt & diuagantur astra : Hanc aeris immensam molem non facile exaudiunt Philosophi , qui putant nescio fictam quamdam decuplam proportionem in elementorum magnitudinibus reperiri oportere ad ordinem & perfectionem vniuersi , at isthæc nobis non obsunt , qui putamus aliter de mundo philosophandum esse , existimamus equidem aerem ipsum secundum magnitudinem cum terra & aqua vllam obseruare proportionem , sed esse instrumentum & vehiculum totius vniuersi non magis ipsi terræ , quam aliis mundanis corporibus destinatum.

An verò hoc spacium aereum finitum vel infinitum sit , à nemine mortalium adhuc exploratum aut demonstratum est , Astronomia de hoc nihil pronunciat, ait ^q Keplerus, in tanta enim altitudine sensu destituitur oculorum, hoc solum docet quousq; stellæ vel minimæ cernuntur, finitum esse spacium , nos ergo extra stellarum fixarum cōpaginem nihil quaerimus, vltcrius non euagantur sensus, Num verò stellæ omnes fixæ sint in eadem sphærica superficie incertum est, cum enim aliæ paruæ sint aliæ magnæ , non est absimile vero paruas ideo videri, quia procul in altum ætherem recesserunt , magnas ideo quia nobis propiores, neque tamē absurdum duas fixas inæquali apparente magnitudine æquali à nobis interuallo distare; at de planetis certum est illos non esse cum fixis in eadem superficie sphærica , sed inferiores esse fixis, regunt enim interdum illas , nec vicissim alias à fixis reguntur; prætereaque plurimas stellas fixas imò maximam

q lib. 1. *epi.*
pag. 39.

ximam earum partem propter aut nimiam earumdē à terreno globo distantiam, aut ob modicam quantitatem seu paruitatem non apparere, quod iam ex nouo Telescopio verificatum est, quo duce immensa & non numerabilis paruorum stellarum congeries & multitudo cernitur, quę prius libera acie videri non poterant: Quo autem vinculo tota tantaque stellarum fixarum multitudo cohæreat atque coagmentetur, prorsus ignoratur, probabile tamen admodum videtur, ait ^r Blancanus, regionem illam affixarum stellarum, quę Firmamentum appellatur, vnā cum sibi infixis sideribus conuolui, quandoquidem tot minimum myriades certo ac perpetuo ab initio mundi ordine, quasi in aciem distributę, videntur aliquo eger fundo, cui dum adeo stabili concordia prouoluuntur, fixę inhæreant, ideoq; hoc firmamentū ad tot stellas fixas cōtinendas solidū esse creditur à plerisq; dico à plerisq; , nam necesse nō est ex ea quod astra, quę dicuntur fixa, semper eandem inter se distantiam tuerentur, quod alicui solido corpori verē affixa sint, nam fieri potest quod hæc astra in mundo ita à naturę opifice ab initio constituta fuerint, vt hoc modo & in eadem semper distantia mouerentur; Sic etiam videmus, inquit ^f Patricius, apud nos in benę ordinatis exercitiis milites loca, in quibus à Centurionę ab initio locati sunt, & incedendo & pugnando nunquā derelinquere & permutare; Grues dum volant per aera ordinem adamussim constituunt & seruant; Elephantorum & Ceruorum greges ordinatim ducem

sequun-

*r de sphaera
p. 130-351*

*f Patricius
m. 1. 12.
pag. 90. à
tergo.*

sequuntur suum, Thynni in mari & Pelamides & alia quedam piscium genera ordinatissime natant & sua itinera peragunt; quare si homines, bruta & pisces, quę tumultuaria & inordinata voluntate feruntur, possint ita ordinatim moueri & eandem inter se distantiam tueri, cur hoc negabitur astris, quę ordinatiori & firmiori concitantur motu, sic ab initio à diuino opifice vel natura determinato ac præfixo.

Sed video quosdam mihi alacriter occursuros, si stelle mouentur per se, & non dantur orbes reales & solidi, cur Astronomi tot orbes & sphaeras cōstituūt? id ab Astronomis summa cū ratione factum esse sciant, nempe melioris & plenioris cognitionis gratia, nam cum animaduertissent diuersitatem cœlestium apparentiarum & motum non posse discentibus explicari, nisi præsupponantur ista principia & hypotheses de distinctione cœlestium regionum seu sphaerarum, ideo hoc modo de cœlo deque sideribus philosophari sunt Astronomi; quid enim affert incommodi, si diuersarum stellarum palatia, vt ita dicam, nominibus distinguār, cum cœlum sit corpus diuiduū, aliamque dicant sphaeram Solis, aliam Martis, aliam vniuscuiusque reliquorum planetarum, intra quarū terminos planetę singuli suas periodos & circuitus absoluunt: Sic quoque videmus Peripateticos fecisse, qui aerem vnum & continuum in tres regiones diuiserant, idque potissimum eo fine, vt doctrina Meteororum clarior atque illustrior fieret, physicęque auditoribus perspicue explicari posset discrimen, quod
est

est inter Meteora quæ prope terram & ea quæ paulo remotius à terra, & denique ea quæ remotissime à terra generantur; diuiditur ergo aer in has partes secundum ipsos à se inuicem nō natura vel essentia sed vsu tantum & affectione seu potius cogitatione nostra separatas & disiunctas; sunt itaque huiusmodi orbis seu sphaeræ aliud nihil quam cæli siuæ ætheris regiones non realiter sed ratione tantum distinctæ, planetisque ita attributæ, vt singuli attributa sibi spacia nō egrediantur: Quod autem sæpius appellantur orbis, id fit in gratiam veterum, qui ita locuti sunt, quæ licentia sermonis donanda illis est, præsertim in tanta affinitate & nunquam fallibili consequentia rerum, atque id apud auditorem iam institutum vt capiat quo hæc sensu dicantur.

Eodem modo dicendum est de Eccentricis & Epicyclis & aliis quibuscumque orbibus & circulis, qui ab Astronomis summo cum artificio ex cogitati sunt ad explicandum motus & apparentias stellarum, sine quibus Astronomia non constabit, nec calculationes cælestibus apparentiis congruentes nullō modo deduci possent, nisi ridiculam Petri Rami sententiam amplecteremur, qui cælestes apparentias nō per Astronomicas hypotheses sed per rationes Logicas excusari debere existimauit: Non igitur Eccentrici aut Epicycli sūt orbis reales ac corporei, qui sibi inherentes affixos planetas circumducunt, sed sunt circuli qui ostendunt formam motus, qua scilicet proportionē planetæ nunc celerius nunc tardius mouentur,

*ſch. Mar.
li 2. p. 50.
in 4.*

tur, nunc propius ad terram accedant, nunc iterum ab ea recedant: Quapropter non benedicunt ii, qui hos circulos in cælo secundum hypothesim tantum reperiri putant; hoc est secundum fictionem & non secundum naturam, non enim ideo motus talis est, quia circuli tales sunt; sed ideo circuli tales assumuntur, quia motus talis est; varietas profecto motuum & apparentiarum non est figmentum, ergo huiusmodi delineationes ab astris in cæthere realiter describuntur; quemadmodum enim navis aliqua, cum rapitur per undas maris, non relinquit quidem in ipsa aqua realem aliquam lineam, per quam tracta fuit, lineam autem talem, quam oculus distinguere postea posset, nihilominus re vera navis illa fuit per illud undarum spatium vecta, sic dicendum est de circulis & orbibus qui in cælo imaginantur, qui & si concipiatur ab animo humano tanquam notiones secundæ & instrumenta percipiendi scientiam Astronomicam, tamen habent etiam aliquod fundamentum ac reale vestigium in ipso corpore cælesti; notum satis est vllum motum localem, quicumque ille sit, absque lineari demonstratione explicari posse.

Hinc videant studiosi quo iure exaudiendi sunt Philosophi quidam, qui voce & scriptis aduersus Eccentricos & Epicyclos quotidie debaccantur, putantes cælum ac vniuersum ipsum per hos circulos ruiturum ac penitus collabascere; & mirum profecto est quomodo isti viri hucusque intelligere vel noluerunt vel non potuerunt, Astronomos nullos reales orbes

& cir-

u in Pli-
nium p. 33.

x Quæst. Pe-
ripa. lib. 3.
Quæst. 3.

z de sphaera
pag. 132.

& circulos in cælis statuisse, proptereaque calumnia-
torem vocat Auerroem * Ziglerus, quod huiusmodi
reales orbes ipsis Astronomis contra eorum mentem
imposuerit; imo * Andreas Cæsalpinus secure asserit
Aristotelis Philosophiæ non aduersari similes orbes,
qui alium possident centrum quam centrum totius
vniuersi, quos Astronomi Eccentricos & Epicyclos
vocant, nam cum orbes cælestes continui non sint
sed contigui & disiuncti, habeantq; diuersos motus,
quos inæqualibus temporibus absoluunt, circa idem
medium siue centrum moueri nulla est necessitas;
Hanc verò opinionem de reali cælorum distinctione,
vt recte monet z Blancanus, in populum sparsere
olim Eudoxus & Calippus, & postea semiprisci & se-
mibarbari quidam, qui de sphaera deque Theoricis
planetarum scripserunt, hi vt populo atq; aliis Astro-
nomiæ ignaris res miras venditarent, tales cælorum
construções Eccentricis atque Epicyclis veris &
realibus refertas propalarunt, & quas veteres hypothe-
ses appellabant, ipsi successu temporis tanquam asser-
tiones sine vlla euidenti ratione enunciarunt, iisque
simpliciores ac rudiores fidem vltro adhibuerunt,
adeo vt philosophorum etiam complures iisdem pau-
latim assenserint; Ex hac cælorum hypothefi in asser-
tionem transformata factum est etiam vt complures
cælos adinuicem non solum diuisos, sed etiam duos
esse deduxerint, dum enim intelligebant cælorum di-
stinctionem atque eorum munia in astris deferendis,
consequenter etiam de eorum soliditate philosophati
sunt

sunt; verum enim vero antiquorum & recentiorum doctissimi, vti sunt Ptolemæus, Albategnius, Copernicus, Tycho & alii per solas lineas aut circulos planetarum motus optime explicarunt, vt in eorum monumentis videre est.

Aristotelis auo exilem Astronomiam fuisse.

Cap. V.



Astronomia sero peruenit ad Græcos, constat enim Democriti temporibus secundū ^{7 li. 7. Na.} ^{quæst. 2. 3.} necam non dum comprehensum fuisse planetarum cursum, & ab Eudoxo primum ex Aegypto in Græciam delatum; non hego equidem ante Eudoxum in Græcia plures alios extitisse viros, qui aliquā de rebus caelestibus cognitionem habuerunt, vt Thales, Anaximander, Cleostratus, Pythagoras, Anaxagoras, Methon & alii, sed nullus ante Eudoxum per hypothefes de vniuersa Astronomia philosophatus est, ipse autem hypothefes concentricas reuoluentiu sphaerarum primus reperit, satis constat è Proclo in Timæum Platonis, & è Græcis Aristotelis interpretibus Astrologiam veterem Babyloniorum, Aegyptiorum, Græcorum etiam ante Eudoxum sine hypothefibus fuisse (quamuis contrarium opinetur ^{b in libello} ^{de hypothe.} Raimarus, ipsum nempe Thaletem, vel eius fermè coætaneū Pythagoram hypothefes primum introduxisse, vel etiam ante ipsos notas fuisse) at Eudoxi contemporaneus Aristoteles fuit, vterque enim referente Laetio

Plato

Platonem exaudiuit, ergo Aristotelis æuo exilis erat
Astronomia, nec adhuc rite ordinata, nam hypothe-
ses, quas Eudoxus primus inuenerat, cum Calippo
correxerat & emendauit, in quibus tandem resarci-
endis nec sibi satisfecit, adeo quod rem omnem ad
Astronomorum tribunal, hoc est ad competentem
forum delegauerit.

c. li. 12. Me-
raph. tex.
49.

Cum itaque illius æui præstantes viri in adipiscen-
da comparandaque perpetuorum mundanorum cor-
porum, nempe siderum, scientia versabantur, certissi-
ma coniectura est eos de comētis (hoc est de corpo-
ribus temporaneis & anomalis, quæ suæ apparitionis
regulam non seruant, cum non redeant ad pristina
loca ut astra) nullam Astronomicam cognitionem
per legitimas obseruationes habere potuisse; nec con-
stat ex memoria veterum Aegyptios à quibus ad Græ-
cos emanauit Astronomia, de comētis scientiam ali-
quam possedisse; nam Seneca loquens de Eudoxo
satis apertum exhibet testimonium. Hic tamen de co-
mētis nihil dicit, ex quo apparet ne apud Aegyptios
quidem, quibus maior cæli cura fuit, hanc partem
elaboratam, Conon postea diligens & ipse inquisitor
defectiones quidem Solis seruatas ab Aegyptiis colle-
git, nullam autem mentionem fecit cometarum;
non prætermittitur si quid explorati apud illos com-
perisset.

d. li. 7. Na-
u. p. 61. 3.

Et præfecto tunc temporis accurate cometarum
obseruationes imo nec astrorum fieri poterāt, & hoc
fortasse cum propter carentiam idoneorum instru-

mento-

mentorū, tū etiā quia rite determinatā non erant
 affixorū siderū loca, sine quibus nullæ cēlestes ob-
 seruationes stare possūt; Pertenuis enim fuit dicebat<sup>e in Plini-
 um pa. 296</sup> Zieglerus prisco sæculo & ante ætatē Hipparchi ob-
 seruatō fixarū, sed earū conformatio per imagi-
 nes vulgari quodam modo ex inspectiōe cæli præ-
 ter adiumentum organi sphæralis suscepta fuit, sic-
 que Macrobius duodecim Zodiaci signa fuisse de-
 prehensa memoriæ mandauit, quod etiā nouit^{f Ke} f
 plerus, Hoc solum præstat, vt cum legimus antiquos<sup>f Optic. A-
 stron. pag. 134</sup> non instrumentis sed æstimatione distantiarū suas
 obseruationes perfecisse, sciamus falli illos hac in re
 potuisse, cum ipsa facultas æstimatoria propter hanc
 causā vehementer fallatur, quod & Tycho Brahe
 inculcauit, & Ptolemæus ipse lib. 9. cap. 2. de qua vere
 rum imperfecta & rudi Astronomia luculenter di-
 sputat Maginus toto libello aduersus Diatribam Io-
 sephi Scaligeri conscripto: Primus itaque fuit Hip-
 parchus Rhodius per multos annos Aristotele poste-
 rior, floruit enim annis proxime ducentis à morte A-
 lexandri, ante natum Christum circiter 125. (puto
 mendosum esse textum<sup>g Theo. Pla-
 not. cap. 4.</sup> Alpetragii, in quo asseritur
 Hipparchum stellas obseruasse post obitum Alexan-
 dri annis ferè. 400. cum ipse legere potuerit apud<sup>h Pto-
 lib. 3. Al-
 mag. cap. 2</sup> Pto-
 lomæum, qui scribit Hipparchum æquinoctia obser-
 uasse ab obitu Alexandri anno 177. & 178.) qui v-
 trumque diligenti cura & studio præstitisse videtur,
 de quo^{i Plinius nobile illud encomium euulgauit, i lib. 2. c. 26}
 Ausus rem etiā Deo improbam annumerare poste-

ris stellas, sideraque ad normam expandere, organis ex cogitatis per quæ singulorum loca & magnitudines signaret, vt facile ex eo discerni posset, non modo an obirent nascerenturve, item an crescerent minuerenturve, cælo in hæreditate cunctis relicto, si quispiam, qui rationem eam caperet, inuentus esset; cõfirmatur hoc à ^k Ptolemæo, nam reddens rationem eui suo tẽpore pauca locorum latitudines erant cognitæ, Verum inquit solus Hipparchus paucorum locorum latitudines nobis tradidit, quamplures autem distantiarum præsertim quæ ad Solis ortum seu ad occasum vergerent, ex generali quadam traditione conceptæ fuerunt, nõ ex ipsorum authorum ignauia, sed quod nondum diligentioris Mathematicæ vsus foret; Aristotelis tempore Astronomiam paucos progressus fecisse fatetur quoque ^l Simplicius, & ipse inter Aristotelis interpretes non postremus; Magnitudines autẽ, inquit, & distantia Solis & Lunæ vsque nunc notæ sunt ab eclipsibus occasionem comprehensionis surmentes, & verisimile erat hæc Anaximandrum inuenisse, Mercurii autẽ & Veneris ex cõparatione ad hæc, sicut magnitudines & elõgationes ab his qui post Aristotelem cum maiori diligentia inuentæ sunt, & perfectissime ab Hipparcho, Aristarco & Ptolemæo.

Hinc apparet quantum fidei & authoritatis pro Astronomicis diuinendis quæstionibus Aristoteli tribuendum sit (cui omnino standum esse tanquam hominum sapiētissimo, quibusdam visum est) quod etiam post ^m Philaltheum annotauit ⁿ Patricius, eũque

^k lib. 1. Geo
gra. cap. 4.

^l li. 2. de cõ
lo tex. 38.

^m lib. 2. de
cylo. p. 429.
ⁿ Discu.
Perr. tom.
2. lib. 4. in
fine.

que

que cælestium rerum icium scriptorem appellare non erubuit. Picus, & hoc non solum quia eius æuoparum culta erat Astronomia, vt in præsentia probauimus, sed etiam quia ipse Astronomicis obseruationibus ex professo nō vacauit, quicquid enim de astris docuit, ex aliorum sententia præsertim Aegyptiorū & Babyloniorum fecisse videtur, vt ipsemet refert in libris de cælo, p sicut quoque in 9 Metaphisicis spherarum numerum secundum placita & traditiones Eudoxi & Calippi collegit & recensuit; Ptolemæus qui veterum Astronomiam ordinauit & instaurauit, Timocharidis, Aristilli, Menelai, Hipparchi & quorundam aliorum in signum Astronomorum mentionem fecit, at earū, quæ ab Aristotele factæ sunt, cælestium obseruationum (quod suam) nunquam meminit.

o lib. 1. contra Astrologos.

p lib. 2. tex. 60.
q lib. 12. c. 7.

*Aristotelis æuo fortassis cognitam non fuisse
Astronomicam parallaxim.*

Cap. VI.



Vare cum Aristotelis tempestate deerant idonea instrumenta, nec rerum cælestium scientia exacte tenebatur, necnon stellarum itinerantium loca rite designata nec fuerant, sine quibus subtile hoc negotium parallaxeos absolui non potest, quid mirum si artifices illius æui cometarum distantias ab orbe terræ, pro ipsorum loco vestigando, per aspectus diuersitatem dimetiri nesciuerunt; primus fuit post multa sæcula Regiomontanus de vniuersa

Q 2

Mathesi

Mathesi optime meritis, qui parallaxi, quam Ptolemaeus ceterique insigniores Astronomi siderum at præcipue Lunæ ab orbe terræ capessendis distantis destinauerant, ad cometarum ab eodem orbe terræ distantias quoque rimandas usus fuit, quod artificium adhibuit in cometa anni 1475.

r lib. 1. Meteor. cap. 9.

Suspicio quædam est quod Arist. cognouerit parallaxim, nam agens de via lactea aduersus antiquos & fortassis aduersus Hippocratem Chium & Aeschylum ea usus est, credebant hi lacteam illam albedinē prouenire ex reflexione nostri aspectus ex illa cæli parte tot sideribus constipata tanquam ex speculo ad Solem, adeo quod albicantia illa aliud sit nihil quam Sol ipse per reflexionem ex illa cæli parte tanquam speculo visus; hoc fieri non posse dicit Arist. argumento à speculis desumpto, quia tunc obiectum apparet in eadem parte speculi, quando omnia nempe obiectum, speculum & videns immota manent, at si speculum & obiectum accedendo vel recedendo mutent locum inuariata tamen vtriusque ab ipso vidente distantia, impossibile est quod obiectum in eadē parte speculi videatur, vt ex ipso speculati experimento patere potest; Cum itaq; Sol nempe obiectum singulis momentis mutet locum, nam continuo per Zodiacum mouetur, & consequenter continuo accedit vel recedit ab illa cæli parte, hoc est à speculo, quod à Delphini constellatione euidenter probat Aristor. quæ ipsi Galaxiæ contermina nunc media nocte, nunc mane, nunc vespere heliace exoritur, quod
inde

inde accidit, quia Sol illi nunc magis accedit, & nunc minus, quare necessario lacteus ille orbis in aliis atque aliis cæli partibus apparebit, sed experientia est in cōtrarium, quia semper apparet in vno & eodem loco, ex quacumque parte æquedistantis telluris spectetur, non est ergo lacteus ille orbis per huiusmodi reflexionem genitus.

Ex qua argumentatione deducunt forte quidam Aristotelem cognouisse parallaxim, nam ex carentia parallaxeos hanc veterū opinionem labefactasse videtur; Verū est quod Aristotelis argumentatio fundatur in parallaxi, sed hæc non est vera & Astronomica parallaxis, de qua nos loquimur in præsentia, parallaxis enim multis modis contingere potest, nam quandoque aliquod obiectum variat aspectum vel ob sui vel videntis mutationem, tunc parallaxim habere dicitur; Sed vera & Astronomica parallaxis illa est, qua mediante nos cognoscimus distantiam alicuius obiecti ab orbe terræ, hoc est num propinquū vel remotum fuerit, sed constat inter Aristotelem & veteres, cum quibus tunc agebat, nullam de loco Galaxiæ, vtrum terræ propinqua vel remota sit, sed tantum de illius essentia & genesi controuersiam fuisse, & Aristotelis argumentatio hoc tantum ostendere conabatur, nempe Galaxiam seu Zonam illam albicantem ex reflexione nostri aspectus ad Solem, vti illi opinabantur, fieri non posse, quæ quidem reflexio variari debebat secundum Aristotelem, propter variam Solis in singulis momentis distantiam ab illa cæli par-

te, sed non à terra, quam supposuit semper & ab illa
cæli parte & à Sole æqualiter distare. Quamobrem
cum ex hac Aristotelica parallaxi cognoscere nequi-
mus utram illa albedo terris propinqua vel remota
fuerit, quæ est vera conclusio ac verus scopus huius
parallacticæ inquisitionis, ergo parallaxis hæc Aristo-
telica vera & Astronomica parallaxis non erit.

*lib. 1. Me-
mor. c. 8.*

At quidam alius Peripateticus opinatur Aristotelem cognouisse parallaxim ex illis verbis (quandò igitur iuxta stellam facta fuerit talis concretio, eadè necesse est apparere latitudo, & moueri cometem, quæ quidem fertur stella, quum autem constiterit per se, tunc tardantes videntur, talis est enim latitudo mundi, qui circa terram) dicit itaque quod cometes, qui iuxta stellam aliquam oritur, non patitur parallaxim, & si patitur, ea erit minor Lunari, si verò cometes procul à stella oritur, potest habere parallaxim, eamque maiorem Lunari; Hæc sanè sunt extra omnem cogitationem parallaxium, credo equidem Aristotelem hæc nunquam somniasse, parallaxis enim est differentia inter locum verum & visum, quæ oritur ex propinquitate vel sensibili distantia à terris, cum itaque ex Aristotele cometae fiant infra Lunam, hoc est in distantia sensibili à terris, omnes ergo patientur parallaxim maiorem Lunari, siue ipsi oriuntur iuxta stellam aliquam, siue à stella procul; Hic author explicat verba illa (iuxta stellam) idest supra Lunam in cælo (per se procul à stella) idest infra Lunam in aere, quæ quidem interpretatio omnino admittenda non est, Arist. enim per verba

verba illa(iuxta stellam & à stella procul) non intelligit distantiam vel viciniam cometæ ad stellam, respectu spaciî mundani cælestis vel elementaris, sed tantum situm & positum cometæ in aere respectu stellæ, sic dicimus nubem aliquam existere iuxta Taurum, non hinc intelligimus nubem illam in cælo existere iuxta Tauri constellationem: Arist. eo in loco non agit de parallaxi, neque eius verba ad parallaxim posita ad commodari vllò modo, eo inquam loci quæstionem soluere videtur Arist. cur cometarum quidam mouentur eadem latrone cum aliqua stella, & quidam non: quæstionem soluit, nam qui sub stella fiunt, eam ambire conspiciuntur, ideoque videntur eadem ferri latrone ab ortu in occasum, ratio illa creditur, quia superior pars aeris, in qua tales existunt cometæ, magis conformatur cum motu cæli, ob eius propinquitatem, & ob id apparet cometas illos stellam concomitari, nec ab ea derelinqui; at qui in infero aere per se fiunt, propter motus tarditatem, ob maiorem à cælo distantiam, videntur à stellis derelinqui, nec eas concomitari: Et hæc est vera huius loci interpretatio, quam author huius nouæ doctrinæ vulgarem appellat, at videant Peripatetici si huius viri interpretationem & glossemata Aristotelicæ Philosophiæ sint consentanea.

*Quæstio de loco cometarum præcedit quæstionem
de materia. Cap. VII.*

Um duo cometicæ philosophiæ primaria ca-
pita sint, & ambo sanè ambigua, materia vi-
delicet & locus, dubiū est à quo capite prius
auspicandum, credo equidem quod cognitio de loco
præcedat cognitionem de materia, nam profecto ali-
ter philosophandum erit, si constiterit cometarum
locum vel elementarem vel cælestem esse, nam si ele-
mentaris fuerit, cometarum materia inter elementa
quærenda est, si cælestis, inter astra: Hac via progres-
sus est Aristot. in Metaphysicis, qui volens indagare
numcrum cælestium intelligentiarum decieuit de nū-
mero cælestium orbium prius esse statuendum; plu-
ralitatem verò cælestium orbium ex peculiarissima
Mathematicarum scientiarum philosophia; hoc est
ex ipsa Astronomia petendam esse ait, & obid consu-
luit Eudoxum & Calippum, qui tūc temporis in A-
stronomia apud Græcos celebres erant, secundū quo-
rum placita de numero cælestium orbium ipse de-
mum philosophatus est: Ex quo loco deducitur non
contemnendum consuetarium, quod pleraq; in phi-
losophia sunt, quæ absque Astronomiæ cognitione
determinari non possunt, inter quæ non postremum
locum obtinet hæc nostra contemplatio de cometis;
Quā facile hallucinatur physicus, ait Malapertius,
cū sine Mathematicæ præsidio cælos contemplatur.

t. li. 12. tex.
44.

m Oratione
habita Dna
ci pag. 35.

Quem-

Quemadmodum igitur fecit Arist. determinando numerum intelligentiarum ex prius assumpto ab Astronomis numero caelestium lationū, sic & hoc modo pro praesenti componenda lite faciendum esse arbitramur, nam cum ad Astronomos Geometricis ratiociniis instructos pertineat indagare distantias cometarum ab orbe terræ, ab illis assumere debent philosophi locum, in quo cometæ apparent, quo loco cognito vestigare debent cometicorum corporum materiam, & omnes reliquas, quæ ad hanc generationem pertinere videbuntur circumstantias. Et sanè si nobis constaret de materia, quaestio de loco nullo modo esset anteponenda, etenim in scientia naturali ex causis procedimus ad effectus, & non contra, at in hac contemplatione à loco, moru, & reliquis affectionibus ad cometarum materiam siue essentiam philosophari cogimur; tamen nec absurdum esse putamus prius de loco cometarum agere, quam de materia siue essentia, nam Astronomi de cometarum loco discentes nihil sumunt à natura & à causis, quare hæc consideratio per se stare potest.

Cometarum locum Aethereum esse.

Cap. VI H.



Philosophi omnes qui Aristotelis ætatem antecesserunt, de cometarum loco non dubitarunt, nam cum cometas esse astra putarent, astrorum locus & patria cælum est, Aristoteles & si

& si forte non primus, inter primos fuit, qui cometas
 tanquam sue philosophiæ infestos de celo hoc est de
 nobili illa sede in sublunarem mundum deturbauit,
 nec vlla demonstratione fretus cometas, quos ipse com-
 memorat in *x* Meteoris, in elementari regione efful-
 sisse confirmauit, Quibus enim inuictis apodixibus,
 ait *U* Tycho, & è certis obseruationibus Geometrice
 deductis probationibus, cometas necessario infra Lu-
 nam generari demonstrauit Aristoteles? Post Aristò-
 telem non defuerunt, qui cometas celo tanquã post-
 liminio reuersos iterum restituerent, colligunt quidã
 ex Proclo apud *r* Tychonem, quemdam cometam à
 Ioue rectum fuisse, Albumasar apud *a* Cardanum vi-
 dit cometam supra sphaeram Veneris, idem contigit
 se eorum *z*uo referunt *b* Nicephorus & *a* Haly Beni-
 rhodan, qua verò arte quibusue adminiculis vsi sūt
 Proclus, Albumasar, Haly, atque alii, qui cometas il-
 los eorum tempore visos, caelestes fecerunt, ignotum
 est, certi tamē sumus illos ob summam Astronomiæ
 peritiam hoc perperam non asseruisse.

Ardua profecto res est determinare questionem
 de loco cometarum, nam si comete essent astra, nul-
 lam ambiguitatem haberemus de cometarum loco,
 caelestes enim eos omnes esse diceremus, at à nobis de-
 cretum est primo libro cometas non esse astra vel as-
 trorum symphalam, sed corpora temporaria siue de
 quo genita, quare ex hac via de celesti cometarum
 loco nihil certi affirmare possumus: Ad hoc nego-
 tium absolendum ea sanè potior mihi videtur via,

quæ

quæ deducitur ex eorum distantis ab orbe terræ, quæ in re debiliorem partem habent Peripatetici, qui cometas in suprema aeris regione vagari cum Aristotele simpliciter credentes de cometarum distantis ab orbe terræ nullas dimensiones quæsiuerunt. Quæ enim ex historiis de cometis superiorum sæculorum adferuntur, ea non sunt eiusmodi, ut inde comprobari possit, an in celesti vel elementari mundo extiterint. Observationibus quorundam Astronomorum non multum sciendum est, ii enim vel errare potuerunt ob non idonea instrumenta, vel ob loca fixarum non recte constituta, vel quia obseruandi vsum atque debitam negotium exequendi rationem sibi familiarem antea non reddiderint.

Inter recentiores Astronomos, quibus aliqua deberetur fides, Tycho^d Brahe, e Vvillebrordus Snellius, f Ioânes Baptista Cysarus & s Christianus Longomontanus, cometas vniuersos, qui præteritis temporibus apparuerunt, & qui futuris in sæculis apparebunt, in cælo domicilium habuisse & habituros esse, alacriter contendunt; Contra h Claramontius cum Peripateticis, omnes elementares hoc est infra Lunam & fuisse & futuros esse, at i Mæstlinus, k Rhotmânus & l Keplerus & si in cælo frequenter apparent cometae, quandoque infra Lunam apparere posse vnanimiter consentunt: Quæ harum opinionum veritatem potius attingat, non est ita facile discernere, cum in omnibus obseruationibus semper adsit aliquid scrupuli & ambiguitatis, verissimum tamen putamus come-

d li. 1. pag.

511. 540.

596. 623.

li. 2. p. 247.

254. 441.

Epist. p. 37.

119.

e De Come

ta 1618. c. 1

f De Come

ta 1618. pa.

34.

g De nouis

celi phæno.

c. 3. pag. 3.

h Anty-

cho, c. ult.

i De Come

ta 1577. p.

17.

k De Come

ta 1585. p.

70. 117.

l De noua

stella serp.

p. 115. 174.

De cometis

pag. 99.

m lib. 2 c. 2

cometas in maxima à terris distantia, vltra aeris confinia & enasci & denasci ; Statuimus cap. 4. huius libri aerem proprie esse eum, ad quem perueniunt terrestres halitus, reliquumque mundanum spacium à terræ sordibus non inquinatum æthera vocari, exhalationes terræ ab eiusdem terræ superficie per 100. milliaria ferè abesse posse satis probabiliter ^m ostendimus, at nullus cometes in tanta à terris distantia per Mathematicas dimensiones obseruatus est: Cū itaq; ex obseruationibus quibusuis siue suspectis siue non suspectis euidenter constet, cometas ab hoc aeris confinio multum recessisse, eos ergo in ætherea mundi regione effulxisse manifestum est, quare æthereus erit cometarum locus.

*Quomodo per parallaxes vnius situs cognouerint
Astronomi cometarum locum æthereum
esse. Cap. I X.*


EX recentiorum Astronomorum placitis nō sufficit ostendisse cometarum locum æthereum esse, nisi quoque modum tradamus, quo ipsi in hanc cognitionem deueniant, & profecto quātum à terris distauerint cometæ nulla aliq; via securiori assequi poterimus, quā per parallaxim, hæc enim sola, vtp̃ pluries diximus, stellarum siue quorumcumque phænomenon distantias ab orbe terræ dimetitur, quando videlicet hæc distantia ad telluris semidiametrum sensibilem habuerit proportionem:

Et

Et quamuis multis modis eisque satis scrupulosis cometarum parallaxes indagari possint, vt. in monumentis recentiorum Astronomorum cernere licet, nihilominus nos duos tantum breuiore eosque faciliores veritatem & si fortassis non exacte, proxime tamen assequentes proponemus.

P R I M U S.

SI cometes horizonti vicinus apparuerit in eodem caeli loco, in quo fuit dum erat in vertice vel prope, tunc omni caret parallaxi, quod quidem facile cognosci potest, si cum aliquo accurato instrumento assumatur distantia cometes ab aliqua stella fixa, dum fuerit in eodem circulo verticali cum stella, nam si cometes eandem semper seruauerit distantiam à stella, tunc nullam possidebit aspectus diuersitatē: Ver-



ticalis in firmamento constitutus esto CD, terræ situs B, vertex C, stella fixa E, sit cometes prope verticem in F, erit ergo locus eius visus in H, & distantia apparens à stella arcus EH; fingamus quod motu diurno cometes

peruenerit in G prope horizontem, & stella fixa in K, erit locus eius apparens L, & visa distantia à stella arcus KL, si itaq; apparentes distantia à stella fixa E H,

KL

KL æquales fuerint, tunc secure pronunciare poterimus cometam longissime à terris distare, nullamque admittere aspectus diuersitatem, quod si forte apparentes distantie EH, KL inæquales fuerint, tunc cognita differentia verbi gratia ML, hæc inquam apparentium distantiarum differentia parallaxis erit.

S E C V N D V S.

DVm cometes fuerit in vertice vel prope, eligantur duæ stellæ fixæ ei viciniore, inter quas ipso collocatus fuerit secundum rectam lineam horizonti parallelam, quod quidē facile cognosci potest absque instrumēto, ex vnico filo per ipsas stellas ducto & extenso, obseruetur deinde cometes cum venerit prope horizontem, & extenso per stellas filo, vt prius factū est, si cometes reperiatur in eadē recta linea cum eisdē stellis, tunc secure pronunciare poterimus cometam longissime à terris distare, nullamq; admittere aspectus diuersitatem; quod si forte cometes in secunda obseruatione declinauerit à rectitudine præfatæ rectæ lineæ, hæc declinatio parallaxis erit.

M O N I T V M.

SEd in expositis experimentis caute procedendum est, supponunt enim cometam moueri motu primi mobilis tantum, sed omnes ferè cometæ motum proprium habent, vt itaque hisce experimētis aliqua præstetur fides, considerandus est motus proprius cometæ, & abiicienda est varietas omnis, quæ contingere po-

re potest respectu huius motus, ut vnicus ac liber remaneat motus vniuersi, ratione cuius cometes cum affixis sideribus comparatur; nam re vera parallaxis habet locum in iis, quæ non habent motum proprium; hoc quidem facile consequimur, si detrahatur motus proprius pro ratione temporis elapsi à prima observatione ad secundam: Si igitur hac consideratione facta apparuerit cometam à stellis fixis respectu motus primi distantias non mutasse, tunc euidenter constabit cometem nullam parallaxim possidere sed si forte prefatas distantias mutauerit, tunc parallaxim possidebit, atque illa tanquam idonea & ab hoc morbo liberata recipienda atque amplexanda est: Quamobrem cum motus proprius cometæ omnino considerandus sit ad legitimas parallaxes etuendas, merito præcipiunt Astronomi, has observationes tunc fieri oportere, quando lentescit cometæ motus, & quando apparet quod vix moueatur, nam tunc propter tarditatem motus proprii securius cognoscemus, num cometes à stellis fixis distantias mutauerit, vel à rectitudine sibi declinauerit, Hinc in quampluribus locis conueritur * Tycho lapsum fuisse Regiomontanum & cum illo quamplures alios in observationibus cometarum, cum non animaduernerint motum proprium, ideoque non rectè determinasse cometas illos sublimares fuisse, mutatio enim distantiarum à stellis fixis respectu motus proprii non inducit parallaxim, alioquin Saturnus à terris remotissimus, qui nullam vel inperceptibilem possidet aspectus diuersitatem, cum

motu

n li. 1. pag.
515. 520.
663.
lib. 2. pag.
383.

motu proprio præfatas à stellis fixis distantias mutet, sensibili & nō prorsus cōtemnenda careret parallaxi.

Quacumque igitur via si cognita parallaxis fuerit, non ignorabitur distantia cometes ab orbe terre, iuxta præxim cap. 10. libri secundi, secundum quam recentiores Astronomi cometas obseruatos in ætherea mundi regione effulxisse decreuerunt.

Quomodo per parallaxes diuersorum situum cognouerint Astronomi cometarum locum æthereum esse. Cap. X.




Vod sub eodem Zenith præstant diuersa obseruationum tempora, quibus phenomenon vel plus vel minus attollitur, hoc quoque præstant phenomena in diuersis horizontibus, certius tamen scrutantur parallaxes in vno situ quam in diuersis, vt recte post. Tychonem monuit Keplerus: Cū itaq; antecedente capite exposuerimus modos, quomodo cognoscantur parallaxes respectu vnus situs, in hoc altero de cognoscendis parallaxibus respectu diuersorum situum verba faciemus, & profecto idem redit, iidem enim modi sunt.

o lib. 2. pag.
304.
p. de com-
tis pag. 77.

P R I M V S.

NAm si ex diuersis & longe dissitis terræ regionibus conspiciatur cometes in vno & eodem cæli loco, tunc omni caret parallaxi, quod quidem facile cognosci potest, si cum aliquo accurato instrumento assu-

assumatur distantia cometes ab aliqua stella fixa, nā si hæc distantia semper vna & eadem fuerit, cometes nullam possidebit aspectus diuersitatē: Exponantur duo terræ situs notabili distantia seiuncti BC, stella



fixa sit in E, cometes ex vtroque situ spectatus appareat in G, erit ergo apparens distantia à stella fixa arcus EG si itaque hæc apparens distantia non variatur in vtroque situ, tunc secure pronūciare poterimus, cometam longissimè à terris distare; nullamque admittere aspectus diuersitatem, quod si forte hæc distantia diuersa fieret, tunc cognita differentia, hæc inquam distantia differentia parallaxis erit, vt si cometes fuerit in H, ex situ B videbitur in K, ex situ C in G, distantia igitur apparentes EG, EK inæquales erunt; quarū differentia GK aspectus diuersitatem metietur.

S E C V N D V S.

Eodem modo procedere possumus cum filo, sicut dictum est antecedente capite, nā si in vtroque situ spectatus cometes reperiatur in eadem recta linea horizonti parallela cum stellis duabus vicinioribus eisdem, inter quas ipse collocatus fuerit, tunc secure pronunciare poterimus, cometam longissime à terris distare, nullamque admittere aspectus diuersitatem; quod si forte cometes declinauerit à rectitudine

R

præfa-

præfata rectæ lineæ, hæc declinatio parallaxis erit.

MONITIVM.

Sed in his parallaxibus diuerforum situum cognoscendis, duplici cautela indigemus, nam non solum opus est præcauere motum proprium, sicut in parallaxibus vnius situs, sed etiam præcauere diuersitatem temporis; hæc namque experimenta supponunt obseruationes fieri vel factas esse vno & eodem temporis momento, & consequenter in vno & eodem verticali, quod fortassis nunquam ad amissum contingeret: Vt itaque hisce experimentis aliqua debeat fides, necessum est vt obseruationes factæ in vno situ & in diuerso temporis momento & verticali, reducantur ad temporis momentum & ad verticalem alterius situs, si itaque facta hac reductione apparuerit cometam à stellis fixis respectu motus primi distantias non mutasse, tunc euidenter constabit cometam nullam parallaxim possidere, sed si forte præfatas distantias mutauerit, tunc parallaxim possidebit, atque illa tanquam idonea & ab hoc morbo liberata recipienda atque amplectenda est.

Quacumque igitur via si cognita parallaxis fuerit, non ignorabitur distantia cometes ab orbe terre, iuxta præxim cap. 12. libri secundi, secundum quam recentiores Astronomi cometas obseruatos in æthera mundi regione effulxisse decreuerunt.

Parallaxium observatio difficillima. Cap. XI.

Parallaxium, quibus quandoque subiiciuntur cometæ, accurata observatio difficillimâ ab omnibus eruditis Astronomis existimatur, ideoque quantum à terris distaverint cometæ, in genuesciri non potest; parallaxis enim insignem habet usum in Luna, & in sublunariis distantis, quarum respectu sensibilis est terræ magnitudo: Cum itaque secundum maiorem partem recentiorum Astronomorum cometæ exilem ac inperceptibilem serè aspectus diversitatem ferant, difficile admodum est parallaxis magnitudinem & quantitatem præcise cõsignare, constat tamen evidenter illos in æthereis mundi spaciis longissime à terris circumvolui. Via profecto, qua progressi sunt recentiores Astronomi ad vestigandum æthereum cometarum locum, idonea est & nullo modo contemnenda, constituerunt enim cometas infra Lunam in variis à terra distantis, deinde rationibus Geometricis & Astronomicis cognoverunt quantum in tali situ admitterent parallaxim, quo temporis momento orirentur & occiderent, quantam moram facerent supra horizontem, & quales mutationes nanciscerentur à stellis fixis, præhabitis prius cautionibus tam circa motum proprium, quam circa diversitatem regionum, in quibus observationes factæ sunt. Quamobrem cum hæc omnia cometarum phænomenis non correspondere, illasque à terra, distantias ad excusandas apparentias non sufficere animad-

uerterint, alacriter conclulerunt cometas in talibus à terra distantius locari nullo modo posse, sed omnino in altiores mundi partes euehendos. *EXILISTA*
 de. Ut accuratè pro parallaxibus cognoscendis observationes fiant, opus est grandioribus instrumentis, in quibus notata sint non solum partes, sed partium scrupula prima, & si aderint scrupula secunda, eo exactius perficietur opus, quorum instrumentorum auxilio iactanda sunt fundamenta prima, hoc est indagare distantias cometæ à stellis fixis quibusdam vicinioribus, atque earumdem & cometæ altitudines toto durationis tempore, quando fieri potest, & à serenitate cæli permittitur, deinde per triangulorum sphericorum doctrinam vestigare longitudinem, latitudinem, declinationem & ascensionem rectam, ut constare possit de vero loco & positu cometæ tam respectu Eclipticæ quam Aequatoris in singulis observationibus; demum perquirere viam, quam cometes ipse proprio motu & corpore per spacium æthereum describit, & in quibus punctis interfecat Eclipticam & Aequatorem, ut constare possit de inclinationibus & angulis, quos cum utroque circulo facit, hisce enim mediantibus diligens & industrius Astronomus cognoscet quantum, quomodo & quas versus mundi partes progressus sit cometes, & num parallaxim habuerit; quarum operationum exempla passim prostant apud recentiores Astronomos, qui cometas idoneis instrumentis diligenter obseruarunt.

Finis Libri Quarti.



IOANNIS CAMILLI

Gloriosi Gifonensis

DE COMETIS

Liber Quintus.

P R A E F A T I O.

IN tertio Libro satis probabiliter ostendimus cometas non esse corpora temporanea siue de nouo genita, accensa tamen & ignita, vt volunt Peripatetici, eas potissimum ob caussas, quia sub Luna nullus reperitur ignis, qui talem accensionem promouere possit, nullique orbes existant reales & solidi, à quorum motu supremus rapiatur aer, ibique vagans exhalatio ab aeris motu stimulata ardorem & flammam concipiat; videbimus in hoc quinto Libro, num cometae sint corpora temporanea illustrata, vt volunt recentiores Astronomi.

R 3 Hypo-

*Hypotheses cometarum secundum recentiores
Astronomos. Cap. I.*

Duo capita cometicæ philosophiæ apud recentiores Astronomos satis perspicua existimantur, primum, cometas in æthere mundi regione nasci ac denasci, secundum, cometas constare ex materia condensabili & dissipabili, à Sole tamen illustrata; primam eorum consuetudinem parit illorum distantia ab orbe terræ, secundam avertio caudæ à Sole, hæc enim est natura similium corporum, dum ab aliquo luminoso illustrantur ac traiciuntur, proiicere illum fluxum splendoris seu iubaris in partem oppositam luminosi; à Solis verò luce cometæ corpus transeunte ac permeante illustrari poterit hæc cometalis materia, proptereaque solares radios ultra corpus cometæ in aduersam Solis plagam protendi ac dilatare.

Ex veteribus non defuerunt, qui cometas ab illustratione fieri crediderunt, nam Heraclides Ponticus, referente Plutarcho, cometam nubem esse in sublimi à sublimi lumine illustratam fassus est, ex recentioribus plerique, & in primis Scaliger, itaque ait Scaliger definiens cometam vaporem arbitror vitæctum ab astrorum aliquo in aeris summam regionem, cuius vaporis natura non sit ardens, sed mixtæ materiæ tanquam fumus aut fuligo, recipiens Solis radios, atque idcirco visibilis, & transmittens eos, atque ideo caudata; à quo non dissentit Telesius, quod

cometes

de placi-
ris lib. 3. c. 2

de cometis. 79.

de cometis.
lib. 2. c. 3.

cometes

cometes sit vaporum moles in calum sublata, tamen à Sole illustrata.

Et profecto si terrestres exhalationes in tantam altitudinem ascenderent, ut à Sole possent illustrari, fuerintque decentis molis & magnitudinis, ex eis quoque cometas fieri libenter concederem, sed quia ex observationibus constat cometas plerumque longissime à terris in æthereis mundi spaciis discurrere, ad quam altitudinem & distantiam terrestres exhalationes non eleuari satis credibile est, ideo longissime à terris in æthereis mundi spaciis horum cometarum materia querenda est: Quare necessario vel dicendum est cum Libauio, quod cometæ fiant ex eiusdem ætheris condensatione, ad similitudinem aeris condensati, aer. n. quamuis sua natura sit fluxus & rarus, atque adeo per se visum nostrum effugiat, cogi tamen aliquo modo potest, ut lumen coloremque reddat: quod ab Aristotele confirmatur, qui reddens rationem hiatus & voraginis, libere fassus est aerem condensari & colorari posse, & quia æther habet etiam naturam instar aeris puri circumfluam, idcirco æther quoque se ipso densior fieri potest, atque adeo condensatione ista splendescere instar stellæ, & visui occurrere, præsertim si vasta sit moles illa, quæ condensata est: ex ista igitur condensatione ætheris recipiente colorem & lumen, partim ex illa ipsa condensatione & concretionem, partim à radiis siderum & in primis solaribus, fieri posse cometas ab omni probabilitate non videtur alienum: Vel dicendum cum Keplero, quod

*d. sing. strac.
par. 2. cap.
de cometis.*

*lib. 1. Meteor.
sec. 5.*

*lib. 1. Epir.
pag. 55. 56.
Harmonic.
pag. 248.*

R 4 cometæ

cometæ sint halitus ab illis æthereis globis effluentes, ad similitudinem eorum qui fluunt ex terra, quemadmodum enim ex globo telluris excernuntur exhalationes fumosæ, quæ postquam superarunt aeris superficiem, errant in amplitudine ætheris incertis sedibus, sic verisimile est id fieri etiam circa globos cæteros, præsertim circa globum Solis, qui nunquam caret quibusdam atris punctis, quæ videntur esse veluti nubes atræ aut fuligines ex intimi globi visceribus exhalantes, credibile nanque est ex hac materia velut emuncta & deterfa tandem concrelescere cometas, ut qui plerumque cum primum videri incipiunt, ex Solis radiis emergunt, quasi ex vicinia Solis huius materie patria proficiscerentur.

Exilimarem opinionem priorem Libavii magis esse retinendam pro cometis immobilibus, ac pro stellis illis novis, quas inter fixas generari credunt recentiores Astronomi, quam pro cometis mobilibus, addensatus enim æther unico tantum motu ab ortu in occasum, quo videlicet æther ipse ac tota mundi universitas concitatur, aut concitari videtur, moveri potest, sed mobiles cometæ præter motum uniuersi alium habent & peculiarem ab illo satis diuersum: At opinio posterior Kepleri pro cometis mobilibus rationabilior videtur, eamque satis probabilem reddunt cometarum obseruationes ab insignibus Mathematicis in diuersis sæculis factæ, equidem cometas, qui effulserunt tempore Albumasis, Haly, Nicephori & aliorum, quorum supra meminimus, prope ipsam

ram

ram Solis extitisse memoriae mandatum est, in quo Solis territorio plures alios cometas veteribus apparuisse existimandum est, sed distantiarum & intervallorum metuendorum ignorantia locū distinguere non potuerunt; plerique quoque comete circa Solem vagantur, qui propter Solis vicinia, vel quia desinunt & resolvuntur priusquam cerni possint, non conspiciuntur, de qua re nescio quid murmurat Seneca ex Possidonio, multos cometas non videmus, quod obsecrantur radius Solis, quo deficiente quemdam cometam apparuisse, quem Sol vicinus obtexerat, Possidonius tradit; Sæpe autem cum occidit Sol, sparsi ignes non procul ab eo videntur; Similiter Arrianus apud Stobæum in Eclogis physicis, iam vero & prope Solem constituti cometæ, alii evanuerunt priusquam conspicui fierent, alii deficiente Sole apparuerunt; hinc neque temere est quod Ptolemæus præcipit, cometas eclipsiū tempore exortos summo opere considerandos esse: Quod si fortassis ex Sole nullos halitus & expiramenta efflui posse aliqui contenderint, dicere possumus cometas illos, qui ex Solis vicinia proficiscuntur, fieri ab halitibus, qui deducuntur ab illis æthereis corporibus, quæ circa Solem volutantur, nam si illa corpora, quæ circa ac prope Solem viluntur, quæque solares maculae a recentioribus vocantur, exhalationes non sint temporaneæ ab ipso Sole emanantes, necessario erunt corpora perpetua, nempe astra circa Solem errantia: Vtroque enim modo & secundum Libanium & secundum Keplerum cometas fieri posse, satis probabiliter credi-

b li. 7. Nat.
Quæst. c. 20

li. 2. quant.
c. de eclips.
& cometis

credimus; sic quoque multa apparent in aere nobis vicino & circa terram fuso, quæ partim fiunt ex eiusdè aeris condensatione, partim ex vaporibus & halitibus ex terrestri globo deductis.

Quod autem ab illis æthereis globis expirari possint tales halitus, non leues habemus coniecturas, pro qua re sciendum est, quod ex recentioribus observationibus novæ Dioptræ auxilio factis, globi illi ætherei in duplici constituuntur differentia, quidam enim natura sunt opaci velut terra, quidam verò natura lucidi velut Sol, Opaca sunt omnia astra errantia, lucida omnia ferè astra fixa, quod astra errantia sint opaca corpora ex eo deducitur, cum quia de se nullam habent lucem nisi à Sole mutuam, ideoque aliena luce collustrata replendent, tum etiam quia emittunt umbram, argumento sunt variegatæ phæces Lunæ & Veneris, itemque Iovialis umbra, inquam dum incurrunt Mediceæ planetæ obtenebrantur, affixa præterque sidera lucida esse corpora satis probat eorum scintillatio, atque eiusdem coloris & splendoris perseverantia: Et si quandoque Martem, Venerem & Mercurium scintillare videmus, hoc contingit quando Soli propiores fiunt, tunc enim à Sole magis illustrati receptam lucem vigorosius & vehementius eiacularantur, reliqui planetæ quamvis à Sole eandem lucem mutantur, propter maiorem tamen à Sole distantiam hoc facere non possunt, effulgent nihilominus nunc magis & nunc minus, secundum quod magis & minus à Sole digrediuntur: Sic quoque corpora illa, quæ

circa

circa Solem voluuntur, quæque Solares maculae vocantur, esse densa corpora veluti sunt corpora vulgarium planetarum, existimant plerique præsertim Carolus Malapertius & Ioannes Tarde, occultant enim Solem & umbram faciunt: Ab hisce corporibus siue maculis Solem quandoque occultatum fuisse credimus, legitur in annalibus Francorum sub vita Caroli Magi visam fuisse à Celtis in Sole maculam octo dierum spacio. Auerroes (hunc Auerroem non fuisse sed Auen Roda ex Pico putat Keplerus, qui duas in Sole maculas vidit) in Ptolemaica paraphrasi, referent Copernico, nigricans quiddam in Sole se vidisse meminit, in Sole maculam observauit quoque Keplerus die 28. Maii 1607, ut ipsemet refert in libello singulari de hac re conscripto: omnes enim hi existimant hanc maculam in Sole animaduersam Mercurium fuisse, quod confirmare videtur Scaliger, scriptum est tamen in historiis inquit, interdum visam Mercurii stellam, quasi maculam in Solis corpore, at Mercurii stellam non fuisse Astronomice disputat Maestlinus, Mercurius enim facillime intra sex vel septem horas Solem præterit, quæ nimis procul absunt ab octo diebus moræ illius sub Sole à Celtis cospicte nigrae macula: Et profecto omnes hi venia digni sunt, nondum adinuentus erat tubus Opticus, quo ducere poribus nostris multa in cælo detecta sunt, veteribus prorsus incognita: Prisca Astrologiæ dogmata, ait Ioannes Tarde, tenuissimis visus adminiculis fulcebantur, nunc autem disciplinæ amatores noua veluti

k Oratiōe
habita Duā
ci. pag. 25.
l de sideri-
bus Borbo-
niis cap. 5.

m Ephem.
1517. in re
spon ad Fa-
britium. 8.
n lib. 1. c. x.

o exercit. 72

p de passio-
planetarum
lib. 98.

q de sideri-
bus Borbo-
niis cap. 2.

ianua patefacta, calorum pomeria ingressi & contemplati viderunt multa aliter se habere, quam sibi in animum induxerant veteres: Cum itaque omnes hi errantes globi opaca corpora sint, potest Sol ab ipsis quemadmodum è terra halitus deducere & expiramenta, quæ per amplitudinem ætheris vagantia varias nobis ostentare possunt imagines & formas.

Et si Sol natura lucidissimus sit, impossibile non est quod etiam ab ipso effluant exhalationes à nullo extraneo corpore vel agente extimulatæ atque deductæ, nam cum ipse calorem habeat innatum, fomitem quoque habere necessum habet, quod prius Anaxagoræ, Philoni & quampluribus aliis minime absurdum visum est, Non sum necius inquit * Snellius, ne calidum quidem Solem quibusdam credi, sed istas pueriles ineptias refutare non est operæ prætium: de qua Solis caliditate multa scribunt * Picus, * Patricius, * Bodinus & alii: Quod à Sole effluant huiusmodi halitus & expiramenta ab effectu quodammodo probat * Keplerus, Interdum enim obsidet Solem materia quædam fuliginosa obtundens Solis radios, vt anno cædis Cæsaris pene toto, sic anno Christi 1547. cum quadriduo toto sanguineus Solis vultus apparuit non in vno solum loco sed per totam Europam, si hæc materia fuisset humilis & in ære ceu velum obtentum Soli, non impediuisset Solis radios tam late, nec nisi in vno aliquo loco, si dixeris humilem fuisse sed latissime terris super inductam, vt hic tegetet Solem vna sui parte, alibi alia, tunc debuisset etiam

tegere

v de cometa
1618. c. 7.

flib. 3. con-
tra Astro-
log. c. 4.
s. Pancos-
mus li. 19.
uli. 5. Thea-
tri pag. 578.
x lib. 1. epist.
cap. 56.

regere stellas longe à Sole distantes, at hoc non est factum, legimus enim stellas de die emicuisse, ergo materia fuit proxime circa Solem, adeoque illi adherens, ut durare per annū potuerit hæc obtenebratio. Narrat Petrus Messias apud Patricium, Iustiniani Cæsaris tempore, maiore anni parte aere existente sereno nullisq; nubibus obuelato, Solem tam exiliter luxisse ut vix Lunæ splendorem, lux eius superaret: Paulus Diaconus apud eundem refert, anno. 790. obtenebratum esse Solem, & radios suos diebus 17. non dedisse; quare fatendum videtur hanc materiam ex ipso Solis corpore certis quibusdam temporibus efflui ac expirari. Res profecto etiam veteribus non prorsus incognita, nam Cleomedes clari nominis author fidei facit circa Solem sæpe numero quasdam spiras apparere nebulosas, quamuis parallaxeos doctrina destituta illas à Sole infinitis penè stadiis distare affirmauerit, quod neotericorum animaduersiones redarguunt, nam cum maculæ illæ toti Europæ eodem temporis articulo sub eadem Solis parte visantur (ut per obseruationes in diuersis Europæ prouinciis factas se ostendere posse profitemur, Carolus Malaper-tius) nullam admittunt parallaxim, idcoque Soli vicinissimas esse conspicuum est: Quo autem tempore vixerit Cleomedes incertum est, tamen cum Ptole-mæo antiquiorem fuisse satis aperte deducit Balfo-reus, nam in suo nobili opere, quod ex veterum & recentiorum libris se concinnasse ait, & Eratosthenis meminit & Hipparchi & Possidonii sæpe; sed Ptole-

*z. Pances.
m. as lib. 19
pag. 111.*

y lib. 2. c. 1

*a Galileus
de maculis
pag. 44. 56.
Scheiner di
squissis ma-
them. pag.
66.*

*Snellius de
comet. 1618.
pag. 41.*


*Ioannes
Favre de
sider. Barb.
c. 3. arg. 7.
bora. dabi
ta Duaci
pag. 22.*

*c in Cleome-
dem pa. 131*

maiori aut vilius eorum temporum æqualis nusquam, cum tamen nec studii & diligentia eius fuisse videatur, cum de Astronomia scriberet, tam nobilis & præclaræ Astronomi scripta non vidisse, neque candoris si vidit dissimulasse.

Saluantur cometarum phenomēna secundum recentiores Astronomos. Cap. I I.

M A G N I T U D O.

ometarum magnitudo dependet ex maiori vel minori æthereæ substantiæ siue æthereorum halituum quantitate, siue huiusmodi æthereæ substantia & ætherei halitus vnum effecerint corpus siue plura, hæc inquam plura corpora si propinqua inter se fuerint, vnā tantum molem siue vnum tantum corpus constituere videntur, nam ob immensam distantiam interstitium illud inter præfata corpora interiectum libera acie cerni non potest. Sic iam detectum est in sideribus nebulosis, quæ prius vnica & solitaria astra existimabantur, nunc Telescopii industria plurimarum, minimarum stellarum congeriem esse animaduersum est. Apparent quoque cometae maiores, cum terræ propiores fuerint, minores verò cum à terra magis distauerint; Sed cometae illi, qui ex plurium cometarum corporum coniunctione sunt, alio etiam modo maiores & minores conspiciuntur, minores quidem, quando illa corpora-

scula.

scula cometica propinquiora inter se facta inuicem concurrunt; nam tunc spacium magis coarctant & condensat, vel quando perpendiculariter collocata fuerint; at maiores; quando illa corpuscula per quandam distantiam coniunguntur; ita ut mutuis splendor & irradiatio consistere possit, vel quando latitudine habuerint; hoc est perpendiculariter non extiterint. Nulli dubium quoque est cometas; qui ex ætherea substantia generantur; maiorem molem habere posse, quam qui ex æthereis halitibus fiunt; ætherea namque substantia per immensam mundi vastitatem diffunditur, ideoque non deerit materia pro magnitudine cuiuscunque comete; quod sanè de halitibus ex æthereis globis effluentibus dici non potest, hæc inquam materia respectu magnitudinis cum vniuersa ætherea substantia nullo modo comparanda est.

C O L O R.

Color & collustrantia maior & minor, clarius & & hebetior inest cometis; quatenus materia illa magis & minus densa & compacta est; nam quæ minus densa & compacta sunt à luce penetrantur magis; fortiusque lucem ipsam imbibunt, & ob id splendidiora apparent; at quæ magis densa & compacta sunt à luce permeari non possunt; ideoque, pallida quodammodo & obscura videntur; euidentissime hoc cernitur in nubibus, quæ propter maiorem vel minorem densitatem & opacitatem magis & minus à Sole illustratæ, variis coloribus depinguntur. Existimarem profecto cometas ex ætherea substan-

substantia genitos magis resplendescere, quam qui ex æthereis halitibus propagantur, ætherea nanque substantia propter sui puritatem ad lucem concipiendā & illustrationem magis est idonea quam materia ex æthereis globis exhalans, quæ quodammodo fuliginosa & tenebricosa est; dicerem etiam, cometas ex Solaribus halitibus genitos (si forsitan tales halitus in rerum natura sint) reliquis fulgentiores ac illustriores esse, nam a lucido Solis corpore quæ effluunt eandem claritatem sortiri necesse est.

F I G V R A.

Cometarum figuræ multifariam variantur, sic cogente cometicorum corporum dispositione, & situ, hinc Acontias, Xiphias, Ceratias, reliquæque cometarum formæ emanarunt, de quibus passim *Plinius* ac cæteri vulgati authores: Tamen duo sunt veri cometæ ac maxime celebrati Crinitus & Pogonias, conueniunt hi duo cometæ in hoc, quia uterque caput habet sphæricum, & si forte sphæricum non sit, sphæricum tamen apparet, nam angulares figuræ ex intervallo spectatæ circulares videntur, differunt postmodum, quia ex vno diffunduntur circumquaque radii quidam lucidi veluti crines & capillaméta, proptereaque hi cometæ maximam dicuntur habere similitudinem cum stellis, alteri verò adiungitur in longum radiosa lucis effluxus quidam, veluti barba siue cauda, ex qua differentia prior Crinitus, posterior Barbatus siue Caudatus cometes appellatus est.

50. Crinitus igitur siue circularis efficitur cometes, quando

-Action.

quando materia cometica in omnibus suis partibus & si exilem æqualem tamen habuerit raritatem, nam tunc Solares radii vniformiter ingressi & egressi cinctum illum siue coronam faciunt, sed si corpora, ex quibus coalescit cometæ caput, plura fuerint & propinqua, vel si vnicum & satis rarum, tunc per spacium siue vacuum inter illa corpora interiectum, vel per raritatem illius vnici corporis excurrentes radii Solares barbam illam siue caudam generant, adeo quod barba siue cauda aliud sit nihil quam Solaris lucis effluxus per cometæ caput transeuntis, eo ferè modo quo per foramen aliquod Sol radiosa pyramide in conclaue illucet, aut per varias sæpe nubes luminosus tractus sursum deorsumue proicitur, hinc si spacia illa, per quæ Solares radii transmittuntur, ampliora vel angustiora fuerint, longior vel breuior, crassior vel gracilior erit ille barbarum siue caudarum tractus: (Hinc apparet euidenter cometam errantium stellarum symphasim esse non posse, nam stellæ determinata habent spacia sui excursus per mundanam amplitudinem, ideoque rationabiliter non esse statuumdum has stellas adeo inter se appropinquari, quod radii Solares per spacium inter ipsas interiectum diffusi caudam siue barbam generent; at si ponamus corpuscula, ex quibus cometæ fiunt, esse temporanea siue genita vel ex æthereæ substantiæ condensatione, vel ex compactis æthereorum globorum halitibus, nihil prohibet quod possint inuicem appropinquari, cum per campos æthereos liberum habeant excursum abs-

e de cometa
1618. c. 7.
num 8.

f lib. 1. Epir.
pag. 55. 57.
De cometis
pag. 100.
101.
g de cometa
1618. pag.
52.

h de cometa
in pag. 102
103.

que yllius mundani spaciæ determinatione) Neq; ob-
stare videtur, ait Cysartius, quod iam plim Tychoni
obicctum est, cælum subtilissimum esse, & huiusmodi
radios quamvis recepimus, non posse facere specta-
biles, nam æther cometæ circumfusus tam dubilis
non est, ut non in eo radii Solares congesti & intensi
terminari possint ac videri, reliquæ æthere non viso,
sicut & in nostro aere haud ad spectabili, collecti ta-
men in eo per foramen aut lentem vitream radii So-
lis aut ceræ accensus, spectari possunt: Quod si for-
tasse hæc non placuerint, philosophari possumus cū
Keplero & Mullero, caudas nempe & crines comæ-
tarum ex eadem cometica materia constare, quæ à ra-
diis Solis quandoq; dilui ac expelli potest; Sed & co-
metarum materia, inquit Keplerus, videtur per Solis
radios corpora cometarum permeantes, manifeste dis-
sipari, & per ætherem dispergi in speciem caudæ, quæ
à cometa in Solis oppositū defluit, qua ratione æther
inquinatur, Solares ergo radii comete caput transien-
tes, rariorem de capite materiam expellunt ac secum
trahunt, & hæc expulsio crines siue caudam facit; hæc
inquam rarior & dispersa materia è capite cometes à
radiis Solis expulsa ab eisdem radiis illustrata resplen-
det, non secus atque tenuiorum nubium in hoc aere
nostro strigmenta collucet. Constare verò caudam
cometæ effluxu quodam materiali à Sole in plagam
auersam, subiungit Keplerus, docent evidentiissime
ii cometæ, quorum caudæ micant, vibrantur & quasi
ciaculantur instar chasmarum seu virgarum ignita-
rum

rum, aut si qua similia ex Chymia petuntur, notatum est id interdum in cometa anni 1577. euidentius exemplum proponit Cardanus in cometa anni 1556. verbis hisce, sub initium Martii cometes æqualis ferè Lunæ dimidio, crinibus non longis nec constantibus, sed velut in incendio rutilantibus, vt in rædis dū ventus afflat, fusca erat & rubens ac turbida; præterea non ita rutilant cometarum caudæ vt flammæ à ventis agitatae ad latera micantes, sed directe prorsus micant, constanter in eandem plagam à Sole videlicet auersa. Apparent quandoque cometae sine crinibus & sine cauda, quod tunc contingere arbitramur, quādo materia cometica adeo densa fuerit & opaca, quod Solis radios non transmittat, sic quoque in Planetis videmus, quos Sol altrinsecus illucens, nullas tamen eis caudas annexit; fieri etiam potest quod cometes, & si caudam habuerit, tamen sine cauda videatur, & hoc accidit, vel quando ipse, oculus spectatoris, & Sol in vnam, ferè lineam incidunt, quod maxime fit quādo cometes à Sole digreditur ferè in oppositum, nam tunc caput cometae inter nos & caudam interiectum est impedimento, quod eius cauda discerni non possit. Vel quando cometes à nobis plusquam maxime distayerit, nam tunc propter immentam distantiam raritas caudæ atque subtilitas in nostros oculos incurrere nequit.

Cum itaque Pogonias siue cometes oblongus qui barbam siue caudam gerit corpus vnicum, vel etiam plurimum & propinquorum corporum congeries esse

supra

S 2

possit,

possit, euidēs causa apparet cur cometarum barba siue cauda Soli aueritur, nā cū barba siue cauda aliud sit nihil quam collectio & constipatio radiorum Solis per illud corpus cometicum, vel spacia & inania illa, quæ inter cometica vicinia corpora interficiuntur, emergentium, necessario horum radiorum fluxus in partem Soli oppositam progreditur. Hinc facile quoque sciemus quando cometes barbatus vel caudatus fiet, nam cum barba sit effluxus lucis ex parte anteriori ipsius cometes, & cauda effluxus ex parte posteriori, ergo si cometes matutinus fuerit, hoc est si orietur ante Solem, barbatus erit, at si vespertinus, hoc est si orietur post Solis occasum, caudatus: Cognoscetur etiam quando cometes barbatus vel caudatus dicendus sit, ex mundi nempe plaga occidentali vel orientali, in quam ille effluxus lucis tetenderit, nam si versus occasum dirigetur, barbatus erit, si verò versus ortum, caudatus.

Sed silentio præterire non licet, quod in barba siue cauda cometarum duo maxime admirantur, primū, quod frequenter extenditur in modū scopæ siue euerse pyramidis vel calathi; secundum, quod aliquando inclinatur & incuruatur versus horizontem; Ad primum responsio facilis est, quia lux Solis per angustū spaciū transmissa semper magis atque magis dilatatur, ideoque cum pars strictior & subtilior à capite comete exordium sumat, ille lucis effluxus scopæ siue euerse pyramidis vel calathi formam representabit. Ad secundum verò respondere ita in promptū non est,

et hoc


2

namque

nanque hoc sanè non accidit quod radii Solares contra lucis naturam curuentur in arcum, aliunde igitur huius curuitatis ratio petenda est: In hac profecto nobili & curiosa quaestione audiendus non est ^{i de cometis prop. 15.} Regiomontanus, quamuis nobillissimus Astronomus, hic enim & si forte recte crediderit cometæ caudam non differre à cometæ corpore secundum substantiam, nihilominus cometæ caudam cum quibusdam Peripateticis omnino flammam existimauit, quæ leuitate sua nostræ consimiliter in sublime subuolaret, atque ad istum modum, ut recta esset linea, mensuræ eius rationem expressit: Cum Astronomis ergo recentioribus, qui nullo fascino vel authoritate obsessi cometæ philosophiam diligentius excoluerunt, agendum est.

Cometarum caudas incuruari putat & Tycho ^{lib. 2. pag. 181.} ob visus aberrationem, cum enim visus comprehendit remotionem extremitatum, quæ in re quapiam conspecta diuersa sit, siue lineæ, superficie, vel qualicūque comprehendatur spacio, tunc ipsa licet re vera directa sit, apparet nihilominus aspicientibus obliquata, non enim inuenit axis ocularis in tota illa superficie duo puncta sibi opposita æqualis remotionis, ideoque virtus distinctiua oculorum indicat rem ipsam obliquam incuruatamque, cum tamen directa esse possit, & ad huius assertionis confirmationem adducit Vitellius ^{lib. 4. prop. 31.} & Alhaz. ^{lib. 2. prop. 28.} Hæc ratio Tychonis non placuit ^{1 opt. Astr. pag. 325.} Keplero, nam propositiones allegatæ non agunt de aberratione visus circa incur-

uationem, sed de vera & legitima visione obliquitatis, docent enim quomodo nos cognoscere possimus situm & positum magnitudinis, vel cuiuscunque visibilis obiecti respectu oculi: Quæ res vt dilucidior fiat scire oportet, quod quæ visui obiciuntur, (quantum facit pro præsentī intelligentia) duplicem habent situm, vnus est directus siue oppositionis, alter obliquus siue obuersionis; tunc res directe visui opponitur, cum nimirum axis opticus rectis in eā angulis incurrit, at quando angulis non rectis, oblique; directus sanè situs percipitur quando partes æque ab axe optico disiunctæ equaliter distant a visu, obliquus verò cum inæqualiter: Esto visus A, obiectum



CD, axis opticus A B, & CB, DB equalles, sit in prima figura AB normalis ad C D: Dico

obiectum CD ab oculo A videri per directum, nam duo latera AB, BD æqualia sunt duobus lateribus AB, BC, comprehenduntque angulos æquales nempe rectos, quare latera AC, AD æqualia quoque inter se erunt, cum itaque puncta C D æqualiter distant a visu A, obiectum CD per directum videbitur. At si AB ad C D normalis non fuerit, vt in secunda figura obiectum

obiectum CD videbitur per obliquum, nam anguli ad B inæquales cum sint, inæqualia erunt latora AC, AD, proptereaque puncta CD à visu A inæqualiter distabuñt: Obliquum itaque in præsentia significat obuersum, Italice à scorcio & à scancio, hallucinatus ergo Tycho est in vocabuli significatione, cum per obliquum curuum interpretatus sit.

Hinc videns Keplerus Tychonis rationem non esse idoneam, quasdam alias substituit, caudas enim incuruari putat ex eo, vel quod ex aliis atque aliis cometici corporis partibus pro inæquali earum dispositione hinc longiores inde breuiores radii exeant, qui vniuersi iuxta inuicem ordinati speciem vnus caudæ curuatæ exhibeant: Vel possit eadem & declinationis origo esse, etenim quia diximus vulgari optica ratione fieri, vt radii Solis transmissi per densum cometæ corpus, primum cogantur ad vnum quasi punctum, ibiq; sectione facta rursum dilatentur, extremitates itaq; caudæ laterales vtrinque declinabunt à diametro Solis: Has inquam rationes tanquam probabiles proposuit Keplerus, sed idoneas nunquam existimauit, cum alibi libere ac sincere ^{in opt. Astr. pag. 267.} confessus sit, quod si huius curuitatis ratio nequit inueniri, relinquendum hoc phenomenon inter arcana naturæ; meo quidem iudicio deficit prima ratio, nam radii Solares è cometæ capite transmissi, quamuis inæquales fuerint, hoc est quidam longiores & quidam breuiores, cum recti sint, nullam curuitatem inducere possunt, sed dispersam tantum faciunt & irregula-

rem illius radiosa ac eversa pyramidis basim: Nec ratio secunda firmior apparet, nam quando cauda incipit incuruari, incipit ab extrema parte latiore, nullusque apparet ibi angustus locus, in quo contracti Solares radii sectionem faciant, eoque magis hæc rationes nobis videtur imbecilles, quia verisimilius putamus plerumque barbato siue caudato cometas congeriem esse plurium & vicinorum corporum, & quod barba siue cauda generetur à radiis Solaribus per spacia illa inter præfata cometica corpora, interiecta transeuntibus, qui quidem radii recta libere fluunt & transmittuntur.


o de cometis
pag. 47.

Opinatur^o Marius Guiduccius huius curvitatæ hæc esse rationem, quia barba siue cauda videtur per refractionem, notum est quæ per medium densius occurrunt visui, in illius superficie refrangi, eorumque formas & figuras alteratas ad ipsum vitum deferri; Cum itaque circa terram aer sit vaporosus, & ad similitudinem telluris sphericus, hinc barba siue cauda per illum aerem nostro occurrens visui, quamvis recta sit curua tamen & inclinata cernitur, in vino tantum casu recta veluti est videri potest, quando nempe fuerit in circulo verticali, at extra hunc situm magis & minus curua apparebit quatenus magis & minus ab ipso verticali declinauerit, & tanto magis hæc incuruatio à vis diuersitas continget, quanto barba siue cauda horizonti propinquior fuerit, nam tunc magis oblique vaporosi aeris sphericam superficiem secans, maiorem refractionem patietur, & consequenter magis
curua

curua cōspicietur; exemplum adducit de lente cristallina notabilis magnitudinis, partim plana & partim conuexa, si ergo pars plana apponatur oculo, & conuexa dirigatur ad obiectum, habueritque obiectum longitudinem, tunc facta mutatione situs & oculi & obiecti, obiectum ipsum nunc directum nunc curuatum videbitur, directum quidem quando cum lente rectos angulos fecerit, curuatum vero quando, angulos obliquos. Hęc ratio sanè mihi non displicet, nam verum est quod obiecta oblonga per refractionem visa, curuata apparent, vt de remo aqua immerso, qui & si rectus sit, nihilominus fractus & curuus videtur, verum quoque est exemplum cristallinae lentis; tamē hęc omnia uoltris cometis adamussim conuenire cūm ^{p libra A} Lothario Sarsio non ita facile concesserim, inter enim soliditatem lentis & aeris tenuitatem nulla ^{styon. exa-} est admittenda comparatio, nec aer qui circa terram ^{min. 2. Q. 3.} est ita tornatam habet cōuexam superficiem, vt à Guiduccio supponitur, imo curuitatis apparen̄tis pro omnibus sitibus, hoc est quando barba siue caudā vertici vel horizonti plus & minus appropinquauerit, non recte satisfaciunt, vt satisfacere equidem deberent, pluries enim obseruatum est, cometas prope verticem maiorem inflexionem possedisse, quam prope horizontem, vt inter ceteros in cometa anni. 1618. ad diem. 16. Decembris se obseruasse, ait ^{q de come-} Cyfartus, cau- ^{ta 1618.} dam nimirū cometæ, inquiens, prope ortum ferè secū ^{pag. 66.} dū rectā lineā protēdi, at in Meridiano, siue summus esset cometa siue imus, maxime inflecti & curuari.

r de corneta
1618. c. 7.
num. 10.


Existimat Cysaturationem & causam huius curvaturae vere opticam esse, nam quæ depressioribus radiis spectantur, appareret propiora, obiectorum enim, quæ supra visum incumbunt, remotiores partes ad ima prolabi videntur, quemadmodum in longo ambulacro tabulatum superius circa exitum notabiliter videtur ad inferius inclinare: Esto gratia exempli obiectum BC, visus A, à quo in obiectum ducantur ra-



dii visuales A.
 B, AD, AC,
 distetq; pars
 C à visu A
 magis quam
 D, & D ma-
 gis quam B
 manifestum

est partem C depressiorem videri quam D, & D depressiorem quam B, quia radius AC depressior est quam AD, & AD depressior quam AB, nam si per visum A agatur AF ad libellam horizontis, à punctoq; B descendat perpendicularis BG, erit punctum H depressius quam I, sed puncta HC videntur eodem radio AC, & puncta ID eodem radio AD, ergo pars C depressior videbitur quam D, & D depressior quam B; Cum itaque comete barba siue cauda magnam habuerit longitudinem, quedam eius partes depressiores videbuntur & quedam altiores, secundum quam inæqualitatem visionis curuitatem illam apparere satis rationabile existimatur. Sed si libere philosophan-

durum est, nec hæc ratio ex omni parte tollit difficultatem; nam si quæ magis distant à visu ac depressioribus radiis spectantur, inclinata seu incuruata videntur, profecto cometæ caput inclinatum appareret iis, qui cometæ caput depressioribus radiis intuerentur, ut in eadē figurā, si cometæ caput esset C, cauda CDB, ac visus A, pars DC versus caput magis incuruata videretur quā DB versus caudā, quod nunquā est observatū extrema enim pars caudæ illa est quæ ab omnibus inclinata & incuruata cernitur. Sed hæc instantia facile tollitur, nam stante supposito quod cauda sit effluxus lucis Solaris per cometæ caput transmissus ac Soli aversus, hic recta progredietur versus Septentrio nem; & nunquam nostro horizoni præcise æquidistabit, quare cauda semper depressioribus radiis spectabitur, & consequenter incuruata videbitur, ut ex fi



gura præsentī satis liquet, in qua visus A, caput cometæ B, & cauda BDC: Hæc sanè ratio incuruationis ex opticis desumpta ad plenū satisfaceret, si caudæ cometarum omnes incuruatæ viderentur, quod verum non est,

ple

plerumque enim rectæ tantum apparent absque vlla inclinatione, vt inter cæteras fuit cauda cometes anni 1607. hæc inquam oppositio fortassis non habet locum, si consideremus breuitatem & longitudinem caudarum, nam breues caudæ propter minorem à visu distantiam non ita depressioribus radiis spectantur, sicut caudæ longissimæ, ideoque incuruationem in illis vel nullo modo vel minus, in his verò magis sensibilem fieri arbitramur.

Fateor quidem difficile admodum ac arduum esse veram huius curuitatis causam cognoscere; quæ disquisitionis vt tandem terminetur alterum è duobus existimandum est, vel quod hæc curuitas sit effectus realis, hoc est quod barba siue cauda vere inflectatur & incuruetur, vel quod hoc contingat ob aliquam visus fallaciam; si primum, nil verisimilius dici potest quam asserere quod post cometem in æthere sparsa sint corpuscula eiusdem essentia secundum hunc deflexum situm constituta, quæ à Sole illustrata curuitatem illam faciant; sed illico emergit oppositio, verisimile non esse quod huiusmodi corpuscula cometem semper concomitentur, & quod dumtaxat post cometem existant, & non ante circa alias ætheris partes; quare securius quibusdam videtur cum Keplero & Mullero philosophari, de materia videlicet corporis cometici aliquid continere à Solis radiis expelli, quo materiali fluxu posito difficile non erit reddere rationem, cur cometarum caudæ incuruentur ac deuiant à recta linea oppositionis Solis, nam

quam-

f. de cometis pag. 101
 1. de cometis 1615.
 pag. 52.

quamuis radii Solares recta progrediuntur; nihilominus materia illa fluida de cometico corpore ab ipsis radiis expulsa, facile à radiorum rectitudine deflectit & delabitur, & hic quidem deflexus siue delapsus curuitatem illam facit: Si secundum, quod nempe decipiatur visus, hoc profecto non negamus, nam quandoque quæ recta sunt videntur curua, vel propter refractionem, vel quod depressioribus spectantur radiis, vt supra recensuimus; Parallaxis in hac deceptione nullas habet vires, nam parallaxis quæ recta sunt curua apparere non facit.

R A R I T A S.

Rarò apparent cometae, quia rarò etiam ex illis æthereis globis tanta halituum copia deducitur, vel tanta ex æthere substantia addensatur, quanta ad tantam molem requiritur; Vel quia illi halitus per ætheris amplitudinem dispersi rarò vniuntur & constipantur, hæc unio & constipatio æthereorum halituum & æthereæ substantiæ summopere necessaria est, nam cum cometes sit corpus illustratum, nisi hæc materia vnita & compacta fuerit Solis radios recipere ac resplendere nullo modo posset: Rariores quidè cometarum generationes, in cælo esse, ait^u Mullerus, aut v^uerius dicam obseruationes eorum in terra, facile largior, magna incuria hominû, pauci suspiciunt cælû, pauciores sæpe haud accurate, intercidunt scripra, paulatim obliteratur memoria facti, tum phænomena sæpe exilia, recta luce & nubibus, cælum difflans, profundum, amplum.

*u de cometa
1618. pag.
63.*

Sed

Sed si asseramus cometas fieri etiam ex solaribus exhalationibus, leu. verius ex halitibus eorum corporum, quæ circa Solem voluuntur, quæque Solares maculæ vocantur, huius raritatis apparentia facilius excusabitur, quia hæc corpora cometica ad similitudinem solarium macularum plerumque circa Solem oberrant, imò fortassis maculæ, quæ circa Solem continuo vagantur, cometica corpora sunt, quæ lucere sanè viderentur, si vnquam heliace oriri nobis possêt: Quemadmodum igitur maculæ illæ propter Solis viciniam non videntur, sic quoque de cometis illis dicendum est, siue cometa ipsimet maculæ sint, siue de materia eadem geniti, nã fieri potest vel quod cometa halitus prius dissoluantur quam à Sole longius digrediantur, vel quod forte à Sole digressi adeo tenues sint & rari, quod solarium radiorum impactum minime patiantur; Ex illis tantum halitibus ad spectabiles comete fiunt, qui à Sole longius digressi solutiorum ac compactiorum acquisuerint consistentiam; quare cum hæc rarò contingant, rarò quoque apparere hos cometas necessum est.

D V R A T I O.

Cometa nunc magis durant & nunc minus, quatenus illa cometicorum corporum materia magis & minus copiosa, compacta & addelata est. Vel quatenus illa cometicorum corporum congeries diuturnior vel breuiorem conseruauerit vnionem; hinc fit quod paulatim vel pereunte vel per rarefactionem euanescente

materia, cometæ ipsi lente ac paulatim decreſcunt, donec tandem planè abſumantur, cum adhuc ſunt in alto cæli loco ſuprà horizontem.

At cometæ illi, qui ex pluriſum corporum concurſu efficiuntur, aliam habent ſui interitus viam, namque illis corporibus abeuntibus & diffluentibus ſeu unionem illam & fædus deferentibus illico perit & diſparer cometes, de qua re accuratas habemus obſervationes à Cyſaro factas in cometa anni. 1618. ait enim ſe primo die Decembris diligenti & diuturna inſpectione per tubum opticum cometæ caput ſeu potius capitis meditullium (quod ipſe nucleum appellat) obſervariſſe, quod apparuit rotunda figura, luce continua ac ſtipata, die 8. non amplius rotundum viſum eſt, ſed diſſuſum in ternos aut quaternos globuloſ inter ſe coherentes, die. 17. 18. 20. pro nucleo illo nuper compacto iam aliquot minutiffimæ ſtellulæ comparuerunt obruſiſſimo lumine circum interque fuſo, tanquam ex nebula ſeu alba nube promicantes, ita ut primo die Decembris per tubum appareret caput minimum, maximum die. 24. contrarium prorfus accidit in libera viſione, nam illa prima Decembris maximum, die. 24. longe minus apparuit caput cometæ, nimirum propter diſſipationem ſtellarum & diminutionem luminis: Imo & Keplerus dum hiftoriam

x de cometa 1618. c. 6.

2. de cometis pag. 49.

rexit illorū trium cometarum, qui eodē anno. 1618. effuſerunt, non dubitat aſſerere ſecūdum & tertium duos fuiſſe partiales cometas ex vno & eodē genitos:

237110

nam

nam & eodem tempore sunt visi & ab eodem loco celi progressi, vt valde opiner de iis idem esse factum, quod de vno sui temporis prodidit Ephorus apud Senecam, vnum in duas partes dissiliisse, inque diuersas mundi plagas abiisse: Et quamuis Seneca fidem detrahat Ephoro, neceius approbet testimonium, manifestum tamen à Keplero conuincitur, dum ei obiicit cometem à Dione commemoratum, qui per multos dies supra urbem suspensus in multas faces dissolutus est; apparuit hic cometes eo anno qui mortem Agrippæ antecessit, ipso Seneca adhuc in viuis agente, & cuius ipsemet meminit. Exemplum igitur ex antiquitate, ait Keplerus, cometæ vnius in duos diuisi stat illibatum.

y lib. 7.
Nat. Quæst.
cap. 17.

Quare funditus reprehendendi non sunt Anaxagoras & Democritus, qui asseruerunt cometas esse coapparentiam errantium stellarum, imo Democritus dissolutis cometis quasdam stellas apparuisse libere confessus est; quorum assertionem confirmare videtur quæ scribit Nicephorus de quadam noua stella siue cometa sui temporis, qui ex plurium stellarum multitudine factus est, Paulatim inquit ad eam (scilicet nouam stellam) veluti apes ad ducem suum ingens aliarum stellarum vis aggregabatur: Habemus ergo non contemnenda experimenta quosdam cometas ex plurium corpusculorum (quæ stellulæ à præfatis authoribus existimata fuerunt) congressu genitos fuisse, atque alios quosdam ex plurium corpusculorum digressu euanuisse: An vero Nicephorus & Anaxagoras illum stellarum erraticarum congressum, Democritus

a Hist. Eccles.
lib. 2.
cap. 37.

critus earumdem digressum libero oculo conspexerint, non dispuro ait ^b Cysatus, fortassis & ipsi solo tu ^{b de cometis 1613. c. 17. num. 3.}
 bo. Optico phænomenon istud deprehenderint, fuisse enim usum tubi Optici antiquis etiam Astronomis familiarem testatur liber vetustissimus in Bibliotheca celeberrimi Monasterii Scheurensis, scriptus ante 400. annos, quo in libro inter cætera schemata etiam Astronomus per tubum Opticum in cælum interitum sidera contemplanis visitur: Et profecto non desunt exempla, quod in variis temporibus similia perspicilla in usu fuerint, nam credit ^c Ioannes Baptista ^{eli. 17. Mag. sig. Nat. c. 11.}
 Porta potius perspicillum quam speculum fuisse illud, quo Rex Ptolomæus ex Pharo per sexcætena milia passuum peruenientes naues conspiciebat: Scribit ^d Franciscus Sirtius Albertum Magnum quodam perspicillum effinxisse, eoque usum fuisse, quo mirum in modum res longe dissitas, conspicuas habebat, amicisque videndas ostendebat; idem de Cornelio Agrippa scriptis consignatum habemus; Sed notiora, Leonem X. Pontificem Maximum perspicillum possedisse certum est, quo mira exercuit, fertur, enim domo sua & ex aliis Florentinæ urbis locis aues, quæ in Fesulano monte posite erant & euolabant, & vidisse & earum distinxisse speciem & numerum; sed dato quod in illis temporibus ullus perspicillorum esset usus, non obid sequitur Anaxagoram, Democritum & Nicephorum stellas illas libera acie videre non potuisse, si libera quoque acie spiras illas nebulosas circa Solē viderit Cleomedes, & Auerroes seu potius Auen

T

Rodan

de mic-
lis Solar.
pag. 36

Rodan cum Celtis in Sole maculas, fatetur quoque Galileus libera acie se cum aliis amicis pluries obicram maculā prope mediū disci Solaris conspexisse.

Non negamus cometas cum ad Eclipticam peruenierint, quandoque extingui seu euanescere, nam propter Solis præsentiam seu viciniam vel consumuntur vel amplius non cernuntur, & præsertim ii qui ex æthereorum globorum halitibus fiunt, at qui ex æthere condensato concresecunt, per rarefactionem in ætheream purissimam substantiam resoluuntur.

TEMPVS APPARITIONIS.

lib. 3. c. 3.
argum. 9.

Quod dicitur de cometis quod frequenter appareant Autumni tempore, efficax causā nulla reddi potest, cum respectu nostrum hæc potius casu quam certa ratione fiant, vt nos quoque suprà diximus, cum aduersus Peripateticorum hypotheses disputaremus; Dico respectu nostrum, nam nos penitus ignoramus quomodo se habeant illi ætherei globi, multa fortasse in supremo illo domicilio mutantur, quæ nos latent, multa existunt, quæ ne inesse quidem arbitramur, multa denique aliter quam apparent, collocata sunt.

LOCVS ET SITVS.

Sicut incertum est quo anni tempore generentur cometa, sic quoque incertum est in quo mundi situ, in quaue cæli plaga prius conspiciantur, cum intra & extra Tropicos, in via & extra viam lacteam, in Septentrione & extra enasci & spectari possint: Existimo tamen cometas & maxime eos, qui ex ætheris adden-

addensatione propagantur, extra Tropicos & in Septentrione magis fieri & apparere, quia hæc loca magis à Sole distant, & à nobis qui habitamus mundi partes Septentrionales propter situm eleuatum magis conspicua; præsentia enim & vicinia Solis æthereos halitus facile soluit, ætheremque ipsum addensari non finit, & addensatum rarefacit; Cum itaque cometæ sint corpora à Sole illustrata, in præfatis locis eos tanquam à Solis præsentia & vicinia liberos & in altissima mundi parte constitutos magis apparere necesse est, quod sanè de cometis extra Tropicum Australem constitutis dici non potest, nam hi non multum conspicui sunt, & si forte caudati fuerint, cum cauda dirigatur versus Polum Australem, caudati non cernuntur, quod cognouit & Plinius asseuerans fieri cometas & in Austrino polo, sed citra vllū iubar. g li. 2. c. 25.

M O T V S.

Cometarum tandem motus proprius rectilineus est, quo motu cometas moueri primus (quod sciam) inter recentiores Astronomos animaduertit h b Optica Astr. pag. 335. Keplerus, dico inter recentiores Astronomos, nam video Senecam hunc motum non ignorasse, Alter, inquit, illè cometa à Septentrione primum visus, non desuit in rectum assidue celsior fieri, donec excessit; Et profecto hoc suadet ratio naturalis, nam verisimile non est, eorum corporum, quæ nunquam eodem redeunt, motus esse circulares, contrarium igitur est verisimilius, motus nempe eorum esse rectilineos, confirmatur hæc ratio ex mundanorum corporum na- li. 7. N. c. 29.

T 2 tura

tura, nam motus circularis debetur perennibus corporibus, rectilineus verò temporaneis ac euanescentibus, perennia enim corpora causam suæ eternitatis habent in circulo, temporanea suæ mortalitatis in linea recta, quæ infinita utique esse nequit; quare cum statuerimus cometas esse corpora temporanea ac euanescentia, ipsos per rectas lineas ferri rationi & naturæ consentaneum est.

*K de cometis
pag. 3.*

*I de cometis
pag. 23.*

Quod si fortassis hæ physice rationes non sufficiunt, negligendæ non erunt Astronomicæ, nam si cometas circulari motu ferri posuerimus, omnia quæ in illis apparent phænomena excusari non possunt; circum enim cursus, ait K Keplerus, facile quis confinxerit, aptum quidem exprimendis apparitionibus, præsertim si libertatē habeat Astronomus accomodandi motum diuersis circuli partibus, tardum velocem pro re nata. Existimauit itaque I Keplerus cometas moueri motu rectilineo non propter convenientiam huius motus cum corpore corruptibili, sed quia multarum apparentiarum causæ euidentes inueniuntur in motu rectilineo, quas in motu circulari nescire quidem facile est.

*m de cometis
pag. 35.*

Et si primus fuerit Regiomontanus, qui cometam anni 1475. per arcum circuli maximi motum fuisse pronunciauerit, inter recentiores tamē primus fuit Tycho Brahe, qui ex obseruatione cometes anni 1577. securius & audacius opinatus est cometas proprio motu circulos maximos describere, sed infelicius, nam quamuis verum sit ex Optica, ut ait m Guidducius

ductus, quod motus in circulis maximis facti, recti
 appareant, tamen non conuertitur, ergo motus, qui
 recti apparent, in circulis maximis fiunt, nam fieri po-
 test quod motus qui recti apparent, vere recti sint,
 quare cum ii tantum simplices motus recti appareāt,
 vel qui verè recti sūt, vel qui in circulis maximis fiūt;
 incumbbat itaque Tychoni prius ostendere come-
 tarum motum non fieri per rectas lineas, nam illico
 certum erat, cometas qui per rectas lineas moueri vi-
 dentur, circulos maximos describere, quod ab ipso
 minime factum est: Non negamus tamen cum ^{n de come-} Ke-
 plero quod si loca dierum obseruata collocentur in ^{tis pag. 70}
 superficie globi stellati, statim appareat totum come-
 ta tractum quam proxime sub vnum circulum ma-
 ximum ordinari; in quo cometa suos diurnos motus
 confecerit, ideoque quoque non negamus cometas
 quamuis vere moueantur per rectas lineas, quantum
 ad visum circulos maximos describere, si ad spheram
 stellarum fixarum referantur.

Hanc opinionem de motu rectilineo cometarum
 amplexatus est Guiduccius, qui putat tali motu po-
 fito tamen ad terram perpendiculari facillime saluari ^{n de come-}
 apparentias circa incrementum & decrementum ma-
 gnitudinis, velocitatem & tarditatem motus, dire-
 ctionem, retrogradationem ac stationem, & quo-
 modo cometa ipsi versus Septentrionem proceden-
 do, nunc ad ortum nunc ad occasum deflectere, nec
 non ab ipso Sole magis atque magis elongari videan-
 tur. Ad quæ omnia dilucidius explicanda assumatur

nus erit quam AN, & AN minus quā AI, & AI minus quam AF: Hęc magnitudinis apparentia vera est quando cometes liber est à vicinia Solis & crepusculi, alioquin hæc vicinia ei impedimento est, quod verā magnitudinem ostendere non possit; hinc accidit quandoque quod cometes initio sui exortus, minor appareat, deinde paulatim crescere, postmodum paulatim decrescere videatur, quia quando crepusculo & Soli vicinus est, diminuitur eius magnitudo, ut cum cometes apparet in O, si Soli vel crepusculo vicinus fuerit, minor apparebit quam in N, at à Sole & à crepusculo liberatus, maior apparebit in N quam in I, & in I maior quam in F.

Velocius mouetur cometes in principio quam in fine, nam quę propinquiora sunt velocius moueri videntur quam remotiora, quod patet etiam ex magnitudine ipsorum angulorum, penes quos stat omnis velocitatis & tarditatis mensura; quia enim angulus OAS maior est angulo NAO, & hic maior quam IAN & sic deinceps antecedens suo consequente, velocius moueri videbitur cometes in O quam in N, & in N velocius quam in I; Quod angulus OAS maior sit quam NAO, ex eo patet quia in triangulo ASN angulus ad S obtusus est, ergo latus AN maius est quam AS, quare si angulus NAS bifariam secaretur à recta AO, esset segmentum NO maius quam OS, at per hypothesis sunt æqualia, igitur angulus NAO minor erit quam OAS, & eodem modo demonstrabitur NAO maior quam IAN, & ita deinceps antecedens suo

T 4 conse-

consequente maior: Quamobrem si cometes orientalis siue matutinus fuerit, dum ascendit propter tarditatem motus versus occasum hoc est contra ordinem signorum videbitur moueri atque inclinari, & tunc retrogradus appellabitur, & contra si fuerit accidentalis siue vespertinus videbitur moueri versus ortum, hoc est secundum ordinem signorum, & tunc directus vocabitur.

Ex hoc schemate etiam apparet manifesto quomodo & quantum cometes siue orientalis siue occidentalis fuerit, singulis diebus à Sole recedat, nam si angulo OAG , qui mensurat distantiam siue recessum à Sole, dum cometes fuerit in O , addatur angulus NAO , conflabitur angulus NAG , nempe mensura distantiae, dum cometes fuerit in N , & hoc modo successiue per additionem diurni motus apparentis semper augebitur angulus distantiae, & cometes ipse singulis diebus magis atque magis à Sole recedere videbitur, versus occasum si cometes orientalis fuerit, versus ortum si occidentalis: sed hic notanda quadam differentia est, quod quando videlicet cometes orientalis fuerit, tunc magis à Sole recedet, cum ob suum motum retrogradum, tum ob motum Solis, qui semper directus est, at dum cometes fuerit occidentalis, concurrente utroque motu & Solis & cometæ directo, cometes in tantum elongabitur à Sole, in quantum eius motus motum Solis superauerit, sed si motus Solis superauerit motum cometæ, fieri potest quod cometes tardior factus, eius distantia à Sole paulatim de-

cre-

crescente; ab ipso Sole paulatim remoueri videatur.
 Hoc ad inuentum Guiducci sanè ingeniosum est,
 tamè triplici difficultate inuoluitur, prima quia sup-
 ponit materiam cometicam à terris ascendere versùs
 cælum, quod nos, supra fieri non posse satis probabi-
 liter ostendimus, diximus enim terrestres halitus in
 tantam altitudinem non eleuari, in quantam comete
 euehuntur; secunda quia supponit ascensum come-
 ticæ materię ad terram perpendicularem esse, quod
 ex obseruationibus falsum esse demonstrat: Lotha-
 rius, nam sic comete nunquam peruenirent ad verti-
 cem, ac toto durationis tempore non absoluerent fe-
 rē vnum gradum secundum apparentiam, vt in obie-
 ctionibus sequentis capitis apparebit; tertia quia non
 possunt excusari quorundam cometarum apparen-
 tia, hoc est cur comete quidam in principio tardiores
 & in fine velociores, & cur quidam alii in principio
 & in fine tardiores, in medio vero velociores videan-
 tur: Probabilius sane ac verisimilius existimandū est
 cometas per rectas lineas ferri libere per amplitudi-
 nem ætheris, vt existimauit Keplerus, qua libertate
 cometis concessa non est querendum de via & semi-
 ta per immania mundi spacia, & quomodo secūdam
 seriem signorum vel contra progrediuntur, nā pro-
 fecto eam viam obseruant comete, quam à principio
 per campos æthereos materia cometica sortita est: Iste
 motus postmodum rectilineus vel sit per ascensum
 vel per descensum, quando sit per ascensum, quod fre-
 quenter contingit, tunc comete in principio suę ap-
 paritio-

p lib. 3. c. 6.
 num. 1.

libra A.
 from. exa-
 mine 1.
 Quat. 2.

tem superiorem & inferiorem sumantur portiones equales vel inæquales DH, HI, IK, DE, EF, FG; Si itaque cometes primo apparuerit in D, deinde in H, in I, in K, iste motus erit per ascensum versus Septentrionem, quare cū recta BD minor sit quam BH, & hæc minor quam BI, & hæc minor quam BK, cometes velocior videbitur in D quam in H, & in H velocior quam in I, & in I velocior quam in K; sed si cometes primo apparuerit in D, deinde in E, in F in G, iste motus erit per descensum versus Austrum, & cometes velocior videbitur in D quam in E, & in E velocior quā in F, & in F velocior quam in G, & tunc excusabitur apparentia, cur cometæ quidam in principio suæ apparitionis velociores, in fine verò tardiores videantur; At quando cometes primo apparuerit in K in Septentrione & descenderit ad D versus Austrum, vel quando apparuerit in G in Austro & ascenderit ad D versus Septentrionem, tunc excusabitur apparentia, cur cometæ quidam in principio suæ apparitionis tardiores, in fine verò velociores videantur; Demum si cometes primo apparuerit in K vel in G, & totā rectā GK traiecerit, tunc excusabitur apparentia, cur cometæ quidam in principio & in fine suæ apparitionis tardiores, in medio verò velociores videantur; Et si quandoque consistere videatur cometes, vel hoc fit per accidens respectu intuitus nostri, nam cometes cum maxime à terris recesserit, propter summam distantiam eius motus amplius non fit sensibilis. Vel motionis vigore iam deficiente motum paulatim

latim inhibeat, tandemque quasi conquiescat, velut iuxta finem disparitionis eorum nonnunquam fieri solet & corpore & lumine & motu iam suo officio perfunctis; Quæ diximus de accidentaria quiete cometarum, de iis cometis intelligenda sunt, qui fiunt ex halitibus æthereorum globorum, & non de iis, qui ex æthere addensato concrescunt, priores enim per se mobiles sunt, posteriores verò immobiles.

Motus verò cometarū diurnus ab ortu in occasum accidentarius est, & tantū secundū apparentiā cometis sicut & reliquis astris in æthere pendētibus ab alio communicatus, quod verò sit hoc corpus, ad cuius motum cometæ ac omnia astra moveri videntur ab ortu in occasum spacio hor. 24. penitus ignoro, explodunt plerique primum mobile tanquam cælum sola suppositione cōceptum, cuiusque rapiditatem omnino reiiciunt, affirmantes nullam esse vim vniuersalem & superiorem, quæ tyrannidem exerceat in inferiora corpora, sed moveri astra à vi infira, fierique motum sine labore & renitentia; cum itaque verisimilius sit nullos dari orbes reales & solidos, sed astra per se moveri in æthere liquido, nullus dabitur motus raptus, quo sublato reddere non possumus rationem huius apparentiæ; Dux sanè restant viæ ad salvandam hanc apparentiam, prior desumitur à motu telluris diurno, tellus enim si statuatur moveri ab occasu in ortum spacio hor. 24. nulli dubium est quod cometæ & omnia quæ in æthere pendunt, nobis in terra existentibus in contrarias partes, hoc

hoc est ab ortu in occasum ferri videbuntur; posterior desumitur à motu proprio ipsius ætheris qui ab ortu in occasum circulariter absoluitur, quate si in locum primi mobilis statuatur æther, & in locum primi motus (quem motum raptus appellant) statuatur motus ætheris, facillime excusatur cometarum motus ab ortu in occasum spacio diurno, nam cum cometæ in ipso æthere discurrant, ab eodem æthere circa terram rapiuntur; aer prope ac circa terram fusus, quamvis hoc motu moueatur, tamen eius motus nō fit sensibilis propter ventos, qui eum in diuersas partes distrahunt & conturbant, at aer ille siue æther à terris maxime remotus, à ventis non perturbatus cometas in illo æthereo spacio vagantes ad normam proprii motus circa terram moueri libere permittit: Prior via vt absurda & à catholicis non permessa omnino reiicitur, at posterior difficultatem patitur, nam æther tenuissimum & fluidissimum corpus ex sua natura circulariter moueri non potest, quia planè ineptus est ad hunc motum, tum nec secum potest raperere corpora solidiora, nempe astra, est enim tale vt illis cedat, neque illa ei infixæ esse possunt, & ad eius motum moueri.

Quod cometę caput quandoq; alium habeat motum quam cauda, ex hoc suspicari potest, vel quod materia cometica, ex qua cauda fit, ipsi capiti nō coniungitur, vel secundum *q* Keplerum propter magnā *q de cometis pag. 101* velocitatem traicientis capitis, vt cauda, quæ subinde noua in Solis oppositum expellitur, à capite derelinqua-

linquatur, minus prope caput, magis in extremitate.

Obiectiones aduersus recentiores Astronomos.
Cap. III.

1 **R**ecentiorum Astronomorum hypotheser
 nullo modo sunt admittendæ, nam plu-
 rima continet absurda, ac vniuersam Ari-
 stotelis Philosophiam per tot sæcula confirmatam
 euertunt, Aristotelis autem Philosophia semper vni-
 uerso fere litterario mundo visa est maxime proba-
 bilis, quæ omni quo à sapientissimis viris probata est,
 ideoque qui eam reliquerunt breui è litteraria repu-
 blica omnes exularunt, aut ad summum in ea negle-
 ctum & obscurum possident locum.

2 Ex ætheris addensatione cometas fieri satis
 ambiguum est, nam si addensaretur æther, à frigido
 addensaretur, at quomodo in æthere frigiditatem sta-
 tuere possumus; ibi enim nulla terra nullaque insidet
 aqua, vnde omnis est origo frigoris, & dato quod
 æther frigiditate sit affectum, quomodo eius liquida
 substantia in cometem addensari potest? si per vni-
 uersum æthera diffunduntur radii Solares, qui secun-
 dum ipsos calidi cum sint omnino prohibent ipsum
 æthera addensari; tandem concessio quod addensare-
 tur æther à frigido vel ab alio quocumque efficiente,
 non hinc oriretur cometes, addensatus enim æther ap-
 parer vt albicans nubecula, ad similitudinem viæ la-
 ctæ; at cometæ magis resplendescunt, ac micantio-
 rem

rem habent lucem, non ergo ex æthere addensato cometæ fiunt.

3 Ex halitibus ab illis æthereis globis planetarū vi Solis educ̃tis, quemadmodum fit è terra, cometas quoque fieri, minus est concedendum, tum quia probandum erat ratione aliqua ex planetis halitus vi Solis excuti, non gratis accipiendum; tum quia quum terra semper ex se nubes haler, quibus nunquam non aeris regio aliqua obsideretur, iam semper Sole in planetas agente, nunquam non in æthere conspiciantur cometæ, qui quum rarò admodum fiant, certum est non ex halitibus planetarum oriri virtute Solis, vt nubes in aere coguntur ex vaporibus è terra & aqua sublatis.

4 Deinde si planetas à Sole patibiles adeo ponimus, vt ex iis non secus ac ex terra Sol halitus eliciat, id maxime inter planetas Lunæ contingere dicendū erit, quæ omnium planetarum imperfectissima terram maxime vel Aristoteli, vt ait Auerroes, æmuletur, quum autem Copernicanorū testimonio Sol è Lunæ globo nihil excutiat exhalationis, profecto nec alii planetæ Luna perfectiores à Sole poterunt in halitus vlla ex parte resolui.

5 Circa vnumquemque globum planetarium interiacet determinatum quodam ætheris spacium, ad cuius extrema illius globi euehuntur excrementa, sic quoque terræ contingit, exhalationes enim ex terra prodeuntes 100. ferè milliaria non transcendere dictum est; ergo si cometæ fierent ab halitibus illorum globo-

r de substantia orbis c.

2.

lib. 1 c. 2.

globorum, circa & propè illos globos vagari videretur, paramque ab Ecliptica distarent, at cometæ versus Septentrionem & alias mundi plagas plerumque conspiciuntur & ab Ecliptica remotissimi.

lib. 3. c. 6.
1111111. 1.

6 Contradicere sibi met videntur Astronomi, dum existimât cometas fieri ab exhalationibus, quæ ab illis æthereis globis deducuntur, nam si illi globi ætherei corpora opaca sunt & expirabilia quemadmodum & terra, & ipsi cõrendunt, quod exhalationes è terra deductæ non sufficiunt ad generádum cometam, quia ingentia sunt cometarum corpora ac ingentes caudarum effluxus, quasi pluries in nihilum redacta esset terra, si cometæ ex terrestribus exhalationibus constarent, quomodo ergo sufficient exhalationes, quæ ab illis æthereis globis deducûntur? quare illi globi ætherei non annihilantur & destruuntur? quomodo sufficient ipsi & non terra?

7 Rationi non est consentaneum, ne dicam impium esse, existimare à Sole quoq; huiusmodi sordes & excreméta eructari, quid enim magis erroneû quàm mundi oculo hæc inquinamenta attribuere, quem Deus in cælo huius rerum vniuersitatis facem collocavit, & luminis largitorem instituit; Quæ circa Solem videntur potius præstigiæ sunt in oculo vel in aere, vel ipsiusmet cristalli ludificationes, vel nubes in aere latentes, quæ ni Soli opponantur, ob exilitatem visui non subiciuntur.

8 Prorsus admittendum non est è Solis corpore prodire halitus villos, qui sint materia cometarum,
tum

tum, quia, quum omnia suarum caussarum naturam referat, & adeo ex lucidissimo globo nil nisi lucidum emergere queat, contra tamen cometarum plerique erigenti, alii plumbei colore non admodum lucido visi sunt; tum quia Sol eas exhalationes aut ex se excuteret, aut ab externo agente pateretur à se auelli, in primum, quia id non tolerat simplicissima Solis substantia; & communis omnium rerum natura; quæ singula sese omni studio conseruare nituntur, ac nil suam substantiam discutit; non secundum, quia nil est Sole valentius inter corpora, quod eius substantiam dissoluere queat in halitus.

Equidem si quid è lucidissimo Solis corpore prodit sub exhalationis imagine, profecto id erit Solis substantia interior vel rarefacta vel condensata; cometæ non sunt è Solis substantia rarefacta, quia lucidum corpus rarefactione sui non induit opacitatem, obscuramq; naturam, sed mere diaphanam, ut apparet de igne, qui densatus effulget, rarefactus transparet, at cometæ diaphani non sunt sed obscure lucidi; nec minus sunt cometæ è substantia Solis magis condensata, quoniam sic essent Sole ipso lucidiores, quum densitas subiecti lucidi fulgorem ubique augeat.

Sed illud in primis, & maxime non est recipiendum, Solem esse globum igneum, & formaliter in se calidum, tum quia calor est affectio corporis elementaris, & contrarium posituum habentis frigiditatem affectum, & à contrario suo corruptibilis, & leui-

tatis participis, ac motus recti à mundi centro naturaliter capacis, quum ex aduerso Sol recto motu à centro non ascendat, leuitatem non habeat ullam, neque corruptibilitatem, neque contrarium posituum, & sic ab omni elementari corpore natura diuersum, tum quia nulla esset proportio ignei elementi ad alia, si Sol terram tot vicibus mole superans ignis esset, quum tamen mundi partes integrales mira proportionè in vnum corpus conspicerent.

¶ 1. Si cometæ fiunt ab exhalationibus igneis, quas eructat Sol, cur tam diuturni sunt? nam ipsi contra Aristotelicos cometas hoc putant validum argumentum, cometas nempe ignes non esse, quia ignis illico comburit ac depascitur illam tenuem & inflammabilem materiam, ideoque Aristotelicos cometas diuturnos esse non posse, & nunc cometas fieri concedunt ab ardentibus & flagrantibus Solis exhalationibus.

¶ 2. Si comes est materia à Sole illustrata, quid dicendum est de face, trabe, stellis cadentibus, igne fatuo, & reliquis traiectionibus, quæ sanè eodem modo veluti cometæ apparent, & non differunt à cometis nisi diuturnitate; Num vna & eadem est omnium materia? num vno & eodem loco fiant? nam si huiusmodi traiectiones vere ignitæ sunt igniti quoque erunt cometæ, & contra si cometæ sunt corpora à Sole illustrata, eodem modo de similibus illis Meteoris dicendum erit, quare Meteororum di-

scipli-

sciplina aliter constituenda est, quam vt in scholis traditur.

13 Fatentur quoque recentiores Astronomi in mundi parte ætherea non solum cometas nasci, sed etiam quasdam stellas nouas, differentiâ tamen faciunt plerumque in situ, nam hæ inter stellas fixas apparent, at cometæ in inferiori loco: Quid igitur dicendum est de huiusmodi peregrinis astris, num cum cometis vnâ & congeniam habeant materiam? eodemque modo generentur?

14 Si cometes esset corpus à Sole illustratum, quandoque eclipsaretur, vt accidit Lunæ, nam fieri potest quod terra interposita inter Solem & cometâ impedimento sit, quod à Sole cometas illustrari non possit, quod obseruatum est nunquam.

15 Si cometæ à Sole procrearentur, lumine Solis materiam cometicam traiciente, omnes caudati essent vel barbati, & nullus crinitus, Solis enim lumen per caput cometę traiectum in immensum protenditur, at crinitus circum circa breues comas spargit; Quid dicemus de illis cometis maxime à Sole distantibus, & prope stellas fixas genitis, quomodo lumen Solis eorum materiam sic permeare poterit, vt longissimum emittant syrma? quia Solis radii ad tantam distantiam aut saltem adeo integri & viuidi fortassis non feruntur.

16 Animaduertunt Astronomi * Tycho in primis, * Keplerus, & Snellius & alii, cometarum caudas non semper Soli auersas, sed etiam Veneri &

u lib. 2. pag.
163. 179.
Epist. pag.
142.
x de com-
tis pag. 63.
2. de com-
ta 1618. 6.
5.


v Epist. Astron. Ty-
chon. pag.
126.

Menturio, & quandoque nulli sideri, qualis fuit co-
metes anni 1558. à Lantgrauio obseruatus, de
quo Rhodmannus ad Tychonem scribit¹; quate-
generaliter verum non est cometas à Sole illustrari,
eorumque caudas in Solis oppositum protendi.

17 Nec generatio caudarum secundum Keple-
rum & Müllerum rationabilis est, quod radii So-
lis videlicet corpora cometarum traicientes cometi-
cam materiam dissipent & per ætherem dispergant in
Solis oppositum; nam vel id faciunt radii Solares so-
lo fulgore, & hoc non, quia Solis fulgor vitrum &
cristallum frigore concretum minime colliquat, vel
calore aliquo, & hoc minus, quia radii Solis in cælo
calorem non efficiunt, ubi non est ær, qui in radio-
rum reflexione ac multiplicatione attritus igne-
scat, imo ad se Sol cometæ substantiam attrahere de-
beret, non à se procul depellere, si eam densam in ra-
riorem caudæ substantiam dissiparet.

18 Cometæ non sunt veloces & tardi ratione
propinquitatis vel distantiae per ascensum vel descen-
sum, nam hoc sequeretur si cometæ regulariter mo-
uerentur, quod omnino asserere non licet, tum quia
corpora sunt temporanea, quæ non habent certum
principium sui motus, tum quia ex obseruationibus
constat eorum motum verè irregularem esse, non so-
lum ratione spicii, quum modo ascendere, modo de-
scendere, modo recta, modo obliqua moueri videan-
tur, sed etiam ratione velocitatis, quam modo augêt,
modo remittunt.

19 Si cometæ mouerentur motu rectilineo & ad terram perpendiculari, nunquam peruenirent ad verticem secundum apparētiā, sed obseruatum est cometas quandoque verticales factos fuisse, ergo cometæ motu rectilineo & ad terram perpendiculari non mouentur: Sit enim terræ globus ABD, specta-



toris situs A, ascendat cometes per rectam DH, eius prima visio in P, traiciatque singulis diebus æquales vel inæquales portiones PO, OS: Dico cometæ nunquam peruenturum secundum apparētiā ad verticem

E: rectæ DH agatur parallela AG, & arcus EN representet sphaeram fixarum; dum itaque cometes vere fuerit in P, nobis apparebit in M, dum in O & S, apparebit in L & I, sed nunquam secundum apparētiā erit in G, nam radius visualis necessario coincidet cum recta DH, cum per rectam DH ascendat cometes; quare radius visualis nunquam coincidet cum AG ipsi DH parallela, ergo locus apparens cometæ nunquam erit in G, & multo magis nunquam erit in E; non mouentur ergo cometæ motu rectilineo ac ad terram perpendiculari.


20 Si cometæ mouerentur motu rectilineo & ad terram perpendiculari, toto durationis tempore non absolverent ferè vnum gradum secundum appa-

V 3 rentiam

a lib. Astr.
exam. 2.
Quaest. 2.

b Spb. pag.
294.

rentiam, quod est contra omnes obſervationes, cum reperti ſint cometæ, qui non ſolum vna die 30. & 40. gradus confecerint, imo qui toto eoq; breuiſſimo durationis tempore ſecundum ^a Lotharium, ſex ſigna percurrerunt, quales fuerunt cometæ à Pontano & Regiomontano viſi; ſemicirculum quoque confeciſſe magnum illum cometam, cuius meminit Ariſt in Meteoris ſatis aperte deducit ^b Blancanus, ergo cometæ motu rectilинеo & ad terram perpendiculari non mouentur: Sit enim terræ globus ABD, aſcendat cometes per rectam DH,



quæ ſecet terram in C, diſſectque C ab A gratia exēpli per grad. 30. ſingamus cometam cum primo apparuerit in H, diſtare à cētro terræ per terræ ſemidiametros 54. Dico angulum DHA continere tantum m. 32. ipſi DH agatur

parallela AG, Quare cum in triangulo DAH nota ſint duo latera DA ſemid. terræ & DH ſemid. 54. cum angulo comprehenſo ADH grad. 30. ſi fiat vt 55. nempe adgregatum duorum laterum AD, DH, ad 53. differētiā eorundem laterum, ita 373205. tangens ſemiſſis ſummæ reliquorum angulorum DHA, DAH, hoc eſt tangens anguli gr. 75. ad quartum numerum, inuenietur 359634. tangens anguli grad. 74.28. qui detracti à grad. 75. nempe ex dimidio

dio summæ duorum angulorum DHA , DAH , relinquent quæsitum angulum DHA m. 32. sed angulus DHA æquatur suo coalterno GAH , ergo si rectæ AH , AG ad sphaeram fixarum protractæ fuerint, comprehendent dumtaxat m. 32. sed ad punctum G nunquam perueniet cometes, vt superiori argumento demonstratum est, ergo cometes secundum apparentiam toto durationis tempore neque percurreret m. 32. non igitur mouentur cometæ motu rectilineo & ad terram perpendiculari.

Responsiones recentiorum Astronomorum.

Cap. II II.

1 **R**ecentiorum Astronomorum hypotheses nulla continent absurda apud illos qui candide philosophantur, sed absurda videntur iis, qui Aristotelis philosophiam sectantur, quem admodum apud alios aliarum sectarum philosophos absurda existimantur quæ ab Aristotele conscripta sunt, Equidem Astronomorum hypotheses tunc absurda continerent, quando Arist. suam philosophiam certissimis ac sensatis demonstrationibus confirmasset, quod non fecit, nec facere potuit, nam de rebus naturalibus & à sensu maxime remotis per probabiles & coniecturales quædam rationes philosophari conceditur, & non aliter; Si enim physicæ Aristotelez axiomata, dicebat Tycho, quæ in scholis vbique authenticæ habentur, citra omne dubium rite constarent

e lib. 1. pag. 637.

rent, vtrique nihil iisdem contraria ipsa saepe numero ostentaret experientia: Et profecto de cælo deque rebus cælestibus (de quibus in præsentia verba facimus) cum summo cædore & modestia semper locutus est Arist. in pluribus locis ingenue fatetur se coniecturis & rationabilitate vti, manifestis & sensatis demonstrationibus destitutus; Tantum abest vt Astronomorum inuenta ab Aristotelis philosophia reiiciantur, sed potius ab Aristotele, si in uiuis esset, laudarentur, & ad philosophandum inuitarentur Astronomi, cū in 3 libris de cælo eos maximas gratias mereri scripserit, qui nullis vigiliis & sumptibus parcentes veritatē inueniunt, eamque ex profunda & tenebris productam ad posteritatem transmittunt, vel saltem adiumenta ad ipsam eruendam suppeditant. Et quæ fuerunt hæc sæcula, quæ Aristotelis philosophiam confirmarunt? nonne in omnibus sæculis & temporibus contradicentes habuit & aduersarios? igitur nulla inducta præscriptio est; Quam plures & si non omnes Aristotelis aduersarios, qui eius doctrinam vel oppugnant vel redarguerunt, post Patricium enumerant **Frans. Murus** lib. primo Peripateticarum disceptationum Disceptatione secunda, & **Paulus Aresius** in Prologomenis ad libros de Generat. Quæst. 3. pro qua rectiam negligenda non sunt quæ scribunt **Frans. Pious** in tribus libris postremis de examine vanitatis, **Petrus de Lære** quarta & quinta ratiocinatione libri tertii de rerum inconstantia, **Ioannes Bodinus** in suo *Naturæ theatro*, **Godifredus Chassinus** in libris de na-

tura

f lib. 2. de
v. c. l. x. 37.
34 60.

g lib. 2. c. x.
34

tura siue mûdo, David Gorlæus in suis philosophicis exercitationibus, & alii quâplures: At forsitâ cōfirmata p tot sæcula dicitur, quia sola in totius Europe gymnasiiis legitur, verum quidem est, sed hoc præiudiciû dumtaxat facit iis, qui Aristotelis doctrinæ addicti, aliorum philosophorum rationes nec quærunt nec audiunt, aduersus quos quadrat illud ^b Snellii, sed ne- ^{b de contra- ra 1628. o.} scio quam infelici astro tot doctorum animi siderati fuerint & obsessi, dum vnius philosophi figmentis veritati vim fieri tam secure patiuntur: Nec qui Aristotelem reliquerunt in obscuro sunt loco, & exulant à Republica litteraria, imò totum oppositum in illustri sunt loco, quia cum ostēdissent eorum ingenium feruile non fuisse ac fascinaturn, sincere ac libere philosophantes à vulgari & nugaci litteratorum turba se parati sunt.

2. Aerem siue ætherem secundum propriam naturam esse frigidissimum, dogma quoque fuit Stoicorum ac veterum quorundam, recentiorum plerique hanc opinionem tuentur, & inter cæteros ^{i lib. 2. de generat. Quæst. 10. sect. 2.} Paulus A- ^{k Astron. Dani. par. pag. 45. l. 2. de aeris transmut. cap. 3. m Exercit. 7. sect. 3.} relius & ^k Seuerinus Longomontanus, quamuis ex recentioribus quoque non desint, qui asserant aerem omnium qualitatum prorsus expertem, tamē earum omnium esse susceptuum, sic opinatur ^l Ioannes Baptista Porta & ^m David Gorlæus: quomodocunque igitur aer vel æther frigidus sic, siue natura siue ob remotionem caloris vel causæ calefacientis, excalescit tamen ex reflexione & repercussu Solarium radiorū ab aliquo solido & opaco corpore, alioquin nulla ex Solari-

Solaribus radiis caliditas persentitur; Hoc quidem satis manifestum est in aere nostro prope ac circa terrā fuso, qui caliditatem concipit ex Solariūm radiorum repercussu è terra; ergo æther ille, qui ab huiusmodi reflexionibus immunis est, necessario frigidus erit; Hoc asserunt quoque Peripatetici, qui statuunt mediam aeris regionē esse frigidissimā, quia ad eam Solis radii è terra repercussi non perueniunt: Quare & si radii Solis calidi ponantur, & per ætheris amplitudinē diffundantur, nisi in aliquod corpus solidum impingant, nullam in æthere caliditatem inducunt, proptereaque ætheris addensationem prohibere non possunt, in illis enim ætherei mundi spaciis nulla adsunt corpora solida, à quibus repercussi Solis radii vicinū æthera calefaciant: Nec addensatus æther apparet ut albicans nubecula ad similitudinem viæ lactææ, quia non ex omni parte legitimum putamus similitudinis fundamentum, nam dato & cōcesso quod via lactea sit ætheris concretio, illa tamen leuissima est & uix aspectabilis, at quando ex æthere addensato cometae fiunt, illa ætheris concretio solidior & compactior est, hoc itaque modo addensatus æther magis resplendescit quam via lactea, cuius postmodum resplendescētia ab illustratione Solis vigorem capiens, micantior euadit, ideoque hoc modo genitus cometes magis coloratus & splendidus apparebit quam albicans nubecula.

3 Nec gratis accipitur ex planetis quemadmodum ex terra vi Solis halitus deduci & expiramenta,
nam

nam cum pro certo habeant recentiores Astronomi planetarum corpora esse opaca, ut dictum est cap. 1. huius libri, legitima coniectura est ab illis quoque ali quid expirari & per ætherem dispergi, ut fit quoque è terra, Sole non minus in terram quam in planetarum globos agente: Raritas postmodum cometarum eodem modo excusatur sicut fit in via Aristotelis, requiritur enim halituum copia atque eorumdem unio & constipatio, quæ non ita semper obuiam sunt, ut singulis anni temporibus in æthere conspiciantur cometae, veluti nubes in aëre nostro ex vaporibus è terra & aqua sublatis.

4 Nullus unquam Copernicanus (quod sciam) asseruit Solem ex Luna halitus non elicere & expiramentum, qui hoc dixerunt, nominare debebāt illos Copernicanos, sed hi forsitan hæc legerunt apud Fromondum. De materia (inquit Fromondus) præcipua & immensa difficultas, Copernicani forte dicant ex omnium planetarum corporibus spiritus exhalari virtute Solis, ut in terra experimur, quam cum Pythagoricis faciunt octavum planetam; itaque sicut Copernicus terram circa suum centrum, nubesque & exhalationes, & quicquid cum terra & aqua cognitionem habet, motu circulari & conaturali volui sciscitare, ita forte omnes planetas (excepta tamen Luna) cum exhalationibus in circumfusum ætherem ex corporibus eorum elicitis, rotari naturaliter circa Solem, ut suum centrum velit, hucusque Fromondus: Non ait ergo Fromondus quod virtute Solis secundum Copernicanos ex Luna non eliciatur halitus, quem
admo-

o de cometa
1618. c. 7.
pag. 131.

admodum eliciuntur è reliquis planetis, sed ait quod sola Luna cum suis exhalationibus non mouetur circa Solem, quemadmodum mouentur reliqui planetæ; notissimum est in Systemate Copernicano omnes planetas moueri circa Solem excepta Luna, quæ mouetur circa terram, non igitur qui hanc rationem excogitarunt, Fromondi mentem & verba assequuti sunt.

5. Cometarum duo statuimus esse genera, quidam enim fiunt ex halitibus planetarum, & quidam ex æthere ipso addensato, cometas ergo illos, qui frequenter apparent versus Septentrionem & alias mundi plagas ab Ecliptica remotissimi, ex æthere addensato, at eos, qui parum ab Ecliptica distant, ex halitibus planetarum fieri credimus; quamuis non negauerim prope Eclipticam in confinio quoque planetarum ex ætheris addensatione cometas enasci, attamen rarò propter Solis viciniam addensationem prohibentis, sicut etiam extra confinia planetarum cometas oriri ex eorundem halitibus, quia incertum nobis est quantum se extenderit illud ætheris spaciū, quod unicuique globo planetario circumfunditur, ad cuius extrema illius globi euehuntur excrementa.

6. Non annihilantur vel destruuntur globi illi ætherei, sicut dicitur de terra, ratio sanè dispar est, nā in cometis terrestribus secundū Peripateticos, duplex exhalationum copia requiritur, prima ad cometam generandum, secunda ad ipsum alendum & sustentandum; Cum itaque cometæ maxime diuturni sint,
& in-

& ingentes gerant caudas, dici vix potest quam ingēs & immanis exhalationum copia ex ipsa terra deduci oporteret, si ex terrestribus exhalationibus fierent & alerentur cometæ; hoc quidem in æthereis cometis secundum recentiores Astronomos non contingit, cum ille ingens caudarum effluxus à Solarium radiorum traiectione fiat, ac cometici corporis diurnitas nullo pabulo indigeat ad sui alimentum & sustentationem: Nec enim detrimentum, ait P. Fromondus, in tanta distantia oculis sentiremus, vti nec terra sub pedibus minui, quæ tot tamen vbique spiraculis, & totis Aetnæ, Vesuvii & alibi terrarum caminis in auras se expirat, & quis etiam scit an paulo minores & breviores orbiculi quidam planetarum iam quam olim? quis è vicino arbitratus est, an nihil de sphaerica perfectione mutilatum?

7. Quæ circa Solem videntur, ait q. Ioannes Tarde, non sunt præstigiæ in oculo vel in aere, non in oculo, quia multorum oculi simul & semel eadem vidēt, nec possibile est tot hominum oculos eodem morbo & eadem affectione laborare; non in aere, quia crebris experimentis compertum est, eodem die & hora in Italia, Germania & Gallia visas esse vmbas in Sole easdem numero, mole & ordine; neque in vitro, nā quamvis per vitrum plures fieri possint hallucinationes, tamen in hisce apparentiis nulla contingit hallucinatio, nam si adhibeantur diuersorum oculi, tubi plures & diuersæ virtutis, semper eadem conspiciuntur ab omnibus, motus enim proprius ab vna parte perime-

p. de cometis
ra 1618. p.
132.

q. de sideribus Borbo.
c. 2. & 3.

metri Solis ad aliam regularis, cōstans, ab Eclipti
non deuians liberat oculum, aerem & tubum ab
nni culpa, & manifeste probat res vt apparent ita se
bere; Quod demum non sint nubes in aere laten-
his argumentis conuincitur, primo nubes in aere
variae molis apparent, Solem integrum obnubilant,
multiformes sunt & dilutiores, breui generantur &
dissoluuntur, figura & motu irregulares, at quæ in fa-
cie Solis apparent maculae, partem Solis nullius ferè
momenti tegunt, sunt circulares, densiores & obscu-
riores & motu proprio & figura constantes, nihil ha-
bentes analogiae cum nubibus aeriis. Secundo si in
aere, cur faciem Lunae non maculant? aut Ioui, Mar-
ti aut Veneri coniunctae partem luminis semel in sa-
culo non adimunt? Tertio. Si in aere, vel fixae sunt vel
mobiles, si fixae, annis singulis Sol orbe annuo luttra-
to easdem offenderet, quod fieri obseruationes ne-
gant. Quarto adde si in aere fixae forent, sub Sole hor.
12. dumtaxat morarentur, cum Sol, cuius diameter
est circiter m. 30. singulis diebus vnum percurrat cir-
citer gradum Eclipticæ, atqui Solem per 11. aut 12.
gradus Eclipticæ comitantur. Quinto quis vnquam
mediocri eruditus doctrina & sana mente præditus a
se ipso impetrare potuit, in aere, quo nihil est mobi-
lius, aliquid inesse & permanere? Sexto certus sibi que
cōstans earum motus & viæ regiae parallelus arguit
non in aere volitare & vago motu. per liquidum aera
eieri. Septimo denique defectus parallaxis necessaria
argumentatione demonstrat, longe ab aere dissidere,
nulla

nulla enim obseruari potuit, sed eundem situm fer-
uant, Sole in Meridie & prope finitorem; Si autem in
aere essent, maiorem præberent parallaxim quam Lu-
na, quæ magis à tellure recedit, Lunæ autem apogææ
parallaxis est fere vnus gradus, & quia Solis diame-
ter in perigæo est tantum m. 34. sub Sole mane & ve-
spere & extra Solem in Meridie fierent, atque toto die
eundem locum & situm in disco Solis occupant, vt
ipsi oculi testantur: Ex hisce rationibus apparet ma-
nifesto, Solares ipsas maculas realia esse corpora circa
Solem vagantia, vel erunt ergo exhalationes tempo-
raneæ ab ipso Sole effluentes vt maior pars recentio-
rum Astronomorum cum Galileo suspicatur, vel

*r de macu-
lis solarib.
pag. 142.*

8 Et si globi illi ætherei corpora opaca sint, di-
cere non possumus opacitatem illam eandem esse in
omnibus, & consequenter exhalationes & expiramē-
ta esse eiusdem consistentiæ, nam non est opinandum
tot globos in vniuerso & situ & motu diuersos esse
eiusdem naturæ & qualitatis, diuersitas enim situs in
primis, quo coordinantur mundana corpora, per se
arguit distinctionem specificam; quapropter fieri po-
tett quod exhalationes, quæ ab illis æthereis globis de-
ducuntur, cum variæ fuerint consistentiæ & opacita-
tis, varios quoque generent cometas respectu coloris
& resplendescentiæ, hinc Solares cometas (si forsitan
ex Sole halitus expirant vlli) omnium clarissimos &
lucidissimos esse necesse est, cruentos vero, plumbeos,
& aliorum generum ex halitibus reliquorū planeta-
rum

rum emanare. Sol cum caloris fomitem habeat intra-
tum; ad suasmet exhalationes eructandas nullo
agente indiget extraneo; quemadmodum in terris
Aetna, Hecla, Vesuvius mons atque complures, si-
cut itaque terra expirationes hasce internas euomens,
non discutit suam substantiam, vt secundum se tota
annihiletur, sic quoque & multo magis de Sole suspi-
candum est.

9 Exhalationes, quas Sol ex interiori sua substā-
tia diffundit, raræ sunt & tenues, condensantur post-
modum & constipantur in æthere ex aduentu reli-
quarum; sic quoque in nubibus fieri cernimus, in æ-
re ex vaporibus æ terra & aqua sublatis; hæc inquam
addensatio & constipatio obscuritatem quamdā pa-
rit ob multiplicitem superficialium, ideoque obscu-
re lucidos conspiciamus cometas: at Solares halitus ad-
densati quamvis lucidissimi Sole ipso lucidiores ne-
quaquam esse possunt, nam tantam non sibi compa-
rant densitatem, quantam habet Sol ipse.

10 Quod Sol sit corpus igneum seu actu calidū
à plerisque existimatur sensatissimum esse non minus
quam sit corpus lucidissimum, nam ad regendum &
vivificandum vniuersum duo videntur summe ne-
cessaria lux & calor, quæ à Sole in hac inferiore mun-
di parte præstantur libentissime, calor enim qui in So-
le est, ei nullam affert labem, nullam corruptionem,
est indeficiens & immortalis, velut cius lux: Quæ ad-
uersus hoc axioma ex Aristotelis Philosophia deprom-
unt Peripatetici, ab omnibus non amplectuntur,

extra Peripateticos parietes tuta nō sunt, cum itaq; tātis atq; satis sint controuersa, tā secure & confidenter nō debent nec possunt adduci in contrarię opinionis demolitionem, ignis enim nostras leuis est, ascendit ā centro ad circumferentiam, mouetur motu recto, contrarium habet atque corrumpitur, at isthęc non computant Soli. Nec verum est ex corporibus, quę communiter vocantur elementa, vniuersum ipsum integrari, / diximus sub Luna nullum ignem reperiri, aeremque ipsum totam mundi vastitatem adimplere, nullamque proportionem inter hęc corpora consistere respectu molis & magnitudinis, & in summa vniuersum ipsum alio modo ordinari quam Peripatetici statuunt.

*f lib. 4. c.
3. & 4.*

11 Dato quod aliqui cometę ex solaribus halitibus fiant, non hinc sequitur illos breuissimo tempore duraturos, cum ignis ille siue ardor non sit extraneus & destructiuus, sed cōgenus & naturalis illis halitibus, qui ex Sole fluunt & emanant, ideoque illico genitum cometam depasci vel absorbere non potest, sicut fit in Aristotelicis cometis; tam diu ergo durabit solaris cometes, quam diu maior ac solidior fuerit illius solaris materię moles & magnitudo, quę tandem paulatim diluitur & dispergitur.

12 Multa apparent in aere specie ignea, quę tamen ignita non sunt, stipulę ardentes, faces, lampades, bolides &c. inquit Rhotmanus, si enim essent hypercaumata facilius conflagrarent & extinguerentur quam aut traiectiones aut dracones volātes, videmus

*f de cometis
lib. 1. 585.
cap. 7.*

X enim

enim materiam eorum esse tam raram & tenuem, ut diu ignem continere non possit, cum igitur aliquandiu durent, potius phasmata quam hypercaumata sint necesse est: Quid enim si neque traiectiones sint ignes, ait * Mullerus, non sanè magis quam Castor & Pollux, quam fatui ignes, traiectio certe quam Robertus Fluth nouus scriptor Anglicus ante se delapsam persecutus est noctu, dum inuenisset, non substantia cremabilis erat sed illustrabilis, erat inquit materia viscosa & lubrica, compacta more spermatis ranarum, subalbida, obscure perspicua, distincta multis exiguis & nigris maculis, quæ non accensa, verum more speculi reddidit stellarum lumen.

Nos itaque de hac re philosophantes dicimus, quod Meteororum in aere apparentium specie ignea quædam vere ignita sunt, quædam illustrata, ignita putamus, quæ momentaneam habent vitam illico que conflaurantur & extinguuntur, & hæc ex pingui, uliginosa & sulfurea siue arida constare materia credimus, quæ æstu ut plurimum in frigidum aerem subiecta, in femetipsum compacta dum accenditur, species illas igneas discurrentes exhibet: Illustrata verò quæ diuturnitatem aliquam habent, radii enim Solis infra horizontem latentis cum incidunt in exhalationes in aere sublimiori existentes, illas illuminant & colorant; hinc variæ efformantur imagines, quatenus illa materia disposita est. At * Christophorus Scheiner vltro contendit caumata & chasmata, et æthero conspecta aliud esse nihil quam Solis radios

de cometa
ta 1618. p.
67.

x elliptico
p. 35. Re-
fract. califf.
p. 233.
Conclus. 8.

41113

人

radios aut etiam Lunæ refracte ex inferiore hemisphæro ad nostrum superius vaporum beneficio transmissos, & in eisdem receptos, varie tamen interpellatos, vel ipsorum vaporum inquietitudine, vel nubiū aut aliorum crassiorum corpusculorum intercurfatione. Quare non est rationi & experientiæ dissentaneum existimare quædam Meteora, quæ specie ignea apparent, ignita non esse, sed à Sole illustrata, ideoque ab hoc igneo colore argumentari non licere; exemplum habemus satis manifestum, planetæ enim igniti apparent, attamen eos à Sole illustrari certissimum est, ergo si nos asserimus cometas à Sole quoque illustrari nullum absurdum erit.

Item. Quemadmodum inquit & Keplerus inter planetas apparent stellæ crinitæ vulgo cometæ, sit inter fixas stellæ adeo similes cæteris, ut vix à peritissimis Astronomis internoscantur, discernuntur tamen eo quod tandem & ipsæ disparent, & ne videantur condi reuertique ut cæteræ, nullam habent apparitionis suæ regulam, nullum ordinem, & rarissime post multorum annorum adeoque sæculorum intervalla conspiciuntur: Neque tamen prorsus negarim, ait Tycho, sæpius à mundo condito euenisse, ut noua aliqua in ipso cælo, siue instar fixarum immota, siue ad modum planetarum erronea, existeret stella, ut ut id ipsum non sit scriptis mandatum, fieri etenim potest ut ab hominibus talium peregrinarum stellarum apparentia semper animaduersa non sit, ex quo paucissimi reperiuntur, quos

2 li. 1. epit.
pag. 12.

7 lib. 1. pag.
323.

cælestium sublimis cura tangat, nam nisi magnæ admodumque illustres sint eiusmodi peregrinæ stellæ, non cuilibet in oculos incurrunt, sed in tanta aliarum copia atque varietate, tum quoque consideratorum oscitantia, facile prætereundo negliguntur; harum stellarum exortum non ignoravit ^a Plinius, Nanque & in ipso cælo, inquit, stellæ repente nascuntur.

^a li. 2. c. 24.

Quod inter fixas eiusmodi adulterinæ & adscititiæ stellæ quandoque videantur, primus nos monuit Hipparcus Rhodius, cuius ævo inusitatum & nunquam visum apparuit astrum, credibile tamen est ante Hipparcum alias novas stellas visas fuisse; nam cum ante Hipparcum rudibus illis sæculis fortassis non habebatur exacta cognitio stellarum fixarum, atque earundem ordinatio, quando ergo novæ oriebantur cognosci non poterat, & hæc fuit

^b li. 2. c. 26.

caussa dicit ^b Plinius, quod Hipparcus distinxit loca, magnitudines & numerum fixarum, ut in futurum cognosci posset, num stellæ quæ viderentur, novæ fuerint an veteres: Post Hipparcum quædam aliæ novæ stellæ commemorantur visæ, at non multum fidendum est Historicis, num stellæ illæ novæ fuerint vel cometæ, tamen temporibus nostris tres apparuerunt satis insignes, prima anno 1572. in Catedra Cassiopeæ, secunda anno 1600. in pectore Cygni, tertia anno 1604. in pede Serpentarii; David Fabricius anno 1596. referente ^c Keplero, vidit stellam novam in Ceto, itemque aliam

^c Op. astr.
pag. 446.

Iustus

Iustus Byrgius in Antinoop, ipsemet Keplerus aliam
in pisce anno 1602. & Simon Marius aliam nouam se
vidisse, suspicatur in cingulo Andromedæ anno
1612. P. Ph. Plumaretus anno 1603. nouam aliam
apud Carolum Pisonem.

Equidem hæ stellæ nouæ in quatuor maxime dif-
ferre videntur à cometis, primo nullas comas getunt
sue firmata, secundo scintillationem eamque vhe-
mentem patiuntur, cometa enim proprie non scin-
tillant, tertio motui tantum diurno siue vniuersali
obnoxie sunt, nullum enim habent motum propriū,
& demum quarto non mutant locum, nullamque
admittunt aspectus diuersitatem, ideoque stellis veris
& situ & apparentius magis conformes quam come-
tis, differunt tamen à stellis veris in hoc, quod hæ pe-
rehnes sunt, perpetuoque apparent cum eadem ma-
gnitudine & splendore, at illæ temporaneæ, hoc est
per aliquod temporis spacium visibiles sunt cum ma-
gnitudinis & splendoris mutatione, conueniunt id-
circo adscitiuæ stellæ cum cometis in duobus, primo
nam disparent & euanescent, secundo quod in prin-
cipio suæ apparitionis maximæ conspiciuntur, dimi-
nuuntur deinde paulatim & successiue vsque ad in-
teritum, sicut quoque in cometis frequenter observa-
tum est.

Cum itaque ex communi cōsensu insigniū Astro-
nomorum hæ peregrinæ stellæ inter fixas appareant,
cumque absurdum sit opinari stellas de nouo nasci &
denasci, necessario dicendum erit, vel quod & ipse

d de stella
serpen. pag.
111. 120.

e in prefa-
tione mun-
di Iouialis.
f specul.
Phys. cap. 2

hæc 3 de 8
ad 12. 13. 14.
ad 15. 16. 17.
ad 18. 19. 20.
ad 21. 22. 23.

veræ stellæ sint cæteris coarctæ, vel quod sint corpora de nouo genita, quæ stellarum imaginem præseferunt. Qui stellæ putant in duas classes abierunt, quidam asserunt esse stellæ octauæ orbis ab Astronomis ob exilitatem corporis & lucis non animaduersas, ideoque in catalogo fixarum neque ab Hipparco vel Ptolomæo positas; quidam alii esse stellæ superiorum orbium, quæ non semper visibiles fiunt; priorem opinionem sequitur s. Franciscus Valesius, posteriorem verò b. Ioannes Heckius & Ludouicus Columbius.

g. de sacra
philosophia

cap. 1.

b. de noua
stella 1604

s. de noua
stella 1604

Existimat Valesius has stellæ quâuis exiles & minimas ob aliquam mediæ mutationem quandoque commode spectari posse, cum enim cæli partes, ait ipse, non sint æque crassæ, fieri potest ut ea stellæ incidens in partem aliquam proximi cæli densiorem reliquis, per quam densatum lumen maioris stellæ exhibeat speciem, deinceps verò inde decedens videatur esse minor, & nunc quidem aliquando exigua, aliquando nulla.

Et si Heckius & Columbius crediderint has stellæ novas esse stellæ orbium supra firmamentum, differunt tamen in quibusdam, primo putat Heckius supra firmamentum esse aliud cælum astriferum, ac non distinguit, num cælum illud sit novum vel decimum, apparet nihilominus ex eius verbis cælum illud esse immediate supra firmamentum; sed Columbius credit has stellæ novas esse stellæ primi mobilis siue decimi cæli, quod ipse stellis ornatum facit; secundo putat Heckius firmamentum ex

parti-

partibus rarioribus & densioribus constare, & hoc magis in via lactea: Si itaque ponatur cælum illud moveri super viam lacteam, excusabitur apparentia novarum stellarum, nam quando stella illius cæli transibit super partes rariores viæ lacteæ, tunc visibilis fiet, quando super partes densiores, occultabitur, densitas firmamenti impedit visionem illius astri, contra raritas aditum præbet visuali radio; Excogitavit Hec-
Kius cælum illud moveri super viam lacteam, nam tres illæ stellæ famosæ superius commemoratæ in via lactea visæ sunt: Sed Columbius opinatur tunc stellas primi mobilis siue decimi cæli videri posse, quando transeunt super partes densiores noni cæli, quod ipse similibus rarioribus seu potius magis & minus densioribus partibus compactum, atque anastrum facit.

Longum sanè esset ac permolestum si has opiniones sigillatim discutere vellem, & iam illico collabescunt, si vera sunt quæ antecedente libro cap. 1. recensuimus, nullos nempe dari reales orbes & solidos, & sic commentitia omnino esse & ab illis ad sui commodum & libitum effecta, quæ asserunt de cæli partibus rarioribus & densioribus: Et miror profecto quomodo hi, qui Aristotelis Philosophiam profitentur, hæc pronunciare possint, cum apud ipsum nil simplicius nil uniformius nil perfectius inter vniuersa mundana corpora ipso cælo, equidem hi coguntur reddere rationem, cur natura vnum & eundem orbem tot grumulis & tuberculis consarcinatum, hoc

est secundum rarum & densum ita difformem constitutuere voluerit, quasi imbecillis & rudis celestem illam consistentiam & substantiam per æqualem uniformitatem extendere & dilatare minime potuisset, de qua re & supra quoque verba fecimus.

¶ lib. 3. c.

6. ratione.

7.

lib. 1. p.

576.

At speciali ratiocinio sententiam Valesii stare non posse conuenitur Tycho, si enim id locum mereretur, sane non solum in stellis minutulis, sed etiam in aliis maioribus idem saepe numero contingeret, in tanta enim stellarum copia, orbiumque numero & vastitate, aliqua eius partes, si quæ essent densiores, hanc vel illam subitus transirent, atque aliquandiu solitro plus illuminatam cerni efficerent, imo stellæ, quæ huc minutule & exiguae vicinæ sunt, per illam partem celi densiorem etiam gradioretes viderentur, quod tamen nulla hæcenus docuit experientia, citra quam aliquid statuisse velle, siuolum est. Accedit & hoc quod hæc stellæ prope horizontem visæ, per refractionem extra locum proprium viderentur, nam apud horizontem stellarum radii oblique ad nos pertinent, at constat satis has stellæ & prope verticem & prope horizontem nunquam locum mutasse, diuturnitas & constantia harum faciem suspectam quoque reddit hanc cogitationem, stellæ enim quæ appa-
ruit in pectore Cygni anno 1600. adhuc visitur, quomodo ergo per tot annos isthæc cæli pars densior consistere potuit sub illa exigua & minutula stellâ. neque credendum est densiorem illam cæli partem stellâ exigua & inuisibilis lucis ita magnam & stellis pri-

mi ho-

mi honoris æqualem repræsentare posse: Quæ specia-
liter aduersus Valesium euulgauit Tychonem etiam
habere aduersus Heclium & Columbium certum est,
cum horum cogitata iisdem nitantur fundamentis,
partibus videlicet deſionibus & rationibus solidorum
orbium, quamuis aduersus Columbium plura scri-
pſerit Alimbertus Maurus; Neque verum est om-
nino quod ait Heclius, ſtellas nouas in via lactea
dumtaxat videri, nam ſtelle viſæ à Fabricio in Cæto,
à Keplero in Piſce, à Mario in cingulo Andromedæ
non ſunt in via lactea.

no de ſtel-
la noua.
1604.

28 Sed ſi libere Philoſophandum eſt cum recentiori-
bus Aſtronomis, qui exiſtimant nullos dari orbis rea-
les & ſolidos, ſed aſtra per ſe moueri in æthere liqui-
do, tutius erit opinari cum Blaucano, has ſtellas no-
uas non eſſe, ſed veteres cæteris coarctas, tamē houi-
ter apparere, dum enim remotiſſimæ fuerint & in æthe-
ris profundo, non videntur, conſpiciuntur tamen cū
verſus terram deſcenderint, cum itaque per ætherem
recta aſcendant vel deſcendant, quid mirum ſi earum
apparens magnitudo variatur? hanc quoque opinio-
nem ſequitur Cornelius Gemma apud Tychonem,
quæ ſane abſurda non videtur, tamen ab obſectioni-
bus quibusdam omnino ſecura non eſt, nam ſi hæc
aſtra deſcenderint veſſus terram, initio minora, dein-
de paulatim maiora cernerentur, ſecundū quod ma-
gis vel minus ad terram acceſſerint, contrarium do-
cet experientia, initio maiora apparent, deinde pau-
latim minuantur. Item ſi hæc aſtra diſcedunt à ſtellis

n ſphæ. p.
350.

o lib. 1. p.
563.

fixis

fixis per ascensum rectum versus sublimiores ætheris partes, tunc visa ab eadem vel diuersis terræ regionibus non viderentur in vno & eodem loco inter fixas, nec easdem à vicinis stellis distantias retinerent, sed bæ stellæ nouæ semper apparent in eodem loco inter fixas, semperq; easdem à vicinis stellis distantias retinent, quare cõstat manifestò has stellas non recta ascendere vel descendere, sed fixas cum reliquis semper manere; mitto quod iste motus rectilineus, nõ competit astris.

Quare cum tutum non sit asserere has stellas, quæ nouiter apparent, veras stellas esse & cæteris coæuas, aliud profecto dici non potest, quam sint corpora de nouo genita, quæ stellarum imaginem præferunt, quam opiunionē recentiores plerique amplexati sunt: sed arduum est sanè cognoscere & determinare quomodo inter fixas talia corpora generentur, & ex qua materia; necessario ergo vel fiunt ex halitibus celestium globorum, vel ex ipsomet æthere addensato, sicuti quoque dictum est de cometis, credibile nanq; est inter fixas esse etiam globos opacos, à quibus effluant halitus & expiramenta, à calore stellarum fixarum forte deducta, equidem cum stelle fixæ lucem habeant internam & vehementem, calorem quoque habere necessum est, sunt enim veluti Soles, & si propter immensam distantia illarum stellarum calor nobis non sit sensibilis; illos globos inter fixas putamus esse opacos, qui nullam vel exilè admittunt scintillationē, quæ valde parum aut nihil omnino splendent eorum

rum

rum numero putamus quoque esse stellas, quas nebulosas vocant & quædam alia corpora prope poli Antarteticum, quæ tanquam albicantes nubes conspiciuntur è regionibus Australibus; isthæc enim omnia corpora tenebrositatem quandam præferunt & opacitatem; nec absurdum videri debet, inter fixas hoc est in illa mundi parte tales globos opacos reperiri, cum rationem non habeamus, cur dumtaxat infra stellarum fixarum prouinciam huiusmodi globi opaci consistere debeant, & non in aliis immenso mundanæ amplitudinis locis: Hæc assertio siue coniectura oppositionem patitur, nam dato quod inter fixas sint tales globi opaci, & quod ab illis expirent halitus, qui inuicem congesti & à luce stellarum fixarum illustrati verarum stellarum imaginem præferant, verisimile non est quod per æthera non moueantur, sicuti videmus in cometis, quorum materiam etiam ex halitibus similium globorum constare diximus, at hæc stellæ adscititiæ inter stellas veras quoque fixæ & immobiles permanent, ex qua vnica nota opinamur stellas novas hoc modo generari non posse.

Si ergo stellæ peregrinæ de nouo generantur inter fixas, cogimur postremam sententiam ræquam probabiliorem laudare & amplecti, nempe hæc noua corpora fieri ex ipsomet æthere condensato: Quamobrem si talis est admittenda nouarum stellarum generatio, arduum non erit apparentias excusare; apparêt enim inter fixas in eodem semper loco & situ, semperque eadem tuentur distantias & configurationes cum

vicinis

vicinis sideribus, quia inter fixas, siue in illa mundi parte talis facta est ætheris condensatio; hic inquam æthereus globus addensatus tum ætheris genuina pel-
luciditate, tum vicinarum stellarum splendore illus-
tratus tanquam altrum cōspicitur. Scintillationem
etiamque vehementem patiuntur ita peregrina stelle,
non solum ob puritatem suæ substantiæ, quia æther
quanto sublimior, eò sincerior & defecatio, sed mul-
to magis ob multiplicitem lucis vicinarum stella-
rum, nulla gestant, symmata & caudas, quia æther so-
lide concretus nullum præbet aditum stellarum ra-
diis; magis & minus coruscant & resplendescunt, ma-
gis & minus durant, secundum quod æthereæ mate-
ria magis & minus compacta est, ideoque magis &
minus idonea ad resplendescentiam suscipiendam &
diuturnitatem splendor & magnitudo paulatim di-
minuitur, quia ætheris illa condensatio siue concre-
tio & cum ipsa lux annexa paulatim dissoluitur &
deficit vsque ad vltimam perniciem.

Quod nunquam sit obseruatum cometas eclip-
sim passos fuisse, signum manifestum cometas illos
non fuisse sublunares, sed per illam mundi partem
ætheream euagatos, ad quam non pertingit terrestris
vmbra cōpūs, & si forte aliqui cometæ apparuerint
parum supra Lunam, hoc est in situ, ad quem perue-
nit vmbra terre, mirum non est si eclipsati non fue-
runt, nam cometæ præcise non mouentur sub Ecli-
ptica, sed ab ipsa longissime digrediuntur; quare cum
cometæ in diametralem Solis oppositionem non

perueniāt, quod omnino necessarium est ad eclipsim cometæ, quatenus cometes est corpus à Sole illustratum, ergo cometæ eclipsim nullo modo pati possūt; fateor quidem cometas eclipsari posse, si sub Ecliptica existentes ingrederentur vmbra[m] terræ, vel vmbra[m] Lunæ, lous vel alterius planetæ, si per altiores mundi partes versarentur.

15 Solis lumen per caput cometæ traiectum & si in immensum protenditur, nisi tamen fuerit collectum & congestum non videbitur, quando itaque cometes paruos & exiles poros habuerit & raritates, non tanta lux Solis traici potest, quæ collecta per aliquod ætheris spaciū visibilis fiat, & in hoc casu criniti efficiuntur cometæ, diximus cap. 2. huius libri, quod si spacia illa, per quæ Solares radii transmittuntur, ampliora vel angustiora fuerint, longior vel breuior, crassior vel gracilior erit ille barbarum siue caudarum tractus.

Observationem tutam non habemus quod aliqui cometæ effulserint in confinio stellarum fixarū, ideoque statuere non possumus num illi cometæ longa vel breuia gerant syrmata; ex placitis quorundam recentiorum Astronomorum cometæ inter planetas frequenter visi sunt, at inter Saturnum & fixas immane intercedit spaciū, & maxime si spectemus systema Copernicanū; Credo equidem ad fixarum altissimam regionem lumen Solis in tanta claritate non pertingere, quod ex illustratione planetarū satis euincitur, quare cometas eos, qui longissime à prouincia plane-

planetarum si fortassis enascuntur, à Sole exiliter illustrari & absque effluxu lucis satis conspicuo libenter concederem.

16. Si verum est cometas esse corpora illustrata, ut nos contendimus, necessario hoc opus Soli tribuendum est, is enim lucis mundanæ fons est & origo, in hac re nihil iuris habent reliqui planetæ, cum luce luceant aliena, nempe solari; Et si quandoque visum est corpora à Venere illustrati, ut de Luna lumine destituta tamen à Venere illustrata scribit p. Ioannes Baptista de Benedictis, tanta profecto lux Veneri concedenda non est, ut ab ipsa cometæ caudati vel barbari fiant, si itaque hoc denegatur Veneri, quanto magis Mercurio: Sincere fatentur q. Tycho & r. Snellius cometarum caudas quamvis in principio Veneri auras paulo post in Solis diametrum tandem transiisse, & iubaris illius effluxum à Sole processisse; Venus enim & Mercurius parum à Sole distant, ideoque decipi facile possunt qui caudarum situm & progressum contemplantur: Ad cometam anni 1558. respondet

p. *Epist. Math. pag. 257.*

q. *Epi. Astr. pag. 142. r. de cometis 1618. cap. 5.*

f. *Epi. Astr. pag. 144.* Tycho, quod ductus illius caudæ ex observatione unius diei assignatus est, & non ex toto durationis tempore, quæ observatio etiam à suspitione non vacat, nam Cornelius Gemma contrarium asseruit, qui eodem die caudam observavit in Solis oppositum stetitisse.

17. Solis radii cometarum corpora traicientes possunt dissipare & dispergere materiam cometicam ut caloris tantum; Sic penes nos hic interris, dicebat

Keple.

* Keplerus, Sol è linteis omne genus colorum extinguit & delet, materiam, in qua color hæret, discutiens quoadusque planè candidissima fiant, quod si filamenta linteorum essent pellucida, vñ iam de cometis dictum; puto denique consumptum iri à Solis ardoribus: Nec obstat quod dicitur, quia radii Solis in cælo calorem non efficiunt, vbi non est aer, nam secundū nostras hypothèses cæleste illud spacium aereum est; Et quamvis materiam in halitus dissolutam eorum, quæ à Sole plerumque hic in terris dissipantur, Sol ipse per vim suorum radiorum ad se trahat, non ideo in cometis idem fieri debere conuincitur, nam quæ hoc modo à Sole dissipantur, ex terrestri & aquæ materia constant, quorum resolutio hoc modo fit, at secundum nostras hypothèses terrestris vel aquæ non est cometarum materia, & eorum maxime, qui longissime à terris fiunt in æthereis mundi spatiis, ideo eam hoc modo dissolui necesse non est, fieri potest quod ætheris vel æthereorum halituum (ex quibus plerumque comete fiunt secundum nos) addensata subitantiā hoc modo à Solis radiis in eius oppositum dissipari ac dispergi apta sit.

§ 8. Et si comete dicuntur veloces & tardæ quia nunc motum augēt nunc remittunt, quod satis vulgare est, nulla tamen ratione negari potest, quod comete respectu distantiae & propinquitatis tardæ quoque & veloces non dicantur, quod etiam agnoscit Arist. nam reddens rationem cur sidera discurrentia, trabes, capræ & reliqua eiusmodi ignita Meteora ce-

u lib. 1. Meteor. c. 3. in fine.

lerius

* Euclid.
perspect.
prop. 56.

lerius videntur moueri quam astra & Sol & Luna, respondit quia sub Luna fiunt, & sunt prope nos, & nihilominus horum Meteororum motus inequalis est, at ea, quorum æqualis est motus, secundum distantiam & velociora & tardiora videri, ex * Opticis manifestum est; quomodo cunque igitur regulariter vel irregulariter ascendendo vel descendendo moueantur cometae, semper distantia tardio rem nobis repræsentabit cometæ motum, quam propinquitas:

Nec cometarum motus adeo enormis & irregularis censendus est, vt nullam omnino præferat regulam & proportionem, verum quidem quia corpora temporanea sunt, regularem vbique motum, quemadmodum in astris cernitur, quæ à certa quadam videntur, nullo modo custodire vel tueri possunt: Multa narrantur apud veteres de admirandis cometarum motionibus, quibus non multum fidei tribuendum est, cum oculari tantum inspectione absque instrumentis, & exacta cometici itineris dimensione contemplati sint, de quibus occasione sumpta à cometa Regiomontani sic scribit Mizaldus, cæterum si ex centenis cometis vix vnum tam prodigiosi motus reperies, culpam in obseruatores reicere omnium maxime debes, qui oscitanter & perfunctorie quicquid his in rebus hodie extat, paucos excipio, tradiderunt & de scripto exposuerunt, quod an crassa quadam rerum celi ignorance, an uerò inuidia & negligentia despectuue factum fuerit, censebunt alii; Præfata quoque obseruatio Regiomontani y Keplero suspecta est,

Nec

2 lib. 4. cometograph. c. ultimo.

y de stella Serpentarii pag. 115.

Nec impediri possum inquit, quin credam Regiomōtani cometam anno 1475. ipsam Lunæ sphaeram recto motu traieciſſe, proximeque terram veniſſe medio apparitionis tempore, cum vno die 4. signa longitudinis, & in circulo magno 40. gradus confecerit, cauda incredibilis longitudinis 50. graduū, cum ante & post & cauda & motus fuerint admodum exiles.

19 Præfatæ obiectiones habent locum aduersus

20 motum rectilineum Guiducci, ſed non aduersus motum rectilineum Kepleri, quem nos cometarum apparentiis magis conuenire exiſtimauimus, nam cum motus rectilineus Guiducci ſit obligatus, hoc eſt ad terram perpendicularis, verum eſt quod cometa ſecundum apparentiam nunquam peruenient ad verticem, ac toto durationis tempore non abſoluerent ſerè vnum gradum, quod eſt contra obſervationes. Sed ſi concedamus cometas moueri motu rectilineo libere per amplitudinem ætheris, nihil eſt impedimento, quod ad verticem peruenire, tanquam ab omni obligatione ſoluti, ac toto durationis tempore plures gradus & plura ſigna percurrere non poſſint.

Concluſio I V.

SVnt ergo cometę potius corpora temporanea in æthere apparentia, ex eodem æthere condensato, vel ex conſtipatis æthereorum globòrum halitibus genita, á Sole tamen illuſtrata, vt opinantur recentiores Aſtronomi.

Peroratio totius dissertationis.

*d in fine
narratio-
nis prima.*

QUæ à nobis de cometis deque cometica philosophia dicta sunt iuuenes studiosissimi, omnia in gratiam vestrum elaborauimus, quibus à principio morem gerere & secundum nostras vires satisfacere, nobis incubuit & cura & studium, hos igitur nostros, qualescumque fuerint, labores, æqui bonique consulite: Nec quæ à nobis proposita & disputata fuerunt, sic esse pertinaciter contendimus, ò vtinam hominibus datum esset arcana naturæ & penetralia perlustrare: Id autem ab initio nobis proposuimus, vos videlicet commonefacere, quid de cometis recentiores Astronomi sentirent ac opinarentur, quod ni fallimur & si compendiose, diligenter tamen præstitimus: Finiam tandem cum ⁴ Rhetico, Verum vincat veritas, vincat virtus, suusque honos perpetuo habeatur artibus, vt quilibet bonus suæ artis artifex in lucem, quod profit, proferat, atque in hunc tueatur modum, vt veritatem quæsiuisse videatur.

Finis Quinti Libri.

Errata corrigenda.

Pag.	Ver.	Errata	Correcta.
3	9	ast	est
10	25	non ibi	nam ibi
21	7	vinatores	vinatores
23	30	conueniet	conuenias
25	6	Cblius	Cbius
31	21	non	non
32	1	sunt	sunt
	27	immunis	immanis
33	15	moheantur	moheantur
34	1	destruandas	destruendas
	18	Hæc	Hæc
35	11	determinatum	determinatum
41	1	efficiunt	efficiant
	12	Telescopio	Telescopio
44	21	demonstrunt	demonstrant
46	7	exacta	exacte
	26	externis	extremis
52	17	si	sic
53	13	opus	opus est
	24	ab	ab
68	16	loci	loci sunt
69	7	situs	situs
108	3	est	est asserere
	12	quem locus	quam locus
159	7	hic	hinc
160	2	temerari arcerio	temerario arceri
166	29	Tycho	Tycho
174	29	assumpto	consumpto
177	12	coloris	caloris
183	17	sinium	finitum
185	15	motum	motuum
186	27	circumducant	circumducunt
193	13	in signum	insignium
201	10	fiendum	fidendum
216	17	inquam	in quam
221	3	condensat	condensans
231	4	connexa	conuexa
	19	apparentis	apparentijs

Errata corrigenda.

Pag.	Ptr.	Errata	Correcta.
237	20	mininum	minimum
244	1	BAE	DAE
246	5	accidentalıs	occidentalis
257	14	cometas	cometes
260	14	pet grad.	per grad.
263	26	sic	sit
266	3	pianeta	planeta

In Postillis.

Pag.	Post.	Errata	Correcta.
51	2	de coris	de aeris
148	2	Diaphanam	Diaphanon
160	m	cap. 6	cap. 6.
172	q	Pranosup.	Pranoscop.
173	y	Scot. 3.	sect. 3.
234	t	1615	1618.

Errata leuiores ut commarum, punctorum, literarum, euer-
farum, quæ vel defunt vel superſunt, & reliquorum ſimilium
facile à perito Lectore abſtergentur.